


余山集



清人別集叢刊

余

山

集

上

上海古籍出版社

《清人別集叢刊》編印緣起

一、在馬列主義、毛澤東思想指引下，全國億萬人民正在爲實現社會主義現代化而進行新的長征。爲了適應學術研究日益增長的需要，進一步開展批判繼承和清理我國的古代文化遺產，以達到「古爲今用」的目的，我們決定有計劃地影印一批古籍，作爲古籍整理出版工作中的一個組成部分。

二、清代上承二千餘年封建社會的殘局，下開百年來近代史的新面，在政治、經濟等方面都有重大的變化，文化學術上也留下了大量反映這些變化的著述。《清人別集叢刊》的刊

行，就是試圖從衆多的清人著作中，以作家爲主，選擇其內容較有價值、板刻較精而又流傳稀少的集子，加以影印出版，爲學術界提供研究資料。

三、本叢刊所收別集，其思想內容上的選擇標準如下：（一）在文藝上較有成就，或能代表一種傾向和流派的；（二）在思想史上有較重要地位，或影響較大的；（三）在學術研究上有相當貢獻，可供今天借鑑的；（四）保存史料較多，可藉以考見當時政治、經濟和文化等方面的若干情狀的。

四、本叢刊於所收別集的板本，皆力求精善，全部影印，以期保存原書面貌。板本選擇原則如下：（一）未經刊刻者盡量

用稿本或精鈔本；（二）已經刊刻者盡量用原刻初印本，或經原作者校正增補的定本。

五、由於我們對影印古籍的經驗不足，且於清人別集的調查研究也未能深入，工作中一定會存在很多缺點，熱切地盼望讀者和專家們隨時指正。

最後，本叢刊在編印過程中承國內各大圖書館熱忱協助，提示對選題的意見，並惠借最精板本，對此我們表示衷心的感謝。

上海古籍出版社 一九七九年十月

據北京圖書館藏清
康熙刻本影印原書
版框高一八九毫米
寬一三八毫米

出版說明

《螽山集》十二卷，續集《四游草》四卷（北游、徐杭游、魯游、西江游各一卷），又續集五卷，共二十一卷，清方文撰。

文字爾止，一名一耒，字明農，桐城（今屬安徽）人。生於明萬曆四十年（一六一二），卒於清康熙八年（一六六九），終年五十八歲。明朝桐城方氏，是一大家族，以仕宦、治學稱於世者頗多。文父大鉉，萬曆進士，任戶部主事，早卒。文少孤，與從子以智年相若，同學達十四年之久。以智入清，以氣節學問著；文入清亦以氣節著，並負詩名。叔姪二人同是明末清初

桐城方氏的佼佼者。龔山即塗山，取名之意詳見本書序跋。

方文一生，正當明朝滅亡、清朝初定之時，他親身經歷了這一大動亂大變革的時代。《龔山集》中不少篇什，就是真實地抒發了作者對時事的憂慮，以及鼎革後的亡國之痛。大約甲申（崇禎十七年，一六四四）以前爲一階段，明王朝在農民起義浪潮的激盪下，搖搖欲墜，有識之士無不有大廈將傾之感。

《龔山集》中對此多有所反映，可稱爲前期之詩；甲申變後爲另一階段，是爲後期之詩。後期的詩作，較多的是故國之思。

朱書所寫《方龔山先生傳》中（見本書續集卷末），記載他曾當衆指責仕清貴爲大學士的陳名夏，姑不論是否真有其事，却

可說明他的強項的歷久不變的遺民之志是頗爲時人所稱道的。

方文詩的藝術成就，亦可有前後期之分：前期學杜，多蒼老之作；後期專學白居易，明白如話，長於敘事，這在清初詩壇也是矯然不羣的，因此頗受譏評，以爲淺俚可笑（見《池北偶談》、《靜志居詩話》）。但是與王士禎齊名的施閏章評論說：「爾止爲詩，雖民謠里諺，塗巷瑣事，皆可引用。興會所屬，衝口成篇，款曲如話，真至渾融，自肺腑中流出，絕無補綴之痕。」（見《明詩紀事》引《愚山集》）這對《蠡山集》中諸詩來說，應是中肯的評語。

方文在明朝，僅爲諸生，未及出仕；在清朝更只能靠游

食、賣卜、行醫爲活，所以一生窮困。但交游遍朝野，名流無不與交。明末清初知識界的有名之士，在《孟山集》中幾無不可以考見，因此除它本身的文學價值外，更有一定的史料價值，對文學研究和歷史研究都是可供探索之用的。

《孟山集》流傳不廣，各家著錄，多有錯漏。王槩（方文之婿，繡水人，字安節）於康熙二十八年（一六八九）所刻全集，首尾完整，除卷七即事三首之二有句曰：「草莽自能標漢幟，衣冠不肯拜□□」，其中剋空二字，顯係羶胡一類字眼，以示有所避忌之外，其他違礙之處尙無刪改痕跡，想見其時文網不如後來之密，得以存真，自足可貴。今即據北京圖書館所

藏原刻本影印，所缺續集卷五第二十三頁及跋二篇三頁，則係據中國科學院圖書館藏本補入。

上海古籍出版社 一九七九年十一月

金
山
叢
集

古
懷
堂
藏
板



禽山集序

關中李楷撰

桐城方子爾止之詩凡若干卷諸體咸具河濱子序之曰夫論詩而好譏議人者此其人不足與言詩也其意以爲不排人無以自見故於古人亦反唇焉繇此推之必律天下之人皆歸於己一軌凡古人之不合於我者輒訾其瑕顙使聞者無不驚而畏之曰夫夫也且出古人上其誰敢與之爭嗟乎古人何易言也古之人先得我心亦猶我之先得乎天下後世之心也與我同者我趨之與彼同者彼趨之古今一揆是非無定必引彼以就我與強我以適彼皆不然之事也或彼或我自成一

家而已矣乃世所援以爲口實者元輕白俗郊寒島瘦

予竊以爲不然夫微之樂天東野聞仙豈復有堪爲姍
笑之資哉後之學者不得其精神之所存而皮相之耳
食之羣而吠之以輕俗寒瘦槩古人之一生古之人其
心折乎若四公者皆自成一家者也夫家者異於遊歷
與寄寓者也跋涉之途不足以當一宿一宿之旅不足
以當流寓流寓之所不足以當故廬以是知岐出岐入
泛泛然而無所歸者皆失其家而家他人之家不能以
自立我之亞旅我之苗裔將安歸乎古人爲人之所歸
而或以其異已則曰非我家也然不謂之汝家乃遂訾
之曰此未足以爲家嘻其甚哉方子於詩無所不學而
歸宗無二其詩必自成一家故其言曰樸老真至詩之
則也予觀草木之華香艷沁人結而爲果堅確可舉方

子之詩詩之果也樸老真至則果之熟時也方子以
山名集本於離騷天問何娶彼侖山而通之於台桑蓋
侖山卽尚書之塗山也其地或云在會稽以在鍾離者
爲正方子之意遠矣方子名文字爾止又名一未字明
農



同里八十老人姚 康撰 休那

謂詩文必窮而後工者大約取證汨羅杜陵諸君子顧楚之爲國唐之爲天下當其時皆何如其窮豈獨一人哉夫必窮其人而後工其詩文詩文可不設矣乃至窮天下之人以工一人之詩文司命者之需於詩文又何爲也世言不讀萬卷書不行萬里路讀不得杜詩政恐讀萬卷書行萬里路而非身經一時之變者亦讀不得杜詩自子經變以來舉頭向天不復知日月所在乃得讀爾止詩老眼頓明蓋今之爾止昔之汨羅杜陵也非三君子此三代者遂成黑暗地獄矣乃知窮天下之人以工一人之詩文者爲一人之詩文成而天下始有所

托此司命者之微意也夫天下之內天下之外有大物焉以持之者理也而詩之需於此者獨少焉過不在理也如五穀之取精元化者不過一歲之滋而住世者賴之至五金八石之壽皆萬歲而或至殺人其德乃不逮一歲之穀過亦不在金石也砒霜之爲物也人食之死龍食之肥則砒亦不死之藥而食之死者其脾胃不龍若耳生民以來忠臣孝子之心何一不出於理忠臣孝子之言何一不歸於理愈理愈奇愈韻理者詩家之大藥特非其人不得而用之忠臣孝子之制作固龍之脾胃也與嗟乎惟理之窮亦久矣有爾止詩而理得所托天下與托焉此天下甘爲爾止窮不怨也長沙之吊汨羅曰歷九州而相君兮何必懷此都也蓋自傷所

遭不逮汨羅顧使以賈生而當永嘉靖康時頗得作此
想否故非司命之大仁大忍以窮一人而因大窮天下
人尚足誤我賈生未可與讀騷矣况他人乎然則所謂
一時之變今用之者兩人可也作詩者用之爾止是也
讀詩者用之休那是也

龔山全集編年目次

前集

自戊寅至丙申

卷一至卷二

五言古

卷三

七言古

卷四至卷五

五言律

卷六至卷九

七言律

卷十

五七言排律

卷十一

五言絕

卷十二

七言絕

續集

自丁酉至辛丑

北游草

丁酉戊戌

徐杭游草

己亥

魯游草

庚子

西江游草

辛丑

再續集

自壬寅至巳酉

卷一

五言古

卷二

七言古

卷三

五言律

卷四

七言律

卷五

五言排律五七言絕

龔山集卷之一

集白丙子訖丁酉是冬北土諸詩載北游草後俱編入續集

皖桐方文爾止著

黃州王澤弘吳廬定

壻繡水王 躬安節較

五言古體

秋夜飲顧與治齋中

丙子

英英天上雲皎皎雲間月清暉在山川流光及城闕南
皋有芳逕秋蘭應未歇各攜一尊酒相與坐林樾主賢
賓亦嘉高言隨風發白露變爲霜夜久濕羅襪不惜霜
露冷所患餅壘竭哀鴻從東來神思共飛越嗟予懷昔
遊逸氣凌溟渤歲月曾幾何劉蘇已奄忽劉同人蘇武子弊篋
保遺篇荒丘掩枯骨感此淚霑臆憂來不能抗朝爲美
少年暮已垂白髮懽樂須及時沽酒市肴核仰視明河

金山集
低恒星曙將沒織女不成章牽牛不服輓萬象均虛名
何爲自飽餽願與同心人西山采薇蕨

李臨淮玄素招集松筠閣

丁丑

大經生秋雲流陰被芳甸之子蓄奇懷中宵肆良讌升
階秉華燭四座萃羣彥旨酒一以滑嘉魚一以薦琴箏
非昔響商羽因時變蓮閣有餘址貝葉存遺卷緬懷古
哲人芳薇幸未遠起步梧竹間微颺冷然善

玄素先公
有貝葉齋

青蓮閣諸集行世

石橋懷與治

昔年居南邨卜隣近君子春秋多晏閒朝暮承音旨三
日不相見形神网依止風人咏采葛誰能別離此今年
居北門相去八九里君子抱冲素往來艱步履我行遭

冠亂憂患在遷徙經旬甫一過言笑無片晷都門復戒
嚴黃昏斷行李所以夏徂秋勺酒未嘗醜衡門石橋畔
屋瓦蔓瓜藟橋上見明月橋下聞流水南村路何許睽
孤情尚爾况乃隔中州伊人渺江汜回首念昔游感嘆
不能已願爲雙鴻鵠比翼凌風起

雲間五子詩

戊寅

刪李雯一首

陳臥子子龍

大雅隕霜露周行蔽蕤蕪浩浩穹壤間誰秉達士模東
海產羣彥跣跣才不殊陳子特英勇揚鑣奮前驅惠心
燭千仞雄風扇八區仰視秋鴈翔俛掇春華敷左顧金
瑯玕右盼貂襜褕琢詞凌謝鮑吐畧師孫吳所願樹弘
業豈爲榮一軀盛年構仁主布武游天衢從政白雲曹

銜恩日南隅，鷓鴣未及鳴。護艸歛已枯，匍匐返中阿。聲詩播上都，名與五賢齊。千載信不渝。臥子觀政刑部作五賢詩謂王李七子五子皆官刑部也

彭燕又寶

時俗何工巧，改錯肯繩墨。文區旣波詭，辭府亦雲慝。彭子懷古懽，眷言崇令德。馳情抗三代，弘覽包九域。倡言發新聲，標義遵往式。衆星光離離，共指勾陳側。長樂旣軒翥，時夏彝仲授長樂令惠州亦遐陟。陳臥子授惠州李傷彼寒泉井，過時人不食。行路或咨嗟，達士乃恬默。南方有奇鳥，丹丘歛羽翼。朝飲澧水泉，暮食梧桐實。應運翔中天，將以輝王國。當其未遇時，凡鳥豈能測。

徐闇公孚遠

閣公青雲器，整伏東海濱。神理何淵浩，標持亦嶙峋。博覽崇漢魏，纖辭鄙梁陳。作賦擬三都，著論侔過秦。所務在秋實，不獨春華新。俯仰千載間，王綱頽復振。祿食逾千億，誰是英雄人。君懷經世畧，自比管樂倫。挾策不見收，壯志猶未申。垂竿泝澗水，長與鸞雀親。六翮豈終鍛，行矣凌秋旻。

朱宗遠灝

曉日游湖山，輕烟動微吹。黃浦湛清華，機山藹蒼翠。須臾雷雨作，天水相虧蔽。上疑虎豹鳴，下見蛟龍戲。山川富變化，鍾靈詎一致。雲間數君子，文質頗相似。宗遠何獨奇，流韻迥孤異。杼柚象天工，五采互交織。厥文信奇險，厥人迺溫懿。辭榮慕王霸，干祿笑毛義。家園蒔藥荷。

石戶封薜荔有時拂絹素忘言寫高寄彷彿龍眠圖不
數輞川記內美何紛吾令余發長喟

單質生見訪僧舍并惠三忠集畲此

高樹引秋蟬空梁逝春燕昨宵微雨集重陰滿僧院之
子一來過羈人共談謙秀采本淪漪腴詞復菁蒨內秉
金石姿匪直情婉變稽古式芳躅懷忠耿遐眷下上漢
宋書獨愴武侯傳煩寃痛鵬舉軾軻欽履善流覽未及
終風嶽宛可見泪余有同心參差淚如霰

三忠蓋諸葛武侯岳鄂王文信公也鵬舉鄂王字履善信公字

畱別楊愛生兄弟

新秋游雲間載啟楊子闢

時尊人龍友爲華亭廣文

楊子邈何之白

下仍未歸琴書雖寂寞舍館含清暉仲子出迎客芬馨

襲人衣徜徉梧竹下魚鳥皆忘機伯子從吳來停橈卽
開扉金罍貯名酒玉軫揚高輝一杯彈一曲所願無乖
違如何含茲去刷羽西南飛江南雜秋樹遠望帆影微
相送徒悠悠相思乃依依安得費長房以解長渴饑

送萬茂先應徵北上

之子遊白門僦居近長干臥病罕酬酢戶外秋陰寒我
來自吳會芳艸露已溥一揖未及終沃若平生懽同心
指松柏高言洽芝蘭惠我瑤華篇佐以青琅玕感茲意
纏綿盛之雙玉盤所恨舊京廣敞廬偏西安千居西道

安門

道

里何阻修來往徒步難揚鞭日一過話言傾肺肝薄暮
催歸去中宵起浩歎雞籠山崒崒秦淮水瀾漫商飈降
園囿柔條坐催殘燕鴻相背飛各自振羽翰我行歸故

鄉扁舟發江湍君行應明詔驅車渡桑乾執手莫能別

含情多悲酸仰視天宇空客星光桓桓聖人勞寤寐張

羅五雲端莘野釋耕耒礮溪揮釣竿之子起南州善類

鮮不歡陳君既叱馭

時士業已授晉州

劉子亦彈冠

伯宗亦沈將戒途

生三上書至言道不刊執政雖未收高風激頽瀾

三疏

勅時相忌者不令封入

我觀今日勢危殆如累丸寇盜盈中州戎

馬驕三韓旱澇復頻仍民力業已殫子成萬言策炯炯

一心丹須臾奏承明崇班入鸚鵡罩罩歌嘉魚坎坎咏

伐檀錫爾一命榮慎勿卑小官丈夫志功名尺寸亦可

觀何爲守章句盛年栖考槃行矣促蒲輪前途願加餐

病中東錢吉士

已卯

夙齡抱微尚思君良有年吳門罕觴詠白下曠舟旋山

川修且阻中懷鬱不宣三復蒹葭詩悒悒誰爲傳
伯宗游虎丘尺書因風發君復游嘉禾雙魚冷秋月思
情日已深音問日已闕三年不相見微衷詎能竭
憶昔城南寺道體方違和杜門謝車馬不敢頻相過今
茲來長干我病且柰何撫枕長歎息仰天發浩歌

送王幼公之毘陵

商飈振林薄脫葉盈江澗衆艸旣衰歇鷓鴣復鳴悲東
家娶新婦西家守空帷物候本不殊苦樂各異宜憶昔
故鄉日與君讀書時共秉珪璋器各挺龍鳳姿同堂屬
高文連牀和新詩疑義每交質權情兩不疑有時涉江
湖筆研長相隨雨花秋月冷九子春雲垂蹉跎十四年
出處何曾離今年齊射策言論爭瑰奇爾獨奮六翮高

舉翔雲逴夙好二三子鱗蜚亦參差我命何坎壈鍛羽
歸山陂席門掩窮巷殘花綻疎籬飲酒不成醉仰天長
嗟咨達人慕功名富貴安爾爲所恨歲月逝懷抱不得
施今爾揚輕舟毘陵省其師不忘攜手好殷勤就我辭
何以贈君言古道永相持君家喪亂後寄食縱水涯上
有白髮親下有無母兒行矣勿久淹繁華是歸期

獨酌東戴敬夫

秋陰三五日積雨迷荒苔我既不得出故人亦不來午
餘少明霽悵望登高臺楊柳亦已萎梧桐亦已摧雲天
杳漫漫漸聞鴻雁哀感此蕭瑟情懷抱爲誰開呼兒貰
村酒頽然進一杯痛惜少年時去者不復廻海宇近多
故君相求異材天地本無私何獨窮我哉

容城答鄭魯若兼寄沈詹生

庚辰

春陰亘宵旦，雨霰盈荒城。旅次寡良仇，中懷闕歡情。出門邁之子，攬衣道平生。煦氣轉林柯，好鳥時復鳴。清谿昔遊燕，歲星今幾度。駑馬旣偃蹇，美人亦遲暮。修名恐不立，壯顏未能駐。顧盼二三子，比翼翔天路。夙興憩蘭若，惠我金石辭。英義揚古華，密情麗繁枝。撫賤足永嘆，告勞益深悲。獻歲征途間，役役何所爲。卓爾敬亭友，盛年樂高蹈。軒服脫若遺，丘園從厥好。風規本遐舉，學積更淵浩。何以寄相思，因君寫懷抱。

送姜如農明府擢儀部

門有車馬客，駕言還帝鄉。逸翮順天風，逍遙東北翔。昔爲眞州宰，墨綬垂芬芳。報政逾十年，令聞昭四方。群公

極推轂玄幣爭相將側耳聲離離高鳴梧桐岡如何循
階序始拜春官郎聞者或歎息行道亦慨慷達人廼冲
恬謙讓猶未遑此意亦何深此器安可量容臺備禮樂
萬古生輝光我有姊氏吳苦節凜冰霜幽居四十載郡
邑多褒揚直指采其風將以告明堂聖朝重廉節闡幽
無遺荒所賴大君子惻然沛天章匪直爲匹婦實乃扶
頽綱恩波潤金石沒齒無相忘

秋浦感懷呈劉伯宗

辛巳

桐山麗江北江南卽池陽相去不百里一葦輕可航憶
我昔遊此覆額髮始長雖抱固陋質才思殊清揚執鞭
事君子日月分餘光器我以瑚璉贈我以珠璫自許天
路近逸足當騰驥柰何命不尤膂力忽已剛蹉跎至三

十尚困諸生場形容就枯槁意氣亦頽唐况乃逢世亂
流離客他鄉蝦蟇笑蛟龍斥鷃欺鳳凰俛首對少年惻
惻心暗傷君子懷古義縉纒情弗忘中夜聞我至叩門
訊行裝佇立風露下屏營訴穹蒼佳會卜良辰衆嫖升
高堂華筵具珍膳桂酒泛金觴吳姬兼楚女臨軒奏笙
簧始歌猶艷曲曲終發清商悲聲四野起寒風薄衣裳
秉燭歸館舍悵然著斯章

留別吳尚乾

君自湘東來我向淮西去停舟立柴門垂楊亂春絮我
自淮西歸君復向江北駐馬入空齋楓林變秋色孟冬
江北還我又歸桐山相思日以篤相見何其艱當代論
交情如君能有幾安能久別離蹠蹠溝頭水丈夫本貧

賤况值凶荒年謀食走四方同病交相憐今朝始傾蓋
驚嘆顏色改白門且暫休勿遽歸東海况乃春氣至梅
花遍江南雙擁大小婦醉臥烏龍潭

題韓孟小母氏卷

我友韓伯子天懷本淵懿事親以孝聞宗黨稱其義一
日縞衣冠向予發長喟爲言母氏賢士女德皆備可以
式宗國匪獨表中饋厥考君孺公少有鴻鵠志讀書諳
兵法多勇復多智慨慷思奮身提戈出邊地欲繫單口
頸或管中行背勲名著竹帛通侯取如寄可憐數不偶
蹉跎老將至困頓丘壑中霜刃不得試母氏結同心屢
勉襄所事授書教令嗣蔚爲圭璋器祿養方有期一朝
先見棄飲恨終昊天徽音畧可記椎牛勿復言懷橘將

安遺感此傷中情潺湲涕霑袂

袂日與蔡芹谿同舟作

壬午

穀旦屬元巳春雲澹天宇揚舡自石頭須臾達牛渚好
風雖云樂未若同心侶提壺向江市年荒乏清醕歸來
掩衾臥切切共私語中宵四鄰靜北風灑微雨借問敬
亭山相去復幾許良朋咸在茲先期命鷄黍山川尚靈
異交情貴爾汝苟能偕所歡焉知困羈旅

梅朗三招同劉長倩龔孟章集天逸閣

故人有高閣乃在宛水東逶迤三重階四眺環菁葱厥
名曰天逸弗與人情同借問誰構此前賢禹金公一室
抱還尚萬里揚清風文孫紹丕業束髮居其中讀書二
十乘篇翰靡不通摘藻發春華流光奮秋鴻制作日以

富譽望日以隆有客南都來執契求良工握手道古歡
嘉言愜深衷置酒此高閣羣花發幽叢微醺立池上仰
視天宇空烈士丁盛年焉能守困窮努力樹修名千載
要所終

王抑之招集齋中有贈

東風扇繁囿羣芳粲朱紫豈無桃李花所佩在蘭芷宛
陵富英彥我愛王叔子秀質本天人孤標特清峙觀書
式前哲高文蘊遙指神交歷三歲把臂自今始艸堂招
我入酌酒多且旨翠幙出朱顏清謳發皓齒中宵風雨
集痛飲弗能止振衣起長嘆慷慨寧在此世路旣波靡
文區亦雲詭多君懷古歡出門遘知己我雖長賤貧未
敢愆素履勉勉崇令德相期麗青史

湯君謨讀書敬亭寄此

美人抱幽質，索居敬亭隈。瑤琴向雲展，錦字臨花裁。十日不一出巖戶，封蒼苔。旦前夕，與我約。月明登茲臺，蟾兔忽已缺。軒車猶未來，相思盼雲鳥。悵望心悠悠，執扇動涼颺。絺衣生浮埃，何時就清盥。一洗煩襟開。

送劉孔安北上

萊蕪甌中塵，栗里花下辭。古道諒匪遙，高風在今茲。劉公挺奇節，矯矯松栢姿。出宰兩巖邑，弘譽東西馳。傲吏忽解綬，家無百金貲。妻子不能飽，脫粟手自治。散步衡宇下，逍遙詠新詩。大雲起幽壑，徵車來何遲。主聖相且賢，玄纁降茅茨。貞士本懷恩，微官詎能辭。天路翔羽儀，華勲及良時。

送三兄仁植先生應召北上

東方天未明，仰首盼辰極。燭燭三能光，左右勾陳側。行人夜中飯，宵征自努力。豈不憚遠途，將以匡王國。

昔擁湘南節，勲伐垂峴山。讒人交間之，天路罹百艱。荃始察中情，錫以雙玉環。歷陛敷弘謨，穆穆開睿顏。

朝發瓜步渚，暮宿維揚城。舍舟命車馬，遙遙抗前旌。公孤虛左席，焉能緩王程。可憐人異雁，不及同飛鳴。

衆芳競春華，寒菊晚始秀。受氣本不殊，華滋有先後。良人苟寥采，雖晚亦何咎。但恐隨秋艸，寂寞委園囿。

送侯赤社北歸

赤社家商丘是年寇陷避地于楚

有鳥東南飛，千里以遨遊。因風止江介，毛羽何修修。顧念平生巢，摧頽委荒丘。三日不得食，能無稻粱謀。延頸

望八方鳴鳳居上頭行行與之會逸響聞中州我欲從
此鳥惜哉非匹儔徬徨岐路側日暮生煩憂

吳靜腑招同黎美周侯赤社康小范邵思遠胡豹

生諸子燕集

時令副舉于鄉

玄鶴在九臯弗與雞鷲羣有子相和之厥聲天下聞毛
羽煥艸澤逸翮升層雲後先雖不齊顯晦終詎分憶昔
上君堂江華歲方早別去十二年相逢顏色稿門巷許
重過森森秀瑤草榮名何足侈介福以爲寶

嚴子餐招同王宇安暨令嗣茂遠朱岷左吳岱觀
夜集有懷亡友子岸

凜凜歲云暮北風凄以陰萬物各有歸而我獨滯淫美
人懷古處嘉招入中林舉觴命親串有酒當酌酹同堂

皆素懽良會匪自今遐矚寫幽抱高言流好音君家令
兄弟川岳齊高深梁木早見摧惻焉傷我心思欲追遺
響托之于瑤琴琴與人俱亡涕下誰能禁

贈張長仁職方

癸未 長仁選明詩

君產南海濱我家在東吳山川阻修轂望望天一隅何
期飄蕩間所願與會俱片言當心曲金石良不渝采風
志明盛雅音來八區顧我本弱質焉能窺哲符石亦可
爲錯媿亦可爲姝未懷知己恩慙然中自虞

贈姚有僕進士

矗彼秦望山乃在東海邊山勢鬱且奇文木托其巔上
枝拂垂雲下根入重泉本爲明堂用一室寧足賢匠石
貢其材直至君相前巍巍巨麗觀可支大厦顛古人懷

所思欣慕爲執鞭汨予幸同時馳情麗雲天願君察識
此中道勿棄捐何以致殷勤布茲文木篇

宿何輈亦齋頭兼贈令嗣以燕

君家南山下門外江水清南山動微和江水湛虛明我
來就君宿不厭雞黍情登樓恣遐眺梅柳抽羣英五子
皆鳳雛長者六翮成臨流鑒毛羽文采列星晶延頸望
天風將飛遊上京亦有脩脩翼顧盼失平生

贈顧匠先兄弟

矯矯雙黃鵠萬里翔雲達當其戲沙渚雞鶩亦見欺顧
生年二十矜矜多光儀束髮受三禮文辭何瑰奇令弟
亦懷瑜出入肩相隨偶然度湖水羣梟肆倡披毛羽雖
見摧昭質焉能虧爲我語顧生富貴各有期努力及明

金山集
時高門益華榭丈夫志四海間井安爾爲

無題

夾巷何透迤層樓亦嗟峨樓上有好女自名爲女蘿女
蘿本柔條托根松柏柯其性喜纏綿斯意良足多有客
江上來停車此經過目挑復心與徘徊立城阿要我入
曲房臨軒寫雙蛾中廚辦珍膳一飲朱顏酡問客何時
歸陽春待微和悵然惜分手歡聲變悲歌感此未別情
別後將如何

宋遺民詠

甲申 有序

程篁墩先生作宋遺民錄於萬曆初年是時海
內全盛人爭趨朝而先生卽興懷遺民亦奇矣
崇禎甲申之變從古所無士生其時者悲痛欲

絕甘心隱遯不復萌仕進之念因取宋遺民而
詠之第先生所錄僅十一人以予所聞則有趙
子固吳子昭劉會孟黃東發其他尚不止此姑
就所知十五人各系一章亦可以知予志之所
在矣

唐玉潛珏

會稽人

宋祖受周禪仁厚世相承國亡非失德運去良可矜胡
天降酷罰妖髡掘諸陵玉柙委荆棘珠襦棄溝塍唐生
一寒士感此痛不勝傾家結少年忠憤人人能夜竊其
骨歸石函抵金騰葬之蘭亭山種樹表升恒義聲日漸
著遂爲神祖憑假手袁治中家道勃焉興買田與娶婦
胤繁壽亦增斯人何所求天道庶有徵

張毅父千載 廬陵人

毅父山澤臞文公同邑友當公貴顯時屢辟辭弗受及其被拘繫扁舟過江口慨然請偕行捍衛如兩手就舍近囚所時時進脯糗三年如一日勞瘁不言久先期製木櫝臨難函公首已又收公骸肩荷向南走歸葬父母邦此心始無負友道今凌巨盛事垂不朽

王鼎翁炎午 廬陵人

文公忠宋心皜皜如白日鼎翁者誰子猶未信其實彼非不信公愛之惟恐失創爲生祭文辭義何凜凜冀公一見之奮迅就斧鑕公實未嘗見任運閉幽室百鍊終不柔三年願始畢生死豈由人祭者覺無術梅邊人自英雄文亦罕匹尚有吾汶藁恨未見全帙

謝臯羽翔

建寧人

臯羽故素封破家爲勤王曾參文相軍合力奮戎行皇天不我祐文執謝竄亡流離閩越間久乃至浦陽浦陽方韶卿言潔而行芳臯羽依之居倡和多篇章玄冬至嚴瀨上有西臺荒設位臺東隅慟哭裂中腸擊石爲楚歌竹石俱損傷作記多隱語祇欲名山藏豈知晞髮集日月爭光芒

方韶卿鳳

浦江人

浦江有著姓實爲玄英孫高風被婺睦復有韶卿存在宋本未仕切切懷宋恩隱居仙華山讀書蒼松根交游有吳謝節義相與敦謝死無所歸痛如親弟昆葬之乃祖側歲時薦蘋蘩行年八十二此志不少諼存雅故有

金川集
集遺詩數千言惜子未及睹他年訪其門

吳子善思齊

永康人

贊府雖小官忼直忤時貴性復好施予其家日窮匱飢
餓常經旬絕無仕進意晚乃得聾疾甘爲人所棄結交
惟方鳳謝翱亦同志三人遊山澤歌哭有奇致仙華古
石巖隱隱見題字及觀俟命錄壽天果不二

鄭所南思肖

連江人

憶翁客吳門年齒未衰暮祗因傷故墟終身遂不娶有
田施諸僧梵刹悉吾寓坐且不嚮北北人焉肯晤寄興
或寫蘭耻作泉石具吐詞惟痛快忌諱所不顧當時文
網密肝胆向誰訴其書曰心史銘鐵以爲錮沉之枯井
中三百年始露出世曾幾時朔風又如故顯者忌其言

高人益欽慕金石有銷沉此書終不蠹

梁隆吉棟

鄂州人

梁公宋進士隱居大茅峯感時好吟詠秀拔如貞松曾作茅峯詩中有雙飛龍醉題僧屏展宵小妒弗容指其誹謗罪將以血釁鐘捕逮至燕獄穴屏而相從縲繼凡數年幸脫歸爲農晚歲寓金陵嬉游信孤筇詩律益悲壯逾爲人所宗死葬石城南至今仰高蹤

龔聖予開

山陽人

文陸二先生忠烈震華夏當時賣國人尚有訾之者龔生奮直筆作傳告天下序事最分明况復文詞雅往來吳越間傷心舊宗社其詩凄以悲繪事亦瀟洒同時有龔璠其名與君亞人比漢兩龔尤珍聖予馬

汪大有元量

錢唐人也

大有一琴士曾被宋主知三宮既北遷侍衛同驅馳丞相在獄日抱琴一訪之文山感其義爲題水雲詩幸不死沙漠惆悵南歸時尚餘舊宮人相送出城來援琴一再鼓胡馬皆嗚悲所以謝皋羽譜作江南詞

林景曦德暘

温州人也

拾骨玉潛事或傳爲霽山當時有同心未必遽相關辱身爲丐者持筐故陵間遇物卽掇取俗人豈防閑猶恐蹤跡露鑄金賂諸奸遂得高孝骨昏夜負之還蘭亭種冬青其事凡兩見夢中詩四首亦載唐君傳莫知誰作者大抵皆奇彥我觀白石集風雅窮正變其中贈唐作冬青在所羨前詩似景曦特爲玉潛撰

趙子固孟堅

吳人

子固與子昂俱爲趙氏孤才智亦相若品格何其殊厥兄隱水國從不履闔閭縣令往見之飛棹入菰蒲可望不可卽展矣朱鳳雛令弟吳興來拒之鏡門樞阿嫂啟後戶一揖坐須臾開口問茗溪勿使溪水滂子昂慙而退呼童洗坐隅惟恐有腥穢辱我青氍毹嗟彼承旨者失身亦何愚

吳子昭雯

吳人

子昭生元初宋亡二十載秉性不肯仕甘心躡東海是時草莽間尚有遺黎在君從問往事記述若有待錢塘宋故都每歲遊者再徘徊舊宮闕欷歔發長慨尤喜詩與歌聲出似天籟時人罕得聞所狎樵牧輩天運苟不

回老死復何悔

劉會孟辰翁 廬陵人

涇溪以諸生廷對忤似道羣薦不入官丘園從所好讀書深山中詩史靡不較酷嗜九種書丹鉛得其要當時富貴人落落罕同調惟有文與江二相通懷抱厥子曰尚友文筆亦奇奧父子擅作述砥礪在忠孝宋史逸其名何以闡高蹈

黃東發震 鄞人

幼讀諸儒書黃氏有日抄經史頗淹貫事理能并包傷哉孔孟徒生於宋元交釋褐爲循吏掛冠隱山均紀年曰咸淳弗以至正淆同時吳許輩其器豈斗筭儒術各有得祿位誰能拋辟如楊子雲終難解客嘲

石臼湖訪邢孟貞

鼎湖雷電合龍馭奄上寶率土皆怨痛况乃忠孝臣之
子秉至性聞變號蒼旻胡天降百殃覆用亡其親君親
理則一孺慕情尤真我來唁君喪直至湖水濱生芻聊
以薦薤露不敢陳上壽逾七十有子賢且仁牖下獲考
終曷爲苦悲辛大孝不毀性所願珍爾身

邢韓並巨室累世湖上居聚族各千百比屋成村墟風
俗旣淳美山川亦蕭疎永無兵寇患尚有唐宋廬我昔
與君約隱茲結機漁矧今逢世亂出門行赳赳徙宅傷
故人嘉木蔭有餘僦田種禾豆乞圃蒔瓜蔬可以長子
孫還能教詩書晨夕樂相過知君無棄子

送馮躋仲歸慈谿

世亂如洪波濟川在舟楫苟非風雲會敬身勿輕涉譬
如窈窕女蠶桑本素業寧爲貧人妻勿作富人妾爲妾
易捐棄中情常怵怯不如待六禮糟糠永相協感此寶
幽貞無爲傷井渫

潤州訪楊龍友兵憲

乙酉

南都富佳麗東風扇和柔萬物各有適吾生獨懷憂撫
牀不能寐振衣起行游行游欲何之美人在芳洲浩浩
長江水三山峙中流持節整王師恩威播遐陬夙昔渥
君澤頂踵亦已周所媿細微質弘施詎能酬太湖有笠
澤蒹葭廣以脩其中隱君子招我爲匹儔野性本麋鹿
樂此將歸休揚舫入京口徘徊一停舟丈夫感知已干
祿道所羞勿謂隨陽鳥區區稻粱謀

三月十九日作

時在京口與邢昉史吉潘陸錢
邦寅范景仁登北固山拜哭

烈風吹黃沙白日黯無光
江水聲震蕩草木零芬芳
莫春景物佳何爲倏悲涼
痛哉今日月我后罹厥殃
天人
有同心終古猶盡傷
一從神京沒河北非我疆
龍種陷荆棘未審存與亡
羣盜匿函谷頃復奔湖湘
王師豈不多疇能奮戎行
小臣本微細憤懣結中腸
陟彼西山顛涕泗瞻北荒
奄忽歲已周哀情若新喪
寄言百君子舊恩安可忘
茲辰易文繡縞冠白衣裳
北向一稽首臣庶義所當
曷忍處華屋對酒鳴笙簧

從吳錦雯讀宋玉叔詩喜而有寄

有客新亭來示我白紈扇
其上放歌行高文一何絢
借問誰作者江南罕茲彥
山東宋叔子稽古破萬卷
英聲

震金石雄風走雷電厥昆並人傑義旗舉鄉縣孤軍克
羣盜一身經百戰斯世求異才伊人尚微賤惆悵掩尊
酒何時共懽讌

丹陽道中懷古

范公古豪賢曾涉丹陽路停舟一登岸偶與石生遇爲
言身困窮衣食罕所措二親在淺土欲葬乃無具執手
聞斯言惻然動情懷有麥五百斛可以爲君贖子身還
東維趨庭道其故父子復同心輕施諒不悞斯人悵已
矣千秋耿遐慕

贈趙止安先生

丙戌

毘陵昔多賢近代有其二一爲孫文介一爲張清惠高
風扇區宇頽波激標季我生雖同時幼小不及事今年

過仁里二公皆已逝九原不可作臨河發長喟繼起有
趙子褫躬亦純粹遵路步前哲嘉脩果無愧釋褐將十
載蕭然類寒士儼居城東隅疎林面荒寺葵藿常弗飽
焉能免僕悴有客上君堂心言不遐棄共秉松栢姿各
懷金石義舉世雖沉冥斯人無改易黽勉崇令德白首
應不替他時吊古者張孫同傳記

白下移居

丁亥

城南有荒寺云是古瓦官傑閣雖凌已香林未凋殘我
性本孤癖憩此中心歡山僧敬愛客假寓良非難一室
容偃臥三時恣盤桓讀書有真樂不畏飢與寒隣人售
餘屋移家此偷安風雲苟未會且作龍蛇蟠

隣園有嘉樹密葉何青青厥名女貞實移植吾中庭春

夏既滋茂秋冬亦不零結實貫水霜纍纍若繁星采之
瀟清酒可以延頽齡

方池竹籬外我欲種芙蓉家人不好潔往往畜鷄豬白
水徒溷濁芳園少糞除人生同逆旅天地亦蘧廬室家
何足道且還玩詩書今夕爲我室明旦他人居易不歸
湖山徜徉任橫漁

久不得子畱消息

戊子

仲夏湖上別相期晤秋初豈知去海東滯淫一載餘嘉
會既已艱好音亦復疎引領望雲樹安能免欷歔嗟爾
有頑父所志在簪裾千秋萬歲名棄之如敝苴用此爾
失歡不得歸里閭自昔與我約南山可結廬秉耒學躬
耕願爲桀與沮獨少買山錢此意竟趨起游魚懷舊淵

飛鳥戀故墟終當諾所願白首共菑畲

麻城贈枯木大師四十八韻

富貴人所欲今人亦何偏自少至於老無時無糾纏聲
色好美麗飲食求甘鮮宮室喜丹雘車馬爭肥堅獲什
必覲伯獲伯必覲千獲千必覲萬百萬猶歌然所以終
其身困憊無息肩名節亦可毀軀命亦可捐廉耻道盡
喪所嗜惟芟芟末俗有通病盧扁難以痊達人非猶龍
烏能拔重泉吁嗟槁大師所謂真豪賢師本貴公子家
世甲湘川弱冠富文采風流復翩翩才名馳海內震動
三十年注官執金吾出入禁掖前居然不屑顧逸氣凌
蒼玄平生好遊俠賓客嘗滿筵摘詞進吳越擊劍來幽
燕一贈輒千金一飲動萬錢有時涉江湖桂楫沙棠船

有時歸里舍寶馬珊瑚鞭良疇被原野廣廈通市廛歌舞克後房諸姬鬪芳妍及時共娛樂寧復知憂恫一朝遘世變陵谷倏以遷師乃抱大痛祝髮逃諸禪他人逃禪者尚不屏世緣師於一切累曠然無拘牽有子纔五齡秀惠誕自天厥母年始笄嬌弱尤可憐繼室亦蘭茂嗣君復珠圓師悉不介意棄之如浮烟有田八百頃百頃遺乃傳其餘散宗族以半爲佛田世間慳吝者視此奚天淵師晤懺悔理自陳昔多愆從此習苦作不令體柔便一笠一蒲團行脚荒江邊晝則倚樹立夜則枕石眠肘見知衲破踵决知菲穿飢時向孤村持鉢乞粥膾啍爾色不忤呵之貌益虔我問師名字師默不肯宣浮雲翔野雀高樹鳴秋蟬吾從出家後名字遂忘焉傍有

識之者此是梅惠連

小孤山詩

我祖斷事公諱法字伯通建文朝舉于鄉授四川按察司斷事靖難兵取南京

天下藩臬官皆有賀表公不肯與名被逮至望江給守者曰此吾父母邦也幸寬我械容治酒北向面拜以盡人子之思守者許之于是衣冠立船首拜拜畢躍入江而死訖鄭孺人會救歸苦節四十年懷其爪髮葬于東龍瞋山今戊子七月八世孫文自楚歸過望江歎戲憑吊求我祖所沉之處不可得因見小孤危峯崢嶸莫可攀躋忠義之魂當萃于此故作小孤山詩

高皇造區夏大寶遺冢嗣成祖本燕王智勇奪神器四海義不服爭欲殉所事方黃及齊練皎皎著天地我祖山澤民嗣君舉鄉試厥師卽正學風節夙相勵不敢卑小官攜家走荒裔干職何重輕矢心必無二是時盛誅戮忠臣無噍類我祖不動心恬然就拘繫舟行至望江左徒入夢寐乞拜先人壠少展游子意衣冠立船首拜

罷發長喟舉身躍洪波竟逐彭咸逝有司憐其忠妻子
幸免議狼狽歸故山爪髮同坎瘞厥後二百載子孫亦
昌熾嗟哉遜國時風尚惟名義真人本同出門內相吞
噬臣僕非二姓九死猶未悔何況□□分禮樂悉淪棄
我祖設在今悲憤復何似浩浩長江水小孤山獨巉巖
巖如其人靈爽此高寄後死者誰子祖風得無愧

寄酬李漑林明府

南方有佳人卜居在秋壑白日長苦飢上山採薇蕨當
其年少時顏色桃花若隣里爭相求不肯苟然諾欲擇
千古士始遂百年約以此竟蹉跎歲月忽已索况遭兵
火亂家室盜所掠流離山谷間依人習耕作誓以處子
終不復通媒妁使君東方來光輝燦城郭遣使與之言

願得克帷幕爲我謝使君此意諒不薄顧我非盛年容
華久凋落君卽不我棄寧無自愧忤日暮下山路西風
吹敗籜不及雙飛燕銜泥巢君閣

石臼湖贈邢孟貞兄弟

巳丑

春郊偶一出十日猶未還曖曖湖上村漠漠湖中山臨
水百餘家一姓居其間其間隱君子與我情相關茅堂
治雞黍各言良晤艱願爲平原飲此興殊不慳試觀名
利客汲汲多愁顏誰能脫塵務如我數人間

邢孟貞復去白門予送之郊外賦此

人生如枯蓬飄颻隨風沙朝猶同一隅夕乃在天涯臨
別不忍發握手長吁嗟君鬢已成雪我髮亦將華俱非
少壯年安得久無家仰視浮雲陰白日忽西斜徘徊岐

路間飛飛羨歸鴉

贈林殿巖

我來姑孰城側身寄蕭寺密竹當窗牖霜風動寒吹有
客在比隣閉門人罕至中夜激高歌商聲滿天地借問
歌者誰四明林給事給事先朝彥崢嶸公輔器世變遭
坎珂零落東海裔我雖面未覲十載有神契知爾懷舊
恩蹇蹇王臣義嘗以金石心發爲琅玕字梁姜及陳宮
四子乃同志哀吟互相荅古歡庶無愧今我一讀之泫
然輒垂淚自非至性人曷敢輕相示君復爲我言龍駒
早奄逝卜夏情最傷喪明猶不置我亦抱斯痛聞言心
如割乾坤旣傾覆賢者合悞悴君臣父子間慘烈胡獨
備天道不可知令人發長嘯

咏史 庚寅

季主楚大夫義不臣漢皇側身長安市賣卜以自藏宋
賈同車來列坐弟子俯俛首聽其言驚顧不及詳翻爲
長者笑忸怩面無光務華而絕根他日終自傷

炎漢運方隆君平乃高蹈榮祿非所求卜筮從所好與
臣言依忠與子言依孝百錢卽有餘千駟何足道優游
下簾時觀易窮窳奧嗟彼揚子雲美新亦何眊

吾愛管公明弱齡蘊神智學窺爻象先占卜乃餘事吉
凶前民用鮮不詫靈異君言實無心聊以示趨避當時
何鄧流豈不盛權勢高人目爲鬼今古同一喟

史稱郭景純嗜酒復多欲匪不愛其生求死恐不速王
敦謀逆初焚香召君卜正言摧折之引頸受刑戮雖云

數當盡堅韌不可曲至今游仙詩令人仰芳躅
悲哉謝侍郎生於宋元交慷慨欲致命有母難以拋明
夷垂其翼乃在六二爻何以畢餘生賣卜建陽橋惜不
隱名姓還爲人所要天運可轉移我心終不搖

寄懷明圃子畱

仲夏聞爾病病勢亦孔亟使我心徬徨累日哽不食每
逢故鄉人輒問爾消息人言未分明我心轉回惑江生
是爾親見我淳水北開口問所思爲言有起色客懷久
不懌聽此喜欲狂買酒酌江生一飲遂百觴世事如春
華隨風各颺颺爾獨抱至性古栢纏秋霜又復攻騷雅
寒梅吐孤芳字內實罕匹豈止桐一鄉平生慕明農自
號爲明圃農圃本同心風期在千古所恨遭亂離不得

聚鄉土窮困旣已嗟况乃疾病苦願爾厚自愛明德永
相輔此意知者誰惟我斷事祖

重至太湖訪李明府漑林先生

有客江上來貽我尺素書借問貽者誰書中復何如李
侯邦家彥二十專城居惠風扇丘園甘澤潤里閭垂念
至遠人言簡意有餘憶昔鄉舉日招我載後車自愧羽
毛短不足當吹噓雖未入網羅懷恩敢忘諸山川日以
遠音問日以疎感君情纏綿芳訊頻及予何以報相思
駕言歸故廬况逢嶽降辰乃在陽月初旣提罍中酒復
採園中蔬祝君壽無疆千載垂令譽

初度書懷

辛卯

子輿悅聖道四十不動心不動與不惑所得誰淺深吾

幼讀其書卽以道自任進修苦不力仍與世浮湛年齒
日已邁憂患日已侵無聞先自愧後輩寧見欽往者不
可諫猶可及來今

昔聞杜陵叟降生乃壬子厥後香山翁生年亦復爾相
去六十載英名千古峙我生幸同庚性情復相似酷嗜
二公詩詩成差可擬杜猶拜拾遺白直躋卿士我老窮
且賤曷由繼芳趾

日月一何速四時更推遷人情競趨時嫵媚者爲賢我
性本迂拙世味復澹然心傷舊人老不愛新人妍所以
甘寂寞深山鉏石田柰何命淹蹇力田不逢年年旱
澇并飢餓南山顛

少小負奇氣有力猛如虎偏側不得施中年盡消阻入

室嘗畏人出門焉敢怒衆口肆詆訶吾噤不敢吐天地
旣瘡痍賢人合偃僂運去力難爭殺身亦何取鳳鳥復
來儀軒軒自霞舉

精衛銜木石將以填東海力微願不薄終見桑田改愚
公徙北山子孫期有待山靈畏其誠一夜移千磊匹夫
有至性可以貫真宰况乃忠孝人九死猶未悔世眼多
憎惜此理誰復解

平生好結交獨與貧士宜豈無富貴人恐非夙所期枳
橘不同根地氣浸滲之習俗移本性變化安可知當時
貧賤友古道爭相持及其行富貴素質鮮不虧始終不
虧者惟有松栢姿

憶昔居白門雅游不知數朝登鳳皇臺暮宿桃葉渡是

時天下平四方羣賢聚文酒無虛日青雲樂相附一從
黑風來吹折鍾陵樹髦士遷於荒望斷江東路回首問
南京傷心涕如雨

人情望有子莫不願其才我既有才子中路委塵埃聞
者猶痛惜骨肉能不哀因思古賢豪功業何崔嵬千秋
萬世後子孫安在哉有子麾不去無子招不來有無任
自然肝腸勿崩摧

我生何不幸際茲喪亂辰逢世既寡術避世復無因置
身隱見間所愧箕穎民層霄容逸翮積水藏脩鱗明朝
入山去結廬在河濱耳目絕塵垢煙霞自冬春飲酒還
賦詩可以全吾真

四令君詩

子少狷介耻干謁人卽躬耕亦足自給
故州郡之門絕未履焉崇禎壬午江南

北大荒斗米千錢是歲家人始乏食有友梁平
 叔令宣城不得已一往謁之君謝客甚嚴顧獨
 厚予三月贈金五百有奇自是家人無飢餓憂
 矣乙酉之變予避兵吳江一載衣食垂盡不得
 已索負於常州判某某不爲禮困益甚適新令
 張環生來有彌予姓名者君欣然要人其署厚
 餉之未幾宵小進蜚語予辭去而君意尚欲歿
 也戊子冬病困白下計無所出友人邢孟貞言
 其邑令崔正誼數問予盍往謁之不得已附孟
 貞舟至高淳已除夕矣崔聞予至趨駕見枉握
 手殷殷道十五年相慕之意明年爲予治裝甚
 厚會淳人製屏障爲君壽君屬予文而不借顯
 者名直書淮西山人方文鳴呼此道豈于今人
 中求哉先是予遊楚過太湖湖令李甌林一見
 如舊懼自是書問不絕庚寅冬予重至湖湖當
 兵火凋殘之後頗不能爲膏腴地然爲予招集
 生徒廿餘人止而受業修脰不薄由是得徙家
 卜居于湖終歲無干人羞者君之力也後宵小
 亦進蜚語君不爲動嗟乎環生而外復有環生
 矣顧念予性本狷介抑又謏放與世多齟齬不
 合而四君皆能諒我于禮法之外一異也梁猶
 故交張崔李未謀面乃能知我于易代之後又
 救我于極困之時二異也梁遷諫省張轉銓曹
 崔李名位將來未可量其遇我厚皆在作令時

三異也辛卯初秋風雨經旬獨臥茅齋撫今追昔不勝知己之感因作四令君詩以識子懷

梁宣城平叔

應奇四川嘉定人庚辰進士

梁公西川彥作令古宣城政教甫期月厥民騰頌聲愛之如慈母畏之若神明訟庭何峻絕賓客莫敢縈獨子鼓枻來辱君倒屣迎下問頗不耻時時枉柴荆交貴白璧賤誼重黃金輕是時南國荒江北復阻兵妻子免溝壑實荷君生成明年入諫省奉使閩粵行既不逢左袵仍聞立勲名相見知何期馳思難爲情

張武進環生

國樞北直景州人庚辰進士

張侯在先朝蔚然公輔器中年丁世變欲隱志不遂彊起授一官見人嘗有愧毘陵下車時我適游其治君聞我在茲汲汲願把臂布衣入官舍放言罔所忌豈但能

優容私語潛下淚贈金累十鎰深衷猶未置小人懷嫉
妒歎爾蒙話諄于義不可畱君聞乃大悲後見吾鄉人
諄諄問不置感此高厚情彷彿昨日事

崔高淳正誼

榆奇河南夏邑人丁亥進士

崔侯經國才屈節爲小縣錢穀不足理湖山恣嘉宴嘗
與邢翁游垂問及愚賤神交十五年安得一會面除夕
至河干逡巡未敢見黃昏君枉駕旅次驚深眷白金製
一屏其文屬子撰祇愛野夫名公卿非所羨此意真古
人俗眼靡不眩四月子告歸臨別猶戀戀明年復相期
解橐情未倦無以報君恩願效梁間燕

李太湖漑林

世洽北直東鹿人丁亥進士

李侯年弱冠妙譽升南宮筮仕得荒邑乃在深山中有

城無居民但見荆棘叢君來勤撫字漸集哀鴻我初
涉其境片言愜深衷形踪雖寡親音書往來通踰年重
過此絃誦聲不同君詔諸俊彥執契求良工子學本姪
淺謬爲人所崇聚徙城南隅厥社名琴風誓將攜妻子
結茅隱司空永隨田間老咏歌澤無窮

寄陳襄雲

冬夜不能寐所思在潛嶽潛嶽有高人含章隱幽絳風
昔雅相慕兵戈阻城郭雖未覲君顏神交非冥漠有客
自潛來誦詩君所作中有見懷篇古義何沉著一從乾
坤破忠孝人落落卽挺猿雀姿亦飲羊馬酪君獨抱疇
尚窮困我相若所惜未謀面平生欣有托雪後梅花開
旋當具芒屨訪君萬山中言踐鷄黍約新詩更唱和藏

酒共斟酌願結爲弟昆西峰長采藥

籬落

平生客游多在家經理小編籬不知法持錢僱隣老入
山斬楊木已又伐羣篠楊木樹爲椿羣篠爲之繚周防
期愼密勿使過禽鳥畫地成小園旋當嬌腐草明年種
瓜豆藿食亦可飽愧彼山人還山胡不早

廬山集卷之二

皖桐方 文爾止著

堦繡水王 槩安節較

黃州王澤弘吳廬定

五言古體

廬山詩 壬辰 三十六首

壬辰冬予客南康出北門三里望見一阜自廬山來盤紆道左雖不甚高深而秀色可掬曰玉京山地名上京陶靖節曾居其麓詩云晴昔家上京六載始還歸太白詩云遙見仙人彩雲裏手把芙蓉朝玉京卽此處也

世傳陶徵君起家柴桑里柴桑匪江州實始隸星子當其年少時家貧易遷徙玉京介湖山高人合棲此故宅今有無芳風扇蘭芷 右玉京山

又二里有真武廟卽顏家山顏魯公貶吉州別駕時嘗游廬山愛其風土遂買宅於此孫顏潮少孤

有志操率子弟三十餘人受經白鹿洞今祀洞學先賢祠

魯公遷吉州雅好登廬山徘徊不忍去卜居此林間生

齒日繁聚故里遂不還厥孫繩乃武高風杳難攀至今

南康郭山水俱姓顏

右顏家山

又十里至白鹿洞唐李渤與其兄涉請書洞中馴一白鹿自娛故名南唐昇元中詔建廬山學于此宋朱子知南康軍即故址建書院聚徒講學天下宗之先朝胡居仁章潢輩以布衣來主洞事其教大行今洞學洞田遺制未泯而講學者微矣

周朱二大儒皆為此州守文公益興學風聲樹江右陸

子金陵來懽然執其手微言入無間盛事垂不朽五嶽

雖巍峨誰如此淵藪

右白鹿洞

又十里為五老峯懸崖削壁排空插漢如五老人駢肩而立真巨觀也唐李白楊衡符載元集虛皆隱其麓自詩云廬山東南五老峯青天削出金芙蓉九江秀色可攬結吾將此地巢雲松

廬山千萬峯五老為之最聳肩立雲表峨然有冠蓋昔
賢方與匡修真入煙靄遺跡雖莫考豈出此峯外後人
紛結蘿一一有深會

右五老峯

五老峯下有白鶴觀唐道士劉混成所居也蘇子瞻嘗獨游至此觀中人皆闕戶晝寢但聞棋聲于古松流水之間今觀殊荒寂而古松猶存

子瞻居黃州性不耐寂寞時過江來廬山訪丘壑高
情契五老閒步至白鶴聞棋即欣然何必苦思索予亦
不解棋亦不惡人著

右白鶴觀

又有尊真觀唐女道士蔡尊真所居也尊真蔡侍郎某女與李林甫之女騰空為友入山修煉皆仙去諡以蔡所居為尊真觀李所居為昭德觀太白詩云羨君相門女學道愛神仙素手掬青露羅衣曳紫煙一往屏風盡乘鸞若玉鞭今尊真觀廢為田惟柱礎存耳昭德觀在卓嶺之東今亦廢

李相非端人乃生騰空女日與蔡尊真相期學獅舉當

時松栢壇今化為禾黍我來訪遺踪荒煙漫平楚五老

雲壑間髮髯有仙侶

右尋真觀

尋真觀東一里有相辭澗即尋真騰空送別之處也故名今訛為相思澗元集處嘗隱于此白樂天過訪之詩云溪雲漠漠樹重重水檻山窗次第逢晚葉尚開紅藥闌秋房初結白芙蓉聲來枕上千

年鶴影落盃中五老峯更愧慙

慙

昭德在澗東尋真在澗西二女時相過到此惜分攜及其飛昇後元生結幽栖江州亦時來嘯咏臨青溪斯人久不作古澗煙榛迷

右相辭澗

相辭澗北三里為麻姑崖又二里為玉川門兩崖對峙如鐵壁萬仞中間巨石無數穿石而上又三里為三疊泉其水自五老峯左脅流出凡三級如玉龍蜿蜒下垂雪翻霆擊唐宋以前無知者即朱子在鹿洞時亦未及睹既去始聞之托黃商伯繪圖以寄摩挲愛玩謂之新泉然路甚險峻非好奇者亦罕至焉

瀑布山中多黃巖為獨絕誰知五老背陰崖復三折昔人鮮得親但聞樵者說我今攜山僧直造彼巖穴恨不

隨朱公題詩咏冰雪

右三疊泉

由麻姑崖左折上嶺十里為屏風登一日九疊雲解即五老之背俯瞰三疊泉反出其下又四里為萬松坪有小徑可上五老峯頂南望彭蠡如指掌北則乾綱嶺蔽之不能望九江太白云子行天下所游覽山川甚高俊偉詭特鮮有能過此者與天下之壯觀也

山下望五峯芙蓉在天半今上五峯頂置身已霄漢所恨朔風急陰雲復瀟漫望遠若不真山川影相亂來歲

巢雲屏晴空恣遐玩

右九疊雲屏

萬松坪五里至含鄱口含鄱者謂登此嶺而鄱湖盡見也又五里為九奇峯九奇者連山嵯峨其峯有九其二峯尖秀如蒼玉筍是為上霄峯昔秦始皇漢武帝司馬子長皆登其巔

九峯信已奇上霄尤詭特壯哉秦漢主不惜攀躋力吾

聞太史公二十遊南國亦登此山椒延頸眺八極嗟彼

山下人終身莫能陟

右 上雷峯

上雷之南有漢王峯大小殊壯漢武帝南巡時嘗登此故名今說為漢陽非也大漢王峯為廬山最高處雖五老上雷紫霄皆不及焉山頂有方湖石井其中魚鱉螺蚌之屬莫知所自來

帝王古不乏漢武為世雄封禪去海岱巡狩來江東鸞輿升碧巘翠蓋翔遙空方湖感靈異神魚產其中或疑此山頂下與江湖通

右 漢王峯

漢王峯下有康王谷昔楚康王為秦將王翦所逐匿此谷中得免故名今人謂之烏龍潭潭左右崖巒峭有水如簾布崖而下者三十餘派曰谷簾泉唐陸羽茶經品此為天下第一

楚子僭稱王漢陽食諸姬卒為秦所滅逋竄身幾危至今谷名康轉令識者悲有泉掛蒼崖歷亂銀河垂臨流試一酌陸生不吾欺

右 康王谷

上霄之北有天池山其下天池寺洪武中年所勅建也昔周顛仙數見明太祖言願待事及征偽漢與太軍俱西至湖口辭去人廬山杳然絕蹤矣後明太祖病有赤脚僧來送藥云天眼尊者周顛仙人所遣服之立愈問顛仙何在曰在竹林寺竹林既不可見而其地與天池近因飾天池寺以崇祀之御製碑文并賜

高皇建人極不樂聞詭秘惟有周顛仙時時與之戲水火莫能殺去來隨厥意竹林既窈冥天池表神異煌煌

鐘鼓靈千祀永不墜 右天池寺

天池之北有昇仙臺上刻御製周顛仙人傳覆以亭其東為佛手岩有盤石突出下臨絕壑潭色沉沉正黑僧云此竹林寺也有影無形神聖所居風雨中往往聞鐘梵聲昔天眼尊者與周顛仙命赤脚僧送藥即此處也

竹林在何處有影復無形蒼崖百丈餘下視青冥冥聖僧於此居顛仙亦時經軫念人主疾饋藥至明廷何以

酬酢之脣藻炳日星

右竹林寺

天池之西文殊寺之南有石門澗後漢地理志所謂廬山西南雙闕是也二石峙立其狀如門兼泉奔瀉焉山北衆水之宗每夏霖秋潦轉石發樹聲動數十里謝靈運鮑昭俱有登石門詩

廬山有雙闕漢書亦云然兩崖勢千仞中漚爲長川夏秋水泛溢遠近聲喧闐不聞樵人語但見銀河懸勝情推謝鮑遺咏何翩翩

台石門澗

山北諸勝已悉其築復由舍鄱下嶺二十里至棲賢寺寺創自六朝號名剎唐李渤讀書其中當時甚盛今頗凋零尚有玉淵金井棲賢橋皆古跡焉陳舜俞詩云辟蛇行者曾開路拭眼高僧尚有墳龍帶雨歸三峽水鳥御花出五峯雲拭眼卽赤眼也

昔賢李賓客兄弟擅時譽

平聲

癖性嗜山水此寺嘗讀書

厥後馴白鹿還歸洞中居玉淵及金井泉壑長自如後

賢豈不多潭上誰結廬

右棲賢寺

樓賢橋之西有水曰西澗宋劉寔之隱于此自號西澗居士歐陽公賦廬山高以贈之李龍眠爲之繪圖作歌今南康城內有水玉澗乃其故居城外有西澗祠乃其墓也

劉公挺直節掛冠隱山麓嘗與寶峯僧往來騎黃犢當時歐黃輩平生罕推轂交口贊公賢私心必誠服祇今

澗雖荒尚想人如玉

右西澗

西澗之西有峯曰五乳其下爲五乳寺近代憨山師所建也五乳之上有卧龍潭朱子愛其幽勝作卧龍菴以居而繪武侯像于其中自作記記之今卧龍菴廢惟五乳存耳

文公興鹿洞又復求龍潭愛其巖壑幽端居結茅菴因名思武侯繪像比瞿曇歲久跡泯滅此地空澄嵐借問

五乳僧臥龍誰復探

右五乳寺

五乳寺之西南有萬杉寺故慶雲菴也宋景德中僧大超受知仁宗因其手植萬杉故名此寺石刻甚富僧苦于募捐悉踣而瘞之惟宋仁宗國泰清淨四大字槐京包篆龍虎慶嵐四大字尚存

前人種萬杉今無一杉存邦國且滄桑梵刹寧復論唯
有金石字百代永弗謾山僧又瘞之何處求雲根寥寥
遺墨在剝落苔蘚痕

右萬杉寺

萬杉寺之西爲開先寺南唐中主李煜幼從其父
李景從豫章讀書鶴鳴峯下有野夫獻地爲之萬
金爲書堂後卽位遂舍爲寺以野夫獻地爲已得
國之祥故名今寺中有青玉峽泉壑極佳又有讀
書臺洗墨池聰明泉黃山谷手書七佛偈碑王陽
明手書平宸濠碑宋元章手書青玉峽三字其餘
各墨不可勝數

唐主性遐異萬金買民宅旣貴施爲寺養僧累千百雖
遭兵燹患今制未改昔來遊多名賢往往畱遺跡吾獨
愛文成紀勲在崇石

右開先寺

開先寺後五里爲黃巖巖下二石洞有屋數間曰
空生閣懸崖瀑布如千尺白練夏秋水漲陰風掣
斷飄入半空尤奇南面有文殊臺登臺可以觀瀑
臺後有雙劍峯一指峯香爐峯俱秀太白詩云日

照香爐生紫煙遙看瀑布掛長川飛流直下三千尺疑是銀河落九天徐凝詩云虛空落泉千仞直雷奔入江不暫息今古長如匹練垂一條界破青山色子瞻詩云帝遣銀河一派垂古來惟有謫仙詞飛流濺沫知多少不與徐凝洗惡詩

三疊泉雖佳鐵壁瘳可畏不如黃石巖諸峯秀為貴飛泉宛白龍奔走有雲氣豈但洗塵濁亦足醒聾聵我來何匆匆徘徊復歔歔右黃巖

開先寺之西為簡寂觀宋道七陸修靜所居也修靜吳興人隱于廬山屢徵赴闕不就後尸解去謚簡寂先生尚有禮斗石搗藥臼布袋巖在焉今觀殊荒甚惟門前古松十數株猶是晉宋時物

陸子謝榮名修真在絕巘嘗與陶徵士東林訪惠遠三笑愜同心歸來日已晚青天騎白鶴一去不復返貞松千歲姿寒雲自舒卷右簡寂觀

簡寂觀之西即歸宗寺晉王羲之罷江州日買宅於此有佛賦耶舍尊者自西域來羲之愛其風範

遂舍宅爲寺以居之今墨池鵝池尚存元末寺燬於兵盡成瓦礫萬曆間達觀師偶過此見一古松爲鄉人所伐將斲師惻然以夢二斛買之自取泥石傳其斧痕且囑曰此松活吾當復興此寺後三年重過此則松愈茂斧痕皆合遂命其徒果清結茅居之四方檀信助金數萬贖田構舍頓還舊觀今廬山諸寺以歸宗爲冠雖由人力亦其地脉有以致之也

歸宗昉自晉唐宋道益弘中間逢世難殘破無一僧達公偶然過耶舍乃中興雖因願力鉅良以地氣凝試看復生松豈非鬼神憑

右歸宗寺

歸宗寺後最高者曰紫霄峯昔大禹治水時曾登此峯以觀彭蠡因刻百餘字于石室中石室極深驗人罕得至有好事者繩而下攀其字出崖深荒濠予乃搆六字可識今并不知石室所在

夏后勤疏鑿遊歷徧九州及至敷淺原登山眺橫流刻石古洞中雅意垂千秋代久字磨滅洞亦莫可求自非好古者孰肯恣冥搜

右紫霄峯

有水抱紫霄而下者曰鸞溪元豐間真淨文老住
歸宗是時濂溪先生亦解官居廬山黃山谷以書
勸先生與之遊故先生數至歸宗與文老談甚洽
因結青松社以擬白蓮名其寺左之水曰鸞溪以
擬虎溪

元公倡道學實為諸儒先初不近二氏恐其淆聖賢及
與文老遊始悔從前偏風流慕陶遠結社齊白蓮至今

鸞溪水日夜猶潺湲

右鸞溪

歸宗寺後有玉簾泉雖不及黃巖三疊之奇然黃
巖三疊只可遠觀不得近視此則坐立巖下仰而
看瀑煙霧空濛久之衣冠盡濕山僧
新造一樓于溪上可以恣休息焉

此泉久湮沒後代人始知遠望始匹練近觀如細絲所
以名玉簾谷簾寧勝茲六月且陰寒况乃冰雪時小樓
暖可居他日求一枝

右玉簾泉

玉簾泉之西為金輪峯昔耶舍尊者在西域夢登
一峯如金輪及至此山如夢所見故名因構佛舍

利一顆葬于此上造鐵塔鎮之山
僧云騎朗之夜每見舍利放光

耶舍屬賓人妙齡甫十九南遊至匡嶽王公爲屈首施
宅紫霄峯金輪轟其右彷彿夢中山合爲世尊有舍利

小如珠靈光燦星斗

右金輪峯

金輪峯之下有杏林昔董奉隱廬山爲人治病不受錢令種杏一株數年成林杏熟易穀儲以救荒有多取者虎輒逐之卽此處也
今杏樹俱無惟杏壇菴在耳

董子本神仙施藥不受直人樹杏一株山中樹如織
令虎收穀出納誰敢忒凶歲以救荒村民飽其德祇今

杏雖凋言者猶嘆息

右杏林

杏林之南爲黃龍山山下有栗里昔江州刺史王弘欲譏淵明不能致乃命淵明故人龐通之賚酒於廬山半道栗里要之卽此是也
栗里之西有柴桑橋卽淵明故居

陶令居柴桑足不履公府刺史亦名流欽慕焉得睹委

曲命所親相要到茅宇俄頃弘自至共醉亦無迕栗里

宛如昨高風渺千古 右栗里

又有醉石在虎爪崖下相傳淵明山遊曾醉卧於此故名顏魯公詩云張良思報韓羹勝恥事新祖擊不肯就舍生悲縉紳嗚呼陶淵明奕葉為晉臣自以公輔後每懷宗國屯題詩庚子歲自謂義皇人手持山海經頭戴漉酒巾與逐孤雲外心隨還鳥民朱子跋云此詩雖不得其全篇然讀之者亦可以識二公之心矣

長沙晉公輔厥孫肯仕宋托酒以自晦私衷有深痛片石亦何取曾經宿鸞鳳紛紛來遊者平原為之誦二公

本同心詩亦相伯仲 右醉石

由柴桑橋三里至隘口則又轉而之山北矣隘口七里至面陽山山下有淵明墓代久湮沒李空同先生來始封識之并復其田地歸陶氏後九江守馬公紀來疏請建祠曰靖節書院著令典德化縣春秋祭之

先生自祭文葬野不封樹豈知千載後巍然祠與墓當時晉宋交公卿莫知數生旣等浮雲死卽同朝露世眼多矐矐誰能測其故

右靖節書院

靖節書院三里至圓通寺亦南唐李中主所建也其制與閭光歸宗等覺浪師嘗講經於此未久卽去命其徒卓菴主之後亦去蓋寺僧氣味不相合也昔歐陽公過此與禪僧居訥談達旦聯以詩訥爲作夜話亭以識之又蘇老泉嘗攜二子寓此寺人亦作一翁二季亭今并廢

歐公闕浮屠晚乃好緇衣偶與訥公語中宵坐林扉三蘇本夙慧筆舌多禪機曾居此寺中寺僧知者稀所以浪丈人一去不復歸

右圓通寺

圓通寺三十里至東林寺晉慧遠禪師所居也其右西林寺乃遠公弟慧永所居劉遺民周續之輩結白蓮社於此謂之十八高賢而淵明修禪不與焉今虎溪三笑亭猶存梵剎荒涼不及圓通多矣

二慧皆聖僧東西結林殊遠意務廣博永性矜高孤所

以十八賢獨與遠公俱宗風既零落梵宇亦荒蕪異代

有淵明過此徒悲吁

右東林寺

東林寺之北有大林寺十八高賢中曇詵所建也
白樂天嘗獨遊此序云大林窮遠人跡罕到環寺
多清流蒼石短松瘦竹山高地深節候絕晚於時
孟夏如正二月天梨桃始華澗草猶短人物風候
與平地村落不同因成一絕句人間四月芳菲盡
山寺桃花始盛開嘗恨春歸無覓處不知轉入此
來中

山北多奇勝石門信悠哉豈知石門東大林復崔嵬高
寒節候晚四月桃始開徑僻罕人蹤司馬城中來題詩
在蘭若讀者嘗徘徊 右大林寺

大林寺之東卽香爐峯白樂天草堂記云匡廬奇
秀甲天下山山北有香爐峯遺愛寺介峯寺間其
境絕幽又甲廬山某見而樂之若遠行客過故鄉
戀戀不忍去因而峯腋寺作爲草堂則今紫雲菴
後是其故址開先寺香爐峯下亦有草堂遺址嘗
是後人附會爲之恐卽太白書堂誤爲白公耳

金口集

卷二五言古

九

江州名宦多吾愛白司馬築室香爐峯盡室處其下當時有官守豈能越郊野黃巖遠且巉知是後人假東林訪遺蹤將以告來者

右香爐峯

香爐峯東北二十里有濂溪祠本濂溪書堂周元公知南康軍日嘗過潯陽愛蓮花峯山水之勝遂築書堂其下而取故里濂溪之名名之明以他日不仕歸老於此其後果定居焉先是其母鄭太君葬丹徒縣爲水所留徙葬江州栗樹嶺先生沒亦葬其側今書堂與墓皆在數里之內邵公寶疏請立祠著令典又於道州取先生裔孫其來守祠墓過祠三里卽湓城矣

春陵與湓城迢遙隔江湖祇因愛廬嶽遂家此山隅高風被二羆百代永不渝我來山南遊雅欲求一區不知異代後亦有書堂無

右濂溪祠

方文曰廬山蓋介在南康九江之間緣南康上者則先白鹿棲賢由九江上者則先東林天池無所謂內外遠近也然山形南面北背游者先面而後背理亦宜然且南康有落星渚宮亭湖之類九江

有庾公樓琵琶亭之類皆古人遺跡而詩中不錄者誠以其地邊江湖去山稍遠故不及也予遊山時在季冬風雪江寒頗難等訪不無里漏之譏來歲讀書白鹿洞中從容遊覽并摭前人詩文雜著蒼爲一書曰廬山志後之君子庶知所考焉

夢崔正誼李漑林二明府見訪談笑竟夜醒而有

作癸巳

我生貧賤交強半委秋草眼前富貴人率非我所好何緣遇崔李一見遂傾倒仕隱雖殊途握手傷懷抱前年石曰湖去年司空山兩公爲地主朝夕相往還脫畧禮法外縱情詩酒間知我寡且貧厚貺無恡顏別崔乃三歲別李復一載音問雖已疎心期未曾改今夕是何夕春山臥煙靄雙雙入我夢喜見神明宰笑言宛如昨達旦猶未窮知君念我意與我思君同三月楊柳花飄飛

各西東何時重會合轉似夢魂中

暑夜行

夜熱不能寐起行步南軒一庭松月小三徑槐陰繁出門何所適乃至川上原童子追及之勸我還入門山中有猛虎時時踰人垣旣啖東家犬又咋西家豚農夫相告誠夜不行空村我笑謂童子勿聽農夫言古者修真士巖居臥雲根日與猿鹿狎時見虎豹奔何曾遇侵害翻得試心魂我雖未聞道骯髒立乾坤鬼神且弗疑鳥獸何足論徘徊林樹間仰首延朝暾

喜雨

長夏久不雨田家憂旱乾日夜轉桔槔陂池澤已殫早禾雖得刈僅乃供朝餐私廩尚不實公稅何以完豈知

去暑日甘霖沛雲端一夕遂霑濡百頃皆浩漫晚稻屈指收農夫舉手懽天心本仁愛惠我亦何難

秋夜聞松聲

茅堂隘且卑喜在長松下開戶納涼風可以恣休夏夏熱猶可居况乃清秋夜夜半風雨作松聲似泉瀉彷彿廬山時開先共僧話

噉椒堂詩

爲左四子厚作

我昔登茲堂總角六齡耳先君官司農少保尚御史老友結重姻拜謁攜小子小子幼誦詩秋興如流水抗聲吟席上少保驚且喜一首飲一盃八盃竟醉矣踰年我遂孤少保去京市九載別始還我已隸博士學文雖未成愛我筆清泚時時立堂下訓誨非一指未幾瑞禍作

果見泰山圮合族田俱賣此堂幸未毀舊廬分仲季閱
闕嗣前美休那姚先生口不妄臧否錫名曰噉椒厥義
何碻礪復爲文記之秀折妙無比我好游四方數年未
歸里今秋風雨涼入城聊訪爾爾復命我文豈有加於
彼俯仰今夕間又不能自己吾鄉風俗偷所志在青紫
科名爭相炫利祿互相侈譬如井中蛙窺天不盈咫君
家兄與弟少保遺芳軌况乃直指公典型猶在邇讀書
務沉靜脉脉求神理胸懷尚灑落慎勿習貪鄙節義良
可珍富貴何足齒嗟彼槿花紅朝榮夕已死豈若青松
勁千歲勤仰止不信視乃翁巍祠建城裏我忝少保婚
風節頗自矢雖非乘龍客亦不涸羊豕所恨當明時因
厄未曾仕那知堅忍性得力反在此偶來噉椒堂把酒

笑相視吐詞樸無華信筆揮此紙

宋儒李文定詞

李燾字敬子號弘齋諡文定

艾人相與言輒稱李夫子借問夫子誰弘齋李燾是昔
遊晦翁門心學冠多士繼起主白鹿從者如歸市以故
里中人崇祀北山趾俎豆五百年焚燒自今始空餘舊
臺基其上牧羊豕碑碣臥草間文章半泥滓聞公裔頗
繁食粟踰千指胡不念先澤荒殘一至此吁嗟世運衰
人莫重青史大賢且慙遺我輩何足齒

炭婦港

世傳許旌陽顯化在江楚能以大神力拔濟民生苦當
其未昇時往來鄱陽渚弟子十二人人是仙侶相隨
良有年未知果孰愈一日過修江雨雪困羈旅笑指壁

間炭化爲十二女顏色如桃花衣袂隨風舉夜就諸生
室私心實難拒詰朝驚相視面目黑如釜中惟吳猛生
體不沾纖縷以此得傳道高名並千古厥後李龍眠小
官寄茲土睠焉懷往蹟時時造南浦猶餘炭婦港去城
三里許仙蹤久寂寥仰首空延佇邑人慕其風謂足繩
乃武因有李仙亭結構傍山塢我來復訪之亭壞莫可
睹所見皆村叻深衷向誰語

大孤塘阻雪

鄱湖雨雪繁半月猶不晴皇皇西歸客淹泊南康城南
康守若令與我有平生登岸一訪之倒屣懽相迎壺漿
畱我飲書籍要我評推食既不倦分俸亦不輕暫釋羈
旅愁無奈鄉思縈今朝雪少霽登舟促其行行甫及孤

山狂飈復碎，旬回橋趨野岸積雪三尺盈臥困蓬條中
唧唧聞歎聲舟人相與說大姑最神明曷往一祈禱焚
香致虔誠不望南風起但願北風平雙槳溯江流三朝
抵柴荆入門謂婦子明歲當躬耕嚴寒勿再出再出非
人情

田居雜咏

甲午

山人號明農明農義有二一爲我朝氓一爲野老志奈
何抱微尚從未親厥事祇因凶荒年薄田都棄置人家
重與闢欲贖莫由致今春彭蠡歸故交有所遺內外咸
相勸始定贖田議合浦珠復還泗水鼎不墜盡室處其
中平生願甫遂以後曰明農名實庶無愧

嫡母蕭安人故是名閨子若翁諸伯叔累世家於此厥

名蕭家園周環四五里其田雖瘠薄風土自淳美先君以館甥善價易諸彼身後遺藐孤粗足供簞簋豈知兵寇亂拋荒不復理賤鬻良可悲徬徨非得已今年三倍贖雖貴亦可喜瘠土何足珍先業幸不毀

昔有陳元龍豪氣凌九州求田問舍人嫉之如寇讐我亦負奇氣渺視鄉里倚侈志營四海豈肯潛一丘不幸逢世變懷璧無所投發憤去京邑湖山恣遨遊雖有咏歌樂未免饑寒憂何如息塵鞅還歸舊田疇田家力作苦衣食得自由天運苟不回已矣吾將休

南陽諸葛君避世隆中山當其躬耕時樵牧同一班幸而遇明主伊呂伯仲間苟非風雲會泯沒隨草菅我夙慕斯人覓絕不可攀惟有方寸心竊比無厚顏吁嗟漢

祚衰口沙蔽人寰鋒鏑且不畏犁鉏敢辭艱靜觀日月
理晝夜長循環炎漢興有期吾寧老柴關

年年江海遊未曾郊野居豈不愛郊野無田復無廬今
茲田百畝旣失還歸余茅屋八九間老農所拮据我來
借一枝農云幸有餘桃李蔭前門松竹環後墟柯條雖
未繁仲夏亦扶疏再擬構三楹可以長讀書池塘蓄鵝
鴨籬落哺鷄豬此日尚不遑須待收穫初

顏子一瓢飲原憲百結衣所樂在聖道都忘寒與饑我
質本淺薄安敢望前徽兢兢持名節於義不苟違往歲
每艱食出門千人非今幸有菽粟豈復求甘肥試觀溧
陽生爵祿非不巍一朝黨禍作千里輿尸歸身死何足
惜名敗良可歎感彼田家叟終身無禍機

是年陳名
夏遇害

太湖詠竹題章明卿壁

我昔游熙城借居章子屋屋雖不甚廣門徑頗幽曲二
婦室相連芭蕉映窗綠偶見南郊外一竿新紫竹呼兒
刷其根根淺斷復續持歸手自種於彼芭蕉傷幹無一
指大梢有三尺長以泉頻灌之惟恐生意傷秋來風雨
作枝葉何蒼蒼芭蕉到冬萎竹獨傲嚴霜明年予歸去
三歲重遊此行乃舊蓬門先問竹生死竹母大如前兒
孫四圍起抽梢已過墻密陰能暗几章子引予看謂予
竹知已竹見予似喜我見竹轉悲昔居此室中小婦曾
產兒數月兒復夭瘞葬西山陞此竹乃生孫我男尚無
期感此長歎息章子色不怡

秋夜吟

田居惟一室四壁皆土功冬溫夏陰涼寢處宜其中秋
天夜悄悄但聞壁間蟲蟲聲非一響亦似吟能工居人
不能寐聽之感微衷促婦起披衣門外乘涼風况有榆
柳月照見禾黍叢願言事躬耕所恨年不豐良夜無酒
飲坐惜清景空還歸土室卧竟夕蟲聲同

姑溪懷古十詠

乙未

溫嶠然犀浦

溫公本天人無乃太好奇幽明理自隔何苦獨見窺職
此命不延靈爽當在茲我來燃犀亭把酒一酌之

桓溫白紵山

孟嘉沈下僚目中無宣武吹帽事尋常簡脫意千古有
丘在城隅攜妓歌白紵其山雖以名其人不足數

宋公凌敲臺

宋公移晉祚雅欲崇節儉何爲姑溪北燁然起宮殿避
暑誠有之未必恣荒宴許渾詩近誣今人莫爲辨

謝眺青山

玄暉有道人不獨是詞伯朝辭宣城罷暮返青山宅曷
不歸故里浮生總如客嗟彼行路者役役何所迫

謝尚賞咏亭

牛渚月明夜忽聞咏史篇呼之問姓名執手情懽然後
代撫軍者勿輕估客船秋水蒹葭中往往有遺賢

丁令威靈墟

遼東有仙子流寓黃山陽舉身化白鶴千載還故鄉城
郭少人民塚墓多牛羊獨立華表上惻焉心暗傷

李白捉月亭

世傳李供奉捉月沈江波胡爲復有墓於彼青山阿當
是永王時畏禍脫網羅斯人竟流落命也將如何

郭祥正隱居

聖俞工詩賦平生寡所親一見郭功父歎爲青蓮身聞
有醉吟菴乃在姑水濱世遠人莫識懷古空傷神

虞允文祠

金兵四十萬風雨來江北虞公一書生挫之有餘力文
陸豈不忠那能戰則克垂淚拜荒祠斯人今安得

常遇春戰處

太祖初渡江直指姑孰城元兵守江岸險絕莫敢攬一
躍上采石勇哉常開平開平久不作豺虎縱復橫

施粥行贈曹二梁父

田家望有秋所患非一端去年既水溢今歲復旱乾膏
雨久不降川澤潤亦殫五月禾苗焦隴畝何以安婦子
相抱泣累日無朝餐乞食盈道傍欲行步蹒跚仲子偶
出門見之中心酸歸來視倉廩尚有百斛寬慨然命浮
屠炊粥救衰殘每食三千人人與粥一盤老幼鮮不飽
性命得苟完粟里嘗叩門淮陰亦持竿古來賢達士尚
不免饑寒矧此蚩蚩窮餓良可嘆他人習鄙吝坐擁
金琅玕誰能捐斗粟俾爾羣黎驩有客泊姑水臨流浩
漫漫泚筆揮此詩將以激頽瀾

懷羅天成西江不至

昔我去于湖君游南州遠今我來于湖南州猶未返于

湖多所知愛我似君鮮三年不相見懷抱何由展我家
本寒儉漂萍莫能免君猶粗自給何爲亦蓬轉乃知磊
落人今古多偃蹇麟鳳匪不奇俗眼竟誰辨昨日寄我
書其言悲以婉相期天中節歸晤當不舛葵榴花正開
曉夜露方泫此際果逢人曷敢辭沈湎

送新行荅胡公嶠

淮西本山人種山亦已久樵蘇不用錢草木惟自取侵
晨持斧出刈薪向林藪童子負荷歸狼籍委園囿一遭
兵火亂山木悉無有拔宅浮江湖賣文以糊口世人罕
知者玉瓚同瓦缶經旬纔舉火饑餓良可醜胡公南州
宰期月遂解綬訪我飯籬山又復攜尊酒見我焚蒿萊
欣然惠榆柳此物豈足多感君用意厚維時天亢烈木

苗半枯朽薪米俱騰貴誰能給升斗寄語關大夫可似胡公否

七夕立秋飲杜杜若寓中限秋字

有客自涇渭駕言江北遊吾鄉亦何幸得以炎暑畱解鞍歇荒祠祠接城西樓登高發長嘯鸞鳳聲悠悠聞者悅其音縞紵爭相投君子不苟合獨與吾黨求晨夕一披衣風雅成獻酬今夕是何夕天漢雙星流况於露井桐一葉零新秋客行感時序悵然懷故丘貰酒命同袍浩歌以忘憂林端片月出空際微雲浮延頸受涼風行見暑氣收自言三五後澄江掉扁舟嘉會不可長離別令人愁惟應及茲月夜夜共綢繆

借王以介入山訪元尊宿

丙申

一〇一
大師厭塵囂屏跡深山裏况當休夏時門外無一軌忽
聞空谷音亦覺趫然喜借問客爲誰方子與王子王子
金閨彥秉性慕禪理與師有神契妙悟融乳水導我入
香林芬馨被蘭芷層崖五月寒涼飈四隅起日夕遂忘
歸經房乃棲止茅茨新結構亭亭在山岷中有二竹牀
枕簟陳於此午夜魂夢清不復知城市駐此可延年告
歸亦何駛嗟我根器薄所役惟書史晚歲邁奇禍痛恨
入骨髓誓將斷情緣從師問生死

金陵訪王元倬先生並題其南陔詩

南中高士多元倬爲第一盛年罷公車養志不離膝人
爭慕旃裘君獨守蓬蓽菽水有餘閒專心事詩律旣登
風雅堂復入比興室所痛惟君親其他不足述我亦詩

家流哀吟冀相質君適去吳門惆悵若有失羣言彙南
咳李生出其帙讀之再三歎落木聲蕭瑟逾月君始歸
我復揚舲疾倉皇一過晤懷抱安得悉是時霜雪繁朔
風何凜栗寶此松柏姿以待初陽日

訪孫豹人不遇因題其壁

虞翻天下士知己無一人斯言初似激久乃識其真心
生好結交交亦半海內豈無文章伯實少同心輩同心
亦有之才藻或不如才藻卽英發未必多讀書吾欲求
完人僅見一孫八秉節旣堅貞摛詞復淵洽前年游我
里傾蓋如故知臭味自相合不異鍼與磁招我來蕪城
江關好流寓今春邁家難益思傷君住豈知我舟到君
復游武林門巷頗幽邃木葉空蕭森整冠上君堂三子

出見客委曲問而翁音書久睽隔鄧生武林返言共君
羈樓雅游不得意尚困西湖西何不遄歸來家園聊卒
歲雖乏沽酒錢鷓裘猶未敝况聞予在此晨夕相與游
知已有真樂屢空何足憂

露筋祠

揚舲明月湖有祠在岸北舟子汝且停吾欲禮前德娟
娟一弱女乃爲丈夫式嗟彼行路人胡不自努力我亦
處子身四十猶未適雖不就人宿未免就人食以此十
餘年偷生延一息仰視露筋者私心悅無極

題張虞山理琴圖

昔有汪水雲抱琴訪燕獄文山序其詩皋羽譜作曲詩
存琴不傳遺響諒難續虞山者誰子異代承芳躅詩以

金山集
寫哀怨琴以慰幽獨端坐古石間神情澹而穆憂來時
一彈悲風振陵谷水雲不可見見君吾亦足

述哀
丁酉

我母年七旬老健世莫敵齒無一箇毀髮無數莖白耳
目轉聰明內外都不隔子婦私相慶壽考當至百去年
三月初奇禍來頃刻大婦中風死外家構成隙小婦橫
被戕胎墮復腦圻凶人斬我後田園又見奪以此傷母
心形容頓枯瘠髮如腐草黃面似樹皮黑終朝但昏睡
不飲亦不食兒心憂徬徨莫敢離闔延醫視何病皆
云憯痛亟藥餌扶至秋稍稍有起色移居向樅川村舍
蹙休息母忽召兒語故鄉居不得汝往江淮間處處有
安宅任意擇一枝繼室延一脈俟汝有定棲迎我我當

發早則今冬來遲不妨春月汝勿憂我老尚有幾年活
兒泣不能對中腸痛如割往歲兒好遊舉家同作客母
老只思歸苦勸兒耕穫兒歸遵母命贖田種稻麥豈知
爲厲階卽在此阡陌宵小覬覦久欲攘却無策一旦却
乘危得以勢相挾奪田猶自可殺人何太惡殺人而奪
田世無此狼賊故鄉不可居誠如我母說時維十月交
空林戰霜葉兒辭母出門母手爲縫袂丁寧戒僮僕寒
濤勿輕涉鼓櫂指淮揚舊友頗不乏見予各興歎酒脯
時時饒商量居室事機緣尚未合蹉跎歲將暮山陽過
殘臘除夕風雪中孤燈暗禪榻思親兼悼亡悲歌淚盈
睫開春多噩夢神志每皇惑便欲促裝歸其奈資斧竭
俄驚家人到奔走勢勃勃傳言去年終阿太已奄忽乍

聞魂魄飛一慟肝腸割嗚呼滄浪天忍降此酷罰我罪
果深重胡不自殄滅災異起房帷侵尋及耄耄遙想屬
續時光景甚淒切兩婦先期亡獨子又遠別雖有二孫
女孤幼無知識薄棺貸親串含襖仰婢妾貧家患難後
麤布亦鮮缺况值窮冬時江關阻朔雪楚州千里遠音
信何由達浹旬書始到旅次聊袒括殷憂比長淮潞泱
不可掇准人聞我訃唁者踵相接旃林爲母位枉弔皆
賢哲釀金以致祭牲醴克庭列誄文旣歛懇挽詩並愁
絕重以賻襚資腆厚踰常格感此錫類仁臨岐更悲咽
歸路出隋堤揚帆經建業采石與蕪陰高人夙所愜憐
予奔喪回賻誄亦稠疊但恨石尤風江行苦不捷寒食
方抵舍柴門氣蕭瑟我號入中堂二女亦號出撫棺哭

聲亂麻衣滴成血斯時方寸心痛如攢萬戟拜罷不能起二女前扶掖隣里爲酸辛天地亦慘戚問誰張虐敵使我至此極追念先司徒五十始釋褐衰白嗣猶艱望之若饑渴歷聘得吾母懿行在拙訥果兆熊羆祥謬許爲英物小子生不辰七齡司徒沒母年未及壯守貞志不屈以母而兼父教養咸有術兒長粗能文母日望簪紱一從滄海變偕隱甘巖窟性淨不如暈長齋惟誦佛雖無鐘釜養庶盡菽水職春暉不肯待風水嗟何及人生必有死七十非夭折所痛桑榆年轉見家蕩析無孫已閹傷無婦又增恤婦死亦多有斯人受冤抑事姑十二年孝謹無纖失况懷五月孕預喜孫枝茁匪因霜露隕乃遇豺虎啣倉皇莫能救悲憤遂成疾雖以天年終

實爲讎所殺雖死茅檐下直似委溝洫誓不共戴天豈
止不共國顧慙微賤軀欲報苦無力曉夜號蒼穹鬼神
又冥默鮮民不如死偷生復何益茅堂隘且卑風雨撼
四壁母柩難久停須遷就原隰大葬年未利今且治攢
室蓮池水澄泓衆峰何萃嶽信美此山阿况依先祖側
於禮合廬墓兒則未敢必身是刀俎餘尚恐嬰鋒鏑行
當辟讎去不論天南北方技知卜醫可以代耕織餘生
苟不死報恩應有日至辛莫如椒至苦莫如蘖我今走
四方椒蘖甘如蜜準擬明秋還送母歸窀窆願母神靈
安九原勿崩迫鬱鬱蓮華山青松高百尺上有慈烏巢
夜半啼聲急聞之愴人懷殊愧彼羽翼身雖去母傍夢
仍遶母膝欲記夢中言昏瞶難具述此恨抱終天哀吟

何時畢

附題後

此詩渾似北征篇母死家亡更可憐夏雪冬雷天地
合知君恨不化寒煙

梁公狄

新詩讀罷淚油然紙上啼痕染杜鵑我有父兄千載

恨對君霑血拂龍泉

宋玉叔

世間風木自堪悲孝子如何遘禍奇讀到酸心無可
似陳情表與蓼莪詩

孫豹人

題李三石畫冊

李生往我寓手持三石圖言是宋人本近屬盛老摹問
君曷取此取其與字符又問石安在乃在今南都年久
石湮沒不知落誰家我笑謂李生君欲見此無逶迤鳳

鳳臺臺之西南隅昔爲徐王園今歸吾鄉吳三石儼然
存更有白松俱我嘗見此石石上字非誣生聞驚且喜
要我同步趨吳園不甚遠入門路稍迂直至松石下俯
仰增嘆吁此圖卽此石向者何其愚孟夏風日佳君當
攜一壺來就此石傷痛飲復狂呼人石比堅貞異代永
不渝家音姑

嘉樹行爲閻牛叟賦

我愛飲牛叟頻過嘉樹軒嘉樹是何樹銀杏枝葉繁昔
者叅議公手植城中園園爲兵所奪因移湖上村壘石
以爲山編竹以爲垣豈真愛此樹所重先澤存不知去
年冬何物傷其根枝葉漸黃落枯焦似人燔或謂宐斬
伐主人不忍言雖萎亦手澤遺愛安可讓遷延至秋初

生意忽爾蕃主人不勝喜召客來丘樊置酒此樹下
劇時一捫矚茲草木理因悟天地恩盛極有時剝剝極
復還元世運苟如此吾衰何足論

將去彭城畱別魏少尹竟甫

君昔令修江我曾一相訪是時天苦寒雪片大如掌短
褐尚不完敢作狐貉想荷君脫裘贈高義傳吾黨明年
其官遷淮徐幸接壤恐爲馮婦笑勿復來瞻仰今夏泊
隋堤邂逅遇官舫握手道舊懽襟期益散朗問我欲北
征彭城路非枉相期雲龍山把酒一吟賞以此七月初
黃河溯雙槩豈知我舟到君車又他往知有公事累旬
日絆塵網獨憐羈旅人孤懷太蒼莽朝看河水奔暮聽
河水響枕上愁心煩鏡中白髮長我命合迤邐萬事成

虛岡行當掛席去機會不可強

馴鶴亭詩

自有彭城來卽有雲龍山如何宋以前名不著人間直
至張山人作亭曰放鶴蘇子記以文其名始磅礴乃知
山川秀必待文人傳設不遇文人草木空雲煙吾友魏
少尹疇昔擅風雅治河來此州登臨更瀟灑築亭官舍
中亦以馴鶴名仕隱雖殊途飲啄同一情仕者義取馴
隱者義取放其人總清遠於物等閒曠顧昔隱者亭太
守爲屬詞今也少尹亭復徵隱者詩以我似孤鶴馴放
如君意君誠蘇子瞻我愧張天驥

友人吳燾之父諱汝琦死歸德之難徐州志不敢
立傳予感而題此

吳公彭城彥筮仕爲司李睢陽古名魏服官數月耳是
時神京陷中原蕩如洗復聞左賢王萬馬度河水將士
迎風靡夜半城門啟直指凌公駟與公誓一死寧甘蹈
白刃不肯屈其體學使蔡公鳳同日刑於市臨刑頸無
血白氣從中起觀者咸嗟嘆具棺葬以禮其子收遺骸
安穩還故里忠節昭日月江淮傳盛美胡爲修志者隱
諱不敢紀世人好媠阿湮沒寧止此吾憤題此詩將以
裨野史

子房山

子房韓公子所痛在韓滅助漢以誅秦初非好功業其
志惟復讎讎復志已悅飄然從赤松皎如松上雪聞其
少年時吹簫此丘垤因以公名山廟祀永不絕我來拜

金上集
祠下彷彿見風烈亦有區區心人前詎能說

四女寺

朝發甲馬營晚泊四女寺不知四女誰上岸閱碑記漢
有姓傅翁田園故多利所欠惟一子四女並聰慧俱不
願適人願終孝養志親亡卽焚修出家居此寺中庭植
古槐枝葉表蒼翠竟以處子終白首乃仙逝相傳至今
日此寺遂不廢吁嗟天地間所重惟節義豈無偉男子
鮮能畢所事四女良獨難可以風士類

命山集卷之三

皖桐方 文爾止著

黃州王澤弘吳廬定

壻繡水王 樂安節較

七言古體

啓一子建作連理圖贈予賦此答之

戊寅

於戲我祖明善真大賢白沙舊有桑麻田迎兄伯氏居
其間至性篤摯情纏綿茅屋春回讀書處誕生二木庭
堦前左楓右杞本異質一朝合抱相勾連君子謂是孝
德之所致小人謂是富貴福澤之幾焉我祖倡學旣名
世又賴吾父伯父叔父相後先簪笏浮榮等閒事所貴
吾家孝友之德永不愆嗟我九孫紹不業牙籤錦字羅
青氈羣從又將三十人風流文藻何翩翩子建乃爲羣

從長靈心惠識通淵玄賦詩雅似阮嗣宗綴文不愧班
孟堅有時伸紙拂絹素下筆輒作名山川今年與我重
過白沙嶺栖息連枝亭之偏仰思二木發祥日到今七
十有九年其下根株輪囷各十圍其上枝柯糾曲摩蒼
天秋霜楓葉飽丹赤杞條積翠還蔥芊我謂子建汝作
圖子建不答神悄然歸來神悟三五日須臾滿腹生雲
煙旣作連理圖復作連理篇大巧奪天工中聲動危絃
懸之七弟高堂中清風謏謏披四筵客來罔不歎奇絕
君家復有唐鄭虔我欲畱之遺吾後俾知祖德之隆盛
將與連理樹並傳於戲我祖明善真大賢我曹子孫其
勉旃

寄懷齊方壺

去年楊柳花飛白與君同作江南客鷄籠山距冶山長
花下一樽猶間隔今年楊柳花白飛我在江南君已歸
千里家山魂夢遠三江雨雪信音稀敝裘仍返龍眠曲
曲澗滄浪濯纓足賦就光搖合浦珠詩成泣抱荆山玉
山中結伴有左生圖書文史何縱橫左生量弱不能飲
誰將斗酒爲君傾有客東來自江滸道君念予情最苦
楊雄識字惟桓譚太白知心僅杜甫可憐半載喪二親
弟兄析箸家酷貧妻子嗷嗷守空屋一介不肯干求人
嗟乎君才天矯如驚鴻奈何委頓荒山中眼前碌碌少
知己我輩數人西復東昨宵夢見君顏色神情憔悴面
顰黑別後相思殺人夢裏欲畱畱不得我當八月歸
故山直到龍眠欵柴關預將十千沽美酒與君痛飲十

日不得閒庶幾登高一嘯開心顏

寄懷湯季雲

已卯

我思美人在城曲古寺遙深寄芳躅舍後千章榆柳青
門前一帶菰蒲綠美人此際愛閒居花水重陰照讀書
疎簾靜捲三山雨冰簟香分四夢餘兀坐馳情渺滄海
毫光墨氣紛殊采荆國才華豈足多禮部風流今未改
尊公若士思君朝夕誰共游咫尺之間有吳劉陳子精
爲禮部郎舍亦未遠奇文疑義相與求
吳次尾劉伯宗江村暮歆枕胡牀盼雲樹幾欲攀條遺所思長河水斷
陳定生寓俱近橋頭路明朝雨霽暝色開且呼小艇城中來古寺遙深
恣幽討更尋羣彥登高臺

題張方伯忠節卷

□□三犯居庸關今年直薄龜蒙山濟南名郡古侯國
一朝摧破如等閒是時方伯張公立城上戰守無兵復
無餉矢將一死殉孤城頸血雖流氣猶壯其配淑人乃
吾姊高樓晏坐聞夫死盛服明妝出後園顧盼從容赴
湖水公有二姬矢報公存沒雖異忠貞同一抱巨石沉
水際一擁殘雪藏溝中公死十日賊兵去有婦零丁出
沙泖城中積骸高如山尚尋三屍歸一處逢人號泣訴
煩憂人聞公名亦淚流給錢買棺買布縷聊與小斂還
故丘有子若女權虎口殺戮饑寒復何有不知棄捐大
路傷母子重逢信非偶嗟乎我公之死如秋霜三婦從
之亦慨慷此婦不死非不剛借問此婦亦隨秋草萎誰
與收公之骨撫公兒公有舅氏齊重客七十八齡老詞

伯彩筆如椽紀其事一門風尚何赫赫予亦題詩附篇末

送蕭賡九北歸

庚辰

庚辰元日華陽路曉風吹散關門霧有客江城共行役
野店壺觴序情愫昔爾新從北地來是時南國羣賢聚
交游惟我最敦好往還文酒無朝暮自爾一去燕山遙
五載秋光等閒度相期南北各奮飛金門蚤獻長楊賦
我之從子爾之兄眼看白日翔天步偏我與爾好奇服
四海茫茫罕知遇冬晴懷友復南來往日緇衣今已素
長干一見喜且悲儒冠端被虛名誤回念舊游淚雙落
劉于蘇王皆物故雖有存者亦凋零耿耿離腸向誰訴
此際江南春正芳奈何又指桑乾渡男兒富貴不可期

百年壽非金石固祇須飲酒樂朋侶那堪騎馬犯霜露
蕭郎蕭郎聽我言移家且向南中住

寄懷魯孺發天門

君不見姑孰之郡天門山長江浩浩流其間東西二石
迴相望層崖斬絕難躋攀東峰月出西村暮江草芊眠
隱江樹數家籬落半漁樵中有美人託芳步美人昔住
鍾山陽韶音令旨聞四方手抱瑤琴理清曲華林日夕
羣鴻翔可憐世亂遭遷次幾度上書不得志江湖常有
廟廊憂逢人好談天下事白門楊柳秋復春客思蕭條
多苦辛一朝束裝載妻子乘潮直至烏江濱故里凋殘
不可返停舟且息天門阪白沙翠竹藹西村此去江南
亦未遠嗟乎子敬大畧王佐才豈能鬱鬱棲江隈天門

金山集
雖勝苦離索勸君石城還復來無爲輒作江南哀斯言
非獨我如此次尾伯宗亦云爾

禊日牛渚

辛巳

去年禊日在真州與客沽酒臨江樓今年禊日在牛渚
客亦送酒停行舟年年此際恨離別江草江花相對愁
丈夫不入承明廬何爲汗漫游滄洲滄洲汗漫已可惜
依人寄食彌足羞幸有主人賢且豪寸心相許無疑憂
淮南二月春水碧單衣匹馬從之游君不見鴻鵠一舉
自千里安能久與燕雀儔

喜馮歎然歸自白門

壬午

去冬我自秋浦來君舟恰向宛水開今春君到白門裏
我復揚舫之宛水可憐鴻雁各東西羽翼差池長不齊

渚上寒雲空漠漠堤邊芳草又萋萋白門數有音書至
書中每道心中事宛陵年少多豪賢更說諸君名姓字
才思贍藻稱聖期懷抱磊落推杓司風神延祖最冲澹
意氣維伯何恢奇寄言命我交四子豈知交好先在此
芳樽晴步響山雲蘭橈雨泛雙溪水日日思君君不歸
林陰已滿羣花飛旅次忽聞故人至科頭握手無裳衣
別後離情那可說移觴過我月初白庭生抑之與景山
邂逅同爲不速客相逢痛飲酒如泉况迎翠袖高樓邊
主人已醉客且去閉門欲擁妖姬眠

贈徐善生

古人書法各精妙我獨酷嗜顏魯公上凌魏晉下唐宋
皎如日月行太空蘇米諸家法非一何人不自此中出

縱能闌入公門牆終未升堂與入室我學顏書非不專
但恨落筆心茫然昭代亦少爲此法於今始見徐東田
東田宛陵貴公子弱冠學書卽學此文采風流五十年
窮神知化猶未止顏公遺跡皆小書廟碑堦碑隨卷舒
君用其法作大字長至數尺或丈餘聞君用筆如用鐵
累黍不差果奇絕有時摹柳復摹歐錯亂古人迴無別
東田抱道含天眞功名遲暮家赤貧閉門却掃寡游侶
不肯酬酢尋常人以是書法備衆妙四海聲名仍未噪
性情亦不求人知白髮雙谿守耕釣我來訪君君病起
倒衣相對欲狂喜呼兒剪蔬畱我飯言笑綿綿富清理
我爲君歌秋水章君爲我書雅南堂顏公生氣凜可見
草廬萬古生輝光

贈黃穆生

癸未

今之杭州古臨安山川冷落風景寒官斯土者皆不易
郡邑以下難復難我友黃子跣跣才奈何屈節爲此官
吁嗟黃子爲此官令人氣短興慨歎猶喜相逢雙憲使
吹噓逸翮生羽翰聖朝用人破資格安知不冠惠文冠
黃子勞苦宜努力好移花樹栽江干知君橐底俸錢薄
可能沽酒飲所歡

送錢而介歸樵李

余年二十游嘉禾禾中好友良獨多其間最愛錢伯子
稱詩命酒頻相過可憐一別十三載雨散風流竟安在
蹇予屈蠖歸南都君亦蟠龍卧東海東海南都千里餘
山川寥廓音問疎離情耿耿向誰訴開篋見君前日書

今春理檝錢塘歸重到嘉禾訪君扉君復揚舲游白下
湖橋悵望江雲飛及歸南湖春已暮人言君在桃葉渡
冒雨相尋古寺中握手懽然道情慤故人握手雖足懽
懽情未了興慨歎天上歲星過一紀人間恨事盈千端
男兒立名苦不早意氣就衰顏色槁牀頭破甕有老春
且復與君共潦倒吁嗟蒼天必欲窮我身何爲突兀生
斯人但使斯人身不死安能扼抑長賤貧錢子錢子且
歸去饑寒困苦何足慮會當簪筆承明廬立馬相逢杏
花處

送陳旻昭御史徵兵廣西

崇禎癸未秋會試進士四百百名士我友二陳俱巍科
一爲旻昭一百史百史賜第承德郎旻昭注官乃職方

文學侍從讓爾汝職方治兵臣所當方今盜賊亂中土
郡縣殘破無安堵不聞官軍禦強敵獨使殷憂累明主
臣少曾游粵西東親見猺人特驍雄朝廷結之以恩義
皆能殺賊成大功以此上書與執政執政持書達天聽
至尊側席求賢良讀罷肅然起恭敬一朝召對觀德殿
太子東面上南面小臣再拜陳奇謨左右何人不稱善
上語太子此異人庶官碌碌無比倫忠勤智勇復弘辨
孟軻所謂社稷臣賜金賜服冠解豸秉節徵兵向炎海
雕題黑齒雖蠻族沐浴皇恩三百載使臣宣布天子言
諸猺感奮趨中原先期滅張後滅李羣克授首何足論
我聞本朝書生能用兵前有襄毅後文成君今用兵亦
在廣欲與二老齊功名功名富貴非所好平生學力在

聞道晚年特達受殊恩不剪羣克何以報君不記貧賤
時二陳二方號相知三人皆貴我獨賤鉛刀不割空自
啻願君早奏昇平畧漁海樵山任所之

惠泉歌

甲申

惠山之泉天下聞惠泉釀酒良清芬平生雅嗜惠泉酒
恨未一看惠山雲比年來往東吳路舟人不肯少亭駐
引領雲山興欲飛一水迢迢阻官渡今夏冒暑無錫過
役夫疲困南風多道傍密陰且休息因之理策登山阿
千章夏木亂崗嶺中有方亭覆二井一井泉甘一井苦
甘者行汲苦照影山水性情何瑰奇咫尺之間分淳漓
世人不識山水理但聞惠泉便云美予家乃在龍瞋山
中有清泉日潺潺其味與此正相似從不著名於人間

乃知山水亦有幸不幸所居衝僻是其命陸羽品泉亦
偶爾如謂真有第一第二吾不信

武林偕沈葵菴少府飲倪玉純宅

宛溪之水東北流敬亭高齋居上頭兩人先後薄游此
多情少府何綢繆別來失職歸鄉里自傷貧賤負知己
三年苦憶敬亭雲一朝巧遭西湖水入門勞問便加餐
菱茨梨栗香滿盤爲君之故累百爵自到武林無此歡
可憐酒罷天色暮又隨少府丹陽路回首西陵欲斷腸
茫茫秋雨迷秋樹

偕蔡芹溪至宛兼贈令弟玉立

前年寒食楊柳青有客同舟歸敬亭今年長至雪霜白
歸舟又附敬亭客茅堂破壁風蕭疎苦死必欲畱客居

金川集
黃鷄白酒恣啖飲下牀上牀尊不虛方今日月失其位
風塵兵甲滿天地虎豹當關欲噬人季女何能不憔悴
君家兄弟皆賢豪大者孔融次孔褒褒愛其兄促之去
且與張儉齊遁逃

萬歲樓同潘江如作

乙酉

潤州城中萬歲樓其下橋亦名千秋古人登此必觴詠
意態往往凌滄洲後之作者何太惡改其名曰月華閣
我問萬歲人不知非君自引路幾錯樓門又扃久不開
客至但登樓後臺左盼江水右城郭臨風徙倚空徘徊
因憶昔遊宛陵市此與高齋類相似高齋亦改疊嶂樓
世間咄咄多怪事君何不把如椽筆重書萬歲樓三字

汾湖贈祖仲美

汾湖之水白如練左爲吳江右嘉善孤村僻遠無兵戈
夏木秋苗滿芳甸我因避亂來此里停舟悵望少知己
柴門有客懽相迎問其姓名祖仲美仲美風槩昔所聞
嶽崎磊落意不羣吾友二錢止厥室割鷄餉黍何殷勤
舍後若兄有餘屋慨然灑掃畱我宿中庭桂樹吐奇香
往往提壺坐修竹史稱張翰東吳人罷官卜居此湖濱
尊羹鱸膾菰米飯至今秋氣長鮮新我欲移家安此土
荒村幸不聞鞞鼓其如□□□何所謂苛政猛如虎
吁嗟世事良悠悠烈風腥穢無時休君家士雅今何在
灑酒吳江空自流

贈別周穎侯

丙戌

吳中大姓陽羨周其門冠蓋如雲浮文章雖多性情少

獨有一人曰穎侯穎侯二十舉高第上書執政忤時忌
罷謫榆關春復秋稍轉一官東海濤言芳行潔師古人
白玉不肯汗纖塵閩南州郡罕廉吏自古未有如君貧
甲申之變天地裂遐荒聞之慟幾絕新詩百首惟紀哀
奉表南歸淚流血臣心本不愛微官每念先皇心痛酸
况當戎馬交馳際矢事吾親終考槃一朝華夏皆□□
小臣氣激欲自盡子舍先書絕命詞毀髮偷生吾不忍
傷哉二老垂白年乃祖八十九皤然抱持號泣互相守
解縛不得從所天君親一理那可棄且活餘生供粗糲
永棲隴畝爲頑民偶對人言還自愧予雖未仕金馬門
父祖十世承國恩幾欲捐軀勵微節亦以親故遂苟存
君不見陶公集中書甲子鄭公井底傳心史千秋萬代

觀幽貞豈必首陽同餓死猶喜今時文網疎觸犯忌諱
寬誅鋤與君把酒毘陵市狂歌痛飲仍自如如我兩人
性情不易得奈何同心而離居

喜遇從子子畱卽送之寧波

人言汝向南闈來我聞驚絕還疑猜至性如汝且不保
世人寧復可信哉汝到南中非所志或言予亦來應試
汝聞驚絕還疑猜世間那得有此事頃之作客武林城
道上相逢攜手行各言前日信疑狀秋陽皎潔浮雲輕
問汝何之甬東去外舅張公官少府汝之外舅我故人
爲我寄聲道辛苦四明山水天下殊神君守此美且都
汝今遊覽得勝槩顧我落魄岐路隅憑將尺書致少府
愛人愛其屋上烏不知肯作居停無

吳門行

一年一度過吳閭腰下百金千金裝今年行李獨蕭索
布衣白袂秋風涼隣舟新到惠泉酒青錢一緡沽一斗
顧我囊空無百錢仰視秋天悶搔首可憐書劍老風塵
客路栖栖多苦辛明朝况是重陽節風雨飄搖愁殺人

疽歎

去年一疽生右肩皮膚赤腫厚且堅良醫施鍼入二寸
流血數升毒始宣今年一疽生右乳潰久不合其肉努
亦有良醫施毒藥爛腐生新陷重補二疽但屬厥陰經
肝火鬱抑氣血停內滯發於懷抱間坐臥行立各不寧
嗟乎蒼天扼我何太酷半世饑寒與憂辱人間好事一
星無貧病二字更相屬吾生貧病曷足悲傷心四海大

運移牢騷憤懣結胸臆兩年疽發身幾危

縱川苦雨柬李仲山孫子穀

丁亥

春寒二月冰未泮苦雨淒風徹宵旦一川流水勢吞江
兩岸行人泥沒髀有客卧病江上村十日不出長揜門
小樓上漏復下濕匡牀獨坐愁思繁特喜閨人伴幽獨
強將蝦菜供餽粥不須取酒典鸚裘自解牽蘿補茅屋
遙聞二龍雲卷舒我欲移家此隱居春來湖畔泥滓滑
欲行不行空踟躕此間朋好何落落鄙夫俗士懶酬酢
屈指貧交三五人經旬阻雨亦遼廓君不見少陵老人
萬古才長安旅次生青苔當時惆悵車馬客今雨不來
舊雨來吁嗟此老尚如此何足道哉吾與子明朝雨霽
天色開共步江頭看新水

潤州訪錢馭少

前年五月離潤州與君避亂吳江秋水鄉聚首二百日
艱辛歷盡還歸休去年五月毘陵路君自潤州來我寓
牀頭有酒傾數升散髮狂歌天色暮今年又是五月初
舟過潤州訪君廬美人庶幾無疾病竹窗藤几閒抄書
見我入門驚且喜素心相對如秋水潘子東歸鄔子存
故舊重逢非偶爾獨憐羽翼爾伯兄江天寥廓無鴻聲
或傳從軍入楚澤又聞替死如韓成遠道傳聞音不一
大要存亡事難必有時滄海人西歸除是扶桑日東出

江上短歌

三年潤州六往還慙愧未一登焦山亦如十載住南國
未到攝山真汗顏今年六月江上歸兩山在望中心違

我欲停舟少延佇東風迅發帆如飛

阿狗行

戊子

有奴阿狗辭主人主人不語潛酸辛念汝事我三十載
性雖椎魯還真醇平生衣食在園圃歲種瓜蔬繞環堵
有時從我江海行會佐榜人美篙櫓曾將咨斧數百金
付汝扁鑰試汝心久之秋毫不敢動自此財貨遂相任
汝年已壯尚無妻爲汝娶妻曰青溪妻性懶惰復多病
不任驅使嘗勃谿今年烽火連數月危城坐困薪米闕
主人尚不免饑餓阿狗豈敢愛膚髮我有兄嫂聞汝賢
久欲借汝爲耕田頃卽持錢八十緡買汝夫婦歸欣然
阿狗此時意悽惻拜辭主人淚霑臆不言犬馬有微勞
深慚未報帷蓋德阿狗阿狗知汝忠汝與今世人不同

今人叛逆爲亂賊汝則盡瘁能匪躬他時有錢仍可贖
往來只在吾門中

五月初九日作

弘光改元今日月北兵渡江薄天闕京營一騎降書飛
宮車夜半梟門發予時流寓潤州城小艇倉皇走吳越
水鄉避亂閱秋冬艱辛終不保毛髮歸來故國復三載
眼看神州皆陷沒每逢此日心暗傷愁坐書空惟咄咄
子房旣不逞博浪仲連亦未蹈溟渤所求半畝學躬耕
無處深山有巢窟浮湛末世良可羞風塵奔走空皮骨
祇應三徑掩蓬蒿敢望孤峯采薇蕨

七夕歸思

出門時與家人期七夕吾將歸東籬豈知令節彈指過

徘徊客舍中心悲客舍徘徊悲尚可驚心三月連烽火
山城欲留留不得江路欲行行不果此夜西風助峭寒
星河耿耿在簷端誰家少婦高樓望一縷雙針乞巧盤
今人乞巧巧已極吾生守拙拙亦力巧拙互觀更相笑
惟有離情共悽惻何年送老入深山男解牽牛女能織

富池晚泊

富池江口甘公祠神鴉千百巢樹枝客來必迎去必送
拋與祭肉飛啄之相傳此鴉來已久族類蕃衍神所祐
江頭估客欲停船望見神鴉若親舊邇來烽火亂江雲
甘公祠宇半燒焚唯有神鴉驚不去烏烏啞啞聲相聞
間者兵兒萌殺機鴉必先覺摩天飛以此彈射不能損
橫江送客終無違我來富池拜祠下仰視羣鴉鳴古瓦

斷碑零落荒草間欲考其詳罕知者祠傍有樹曰棕櫚
根幹輪囷枝扶疎山僧指點數百載石上猶存坡老書
我愛神鴉性靈異復愛棕櫚影蒼翠樹下徘徊夕陽沈
况有前賢詩可記獨怪坡咏棕櫚時曷不一及神鴉事

雷江口

鮑昭書中大雷岸李白詩中長風沙本是古人佳勝處
今人相喚名遂差長風沙爲烏沙夾大雷岸爲雷江口
不考其實訛傳訛古人佳勝復何有此地面江卽樅陽
唯我過此心徬徨若非鮑昭與李白山川那得生輝光
齊介人書至云宋玉叔客吳門念予甚切感而有

作

山東才子宋玉叔滄溟以後無其人曾游江南訪諸彥

江南諸彥皆逡巡一朝京口與我遇行衣縞帶慳如故
把酒同登萬歲樓行吟共倚三山樹亡何白日塵沙黃
與子避地尊鱸鄉本期煙櫂窮水國可憐病骨支匡牀
久之風雨復飄散君冒兵戈歸海畔雙魚寂寂冷春江
三星耿耿望秋漢明年六翮翔九州乘興復作江南遊
逢人輒問明農子聞我饑寒嗟未休齊生書來道君意
令予俛仰發長喟乾坤納納幾人存出處雖殊心不易
初冬擬掉吳門來君舟此際開未開虎丘霜月甚可惜
安得與子大醉生公臺

荅邢孟貞江上見懷

八月我自黃州歸不知君上彭郎磯楚江遼濶坐相失
令人轉恨檣鳥飛十月重來舊京室聞君返櫂已旬日

亟呼奴子馳相聞莫似長江又相失君持一卷楚游詩
云過樅陽多所思勸我歸耕嘗苦口往往荅以東坡辭
我謝江神非得已有田不歸如江水且將醫卜混屠沽
稍可買山卽歸矣石臼湖邊數口家門前禾黍復桑麻
主人底事亦久客三年不見東籬花

廣陵同姚仙期鄧孝威飲吳園次臘梅花下

百花之長山中梅謂其能犯霜雪開梅花開時春已動
臘月梅蘂方含胎不如臘梅更孤絕窮冬乃能傲霜雪
根幹雖無古松勁芬馨頗似秋蘭烈我友吳子蕪城東
獨賞此花樹庭中門逕不許俗人到氣味自有賢妻同
虎丘姚師衣破衲廣陵鄧生披短褐爾汝俱稱物外交
要我同行意軒豁入門呼酒復呼茶蕭然環堵類山家

他人富貴足悲歎我曹貧賤還驕奢君不見臘梅花

與治五十

君年三十七我年二十三曰杵始定交聲詩播江南君
年今五十我亦三十七世運有革除交情永無失交情
久遠良足多功名未免歎蹉跎風沙倏起箭滿眼相期
采藥西山阿西山草木鍾神秀何事苦吟人太瘦試看
山中猿鶴羣瘦骨孱孱反多壽勸君加餐君勿疑四十
五十未爲衰南陽若有漢司隸扶杖旁觀尚可期

石臼行贈崔正誼明府

君不見石臼湖湖村一幅桃源圖荻花到處有漁父竹
實時能來鳳雛江南山水多靈秀幽窟終當推石臼我
昔逃名隱此間欲結茅堂未成就無端浪跡逐江雲湖

中消息嘗相聞昔年擬仿韓公子今日欣逢崔令君令
君文苑稱作者雖領簿書亦風雅尋常尚想登龍門况
受一廬樓宇下寒雲漠漠雪霏霏久客江城取道歸爲
愛湖村聊卒歲琴堂何幸瞻容輝令君雙眼如秋水自
別陽鱗與魴鯉莫疑勾漏乞丹砂匪向臨卭彈綠綺石
臼湖邊草樹香春來依舊結茅堂門前鳧雁應無數或
有王喬履一行

贈湯幼嘗之子令仔

巳丑

湯生有子名令仔神氣駿爽超羣兒我昔游其師塾中
見此童蒙獨稱奇今年令仔方毀齒童蒙亦覺感知已
往往見我情最親繞膝殷勤問書理而翁孝友學道人
聲光未泄萃汝身眼看駟馬復車蓋屈指而翁纔五旬

哭從子直之

吾兒死不見其死不見吾兒見猶子猶子病時我在旁
其形枯瘠不忍視聞說吾兒病篤時其形枯瘠亦如此
傷哉天乎何不仁一門喪我兩才士二子才調各不同
一者豪放一謙冲所性雖殊雅相善翹然鶴立鷄羣中
奈何俱嬰不起疾爾年三十兒十七爾曾富貴兒長貧
爾既有子兒無室吾兄昨日爲我悲我今爲兄涕交頤
明朝江口又相送死別離兼生別離

贈孟六珩明府

小孤山北江城徵兵荒廿載人民稀近來却有神明宰
白叟黃童得所歸神明者誰出鄒魯大賢遺訓垂千古
夙昔文章號巨公今茲德化推慈母丙戌之歲秋闈開

我公應聘江東來午夜焚香告天地務求磊落嶸崎才
偶獲一卷稠人裏氣韻澄泓似秋水急呼武進張環生
此是桐城方爾止環生張令我故人乍看遂謂爾止真
兩公擊節相嘆賞交薦主者魁其倫明朝折卷非所望
兩公咨嗟復相向絕代佳人在幽谷十年不字空惆悵
公誠知我我未知逾年環生始言之野人性癖固不仕
知已恩深能勿思可憐世事同飛電聞聲相思不相見
頃來姑孰謁高僧佛座蓮花映君面彼此初未通姓名
滿堂賓客獨目成近前一語忽大笑針芥之合良非輕
須臾執手相慰勞文章有神交有道我本麋鹿合山林
君卽夔龍且泥淖浪師義學天下無親拈五色摩尼珠
與君日日來聽此勝著峩冠馬上趨

宛陵雨中訪蔡四芹溪

庚寅

登嶂樓頭雲出門雙溪渡口雨翻盆似有蛟龍鬪不止
平地水深三尺渾淮西山人宛陵客終朝獨坐愁心煩
與其獨坐愁心煩何如赤脚著短禪冒雨衝泥過橋去
草堂未掩天黃昏知爾貧厨無所有新麥作醴剛一尊
卽焚枯魚酌麥醴中郎風味千古存今宵共醉且爲樂
明日陰晴誰復論

蔡邕與劉表書云焚枯魚酌麥醴欣然樂在其中

塢塘與甯山同宿胡允右宅醉後作

我思故人溯江去故人思我沿江來江渚相逢忽大笑
卽與攜手同舟迴塢影塘邊有知已明江東去復九里
不嫌索酒叩柴門况對寒花映溪水今宵爛醉君莫辭
明朝我去天一涯歸來只恐君亦返赭山重聚知何時

君家九子芙蓉下抱琴獨嘯無知者何生遠出劉公亡

泠泠哀吟向誰寫

劉伯宗何寤明寧之同邑師友也

羅溪訪詹錫卿有贈

辛卯

詹生累世山中居少年豪氣壓里閭讀書不下數萬言
飲酒乃至一石餘是時天下承平久樂事何多在林藪
一朝羣盜入巉崑苟全性命戕兩手兩手雖戕尚能持
終日作字細如絲青氈舊物那忍棄秋林闢館教羣兒
我來訪君萬山裏幽溪彷彿花源水門前粳稻露華濃
籬邊橙桂香風起置酒芳園覆綠陰東鄰二子皆同心
張旭如章明卿况有伶人奏絲竹遂令山水紛清音夜闌勸客
飲一石主人竟不飲涓滴長齋事佛有深意神情無乃
太枯寂君爲我飲我爲君歌當年樂事今如何一從鞞

鼓亂天下道途人少豺狼多幾家招飲有叢桂幾人聯
笑山之阿如何不飲空蹉跎

城西行

孺子五月瘞城西半年不到草已迷殘冬出郭一相視
朔風震蕩愁雲低山高墳小恐易失紙錢倒掛枯棠梨
日暮歸來慘不樂且呼二女相提攜二女平居聞哭慣
嬉笑亦復學人啼若母惡其聲不祥持竿喝止中心悽

風雷行贈雪田上人

壬辰

雪公新自皖口還休夏直入飯籬山山中一夜大雷雨
天崩地裂非等閒園有古樹高千尺須臾吹倒壓我壁
孤僧倚壁正酣卧碎匄奚止萬斤石此時梵剎皆欹傾
雪公閉目神不驚天明雨止掘始出恍如入定聞磬聲

我來問公顏樹下相對神情愈閒暇擊火烹泉不停手
重拈石上三生話遙指青峰天柱西故人許我田數畦
欲結茅菴寄瓢笠烈風雷雨焉能迷

張道人園居歌

今年暑熱何太酷五月中旬似三伏江邊垂柳葉欲焦
路上行人汗如浴我自姑郡來蕪關主人館舍惟一間
繩牀獨宿已偏側况復枕畔添雙鬢倉皇躡屨入山去
石上松陰可箕踞僧房一一寓皆滿欲覓幽栖向何處
飯籬山下張道人曾於僻地開荆榛斬竹編蘆蓋茅屋
四山廻合皆松筠我問道人借一席道人欣然迎我入
東頭正空兩三楹君來可以恣休息明朝抱枕到中林
北窗高卧松陰森但見涼颼透絺綌豈有暑氣來相侵

道人性復知愛客每日烹茶供肴核此間安樂勿思歸
且待秋涼再區畫

顧與治白下書來却寄

四年不復到舊京舊京老友嘗寄聲頗聞君受買田累
幾至破家殞其生前歲寄書到京口勸君盍拋此田否
君言急切拋與誰譬如重病須緩醫我切爲君憂此事
病重醫微恐難治百里空勞牛馬塵三載遂無鴻雁字
昨日京口寄我書上言此累已寬舒今秋可收穀千石
除却完公尚有餘七月將歸舊京矣要我重來白門裏
老友相尋豈不懽無奈歸心在皖水江畔梅花冬復春
相期命駕訪情人若使避兵白下好還思徙宅爲比隣

喜得姚休那先生書

先生高卧秋山雲幾欲來訪慙垢氛昨日遠寄一書札
其中意念何殷勤勸我休買孺子妾孺子妾不如文君
寧馨阿堵兩難事斯言妙絕今始聞先生書云君買妾
管且吾馬瀛王一輩人責效于已試者較易耳若趙家
姊妹恐非人種蓋美人之于寧馨猶文人之于阿堵皆
世間極難得之物老大竊爲私憂過計也

廬山訪從子密之同宿九夜臨別作歌

與爾同學十四年

自丙寅至巳卯

寒冬夜抵足眠當時文章

各自負豈知窮達分天淵爾仕明時露光彩時危斂曜

游東海同心那得復同林分攜又十有四載

自巳卯至壬辰

看二十八年過少壯幾時奈老何爾於五倫事皆畢我

無一成空蹉跎今冬訪爾廬山下重與抵足八九夜夢

中頻上紫霄峰醒來真是白蓮社

金竹坪雨雪行

城中微霰不終夕，山中大雪已盈尺。城中雪消半月餘，山中松樹雪猶積。祇緣此地高且寒，千巖萬壑埋雲端。老僧告我四時雨，一月曾無幾日乾。

三疊泉歌

玉川門內看三疊，飛泉噴薄由層巒。九雲屏前看三疊，急流奔瀉在深湍。乃知世間本一物，隨人上下殊所觀。我今更躡五峰頂，從此眼界何如寬。

龍竹歌

癸巳

吳城令公廟有二枯竹圍大尺五，宛如龍形，鱗鬣俱備，但無首耳。昔

有人于鄱湖中網得一株，詫其神異，送入廟中。祀之，越數年復有一株，浮至廟門，似欲上岸者。舟人取視，與前竹無異，長大亦相等。并祀于廟，果神物也。癸巳三月十一日子過此，見而愛之。

因作歌

昔聞竹化龍今見龍化竹羣龍見尾不見首竹亦無首
尾相屬長梢天矯勢入雲密節糾互成龍文是龍是竹
渾不辨一雌一雄如有分我夙好奇訪其處摩挲驚喜
復驚懼古廟喧闐難久畱會須風雨雙飛去

左蠡行

小艇迎風發星渚未到揚瀾日過午榜人貪涉不肯停
黃昏必抵都昌浦俄驚狂飈自西來水聲騰沸山崩摧
更兼雷雨助其勢榜人面色如死灰急曳半帆回左蠡
暝黑奔馳二十里依稀見岸不得近沙淺曾無盈尺水
終宵漂泊蘆葦邊風波震盪誰敢眠世間平地皆好住
何事江湖年復年

賣馬行爲祝一之賦

蘭溪祝子今建昌簿書錢穀非所長性情獨嗜詩與酒
湖山花月恣徜徉一朝拂意掛冠去興味蕭然仍寒素
祇緣脚疾行不良買得一馬當徒步齏城客久囊橐垂
食指繁衆長苦饑藜羹不飽况芻秣爭欲賣馬供朝炊
主人見馬意淒楚嗟爾玄黃瘦如許馬不能言對以臆
我與主人命同苦世間富貴唯科名但入仕途金滿籬
主亦登科宰百里半肩行李何其輕昔時廉吏人所羨
今時廉吏人所賤早知官罷厨絕煙何不居官少通變
主人悵惋復徘徊叱奴牽出城東來我棄一官如敝屣
區區欵段何有哉君不見漢家驃騎千萬匹無端闌入
闕氏室

山中休夏

野性好游四時同惟有盛夏思山中所苦衣冠見熱客
不如袒裋迎涼風今年西歸自廬岳蓮花灣頭且歇脚
柴門枕簟恣高眠雖無飽飯粥亦樂

秋日漫興

四時平分秋最佳孟秋景物尤堪誇千樹欲落不落葉
數枝將開未開花秋山著雨淨如洗秋水平湖浩無涯
菰蒲芰芡聚淺渚鳧鴨鷗鷺爭晴沙山田到處收粳稻
村舍逢人話桑麻魚舟魚賤不須買酒坊酒熟頻教賒
溪山如此足娛老我獨何爲欲辭家祇緣性情好江海
八月又泛銀河查

漳湖歌贈范小范

漳湖垂釣者誰子石碣落嶽崎天下士不堪牛馬走風塵

且伴鳧鷖美秋水水邊築室曰緯蕭朝爲漁人暮爲樵
煙簑雨笠自千古韎鞞襦袴何所驕君不見漳湖之西
大雷岸荻花楓葉荒江畔鮑昭於此寄妹書遂令僻地
聲光燦回望漳湖多白雲向來泯沒今始聞他年漢使
求遺老舟過雷江先問君

皖口行

六日凝寒雨不絕中間爲霰又爲雪天宇沈昏飛鳥無
江波洶湧行人輟我來買舟向匡廬榜人勸我姑徐徐
揚舲須待雨雪止六日不敢開篷條浙浙寒風透窗牖
重重布被蒙身首泥塗薪米尚艱難那得餘錢復沽酒
從來雪天容易晴連陰不晴愁緒繁但令卒歲有衣褐
何苦嚴寒江上行

雷江口

停舟皖口七日多淒淒無奈雨雪何行人躁急耐不得
揚帆破雪凌風波雪花飄空朔風吼江邊行者一無有
獨我孤舟冒險艱須臾已到雷江口雷江津吏把手搖
長年三老慎勿驕此番安穩乃微幸世間幸不可屢徼

建昌魏明府招飲署齋卽席作歌

三月訪君到修水君去章門百餘里荒城破寺難久留
停車一夕卽歸矣端陽星渚忽相逢舉杯慰勞情更濃
自言雲居山秀絕不讓五老香爐峰我聞此言興勃勃
重游須待新秋月秋田穫少費經營蹉跎冬仲舟始發
蠡湖雨雪何瀧瀧浹旬才得抵修江故人一見驚且喜
旋出金盤倒玉缸殷勤勸我加餐食相看俱有風塵色

只道天寒爲客苦，豈知爲官更苦極。前日填撫過城東，
拜跪迎送雨雪中。肢體凍僵陷大澤，衣裳盡濕誰敢烘。
今朝偷得片時暇，把酒論詩竹窗下。無端吏復催升堂，
鞭扑誅求至中夜。嗟乎方今守令靡不艱，觀君風槩猶
蕭閒。登臨豈礙民社事，與我雪晴共上雲居山。

徐園看臘梅花

菊花開罷花事窮，千林萬木搖悲風。臘月老梅底心性，
繁英爛熳霜雪中。可憐地僻罕人識，孤僧引客尋幽叢。
手折一枝歸旅舍，寒香冷艷將無同。

雲居訪晦山大師贈三十韻

甲申三月天地崩，先皇龍馭奄上升。普天率土皆怨痛，
我曹悲憤情尤增。婁東名士王元達，號泣求死苦未能。

救斷家務辭祖廟毅然削髮爲孤僧江南山水游已徧
乃至廬峰最高層九疊雲屏居二載千巖萬壑靡不登
書法雄俊李北海詩情淹潤王右丞義學淵邃吾不知
大要能參第一乘匡廬之西雲居山體勢蜿蜒高嶙嶙
其上古有真如寺復有明月湖光澄唐宋以來三十代
代代耆宿相師承中間佛印名最著蘇黃二李爲良朋
手植黃荆樹猶活親造碧溪橋尚稱元末始有兵燹患
本朝慶曆年復弘神廟御書十四字奎章魏煥神所憑
金粟如來及三藏頌自聖母信且徵近日鐘鼓雖寂寥
草木之氣猶鬱蒸何幸晦公來駐錫皆云此寺當中興
我夙與師相慕久都昌片札傳也曾歲寒那敢畏霜雪
穿雲躡磴惟枯藤招提一見懽若舊雨窗話到三更鐘

談禪談詩已快絕重論往事悲不勝欲補青天無采石
 欲繫白日無長繩與其羈絆塵網中腥濁臭穢良可憎
 何如埋照向幽谷身心皎潔冰壺冰莫愁震旦遂長夜
 天運剝復還相仍處則蹲伏類獅象出則變化齊鷗鵬
 來朝別師下山去回望山頂雲煙凝他年倘晤在京闕
 紫氣重瞻十二陵

崔李行

甲午

杜詩云曉定崔李交會心真罕儔
 每過得酒頰二宅可淹雷謂崔封

李戢也白詩云平生相見即蕭閑靜念無如李
 與崔各是天涯為刺史如何不覓九江來謂李
 公垂崔聯叔也夫杜白當時交游何限乃惓惓
 致意于崔李二君噫亦異矣予生平不乏交游
 稱知己者則崔高淳正誼李太湖蕺林嘗兩至
 高淳三至太湖二公待予之厚始終無間因有
 感於子美樂天二詩而咏嘆之似
 先獲我心者爰作短歌以紀其事

有唐詩人累千百我獨師承杜與白杜白同時人幾何

維崔與李情獨多古今風雅有神契况復俱生壬子歲
何緣崔李亦同時氣味相合長相思長相思不長相聚
會吟錦水香山句

送八弟爾孚游武昌兼寄徐莘叟

吾弟昔適楚往來斷黃州漢江去幾許未上黃鶴樓黃
鶴樓空不如昔鸚鵡洲頭芳草碧行人過此暗傷魂况
爾風騷嗜成癖野店山橋驅蹇驢言訪故人徐秘書秘
書高義夙相洽楚江吟眺今何如醴酒雖然稱上客飄
零琴劍終非策無情白髮暗催顏有用黃金莫輕擲歸
贖城南數畝田妻耕子耨終殘年

戲荅友人借書

古人借書餉一甌及其還書亦如之世間好書難得讀

以酒酬之尚未足今人字義明昧間有書不借借不還
借書還書癡何有不借不還良可醜

語云借書一紙還書一紙
一紙酒器也

今人誤作癡故云

老姑行爲姚姊夫人七十壽

吾家先世有老姑髻年未嫁亡其夫竟以處子終漆室
壽介八旬貞不渝三百年間風未墜姚吳二姊能相繼
二姊十七守貞同次第皆登七十歲清芬才調更絕人
詩文秀潔無纖塵書法直追王子敬繪事不讓李公麟
曾集宮閨詩一帙部分邪正意凜慄大書石碣表荒山
預築佳城待同穴凡稱婦職仰夫子吾姊所杖不在此
空闈寂寂老朱顏苦節煌煌照青史方今節義何浸淫
松栢衰頽蕭艾深世人雖不好松栢果見虬龍誰不欽

命山集
譬如吾家老姑去已久閭巷高名並山斗中間簪紱豈
不多悉與草木同腐朽吾姊操行復嘖嘖三老姑名應
不刊浮榮奕葉等閒事唯有斯人良獨難吁唯有斯人
良獨難

雙松歌爲楊嘉樹尊人壽

楊生手持一幅雙松圖言歸壽其二親六十俱問誰作
者釋無可此意便與今人殊今人所好惟富貴乞言鮮
不爭華蔚楊生轉好出世人當是若翁平日家訓有獨
異若翁高士本南州逃名亦似韓伯休偶因買藥至桐
子綬戀遂家此山陬暮年始誕一雛鳳長離五色能驚
衆欲飛不飛鳴不鳴會看東海晨曦動楊生此意人罕
知蓬門菽水聊棲遲三公五鼎有時盡千霜不改青松

枝所以旣索竹關上人畫又索淮西山人詩

山谷寺短歌

乙未

昔有二老天監問一錫一鶴爭此山我嘗疑其爭似罔
到此方悟非等閒卓錫一峰高似笋更有浮屠在山頂
四山環抱僅餘門門外吳塘美澄影其東便是白鶴泉
左慈丹竈遙相連形勝雅不遜卓錫舒州仙觀名千年
我來三月重三日僧房道院俱蕭瑟惟有流泉似昔時
潺潺仍自溪中出

彰法山經橋公故居

古人我愛孫伯符弱冠義兵起東吳同年遂有周公瑾
奮其智勇成雄圖分則君臣義兄弟併與橋家作嬌婿
二女才華誠絕人何處能尋此伉儷可憐伉儷不同老

孫郎早世周郎天海邊精衛恨茫茫枝上啼鵲聲悄悄
我今彰法山下過路人猶指舊山阿雄圖艷質俱銷歇
惟有荒臺永不磨

四月四日龍河阻雨

四月一日至四日田家於此候陰晴一二三日晴則稔
今年三日俱晴明四日宜雨雨果大今秋農事端有成
吾鄉苦遭三歲旱見說豐稔先怡情但教塲圃有餘粒
客路棲遲無嘆聲

宋孔毅父談苑載古謠云一日雨百
草枯二日雨傍山居三日雨騎木驢

四日雨農有餘騎
木驢者謂踏車也

泣象行

有象有象西南來言從楚塞之燕臺縣官郊迎十里外
閭巷晝閉城門開居人看象家家出道傍暗數十三匹

高如屋春色如灰形勢威猛良可憐中有一象獨淚流
驅之不行屢回頭諸象亦似慘不樂強行數步還復休
借問此象何由得象奴欲語先悽惻此獸不與凡獸同
曾受本朝大官職一自兩都陵谷遷□統却在西南天
羣象當關爭禦敵戎馬不敢窺黔滇頃者將軍貴公子
輕身挑戰陷重壘將軍舐犢不勝情車輦金銀來贖取
北兵搖手不受金會須巨象始稱心將軍痛子不得已
遂驅此象來江潯豈知人情故叵測旣獲其象子復賊
將軍憤極大舉兵電閃雷轟在頃刻北兵大敗不可支
水深河廣爭渡之人馬溺死凡數萬僅餘此象先驅馳
象本不願從逆節無奈爲人所羈繼象奴雖賤南方人
屈膝北人憤所切燕山楚水路漫漫晝行夜卧同辛酸

其中老象心更苦雙眼常流淚不乾我聽斯言發長喟
世間物各有忠義雀猶報德魚感恩魁然巨物何足異
君不見供奉猴跳擲欲上朱溫頭又不見舞牀馬怒視
祿山不肯下爾象有力逾千鈞何不發狂奮迅奔絕塵
任渠萬馬追莫及何爲低頭垂鼻空含辛

白門三子行贈陳翼仲張介人鄭元白

昔余授易冶山園一時英俊從者繁其中五子最傑出
臭味相洽無間言忽逢世變各分散重來白下傷余魂
蔡盛溘焉化朝露惟陳張鄭三子存三子匪獨擅文苑
更能猛力窮詞源才名藉藉震京邑皆云此出淮西門
老我因之增氣色緘口不言道已尊試問別來何所得
爭出其製相討論或如蘭苕翡翠立或如碧海鯨魚翻

風塵豈合淹此物眼見六翮當高騫陳生更念客衣冷
脫裘贈我霜天溫今人君父誼且薄誰能不念師友恩
感此長吁飲一斗懷抱淒絕吟聲吞酒闌歌罷出門去
悄悄月明秋樹根

書汪五河母行狀後

汪生向我聲烏烏爲言有母鬻阿孤十六年間勤且瘁
將荼畜租良不易兒幸成立能文詞黽勉祿養自有時
豈知風水不相待菽水正歡先見背此身難報罔極恩
敢乞名言表墓門嗟乎今人所志在薰灼倫理之間鮮
不薄汪生至性痛所親他年豈負君友人
訪林青仲不值畱此兼悼令兄儲乙

瓦官閣西曾結隣與君兄弟情最親一聞笳鼓我歸去

蔣山回首長酸辛八年重渡秦淮水舊交落落晨星矣
猶向城隅訪二林雁行中斷忽千里君又讀書銅井山
含悽作字付雙鬢只恐君來我欲別人生會合何其艱

揚州遇鄧孝威有作

丙申

八年前作廣陵游一時聚集皆名流君齡未壯便隱逸
賦詩贈我深相投亡何風雨各飄散我去山中君海畔
忽聞驅馬入京師定知采筆干霄漢聲名籍甚公卿間
掇取科第如等閒雖曰從軍不肯嫁木蘭仍以處子還
適我避讎來水國舊友凋零空嘆息豈料君從北地歸
古寺同棲正歡劇日夜相過不厭頻狂吟豪飲任天真
殘冬且莫輕離別直待關中孫豹人

梁仲木招同鄧孝威飲瓊華觀醉後作歌兼懷令

弟公狄

梁公五十鬚皓白其鬚雖白心則赤少年出入戎馬塲
雄文欲勒燕然石蹉跎壯歲不得志南游且作諸侯客
忽逢世變神愈傷秋水蒹葭渾浪跡君家兄弟本燕人
墳墓田園在京國其性乃如鷓鴣鳥飛必向南不向北
以此流落江淮間縱酒沈冥人不識與余相慕二十年
今朝忽喜見顏色瓊花觀中促沽酒霜天痛飲懽無極
况有鄧生同氣人話到京師淚沾臆侵晨便欲秦郵去
十日仍來邗水側令弟藏身射陽湖潛螭不見更奇特
我欲從之煙水逃非君共艇求安得

王雷臣侍御招同沈仲連李叔則梁公狄夜集黍
酒宋甕喜而作歌

淮酒何物浪得名其味重濁少輕清五加皮甜苦蒿苦
除此薄劣不足評王公燕市文章伯持斧江南遂卜宅
生憎淮酒不沾唇柅黍攜來自醞藉酒成冲澹復辛香
飲之不異醍醐漿千鍾百榼渾未惜時時召客來高堂
我謁王公霜氣肅適有二賢先在屋薄言取酒禦風寒
涓滴纔濡春滿腹况乃宋甕形製奇古色斑剝如鼎彝
衆手傳觀互相賞循環斟酌誰敢辭如此杯罌如此酒
今宵爛醉良非偶主人愛客不嫌頻尚許雪天傾數斗

淮瀆敕

是日范廉生主社賦此

淮瀆淮瀆故有神今古廟立淮之濱通江導河入於澗
祀同五岳康我禋定陵四十有八載天下雍熙俗未改
曾頒道藏賜名山特遣中官蒞淮海手捧龍文敕一通

煌煌天語在其中延齡不借長生藥致治惟敦黃老風
道書千卷藏於此上有漆函函睿旨春秋又復四十年
臣民曷敢輕開視今冬有客淮南游經過瀆廟聊彘猶
仰首神明問童子宛見敕書居上頭再拜焚香復盥手
取敕開看咨嗟久朱文寶篆尚鮮明黃絹金泥絕塵垢
我黨俱是山澤癯每逢舊物淚沾濡鍾山松栢且凋落
此敕不動神所扶是日恰逢陽長日把臂同歸范生室
主人進酒客賦詩賦詩無如淮瀆敕

韓侯兒

是日陳階六丘季貞主社賦此

韓侯之族世所悲韓侯有兒人莫知我今痛飲淮陰市
請爲君歌韓侯兒侯昔鍾室銜冤日小兒三歲誰能匿
有客毅然竊負逃密以情探蕭相國相國聞之驚且憂

爲言關隴不可畱作書授客使入海南粵趙佗堪與謀
趙佗夙與蕭韓善養兒成人延一綫去韓之半改姓韋
子孫漸繁滿鄉縣因之世世爲土官魏晉以後休隱瞞
蕭相前書趙王册刻諸金石永不刊韓襄毅公曾有說
乍聞此事歎奇絕其客姓名雖不傳自與程嬰比風烈
釣臺之下淮水奔我來泊舟先愴魂千古英雄有本色
死生貴賤何足論要知呂亡漢亦滅韓侯血食至今存

題宋射陵蔬枰卷

於陵仲子辭三公爲人灌園淄水東灌園何關盛德事
千載以下欽高風鹽城宋子居澥口平生自負釣鰲手
江澥橫流那得施且作田間抱甕叟其畦歷落如楸枰
露葵霜薤長滋榮君因種蔬悟碁理眼前黑白誰輸贏

獨惜世無張德遠何人記憶蘇雲卿

蓮池種竹歌

丁酉

二月之晦前三日奉吾母柩歸攢室室在山阿湖水邊
舊種青松高且密祇緣東北隅少虧秋冬恐受朔風吹
欲補以松長不及皆云種竹深相宜隣村况有湘妃竹
紫點黃斑麗青玉冒雨移來十數竿千枝萬葉仍相續
雨晴日出影蕭蕭又恐風吹根動搖植木爲闌結繩縛
提甕汲水時時澆我母有靈竹皆活其葉微乾根不撥
根邊帶笋未經鋤今歲還期笋當發明年竹母生孫枝
我母之孫尚無期兒今避讎出門去分付園丁好護持
既不許兒童折不許牛羊嚙竹身多少淚痕斑盡是
孤兒眼中血

負版行

數年不到三山街今春偶到多感懷不知是何大書冊
路傍堆積如蘆柴行人紛紛來買此不論何書只秤紙
官價每斤錢七十多買少買隨人耳借問此是何版圖
荅云出自玄武湖天下戶口田畝籍十年一造貢皇都
玄武湖心絕炊爨永無火患及鼠患洪永至今三百年
收藏不知幾千萬一從世變陵谷新此圖廢閣空埃塵
有司上言請變價聽民自取輸官銀官召吏人估其直
十四萬金可立得富民爭買入私家零賣與人取微息
有一老翁立路傍俯首見之神暗傷曾爲州椽寫此冊
一字錯誤憂徬徨豈知今日廢無用口不敢言心自痛
也買一冊負之歸看是何年何地貢其中戶口久凋殘

田畝荒蕪不忍看若逢魯國驅車叟悲賦而趨鼻更酸

二客行贈萬遐客瞿客

徐州不見萬年少山川冷落無光輝繼起者誰有二客
阿咸阿戎其庶幾大客魁岸如岳立小客溫潤亦如璧
河邊舊宅已三世架上藏書仍十尺我與年少爲故人
車過腹痛鼻酸辛先見小客意頗慰後見大客情愈親
招我夜集餅花谷香醪一甕冬所蓄懽腸不覺醉爛熳
清音况復勝絲竹我爲君飲君爲我歌昏夜焉能再渡
河書堂吟榻且借宿來朝此地還婆娑彭城酒伴諒不
乏未若萬家兄弟旨且多

中秋夜吳中黃招同諸子賞月作吳郎行

戲馬臺東奎山西吳郎此地有幽棲胸中淵藪世莫測

門外名儁時相攜我游彭城暑未殘與君一見如舊懽
草堂每到必霑醉還訂中秋月共看是日恰逢天氣爽
晚來風月愈清朗主人移席當星漢羣公列坐皆吾黨
毛生遠來自京峴徐翁父子吳門彥萬家兄弟俱豪賢
張段風流和小阮更有紅裙李墨仙言詞辨惠態嫣然
痛飲千鍾不辭醉嬌歌一曲尤可憐杯斝交馳疾若飛
夜深涼露濕人衣三更已盡興未盡踏月聯鑣送我歸
我寓城東大河口牀頭尚有一罌酒入門驚見龔開畫
美人與客皆稽首君問此畫不忍說且復開尊玩明月
美人醉倒喚不醒蟾墜鷄鳴客始發因憶子瞻居徐州
中秋見月懷子由舒鄭頓趙四好友一時離散中心愁
爭如我輩今日情良朋令節樂事并他年應記作佳話

爲君先賦吳郎行

道上遇陳伯璣有感而作

白門雨雪歲將暮我尚羈遲未歸去君胡復自于湖來
道上相逢太匆遽爲言旅况不如前賣書賣墨過殘年
書是平生手所閱墨亦手造精且堅割愛與人非得已
俗人見之猶不喜仍攜書墨返于湖我輩奇窮一至此
送君登舟君勿悲聞有艷妾生佳兒設令我有艷妾生
佳兒賣書賣墨甘如飴



命山集卷之四

皖桐方 文爾止著

壻繡水王 槩安節較

黃州王澤弘吳廬定

五言律

白下重訪李臨淮宮素

丁丑

六代餘風雅山阿尚有人
選言皆大呂闕館似平津
古道已昭世新聲更入神
西安吾卜宅長與作比鄰

送萬道吉歸涇

鷄鳴山下路日日爲君過
澗尸生秋草絺衣掛女蘿
憂

時心共苦失職恨偏多
反覆天人策其如柶鑿何

道吉廷試

策直言時事
執政擢之

江鄉多寇盜避亂欲何之
乞食游吳市招魂註楚詞
方

金上集

君歸里日正我憶家時別後同王祭登樓無限思

時王雨若

亦寓鷄鳴

送潘鱗長還吳門

吳門多勝槩攬勝孰如君川有雙珠媚蘭從九畹分

鱗長

楚人游吳納姬生二子甚慧

風流知不墜詩禮欲先聞江介秋帆穩

來看鍾阜雲

贈孟元白兼懷戴敬夫

秋水思君處芙蓉三放花名輕空有恨世亂總無家避

地占牛渚還山御鹿車相逢河畔草且止話桑麻

元白卜隱

橫山將攜妻子而去

劉伯宗應徵北上賦此送之

九子雲深處三江龍卧時神明千象緯旌節下茅茨塞

北颺何急淮南轍已遲送君秋水白露有華滋

霜威凝四野蕭艾滿中阿自有芳蘭在其如萎絕何漢

廷須痛哭燕市勿悲歌千仞桃花水漁郎許再過

先是射生

疏彈武陵相公不得上

雲間訪邢孟貞

往曾寄書龍友處未到

道逢楊德祖江草寄微情獨鶴歸何暮雙魚全未烹輕
帆隨月上苦思向潮生欲抱成連瑟從君海嶠行

陳卧子招同周勒鹵徐闢公李存我單質生飲集

水閣

高林避殘暑孤閣峙遙空橘柚荒山外蒹葭細雨中投
竿拾海月把酒戲江鴻嘉會尋常事今宵更不同

朱宗遠瑟園話別

開秋至五穀且日到君家
雨氣迷山路荷香接稻花
樓空驚去燕林暝惜歸鴉
且盡杯中物驪歌靜勿譁

高林迷夕舟中夢劉翮入蘇武子
山小葉黃時雨
愁思因時積秋來倍軼軻
美人委霜草往事逐江波
挂樹久無劍招魂空有歌
今宵雙入夢寐不意如何

月下訪何大心小飲期白孟新仲調不至

柴門秋水次兀坐學垂綸
皎皎見明月娟娟思美人
披衣聊一往把臂卽相親
散步池塘畔芳風起白蘋
更尋麋鹿友二仲在河干
看月復何去令人少所懽
青帘魚饌美白露葛衣寒
市上判沈醉歸仍理釣竿

喜錢季水余澹心夜過小飲

良朋隨月至秉燭剪園蔬
斗酒勿爲薄孤情聊不虛
苔

荒吟蟋蟀風疾響柵欄三逕無人掃蓬心待爾鋤

秋雨東齊介人

晚秋長寂寞况復雨蕭蕭一水人何遠千峰葉盡凋
瓜陰猶覆屋溪澗不通潮霽色動林杪期君過石橋

聞范質公大司馬免官感賦

丁卯

浮雲秋蔽日芳藹半凋殘鳳隱鷹將去芝焚蕙自嘆

黃時

石齋先生被謫
公爭之亦罷

民猶存直道臣豈受微官仰首辭雙闕

江天接羽翰

耆舊多黃土唯公尚巨卿孔林懸碩果周甸起長城握
髮朝廷士鳴鑿夜守營櫓槍猶未落孤恨抱平生

昔引父兄義旋成物外知冥鴻嘗不近神駿每相期顛
倒劉蕢策悲涼庾信詩人情愛工巧吾道廢何疑

題鄒滿字節霞閣

古坂開城曲秋暄半爲君柳塘掛山雨蘿閣吐溪雲墨
妙兒能悟廚香客亦分我來坐終日鷄犬不會聞

好靜罕容接貧交有酒徒過橋晴訪顧

與治居相近

掃徑夏

畱吳

次尾是年寓其家

啜菽親長健擎茶女易呼憑高一望遠

白露滿青蕪

歸里借鄧簡之吳子遠山行得巢字

天風吹野鶴戢羽向荒郊蓬海無靈族霜林有故巢逃
名安閉戶于耜欲誅茆不厭頻來往當年爾汝交
雲日漾晴色提壺出近郊菱荷香短褐橘柚佐行庖白
業聞僧梵茗亭解客嘲故人應好我許借一枝巢

答汪大年京師見懷

雪滿荆軻市雲停孫楚樓相思各千里小別已三秋酒
熟鱸魚美江空烏鵲愁何年羣盜息重返故山丘

泊紫沙洲

朔風阻前路晚泊向孤汀月吐江村白煙消漁火青牀
頭霜氣冷柁尾浪聲停借問舟中客何人寐不醒

夜泊牛渚

江水冬全緩南風晚更微我行懷李白每泊傷祠磯荒
店月初上老翁漁未歸客來爭貰酒燈火亂蘆屏
小飲不成醉緼袍聊復溫開窗玩江月積氣隱天門風
止岸邊樹沙明山下村東船與西舫終夜悄無言

喜吳駿公司成南雍

庚辰

清秋遊璧沼東望正徘徊片月海邊至三峰天上來鼓

鐘揚聖澤丹漆麗羣材更渡前溪水人人咏有臺
四方嚴斥堠南國靜江波甘露分金掌祥風扇玉珂稱
詩毛鄭出作樂雅南多紫燕無奇羽翩翩入爵羅

送魯孺發移家天門

四海選容滕三山且卜居逃名巾不墊流水帶長紆菰
米秋充飯藤花晚覆閭垂綸佐甘旨時或有嘉魚
江臬誰共語宿莽恣孤寒閒步向荒路懷人看遠天家
貧多蓄酒客過每停船預識千年後茲山爲爾傳

爲孫克咸三十初度兼送其移居

我友多才子君兼任俠名抽毫勤賦物聚米喜談兵壯
節忽已至雄圖猶未成佩刀閒掛壁風雨欲悲鳴
故鄉不可住同寓石城偏秋水雙橋月春雲萬井煙何

當選草舍知爲拾花鈿欲訪丹砂術還尋葛稚川

時克威御

葛稚欲娶之

送徐闇公歸雲間兼寄李舒章

京國罕儔侶那堪君又歸清商發皎月白雪美靈暉溪
淺流漸下江空樹影微明年芳草綠重與雁南飛

得邢孟貞書却寄

南方學風雅之子得菁華上谷無熊館中林有兔置依
人長作客取道便還家不及江門語寒泉空落霞
旱澇今年並雖農莫救貧稻梁秋後缺參朮病中親稚
子兩三歲高堂七十春加餐須努力憂懼恐傷神

中秋

白露滋蘭畹羣香靜者聞天陰蟾兔沒江濶雁鴻分壯

節隨流水幽光隱大雲故園歸未得長愧北山文

九日

拔宅遷南國今年已七年黃花澹溪水白日冷厨煉頁
米知秋儉忘憂覺母賢故人多釋褐閒殺舊青氈

寄懷從子密之

半年書八寄重與訴煩冤主德真難報臣情未敢言春
將回黍谷人尚隔桃源

園

時中丞
兄在獄

江驛勞歸夢何時聚故

送蔡湘渚之吳門

欲訪要離墓雖冬願不違曉霜舟出浦晴日水明衣入
市魚應賤充庖蛤正肥錫山新酒好多載幾瓶歸

除夕

少小同門友行藏各有天杏林紛試馬茅屋靜鳴絃秉
燭送窮鬼持衣還酒錢教兒莫貪睡明日是明年

穀日飲從子奕于宅吳子遠亦載酒至

辛巳

古巷春雲白居人晝掩門乍暄蟲出樹近夜鳥嘶村客
語亂琴響林花香屐痕扁舟歸海岸重與合芳尊

天門訪魯孺發不值

春江尋魯肅芳草閉柴門忽見女衣經始知君鼓盆悼
亾空有咏謀食向何村寂寞歸江岸停舟無片言

舟次裕溪

士有不得志依人成遠遊江煙春漠漠溪月晚悠悠羽
檄飛金勒商歌托蒯緱青冥盼鴻鶴豈爲稻粱謀

肥水春望

維舟行斷岸忽聽子規聲春雨猶未降田家何以畊林
中村婦出湖上水車鳴百里炊煙絕臨風傷我情

舟次繁昌待孫克咸

江行愁寂寞幸與爾爲羣曉霧暗相失秋颺路各分青
山畱古縣白鳥下寒雲斜日蒹葭外漁歌處處聞

銅陵遇姚若侯

新亭期早發恨爾別情牽挂席因風便停橈在我前窮
鄉沽酒薄密坐論文偏月色中天好秋宵不忍眠

江上望九華山

雨氣開青嶂雲端見九峰可憐江上月長掛嶺頭松乞
食僧初去焚香路不封山靈如有約他日倘相從

池口晚眺

落日秋江靜，何山不可憐。青冥度歸鳥，平楚起寒煙。客路荒城外，僧居古驛邊。勞人尋舊館，回首十餘年。

世林被泊阮家塢訪族人某不遇

浮屠臨午梵，及浦色曠昏。夜爾尊宗老，年荒不啟門。問隣田犬吠，求火樹鴉喧。歸路逢微雨，愁心對爾煩。

對面從子奕采初度山田強小外對入戲其望日思其

不信才如汝，申年尚轍軒。巖松秋始勁，籬菊晚多繁。陌青絲騎黃門白，玉珂嘉期終未遠。且勿嘆流波。

盧妃傳古巷，新結草亭孤。漢于新細雨生池藻，涼

雲覆井梧。山中龍伴友，花李鳳將雛。此事天人樂，浮名

何用沽。謝靈運詩

山田秋日還龍塢山奕采初度山田強小外對入戲其望日思其

出郭見山色我心先爽然
寒花媚幽谷霜樹艷晴川
石表丘中墓蟲傷隴畔田
巖扉讀書處一別動三年
始信兵猶火樵蘇斷往來
麥田多不種茆屋半成灰
雨氣千峰暗泉聲萬壑哀
山僧尚無恙驚喜故人回

秋浦喜遇田長康兼懷令兄孫若

六月江城破驚心悄百憂

是年宿松爲寇陷

相逢幸無恙痛飲

復何求鄰盜秋仍逼山田晚不收
懷人還北望口馬犯

幽州

孫若治兵曹

夜偕孫克咸過劉伯宗齋頭言別

理楫歸南浦依依別故人
草堂明燭冷霜水試茶新許
國身猶賤陳詩家不貧
年華似流水無處問迷津

喜從子密之京師歸

三十始登第於君年亦遲我生何坎壈此日尚茅茨抱
甕行瓜圃披裘理釣絲牀頭有周易重語歲寒時

送爾雪中今歸雪又繁一官辭畫省三載戀金門抗

疏明親志投荒荷主恩時三兄
謫寧波江天多瑞藹早晚賦梁

園密之將
授王相

送左三山先生巡按浙江

海國神明宰無人似我公棠陰山象外琴響水聲中緩

步歸天仗昌言悅聖衷平明騎馬出誰不避花驄侍御
爲閩

令以召對
稱旨得授

四岳分巡狩東方屬使君漢廷容傲吏禹穴訪遺文霜

簡先秋烈林烏靜夜聞中丞餘業在連理益清芬

贈張甥哲如冠壬午

冶山春授易諸彥共登壇獨爾最年少于今始及冠謀
篇多麗藻吐氣若幽蘭清酒三升後高言客并懽

猶記爾先子名成二十餘鳳毛原有種駮耳豈無輿報
國完臣節傳家寶父書翱翔天尺五勿似舅樵漁

送三兄仁植先生謫寧波

東海多奇勝山川首會稽遠峰青未了細草綠初齊禹
穴憑誰訪蘭亭許再題莫愁天路遠早晚下金鷄
柔櫓春潮外狂風艇不前江門聊信宿吾道本屯遭病
起求方藥途窮乏酒錢荒鷄聞野岸同枕舊青氈

送梅朗三授經白岳

白岳雲深處君行此讀書諸生迎祭酒我輩惜離居稠
嶺穿花路輕裝束筍輿宛溪春水接慎勿老雙魚

揭來春尚早晚，仰送春歸年齒各已壯。功名何太微，出門江兩歇。揮手岸花飛，明月新秋好。遲君燕子磯。

送高若木游涇

文脊山前路巾車，客並遊

若木朗三
詞日發

那堪鴻鵠志皆爲

稻梁謀。澗戶花爭發，橋門水亂流。木樨香未遠，期爾帝城秋。

送蔡大美之金陵

橋以別辭名

宛北門外
有別辭橋

東風柳盡生，如何爲客者。翻送

主人行，孤月浪中白。三江草際清，登艫嘗北望。小婦最

關情

大美納
長干姬

禾塘訪麻孟璿村居

青郊宜信宿，况止故人家。爲飯嘗新麥，餘香蓄暮花。僕

夫歸渡口林藹拂簷牙何物消清晝昭亭穀雨茶

麻無易招同張梅卿麻孟璿諸子飲

主人貧好客粲掃柳塘西飯熟初炊黍盤香又割鷄逃
名談稼事錄別想詩題薄暮柴門立蛙聲滿夏畦

詹申如招同葛元士徐川生令弟借一飲

多君貧買宅修脯百金餘亭古全依竹園寬儘種蔬况
鄰徐穉閣爲展葛洪書更有連枝會清言亦起予

梅朗三白岳歸過訪畱宿

客裏送君去君歸我未歸爲傳江上信重啟竹間扉嘉
月命蔬酌涼風吹葛衣石牀聊共枕莫使素心違

懷三兄仁植先生浙東未歸

拂衣從遠戍高枕卧滄溟東壁兒雖貴南陵母未寧島

雲翔蜃氣江雨帶龍腥急難人何在低頭愧鵲鴿

畱別彭燕又

後我一旬至先君十日歸獨憐谿水駛相顧橐金微白
雪上青鬢緇塵改素衣何如圓泖外飽食鱖魚肥

送田孫若憲副之浙東

舊京花月夜錦瑟醉倡樓彈指十年別馳情萬樹秋山
中豺虎窟天上鳳麟洲相去何寥廓凄然感昔遊

祿養能將母那堪與弟違寢仍同大被飯必侍重闈

長康同江靜月初出菰香蟹亦肥饌餘惠遠眺秋水亂

之官
漁磯

聞知釋褐後勤不異橫經苦思耽風雅新詩樹典型潛
雲浮水白遠岫入船青寂寞江天裏何人識使星

新亭延佇久夜雨渡龍關載酒一相送停橈未忍還路
隨津樹渺官侶海鷗閒莫問天人策虛名可汗顏

送姚若侯計偕

墟里饒英彥姚生絕等巨握椒吾最賞嗜棗爾何奇野
雀爭羅網雲鴻振羽儀糾匡端有屬曹許不須疑

先是里人

作社損若侯
子獨稱之

西陵松栢下送爾去江湘執手悵前路離情空夕陽

初若

侯游楚子
送之秋浦雙魚勞遠訊六翮喜高翔縱有車徒別丹鷄
咏不忘

聖主憂時亂臨軒訪直臣徵車多倚馬獻策少批鱗此
事足千古如君復幾人明堂生氣色吾道未全貧

美人爲傲吏冰譽滿金華陽月恰餘莢省親猶及瓜春

暉娛綵服秋水泛枯槎預指相逢處孤山樹樹花

尊甫
戊生

令蘭谿若侯住省于
官予亦將遊武林

贈白孟新仲調移居

吾道歸淵思皆傳陋巷居古今貧不遠兄弟樂何如白
日難干祿清秋且著書高門容駟馬還有二年餘
舊居元不吉此屋久宜遷輸直亦廉甚掃門何肅然畜
鷄供老母畫粥度荒年故友皆貧窶誰能送酒錢

泊燕子磯送客

石燕年年在何年燕始飛潮聲寒入寺雨氣夜侵衣坐
久燈花謝愁多酒力微明朝江口別誰與上巖磯

重過西湖

少年初適越卜舍傷西冷門外車如水花前客是星僧

猶居石屋詩尚寫松屏此歲曾生女如今十二齡

錢塘江樓偕何湘來邢懋生飲

昨日西陵燕蘭橈水鏡中不如江閣峻直視海門空候
冷虛潮信臺荒閒射工幾時重眺此雪浪捲天風

湖上喜遇黎美周

癸未

藝林多蔓草雅道久浮沉誰謂永嘉末猶聞正始音千
山歸匠理片月吐禪心共在天津上靈槎不用尋

關六鈐招同馮千秋何翰亦飲女蘿館

秉燭赴君約相逢狹道間美人卽芳草阿閣似深山運
甕家非遠搗箏客倦還問年纔十五花事詎能嫻

錢元子招同徐蘭生關六鈐陸麗京吳錦雯汪魏

美丁飛濤夜集

年年勞夢想今始上君堂獨立三峰秀羣言九畹香室
雲通海氣沼月動江光况有杯中物誰能廢古狂
彈棋觀聖手默坐亦清嘉弱柳煙中樹殘梅雨後花渚
鴻春有序簷鵲曙將譚歸客多惆悵揚舲問水涯

送胡豹生游白門

獻歲欲爲客非君無此情寒梅衣上落細草馬頭生京
邑求龍友江沙逐雁程薄遊予亦倦歸櫂及春晴

夜集沈佩莢水閣因借過吳錦雯

客寺愁蕭寂移琴就爾彈方塘浮古閣微雨助春寒堞
蟄雷初動荒鷄夜未闌隣軒有嘉酌不惜盡餘歡

畱別吳錦雯

寒食雨如絲西陵客去時祗緣歸意切未及與君辭古

金上集
道江雲厚愁心浦月遲青門有垂柳煩爾寄相思

宿句容

茅店將歸客思鄉夢不成候鷄窺樹色飼馬辨人聲微
雨路邊滑殘星天外明江城嚴啟閉况復未休兵

寄懷邢孟貞

我行嚴子瀨君上謝公樓其跡若相避有書空自修過
江增戰壘蹈海起鄉愁處處兵戈滿何人遂雅遊
令子名黃耳今年幾尺長但培書種大勿恤研田荒壽
母餘仙藥療貧乏禁方年年謀館粲聞此亦心傷

馬倩若陽江書來却寄

驛使傳梅信開槭出嶺雲故人疎不怠廉俸遠能分澗
水疑琴響林花似錦雯芳塵俱在眼且勿嘆離羣

宦游東海最况復邇端溪紫石真爲寶黃流莫與齊晴
書鵬鴉潤雨酌鷓鴣低忽有江南思新詩手拔題

律身唯祖訓冰譽滿炎荒

倩若祖夢初公先朝爲名御史

訟閣朝朝冷

民簷樹樹香觀天雙鳥舞下食六龍驥仲子吾猶子寒

門亦飲光

倩若有六子仲吾婿也

瓦官新卜築茅宇坐蕭條欲訪人去其如客路遙冬
晴庾嶺月春漲浙江潮此興終難沮窮愁待爾消

蔡魯子攜尊見訪

抱病眠僧閣交游萬事慵何人遺藥裹唯爾破苔封况
載毘陵酒還聞于闐鍾新居燈市裏暇日始過從

楊龍友招同邢孟貞戴敬夫飲

僻圃餘修竹枯槎綻早梅含霜君自傲索酒我何猜嘯

起彈龍劍貧栖傍鳳臺倦歸籬下路那更向天台

舟次三山

泊泊歲將暮言歸尚未能鄉園翻是客興味果如僧峰
霽晚天雪沙明夜舫燈好風求半日便許到金陵

偕陳翼仲入山

一春唯臥病二月始看山尋寺不知遠對僧相與閒幽
泉鳴澗戶密竹護杉關羨爾垂竿叟溪頭日往還

金車山訪玉林禪師

林公耽義學通敏世無雙舊闢古香刹新開大法幢松
門慵迓客竹澗許分窗日午齋鐘起塵心此頓降

西湖贈妓

秋暑轉煩酷湖陰納晚涼路逢毛女降身似藕花香姓

字知狂客衾稠借竹房最憐雙玉手微笑解明璫
昵枕不成寐中宵坐夜分水光穿牖白人語隔橋聞解
渴思山雨登樓望海雲曉天呼一葉同上鄂王墳

石臼湖訪邢孟貞

貧交將一紀今始到君家飯煮新春穀泉烹自焙茶卜
隣求板屋安隱寄漁查况有田堪典雙驅黃犢車

喜潘鱗長至自楚

爾去沅湘路江東信杳然三星望秋漢一雁下霜天兵
火身無恙饑寒骨愈堅牀頭唯宋史獨斷已成編鱗長作宋

斷史獨

狂瀾翻大陸萬壑莽生哀濟世惟舟楫嗟君尚草萊浮
名霜後葉信史劫餘灰欲紀先朝事臨風一慟哉

壽姊氏姚夫人六十

閣以清芬著嘉名先子題

姊有清芬開集先司徒所命也

松筠元有節

霜雪詎能逃自換良人諡無慙柳下妻峨峨千歲碣預

表魯碣西

姊年十九守志諡其夫曰夏隱子而樹石于魯碣山以待同穴

結髮施縈幌纔期失所天一兒芳草露萬事古林煙簪

笏夫家貴河山嫂氏賢

姊夫二弟皆成進士而事其嫂如母

空房周甲子

青鬢已皤然

宦游隨介弟賦亦擬東征曠覽山川秀高歌金石聲憂

時過漆室諫草似緹縈詩史分邪正班姑無此情

姊選古今

宮閨詩分邪正二集風人美之

獻歲夔龍奏三貞共一堂君恩方浩蕩國事已倉皇設

爾為男子捐軀必慨慷疾風搖落後彌見菊花黃

是年中丞

兄有一門三節疏奉旨旨
下部覆以國事變中止

借朱長孺登鳳臺兼懷吳日生

三歲依隣寺閉房秋讓君鐘聲猶未遠樹色許平分攜
手步霜月憑肩看沼雲荒臺無鳳鳥惆悵數鴉羣
夢想東湖勝蒹葭秋水多雙魚頻有字三逕不曾過野
性風騷合晴冬草木和幾年纔到此判醉北山阿

吳日生見訪瓦官有贈

孤生無嗜欲微好在聲詩咏爾東湖什興予北面思前
年遺尺素此日惠前綏古詩良人懷古
歎枉駕惠前綏莫道論交晚悠

悠皓首期

湖上有良匹高吟世所宗史名真老驥趙渙亦雕龍並
探靈威洞先聽長樂鐘朱生才不忝揚轡躡芳蹤史弱
翁趙

金日全

少文朱長儒皆吳
江人日生好友也

埋照瓦官閣登臨只古臺可憐梧竹冷重覩鳳凰來僧
供有粗飯家貧無舊醅鄰翁賒已許賒到卽銜杯
寇蓋京華滿何人問薜蘿交游半雲雨文字總風波閉
戶知音少哀時隕涕多客居如寂寞十日九相過

宛陵哭梅朗三兼示令弟季升

白天亡我友不忍過雙橋臨浦腹先痛看山骨已銷况
登秋水閣朗三讀
書處似聽海門潮魂魄應棲此何人賦大

招

層樓吟眺處愛弟必相依夢裏池塘在琴邊鴻雁非朝
廷多密網間巷亦危機莫不變名姓吳門歌采薇梅編
變名

姓隱
吳門

孤子五齡半丰標迥出塵瑤華霜便殺琪樹種還新所
慮饑寒苦其惟叔父仁懸鵝舊僮僕相見輒悲辛
昔曾憂黨錮今果見誅鋤身後名猶忌碑中字不除冉
顏寧有此蹻跣復何如天道真難問歸來且著書

黃池訪梅杓司張共之

響山居自好君尚徙潢池

杓司舊居響山

况乃風塵際兼之離

亂時一塵謀水國三匝借隣枝夜雨聞龍鬪前湖想路

斯

張路斯令宣城化為龍今有路斯湖在黃池

東鄭元白

元白讀書周處臺

孝侯千古士遺跡在山坳帝里名猶烈芳林爾作巢稱
詩求六義玩易夢三爻黑水春溪漲何人再斬蛟

寒食道中

乙酉

柴車春出郭路遶蔣山西雲樹瞻新闕梅花憶故溪

靈谷

梅塢在道傍

村畔喧社鼓蠶女踏香泥笑指前坡客勞勞逐

馬蹄

清明道中

令節多惆悵茲辰倍可憐家家門插柳樹樹紙爲錢蕩
子輕千里荒丘別二年歲時誰拜掃回首一潸然

贈鄔沂公

一廬雖在市采藥萬山行道似韓康貴詩如謝眺清

沂公

工詩而隱于醫

食貧常好客沈醉亦尊生莫怪鄰家女無端說

姓名

贈萬年少

年少彭城人家于吳門

淮西戈未息居卜五湖東挾瑟吳娃媚臨書魏傅工

少年

善鍾縣小橋

正勞霜水思相遇酒旗風痛飲殘花下春衣片

片紅

河橋歸槩動欲別又淹留汀鷺衝煙直林鶯坐雨愁簫聲稀古市劍影冷高丘我到求吳女煩君為寒修

甘露寺訪范小范

雅游窮勝槩小寄亦名山春樹島千里夜牀僧一關古

樓傳米芾新什和王灣

寺為米元章故宅王灣早春詩即此

郭外經過少

吾徒日往還

戴公園社集歸偕潘江如夜話

花下耽名飲宵歸侍所偕出林穿廢圃看月到荒齋細雨且深坐危時多感懷生涯何太拙日與世情乖

徐徵仲博士招集戴公園并送其令永定

新羅宜避亂况乃專城居地僻民如鹿官清水見魚夢
歸猶帶甲刑措止繙書何不永遺愛棠陰遂結廬

三月晦日送春江上并送史弱翁萬年少歸吳門
中宵聽子規春去客心悲看曆無三十今朝是盡期出
門尋我友散屨到江滄容鬢總憔悴東風任意吹
芳菲九十日一日不曾懽縱酒腸猶結看花淚亦彈終
年行道路何術免饑寒懷抱真愁絕吟詩強自寬

喜宋玉叔吳錦雯來京口

悔作江東客西歸又未能沐猴看傲吏

丹徒令

雲鳥憶良

朋二妙一時至千峰四月登明朝整游策先訪鶴林僧

哭何軻亦

可怪殘春候連宵夢見君只疑書信到豈料死生分地

下無秋水人間空暮雲西陵腸斷處山鬼嘯孤墳
昨夏湖南寺攜尊送我歸月隨杯在手露似淚沾衣此
別情何慘君亡覺有機前身應是鶴重向海東飛

梅墩雜咏

戰伐滿天地何方可避兵一枝唯大澤萬水卽長城有
舍容羈旅無人曉姓名敢言身似鶴未及一毛輕
震澤多良友招尋日不虛衣冠仍漢代鷄犬是秦餘對
酒增新感看雲憶舊聞家人三十口問道少來書

澄湖清見底荇藻各悠閒鑑此空明水嗟予憔悴顏舊
京雙鳳闕荒塚二龍山

先府君
葬處

夜夜歸吾夢天涯何日

還

懶性鄙章句偏於漁釣親三旬一把卷十日九垂綸無

復資生策聊爲賣卜人得錢且沽酒判醉勿愁貧
好雨應農節平湖水接天歸人阻前浦落日附隣船萬
頃芙蓉國孤村桑柘煙吾廬容易辨破屋短牆邊
伏枕不能寐一宵三四興天人理莫測旦夏坐相凌哀
往旣霑臆憂來還撫膺鳴鷄破幽闇會見日東升
白髮因愁長一愁白一絲昨宵心上事侵曉鏡中窺髮
白有窮日愁多無盡時不如投古剎髮作老毘尼

東湖訪吳日生

先是日生在史相幕奉使歸吳而史相遇難

我心嘗憾憾之子去江淮歸使有天幸談兵非厲階五
湖仍嘯咏八表總風靈夜半聞鷄者誰能不軫懷

西濛訪徐掌文

咫尺湖邊路青林白板扉小樓收野色輕舸繫漁磯茗

枕露華舉詩筒霞采飛思君頻過此昏黑澹忘歸

接待亭訪潘江如

美人官渡外日日想過從衡宇無十里煙波隔數重買
舫吾自盪脫粟爾先春笑語淹長晝歸時寺已鐘

泐西贈孫扶雲

幽居臨大泐吳越水平分密蔭萬竿竹閒房幾片雲修
禪遵殺戒飯客采香芹嘆息市朝變此中如不聞

會史弱翁見惠生豚

史君湖海士牧豕似公孫慈愛不忍殺屠沽相與言倚
隣酬賤直伴酒市荒村惠我生肩美懸厨待爾燔

喜潘江如錢馭少見訪

一雨百川漲南溪昨夜深閉門銷積暑高柳下重陰瓜

金上集
熟呼兒摘茶香共客斟連牀聊信宿四海幾同心

七夕

天上佳期有人間好會無思歸腸九結望遠眼雙枯新月如舟小微雲似客孤哀情訴河漢牛女亦悲吁

贈施玉謀博士

以吳江廣文去官

卜居予最僻君亦到荒村左右有茅屋往來同竹門秋花延廢圃波月引清尊賴此破愁寂都忘非故園薄宦一朝去俸錢能幾何身微家累重病起旅愁多遠望驚烽火高飛謝網羅采薇知有咏莫負首陽阿

贈錢馭少

先是馭少卜居梅墩不果去汾湖矣至是子亦遷汾湖

梅墩謀共隱村小恨無廬誰料汾湖曲仍成比屋居風塵催戰鼓郡邑走降書愁殺蕭蕭髮人前不敢梳

伯子知幾早逃名震澤西孤帆秋欲往萬馬路長迷有
髮應全祝爲僧何寺棲盤渦浴鷗鷺羨爾羽毛齊

毘陵禽楊逢玉送米

霜風吹破寺流落借僧居晝出樽常滿宵歸盜每虛感
君多古義愛客損山儲不及首陽士糠粃亦愧予

舟次贈從子子畱

我祖昔沈淵家風八代傳

先斷事公殉
建文之難

餘生寧毀節至

性且逃禪韎鞞人爭喜章縫爾自憐同心有癡叔期不
愧前賢

細草春江岸停舟見汝過抱頭先痛哭開篋有狂歌年
少饑寒迫時危憂患多故山偕隱好定卜小龍阿

贈張環生明府

有客滄江臥懷歸歸未能鳴榔辭震澤卜舍就毘陵慈
母天堪倚仁風樂可憑一廬棲水曲門巷掛魚罾

趙止安招同馬倩若周穎侯小集

委巷通場圃高人此隱居宦歸船載鶴家食釜生魚佛
閣病長臥親喪滿不除鄰軒何足寄特喜傷君廬

荆溪道中偕周穎侯

爾郡無丘壑幽奇具在茲良人舟可附逸興暑休辭湖

上數諸勝客中游幾時到城先展謁賢祖孝侯祠周孝侯宜

興人有祠在穎侯其後也

重過潤州上方寺

出郭尋香刹林僧乃舊交竹房容借榻蔬食不驚庖田
野客稀到衣冠暑盡拋東偏餘隙地吾意欲誅茆

祝髮已爲僧披緇愧未能親恩那可斷家累實堪憎浪
跡隨方住虛名戒友稱何時脫塵網長伴佛前燈

白門晤邢孟貞顧與治

孤生兄弟鮮二仲卽天親白首崇明德青山偕隱淪懷
中三歲字花下再生身東海求知已寥寥復幾人
世事付流水客踪隨所浮懷人還舊國舉酒屬新秋勲
業凋明鏡行藏愧白鷗非君念羈旅誰與問窮愁

訪林青仲兄弟暨從子子唯

早春江上別猶是舊皇都彈指市朝變歸人淚眼枯側
身望天地流血滿江湖何意荒臺畔還存竹與梧
易世一相見悲涼無限情秋林仍月色暮角似邊聲丘
壑本繇性漁樵豈爲名祇應隨蔓草霜雪了吾生

宿陳翼仲齋頭

石城尋舊侶落落似晨星行道畏人識藏詩誦爾聽山
醪乘夜醉階草望秋零不是繁霜後誰知竹栢青

富呂霖生吏部

南澗閱芳草忽聞鶡鴒鳴過時既不採晚節復何成漫
說楚三戶聊爲魯兩生薄材甘自棄空負贈刀情

呂勤子應

舉故云

鳳臺秋夜

一雨退殘暑竹房秋氣多陰蟲鳴露草暈月隱庭柯范
叔寒如此莊生夢若何無衣愁卒歲江上整漁簑

潤州早發

纔停京口櫂又挂武林帆白露水千里青箱書一函吳

江空范蠡漢臘老陳咸予意懷農隱深秋返舊崑

寄懷吳錦雯

別離曾幾日舉目異山河東海魯連少南朝江總多人
情都可見君意欲如何秋水鹽橋路相尋話薛蘿鹽橋錦雯所居之地

中秋日抵武陵

十載中秋節曾無一在家客行如水鳥飲啄趁晴沙望
斷月中桂愁生鏡裏華歸期諒不遠婦子莫興嗟

舟過蕪湖寄懷沈崑銅

君嬰鈞黨禍拔宅去章江善類悉亡命宵人果喪邦沈馬阮所忌避難入楚及歸而南都陷矣

歸舟愁朔氣剪燭憶西窗魂斷三

秋水曾無尺鯉雙

客路經江縣蕭蕭風雨多故人
家不遠停權擬相遇四海倏
披髮中原誰枕戈傷時淚承
曉見爾定滄沱

荻港遇戴式其

城居雖比屋同載更相親細
語窮通理交憐憂患身天
低鴻有字江暝樹如人野泊
依漁榜蒼茫少四隣

大龍山重訪劉未沫丈兼懷白靖識師

風雪湖東路來過及早春一
杯鷄黍約四座鹿門人芳
草候云暮高山失所親籬英
雖共把凝睇轉傷神昔似商
城老幽棲在石塘秋林餘碩
果春酒湛空觴溪冷琴輟臺
孤劒影荒行人復聞笛疑是
舊山陽


宿義津橋不及訪姚休那先生寄此

山橋冬過馬延佇想高人溪
徑閣將息僕夫擔在身陟

岡投野店攤草困征塵只尺南村路依有夢親
不染腥羶俗超然海鶴姿忘形雖爾汝學道乃吾師僕
僕遠歸客匆匆年盡時早春仍過此期一醉東籬

東周穎侯相約同往錢塘

客路武林西煙塵望轉迷逢君知間道結伴走苕溪將
雨夏雲變親人湖鳥低扁舟共來往應不負招攜
聞說雙峰下曾牽五色絲待年今已長卜吉豈云遲香
閣盼歸權啼鶯攪夢思蘭陵趣駕者判醉合歡時



龔山集卷之五

皖桐方 文爾止著

黃州王澤弘吳廬定

壻繡水王 槩安節較

五言律

訪吳錦雯不遇畱此

東游悲失路尋舊悉凋殘
爾復向隣郡人誰懷古歡
板扉深巷掩霉雨暮天寒
尺一授童女歸時技淚看
自昔耽風雅新詩聞更多
譏彈唯我最離索奈君何
歸賣南徐卜閒披北固簑
相思如問訊羣從許來過

潤州訪王望如廣文

昭質如冰雪微官塵豈緇
青氈度共冷痛飲籍爲師
暑不罷經席吟多立泮池
琅玕須示我風雅事粗知

欲買蕪陰權因君且未還謀生何處好細語輒相關北
固江流穩南廳野艇閒倘能爲地主載酒上焦山

甘露寺訪潘江如

君歸自海昌不忍渡錢塘吳榜變僧服口兵占祖堂入
山知意苦多病爲神傷珍此未虧質他時還有望

片石傳三國英雄此論兵江山畱霸業我輩愧虛名每
到舊游處無端新恨生况聞漢昭烈懷古倍傷情

北固山有

狠石昔劉玄德孫仲謀坐此高破曹處

譚友夏集中有六賣詩予素愛之今客潤州亦有

四賣雖所賣不同其詩情一也

賣犀杯

杯似積葉而有蟲跡其上

十杯先賣九畱一旅相隨本欲長斟酌何圖又別離宵

燈蟲似泣秋兩葉知悲割愛非吾忍村醪合用甕

賣蜜珀墜

小婦有佳玩爲子扇底懸出門猶好語作客勿輕捐江
國阻歸權晨炊乏米錢授人非得已臨別意凄然

賣水晶章

毘陵春作客惠我乃門人方鈕作亭古寒光似水真欲
鑄無妙手在匣有輕塵善價歸文士知爲衆所珍

賣碧玉環

斑駁質疑漢環中製必唐投雙自薛子分一贈倪郎每
用飾巾幘亡何易酒漿有錢仍可贖藏物豈知藏

贈祖心師

預知今日事削髮八年前宛似瞿曇相何妨文字禪杯

浮江路永衲挂帝城偏顧二樓居好蹉跎歲幾遷
底事欲歸去翻成無妄災粵吟寧懼死□婦解憐才自
昔書皆廢從今日莫開人間刑與辱師視等浮埃

七夕牛渚

開平騰躍處每過必停舟况值此佳節長然生旅愁古
今亡國恨日夜大江流不見機槍落何心問女牛

重過東壩訪湯仲昭兄弟時仍三白下未歸

吾友樓居接春來幾夜眠共傾盈甕酒復贈買舟錢歸
權重過此離情倍黯然秋鴻飛不定翹首暮雲天

石臼訪韓元長

漢有韓元長高風在潁川古今人不遠姓字亦同然芳
渚結漁屋柴門臨水田十年勞夢想今始到湖邊

邢翁吾至友，往往誦君詩。芬烈椒蘭氣，蒼寒栢栢姿。懷人秋雨夜，驅馬夕陽時。遙見良書閣，高深儼在茲。

春湖名石曰風景，似桃花源。久欲從茲隱，無如家累繁。衣冠見君子，耕稼長兒孫。信有潛龍德，滄桑誰復論。

有甥賢似舅，才藻更非常。珠樹秋先折，瑤琴我獨傷。遺書猶在匣，至寶豈終藏。金石千年事，幽靈仰渭陽。

梅閣三韓

甥也。其遺集可傳。予欲元長梓行之。

寄懷邢孟貞

欲訪故人宅，知君猶未歸。秋原行處好，村火望中微。舞勺兒初長，登塲穀正肥。設令予有此，必不轉蓬飛。

秋夜懷湯仍三

寺從鐘後寂，月向樹梢明。此際思君意，無人知我誠。夏

雲陽羨路秋雨瓦官行每記當時別低回不舍情

初度

戊子

幼小悔能文精華衆體分行年將不惑學道尚無聞况
遠夔龍治終歸鹿豕羣餘生甘守拙筆研總堪焚
江海客程遠田園生事微春初每一出歲暮始言歸四
壁依人立片帆爭鳥飛何時脫塵網躬稼老林扉

初晴

久雨初晴候人情分外歡階除宜急掃泥濘未全乾芒
屨晒幾緇布衣堆一竿北山青在望此去路非難

潛山道中

早春行不果此日冒炎蒸策蹇愁荒道聞鷄戒夙興薄
雲山雨過密葉露華凝百里人煙少蔬盤就野僧

望天柱山

漢武東巡狩乘輿到此迴孤峰當衡嶽萬古憶雄才竹
箭地中立芙蓉天上開何時近山麓行路獨徘徊

太湖贈李漑林明府

城荒聞亦久不謂遂如斯古巷全封棘官齋半覆茨澤
鴻聲未定邊馬檄交馳出宰非人傑誰能耐此時
之子金閨彥飛騰正妙年因思習民社不敢擇林泉時
論或嗟若高懷殊晏然琴堂無一事終日枕書眠

寄懷子建李明府署中

世亂強爲客家貧長傷人鷓鴣稱外傳明府公子馬隊
出其門作比隣館與廐連畫理靜能悟詩情老更新時應與仙吏披

豁見天真

聞說英山道羣峰萬仞高攀躋吾不免炎赫亦何勞躬
稼實無策浮萍隨所遭秋風偏憶汝搖落楚江皋

贈戴其懷

芭蕉山色秀

蕉居芭
蕉版

雲氣接司空結宇兵戈後潛身草

木中枯碁尋野老高咏激松風他日圖相訪花源路不
窮

金井埕宿沈瞻球宅

出郭二十里溪山已百重浮圖青嶺見小市白雲封知
近幽人屋頻要過客蹤鷄蔬分母饌亦不愧茅容

山城經亂久此日未休兵百戰家猶在三遷母不驚春
畊田自稔夜酌月微明預訪前坡路崎嶇笑兩生

子與
從弟

德延
入楚

寶筏禪堂贈大愚越塵二上人

山城問槁師孺子悉能知家是去年出寺從前代施古
林兵盡剪淨業爾猶持汨汨風塵客今宵借一枝
槁師何處去托鉢向岐亭露電觀身世雲山豁性靈以
公爲弟子其類必芬馨明日攜予往松關想不扁

喜晤劉藏夫

不覺幾年別蒹葭遂八霜別時吾有詠今日爾猶藏亦
作佳山水長懸舊草堂音容俱在眼相思豈能忘
驅車入楚界高士訪梅劉破衲惟行脚空山仍避讎間
關求一見俛仰共生愁心事渾難語西風淚暗流

劉藏夫山中送酒米至却寄

君本采薇士兼之憂患身稻粱難自給擔石乃貽人水

確聲聲雪山瓢點點春泥香吾不啟遲爾共沾屑

雨夜宿徐子九明府署中

荒城如古塞冷署若秋山對雨暫留客銜杯小破顏吏人催又去戰守那能閒夜夜空樓立方知爲令艱

立秋

今宵且勿睡端坐聽秋聲雨久無三伏燈殘欲四更高林何葉落薄砌幾蛩鳴撫枕多愁思詩成夢不成

促織有二種一形小色黔音細藏草石間卽蟋蟀

也一形大色青音急立瓜蔓上俗謂紡績娘亦其類也秋宵客館二蟲爭鳴感而有作

體殊聲亦異幽怨感人同石砌蒼苔下藤花白露中倚闌人不寐頰首聽無窮始覺風騷者沾沾咏此蟲

富池口

漠漠楚江遠，淒淒秋日斜。
維舟爭舊港，迎客喜神鴉。
無市不殘破，見人多嘆嗟。
棕櫚餘古木，小坐啜僧茶。

東流

此遊何孟浪，行李竟蕭然。
自負囊中物，新詩百二篇。
市荒猶有酒，魚賤亦無錢。
不及垂竿者，微醅立水邊。

歸舍舉子

萬事不如意，廿年纔一雉。
楚江秋轉權，越女早懸弧。
世變爭桐乳，吾衰恥曼胡。
錫名曰易耨，相願老田夫。

夜坐

兒女啼聲寂，孤燈坐夜分。
攤書來靜理，炙酒取微醺。
衾力先霜薄，妻愁似葉紛。
饑寒多諍語，塞耳不教聞。

未至楊樹灣十里而暮

馬知投店晚雖憊撒霜蹄山路晴偏滑人家近轉迷風聲吹燒急雪意壓雲低村小猶聞犬柴門閉已齊

白下喜遇何寤明

亂後不相見逢人問所思過江遊甚好贖妓事何奇風

雪八程路香奩廿首詩同艙終不苟方信是男兒

寤明遊揚

州有士人妻陷身爲妓寤明訴于官捐金贖之自送至池陽還其夫同舟半月言笑不苟

茅堂九子下同氣有劉生憂亂阻良晤寄書含遠情詩

嘗要客和交不似人輕江縣兵猶滿何時遂偶耕

寤明刻其

與劉伯宗往來書及同人和韻

廣陵贈姚仙期

乾坤初辮髮我亦作頭陀恨未拋妻子憂嘗在網羅山

川君獨秀瓢笠矢靡它乞食仍遊市將無達者訶

韓聖秋招同紀伯紫杜于皇丁菡生集烏龍潭

力疾赴君約應知此會難相逢皆至友不飲亦成懽
瓶供梅千藥窗移竹數竿衆芳搖落盡獨耐雪霜寒

元宵同邢氏諸子觀燈月下

巳丑

漫說湖村小春遊亦有情星燈原上聚社鼓月中鳴
女伴尋簷立田夫逐隊行那能不隨俗閒眺至三更

田家

出郊聊散步芳草艷晴川有客提春酒相要坐水邊
林陰何沃若雨氣忽蒼然咫尺迷歸路田家且醉眠
草堂何所有農器滿其中酒出新篘白燈懸破壁紅
雷寶疑穉子掃榻累衰翁最是檐間雨涓涓聽不窮

湯仍三宅卽事

野寺日將沒香臺月又新歸鴉巢熟樹守犬吠生人客
訪如來理僧談過去因亂螢飛草際誰解是前身
浴罷坐林中開襟受夕風張燈驚宿鳥滅燭救飛蟲野
哭聞隣婦方言報小童夜深微雨過點點在梧桐
一帶溪流濶千章巨木多引雛鵝試水交尾鴨沈波小
艇裝新麥低田蒔早禾晚涼行樹下時聽牧童歌

家人至蕪陰傳兒子嘔血之症催歸江上

荒城居不可此日况多兵游子懶歸去江鄉寄此生忽
聞兒病篤頓使客心驚縱欲拋家累能無父子情
兒年十有六癖好在文辭求仕亦何急嘔心猶未知家
貧常困苦性褊只憂思以此成勞瘁高人笑汝癡

五獲黃者貴不病亦須求况汝生來弱非茲誰可瘳有
人來上黨其價比南鏐敢謂予裝薄匆匆買入舟

偕槁木師至沈崑銅莊四首

芳村臨古渡聞爾此逃名朝夕欲相訪湖山笑獨行高
人今結侶小艇况來迎並坐寒潮穩西風一葉輕
幽溪生暝色帶月到君廬夜閣燭先秉秋田酒自儲隔
籬童女唱滿壁故人書四海皆兵甲孤村獨晏如
世態爭榮祿吾徒甘寂寥入山尋舊友投淚說先朝累
日應須宿浮雲任所飄何時脫塵網長傍爾漁樵
君懷經世界意豈在漁曾道大防時忌名高避客稱閣
雖藏衆媵吟實伴孤燈莫漫愁長夜東方日漸升

呈覺浪大師四首

江城遊不樂獨喜見吾師古剎霜寒夜幽窗梵語時羣
書人所誦密意有誰知却怪憧憧者機鋒鍼與磁

漫言原道論作者定匡廬萬象皆同幻孤根必有初明
巨昭大易洪範蔽尚書不是蒙茲難高踪恐闕如

謝山棲未穩飛錫去江灘怪石虎踞荒陵龍不蟠陰
霾時且晦化雨事原難自有開宗日天人合靜觀

王生誇絕奕吾亦詡高吟信是千秋感師惟一語箴屋
梁終障礙天宇任侵尋義學伴山海涓埃昉自今時王以介

同寓自矜其奕爲國手予以詩當之而浪師皆掃去其說甚妙

送紀伯紫歸舊京

寺客皆行矣惟存爾及予酒杯堪捲戀江路且躊躇爾
復隨師去吾何能久居西風吹短褐愁絕挂帆初

日夕杖人側居然是兩僧有吟先獻草無語不終燈聞
別忽如失訊歸難以應年年空托鉢深覺愧師承

初度日宋玉叔計部載酒見訪因借蕭尺木羅天

成登范羅山限春光二字

庚寅

甲子渾忘却君猶記我辰軒車來旅舍壺榼徙江濱去
日忙如水衰年愁殺人那能同草木枯絕又逢春
古阜宜登陟晴江盡一望微雲分片白弱柳弄絲黃野
酌邀山友高吟遜省郎無才甘自棄不敢恨年光

吳震生舉子

吳臨川人其父母皆七十

美璋無不喜况爾是中年酒介雙親壽湯醪衆友錢小
宗分季子古學在臨川預數成名日高堂髮尚玄

送王玉門從軍大梁

君豈堯桀士將無深意存驅車臨廣武立馬問巨門赤
級威原假青龜道自尊王晉馬楚廣文平生懷亢烈勿忘主人
恩

喜左又錚見訪卽送其歸里

學易元同舍研幾爾獨能至今持苦節不敢負師承雨
雪家人餓衣冠達者憎時危明且晦未可太觚稜
獻歲吳門去歸來春已殘懷人尋卜肆附艇泊江干四
海同心少三年會面難亡何臨水別握手淚汎瀾

明江訪胡允右有贈

吾愛此江名煙簑甚有情故人能卜宅好客喜班荆出
網鱗爭薦封缸蟻待傾爲歡須信宿相對到殘更

劉遠公三十初度

君才不早達三十亦蹉跎先德傳青史

劉爲是菴相公之孫

扁舟

寄白波

劉有江上扁舟圖

春江魚饌美家塾鶴聲和自有千秋

業浮榮何足多

送王白虹歸餘杭兼寄嚴子餐兄弟

大滌山中路盤紆可避秦且尋猿鶴伴莫逐馬牛塵寄語問印友觀書懷古民披裘與賣卜俱是姓嚴人

雨夜宿宋玉叔署齋分韻明日將之宛陵

江濶雨冥冥孤查傍驛亭旅愁難自遣檐響且同聽樹老先秋白燈寒入夜青非君念疇昔誰與慰飄零

官輕如社燕南北任孤飛賤子復何似窮途那得歸稻粱謀不免鴻鵠志多違只恐君行後無人知我饑

宋有官同

社燕秋南北之句故云

山集

卷五五言律

十

天逸閣懷亡友朗三用蔡四韻

峨閣居然在幽園尚未荒斯人既已沒春草爲誰芳蛛
網先愁結烏嘯引恨長晚來風送雨六月助悲涼

古劍

秦人攜古劍云自華陰來不試模糊血空生繡澁苔星
河秋氣迥風雨夜吟哀何日逢明主邊塵爲爾開

響山訪梅杓司及令弟崑白次日談長益至各賦

二首

孤村南畝外九載始重過世亂艱鷄黍門荒空雀羅埋
名同腐草托意在高柯竹栢天然翠冰霜奈爾何
仲子白驢瘦溪行迎所思果隨明月到欲上響山遲出
酒當秋漢開襟受晚颺幾年無此會痛飲復何辭

飲梅周文秋莊

每憶君攜酒酣歌疊嶂樓同人三下世

孟游開三景山也

落葉

九經秋事與浮雲變心隨明月流響山雖自若無復舊時遊

山中一夜雨秋氣已蒼然古栢陰當戶香杭穫在田客來逢徑少吾愛竹林偏有酒頻斟酌何論聖與賢

鏡中初見白髮

今日窺明鏡蕭騷鬢有絲休言人未老鬢覺爾生遲蒲質凋原易梅英白更奇不知潘省騎三十二何悲

太湖山中訪馬叡生兄弟

環山築堅壘云是古青城羣盜戒無犯君家賢有名冬晴來遠客夜雨搗香杭細酌牀頭酒何人肯不醒

若翁頭未白有子丈夫三畊鑿交相勗詩書還共探西
山增季塾北面啟予慚倘遂橫經約良朋快盍簪

送陳仲育博士之山陽任

時危官不易獨有廣文間况與家園近休嗟鬢髮班過
江借令子邊海閱奇山回首司空嶺依依魂夢間
初降巾車日荒城盡草萊誅茅成小築伐木聚羣材此
地青氈剩吾徒絳帳開中庭蕉與橘一一記君栽

早春別蕪陰諸子

辛卯

卜居剛一載煙權又西還良友雪中別離情江上山干
戈猶未定書劍那能閒恰似浣花叟飄零梓閬間

春日齋居雜咏

驅策來山邑人師愧不能推賢承茂宰問字悉良朋近

水借衡宇遠村遺斗升因緣隨處有踪跡類孤僧

諸生富才藻下問復謙冲學道能經國論文本在躬嘗

思革除際並話亂離中往往皆流涕猶疑河間翁

宋臣家鉉

翁入元不仕授經河間與諸生言至革除之際輒流涕蔽面

寄跡無生產詩書是力田室雖花縣裏人似杏壇邊樹

影催春課雷聲起晝眠隣翁強解事又笑腹便便

鑿壁開南牖西齋避夕陽更添簷數尺欲取夏微涼奧

濕菌生戶椽低茅覆牀自堪容偃仰何用慕高堂

窮巷罕人跡柴扉晝不扃微雲生遠岫驟雨集空庭山

色鏡中見溪聲枕上聽鬢毛黃且短羞殺柳條青

上巳同徐掌人先生戴其懷馬嘉甫呂性之東溪

散步

金上集
一春長閉戶今日出郊初花事雖然少芳辰不可虛美
人沙上浣高士竹間漁只恐愁心劇難將水祓除

贈李德純丈

高人形似鶴恰喜髻如霜不賣壺中藥惟傳肘後方結
茅栖委巷種玉吐奇香自有天倫樂浮榮何所望

苦熱

晝永宜高卧炎威卧不寧汲泉尋舊井散屣待初冥將
雨蟻行路似雷蛟聚庭南窗風乍起今夜勿愁醒

夜坐

袒裼坐庭中寥寥天宇空疎星明沼水暗露濕花叢漸
老世情澹愈貧詩律工吟聲何太苦不異草根蟲

立秋後一日雨

玄雲生大壑殷殷有輕雷火到三庚伏秋隨一雨來高
林團秀色荒徑洗浮埃休夏惟禁酒從茲可漸開

七夕雨將訪阮睿卿山居不果

稻田方喜雨只是阻尋山期爾中林待疑予出郭還不
知牛女會長在水雲間明日褰裳往何妨涉險艱

野菊花

陶公籬下物豈是有心栽野菊天然秀寒花秋自開澹
香全勝橘幽韻欲爭梅可嘆無知者霜根混草萊

喜八弟爾孚見訪卽送其楚游

客子似霜葉飄零隨朔風幾年千里外今夜一尊同山
冷雪將下更殘話未終離情差可慰馬首又匆匆

窮冬六詠

歲暮矣草舍凄然目覽心傷爰有斯
作安知後世無終窶如方生者屬而和

手之

無酒

生來稊阮性麪藥助天機在客罕遺秣無錢頻典衣沈
冥心自苦蕩滌意多違獨有良朋約時時酪酊歸

無米

山田荒落久筆硯代耕鉏豈有肥甘慕先無擔石儲曉
霜春細麥夜雪剪寒蔬我自貧而樂家人未讀書

無油

坐不惜膏火愁隨更漏長殘冬瓶忽罄累夜室無光粥
罷眠須早茶多寐又妨起來看月色形影獨淒涼

無鹽

鹽貴亦何甚數銖須百錢祇應甘澹泊無以制腥羶乍

見空中雪

世說撒鹽空中差可擬

虛疑井上煙

杜詩遠煙

老梅貪

結子調鼎在何年

無炭

此物江鄉貴山中亦易求空囊何所恃一簣不曾收幸
有負暄樂應無執熱羞冬晴猶自可風雪令人愁

無薪

豎子元供爨秋來病欲盲
依人斬蒿艾無處拾柴荆
釜粒炊難熟哇蔬噉每生
連朝煙火斷便覺羽毛輕

采薺

壬辰

早春無所事攜女上山城
到處逢沙薺收來作俎羹
味甘占歲稔方古療人盲
夏月還須采林居可護生

釋家取薺

華作挑燈枝以辟蚊蟻謂之護生草

蕪陰送錢旣白遊太湖

我方來爾邑爾復去吾鄉交錯如鴻燕拚飛爲稻梁湖
村求食易山閣卜隣芳歸日恐猶待家書取數行

寒食江亭

客裏春將暮沙邊路獨尋休看人上塚空羨鳥歸林木
葉隨愁長江流與恨深紛紛舟楫者誰抱濟川心

清明日飲竇計部署中觀劇有感

宋玉爲郎日官齋任往還別來頻節序旅泊又江關楊
柳美春色風塵損客顏使君猶夙昔高義許重攀
久不見袍笏優伶尚漢官酒多情易感曲罷漏將殘令
節驚相問中心黯自酸一生開口笑祇是傷人歡

三月二日林玉樹招同余誕北先生俞彥中陳伯

璣曹梁父夜集坐有二妓皆吳女也

士女江東俗先期卽秉蘭花前作吳語睂際有春山四
坐頻更燭層城欲上關雙雙飲紅袖問客恐須還

張與瞻招飲未赴寄此

東臯新柳色頻約我來看江雨雖然霽泥塗尚未乾出
城愁著屐待月想憑闌應訝愆期者芳林飲不懽

重至姑孰訪王希文

君昔來江岸分甘餉我親參差未一晤離索遂三春信
自遊人得家因好客貧山中相念久聞此愈含辛
園林風雨夜驚喜故人來握手詩先出張燈甕卽開乾
坤方戰伐觴咏且徘徊莫漫求榮祿蜉蝣安在哉

月下同張兆蘇王崑生飲希文園

名山
有客攜壺榼言過我寓樓却嫌茅宇隘仍借竹林幽月
皎夜如晝庭陰夏亦秋旅懷多不懌權作醉鄉遊

蕪江曉發

歸心亦已久苦熱入舟難直待秋颺起應知暑氣殘輕
裝辭旅舍小艇適江灘豈謂南熏阻檣烏又屈盤

江月

漁舟停葦岸蟾影透蓬窗歸客不能寐愁城詎肯降開
襟臨曠野鼓枻詠澄江四睇俱煙靄宵鐘何處撞

泊池口弔吳次尾劉伯宗

江城蕭寂甚每過必含辛中有兩亡友俱爲千古人死
能標大節隱亦絕纖塵後起者誰子池陽空復春

彭澤懷古

古人無忌諱同郡卽爲官江路纔百里山城僅一丸折
腰非所願解組亦何難最是東籬菊冰霜耐苦寒

廬山訪無可道人

卽從子密之

自爾去東海神州遂陸沉詩書種漫滅廉恥道浸淫獨
秉雪霜操能堅檜栢心誰言好奇服但不愧朝簪
聞說蒼梧陷孤臣被繫維血甘塗斧鑕信反格蠻尸妻
子散仍聚雲山歸轉羈三秋纔解脫一葉下彭蠡
我夢匡廬好馳情二十年經過曾有詠登眺却無緣聞
爾歸棲此令人興勃然輕舸來遠渚曷敢憚霜天
束髮同師友心期在匪躬跡雖分顯晦道不限窮通遇
變方徵學逃禪豈慕空明朝尋栗里相與酌陶公

山行八詠

簡寂觀

簡寂聞名久歸宗特地來
雲迷禮斗石草沒煉丹臺
道院無遊者仙風誰繼哉
門前松樹古猶是晉人栽

玉簾泉

古寺雖云麗微嫌宦者風
我趨山澗外人語水煙中
絕壁分青靄飛泉宛白虹
老僧差不俗結構在巖東

杏林

吾亦知醫術平生慕董君
藥非同市價杏以當籽耘
山下虎收穀溪邊龍出雲
芳林伐已久到此仰餘芬

栗里

南村居不遠頻上輔山遊
栗里是中道籃輿此暫休
當時成雅聚今日等浮漚
豈獨無陶令王弘何處求

東古山

此峰廬嶽外乃在落星灣郡志名東古村人號比山行
船勞指顧過客罕躋攀若到開先寺居然几席間

落星石

層巒游已遍歸路及沙汀望見湖中石知爲天上星僧
房元茂密佛閣近凋零欲語專城者重來構一亭

紫陽堤

文公知郡日教養亦多方更念風帆險先營石壘防榜
人紛不息惠澤永難忘異代唯田守高名並紫陽

天寧寺

山刹疑千百城中此寺孤客來聊假寓兵過卽荒蕪游
覽興偏勃羈棲歲忽徂匡廬收拾盡不敢恨窮途

立春日郊行

癸巳

客裏才除歲愁邊又立春
人情誰念舊時序屢從新
緩步出山郭微風動水濱
老農冠帶古一一是遺民

清明日泊吳城

孤洲臨大澤底事曰吳城
水國千檣聚人家百貨盈
腐儒憂所適佳節惡其名
欲析河橋柳春風處處生

旅况

旅况何蕭瑟三春黯似秋
花開同葉落鶯語甚猿愁
芳草長依寺斜陽獨倚樓
東風日夜起偏不送歸舟

獨坐

獨坐當深夜愁懷屬暮春
山中高卧者天下苦吟人
花落感時變林香悟佛因
聰明無不會只是拙謀身

都昌懷古七詠

陶桓公侃

鄱陽人都昌其里也朱子為之立廟又為文辨其入翼升天之誕公始為

樞陽令今亦有祠

清談能誤國砥柱在陶公蓮篔匡王室投檣奮武功小人誣所夢哲士信其忠我里分遺愛千秋廟祀同

蘇真君耽

柳州人與許遜吳猛為友修道于都昌山中果仙去劍池橋井尚在邑

蘇君曾奉母修煉此中居一日乘白鶴如雲翔紫虛劍池今秦鴨橋井亦生魚多少都人士仙踪誰問諸

謝康樂靈運

永嘉人嘗游鄱湖于都昌石壁構精舍詩云昏旦變氣候山水含清

暉載文選中李白游石壁亦有詩

康樂有游癖湖山跡最多扁舟來石壁精舍立巖阿昏旦詩尤妙登臨與孰過謫仙重到此懷古亦高歌

石季倫崇

洛陽人為南昌尉于滙東起園傲金谷之制今都昌縣治即園故址

洛陽歸不得彭蠡且游觀園復標金谷花皆種牡丹荒

城猶剩蹟異代每興嘆若肯終棲此應無赤族患

劉武穆錡

都昌人其父以勳封秦州而生公顯昌之職與韓岳齊名公猶奉其祖母

歸葬于都昌

名將推劉岳威神震四巨殊方猶有廟故里反無祠夢

想順昌捷依稀元祐時中華復左衽感此淚雙垂

江古心萬里

都昌人南宋時為左相忤賈似道歸饒州築止水亭以居元兵至公

投水死其弟萬頃子錡錡俱殉難

南渡闕舟楫芝山隱獨先構亭名止水矢志必沈淵令

弟忠尤烈全家死並傳湖干訪故里延首意凄然

陳雲住濬

都昌人元初不仕著禮記集說學者稱為經歸先生有祠祀之其孫八明

多顯者

宋室云亡日西江多隱淪春秋義已晦禮樂註重新祭
享從先哲衣冠啟後人儒風誰繼者惆悵蠡湖濱

南康重晤魏竟甫明府有贈

春風司李署邂逅一逢君握手意相洽揚鞭路各分新
詩何警策下問復殷勤遂有山城約來看製錦文

修江曾買權正是暮春天客至主先出旅貧誰復延尺
書遺小吏飛絮促歸船豈料端陽節重逢星渚邊

忠節推高邑詩歌逼盛唐珠璣今在篋梨棗欲重光

魏有

趙倚鶴先生全集欲梓之

况以鳴琴暇同升肄雅堂哀時老詞客此

事亦堪商

苦吟吾自嘆君意獨憐才把酒情如舊看山眼共開雲

命上集

居元有約秋盡始能來喚渡亭前月相攜醉幾回

建昌有雲

居山喚渡亭

路灌溝喜遇談長益話舊

聞爾京師去真成汗漫游既非營利祿何苦向旃裘好
句西山得奇書北地收不知多少淚露灑舊陵丘
殘冬歸自北盛夏復南征飲啄依朋友湖山本性情風
江船偶值村店酒徐傾明發又千里煙波浩以盈

夏蟲四詠

蜂

山家貪釀蜜處處有蜂窠只道利堪取誰知義足多君
臣名不二生死志靡他借問乘軒者從王事若何

蟬

胚胎是何物情性不相同纔出糞邊蛻旋登樹杪風苦吟疑有怨絕食似終窮莫訝隣家叟生兒孝且忠

螢

形質本纖細中心耿自明不嫌腐草化能助讀書聲亦似寒微子猶知向背情鴟梟何太惡白日眼全盲

蛾

撲燈緣底事只爲愛明光蹈死雖不惜捐軀實可傷人臣皆若此吾國豈云亡欲覓護生草時時爲爾防

微雨

書長心力倦午睡頗宜人忽聽簷間雨偏驚夢裏身稻苗纔潤濕竹葉已鮮新却恨須臾止炎風又起塵

八月

人人望有秋，粳稻不須求。八月便艱食，三冬何限愁。空庭聞雀噪，寒水見魚浮。轉訝夔州客，東屯也薄收。

玉龍峽

家山拋已久，間歲始歸來。古木凋傷盡，荒田漸次開。瀑飛千丈雪，谷響萬年雷。何日結茅屋，松筠依舊栽。

先君鍾愛此，別號所由稱。本欲弟兄共，無如寇盜仍。亂山歸一主，廢業想重興。峽田舊爲四分，今歲子獨并之。繼述吾何敢，爲

農或可憑。

贈內金鴛

小婦未三十，如將四十人。不應顏色老，祇是別離頻。望遠易憔悴，忍饑還苦辛。爲誰生白髮，憐汝甚青春。

抵建昌

四野同雲色淒淒欲雪天林荒鷓鴣噪波冷鷺鷥拳入
郭先尋寺依沙且繫船馳書聞茂宰有客到城邊

錦山僧舍

寒夜苦無酒貧僧每餉茶漫言身是客不信寺非家漏
下鐘聲動風來幢影斜明朝何事喜燈藥預開花

舟中書懷

因亂廢農業年年事遠征長江無陸路孤客任舟行老
欲歸何處游難畢此生山田春有屋勉強學躬耕

小孤汛

小孤經數過此汛未停舟豈料殘年逼還爲兩日畱登
樓謁神女遇客話鄉愁旬日風兼雪何緣不少休

大雷岸

三年三泊此俱避惡風濤長夏水痕溢嚴冬冰力牢問
村無白粲送臘况香醪路灌人煙密牽絲勿憚勞

人日飲孫子穀齋頭

甲午

楓葉去猶赤柳條歸已青山阿尋舊友舍右起新亭佳
節况人日當筵俱客星見懷詩句好誦與老夫聽

送史趾祥歸宜興兼寄陳定生周穎侯

江上懷君久相逢未有期入門先一拜忍淚復雙垂國
破家亡日風飄雨散時何緣得把臂雖喜不勝悲
昔奮投金瀨今藏善卷山不知誰玉曆自分老柴關學
稼仍艱食求人每汗顏荒城來幾日拂意又空還

平生所師友多在孝侯臺亂後魚書闕山中羯鼓催素
心知不易碧血更堪哀君去叮嚀語須畱有用才

時蔣
紳之

死于
難

題汪延年山樓

貧居雖不廣有閣據高岑詩思當山秀禪功向壁深

汪能

詩又好佛前有
眾峯後有石壁

引兒攀樹果畱客坐花陰炎夏猶堪戀

涼秋更可尋

贈毛卓人學博

毗陵有才子大雅壓羣英詩似劉公幹文如陸士衡蛾

眉衆女妒鷄肘一官輕不是愁思結南蘭豈易成

毛有南蘭

集

古熙元僻野兵火復凋殘鬢序通材少師儒化雨難一

從君鼓吹三歲長琅玕處處花兼實春風爛熳看

兩人相慕久江上未相逢傾蓋當炎夏持盃抵雪峰居

停尤密邇昏旦輒過從交質平生業譏彈莫厭重

虞山汲古閣梨棗燦春雲欲送詩於彼誰能好似君偶

因懷抱合遂許俸錢分勿謂斯言罔丹崖翠壑聞

毛札云弟

雖貧猶能以二百金付家子晉處爲先生成不朽之業故云

李明府祈雨有應鐫詩于壁屬予和之

潛龍蟠水窟仙令禱山阿一縷夏雲起千畦時雨過誠能奮神既早不損嘉禾况有詩題石仁風扇薜蘿

潛山重訪陳襄雲

山齋曾信宿小別動三年斯世罕同志如君又各天愁懷雖抑鬱病體已安全尤喜川光媚雙珠入掌圓

誰將吾近什轉誦與君聽彙括成高咏頻繁寄遠汀歸途聊一訪驅策那能停九月偕予季重來叩嶽靈

孫豹人布袍成有贈

不著武靈服如今十一年逃名惟有釋製衲却無錢大
雪來山邑殘繪作水田只愁飛動意渾不似安禪
斯人衣壞色朱紫合誰新莫展擎天手聊爲持鉢人朝
陽知不遠補衲意非真簪紱登黃閣方無負此身

皖上宿小范寓樓

年年恨離索今夜得同牀江上半規月城隅萬瓦霜酒
醒愁不寐心苦話偏長欲作聞鷄舞相憐鬢髮蒼

早春移竹

乙未

是竹吾皆喜况於慈孝名葉雖經歲換笋必傷根生高
本從隣乞佳期待雨行草堂春意少佇望爾敷榮

八弟爾孚見過小飲次日予游潛山

明日之隣縣先期送我行語多天易晚世亂別非輕沽
酒出深巷攤書對短檠老年兄弟少獨爾最關情

周將軍廟

在潛山治東南五里

我愛周公瑾飛揚正妙齡山川畱古廟風雨見英靈僧
種竹盈院客摹碑到庭因思小喬嫁此地亦曾經

春日訪汪公夔村居不值因過劉芳遠小飲回遇

公夔並梨園子弟邀至其舍張宴竟夕賦此贈
之

訪君南郭外君適去城西餒就隣家食歸逢暮雨迷芳
村伶欲散狂客路相攜秉燭重開宴歌終鷄已啼
山房新結構西北有高樓合借今宵宿還期明日畱羣
兒爭下食一醉解忘憂不厭頻來往風騷恣唱酬

三月晦日立夏

芍藥送春去櫻桃迎夏來
恰當三月晦那惜一尊開
生事客中度年華鏡裏催
侵晨鄉思動歸騎勿徘徊

從黃俞邵借宋遺民錄感舊

有宋遺民錄求之二十年
世人多不見此事竟誰傳
唯爾書能秘錄余借可憐
乾坤正澆泱梨棗合重鐫
海鶴先生在髫時數問奇
卅年才子出萬卷舊書隨
家學既淵藪神明亦鼎彝
吾將著野史安得飭冬帷

曉發板橋

茅店火猶明征途策蹇行
輕霜浮細麥殘月挂枯檉
銅井高崗見慈湖野渡平
遙知今夜酒定與故人傾

孔千一招同巫川南夜飲畱宿各有贈

梅甯吾良友

山同

與君情亦親嘗言牛渚士頗憶龍眠

人高閣來寒夜深盃送老春不須歸旅寺吟榻稱吟身
巫子年方壯于思乃二毛憂時心自苦把酒興偏豪江
縣罕知己風期在我曹蛾眉亭下路來往莫辭勞

雨夜又飲千一宅

江樓寒已甚况復雨蕭蕭盡日僧同坐將昏爾見招擁
書惟有醉過渡亦非遙半榻容吾慣應無慮此宵

雪夜泊天門

隣國浪傳兵舟師冒險行風能如客意雪不礙江程兩
岸雲峯失孤洲漁火明相呼勿貪涉戍鼓已初更

廿六日抵樅川飲子穀家

已入故鄉境猶差百里程急趨良友舍忽見旅人驚出

酒禦風色問遊傷世情
明朝天不雨策衛向山城

廣陵畬宋澄嵐先生見贈

丙申

移寓興嚴寺聞君先在茲
舊諳金石性今觀雪霜姿

把酒占星夜

宋補于星命

焚香聽雨時
追陪良足樂况復惠新

詩

名家交不少更與鞏昌懽

時玉叔備兵鞏昌

滿眼皆春樹高人

獨歲寒還山何處隱
卜宅此方安予亦無枝鳥頻來問

考槃

喜龔孝升都憲至

此地昔爲別江關
雨雪霏良宵聚羣彥
高咏送予歸彈

指八年過懷人尺素稀
江關重握手兩雪又霑衣

三能

音台

今不少誰比使星明
每涉江淮路偏多黍稷情

金上集
憂來詩更妙客至酒長傾亦欲遊吳越相隨船尾行

題閻牛叟眷西堂

堂以眷西名寧惟念所生榛苓長入夢禾黍最傷情釜
破魚誰漑岐荒鳳不鳴世人那解語漫指太原城

夜同叔則李貞飲彥遠僧舍限韻

池上風蕭瑟來尋爾寓齋瓜蔬隨意設詩酒稱人懷飛
帛書尤妙牽絲恨未諧祇應離別後日日念長淮

正月六日范麋生家試燈予與沈仲連畱宿

丁酉

邀我過除夕淒涼未出城酒先人日飲鐙比客星明簾
外雪初霽堦前草漸生獨予愁夜永撫枕聽鷄鳴

十六夜同徐雲吉胡彥遠宿徐梁瑞家

酒是錫山白燈猶火樹紅不辭今夜醉况與故人同圓

皎月當戶疎香梅有風芳時何忍別應臥此齋中

五日謁卞忠貞祠

卞公沒已久祠墓尚巍峨一死人無異千秋道不磨都城崇伏臘祭賽擁笙歌我拜當重五何煩弔汨羅

王元倬招同周苦蟲顧寧人黃帥先甯山同吳素

夫李三石兩中小集

到門無熱客列坐盡遺民遠展能穿雨虛堂果絕塵令爭搜古字酒只勸愁人欲別還畱戀因之宿比隣

是夕子與

山同宿
三石宅

偕閔無作孔千一甯山同登雨花臺

十年不眺此一眺轉傷魂正學祠偏圯鍾山樹盡兒牛車填輦道馬卒擁城門眼底都非昔無言聲暗吞

夜泊東昌

微月照菰蒲沙邊雁夕呼榜人貪利涉暝色問征途
衛水流何急聊城勢不孤紛紛來往者猶有魯連無

金山集卷之六

皖桐方 文爾止著

黃州王澤弘吳廬定

壻繡水王 槩安節較

七言律

送蘇虞明金吾還朝

丙子

吳江送客夜歸燕霜滿離亭月滿船碧甕且傾千日酒

雕弧曾控百蠻烟

蘇以兩廣總兵陞錦衣

枕戈亦負劉琨志挾策

空過賈誼年

子時二十五歲

北闕幾時蒙召對看君劍履聖人

前

朝儀召對錦衣侍上前

遲魯孺發和州不至

羣燕辭歸羣雁來羈棲只在鳳凰臺砧聲夜合千門月
芳樹晴飛九辨哀江上故人期不至山中書問日相催

登艦明發天門去何處蒹葭可溯洄

還山飲左子厚宅

歲暮江湖有客星故園蒲柳各飄零人從白雁歸南國
月照青霜過北庭城上鳴鐃傳朔氣尊前鼓瑟怨湘靈
知君招隱龍眠曲借問谿頭幾樹青

喜張材官山中襲賊

江縣年年動鼓鼙寒霜獨坐戍樓西驕人翻向勞人泣
故鬼時將新鬼啼月下驚烏棲不定山中妖火路全迷
怪君昨夜龍眠出寶劍紅腥戰馬嘶

荅張恢生見懷

丁丑

黃雲蔽日亂鴉飛斗絕孤城百道圍四野幾家餘井竈
三春無夕解裳衣只言京口樓船至豈料江南尺素稀

寄語故人勞遠念風塵滿目欲何依

范太濛先生招集鳴鳩亭

狂生挾策不得志年年鼓櫂遊江淮浮雲相去日千里
良友各在天一涯可憐明月會今夕欲展清商愴中懷
梧桐竹實亦儀鳳何須阿閣三重階

送王化卿先生歸金谿

秋陽忽散白門烟歷歷江峰青可憐久客似諳潮水性
新鴻不悞蓼花天四方多難懷安土千里長征惜暮年
好是龍谿歸隱處香林月色照漁船

喜范子明至

石城風雨送歸船回首江城又一年勞我相思明月夜
遲君不到暮雲天鄉園寇盜何時息朋好琴尊此地偏

別後亂離猶未定秋懷莫負菊花前

白門買宅梅惠連書來却寄

戊寅

小卜西安門外居澗雲溪水薄吾廬秋前雨過宜栽竹
月下潮生好捕魚招隱每尋高士傳離羣不斷故人書
遙知蘭澤多芳草爲寄畱彝與揭車

送吳次尾授徒梁谿

藕花蘆葉蔽江村青翰舟飛過白門夜雨啣啣元不晦
春谿灼灼更何言聞中詎覺毘陵遠亂後方知講院尊
此去談經秋水上端文忠憲道猶存

顧端文高忠憲皆無錫人

酬吳尚乾惠茶葛

溪上蓬門扃不開月明常見美人來平分秋露黃山摘
更解春衣白苧裁衰鳳未應棲枳棘臥龍何自起風雷

且沽孫楚樓中酒痛飲還登周處臺

旅懷

正是廚荒午未炊况兼兒女病支離琴聲豈向愁中輟
著策翻從揲後疑世路杳然迷出處文章端不合時宜
勞人久厭江南苦江北無家何所之

移尊過萬茂先兼悼蘇武子

石城西畔冷秋烟御史祠堂客晝眠

茂先時寓陳公祠

華髮蕭

疎將蹈海朱顏憔悴爲憂天雨餘載酒窺三逕霜際飛
鴻拂五絃欲問故人身後事傷心墓草已芊緜

王升如過飲小齋有懷孟元白嶺南

石橋秋雨漲秋溪咫尺菰蘆路不迷老我門庭長寂寞
多君文酒日招攜小山愛植劉安桂曠野愁聞祖述雞

有客天南更惆悵，檳榔樹下鷓鴣啼。

送三兄仁植先生開府武昌

群盜縱橫莽未休，年年鄂渚戰雲愁。
人龍且向東山臥，士馬誰分北極憂。
江漢祇今方秉節，沅湘何事復悲秋。
羊公峴首碑無恙，更勒殊勳在上頭。

吾家十世主恩深，父祖嘗懸報國心。
閒秩豈能酬浩蕩，危疆從此閱崎嶇。
雲沙萬騎迎強敵，露布千章懷好音。
定有神姿關帝夢，還移漢水作商霖。

送金天樞侍御還朝

巴弗

薊門春盡客初還，羣盜縱橫江漢間。

是年薄京師二月始退，殺賊賊復至。

一自錦貂紛出塞，幾行驄馬半投山。
夏從雲雨翔天路，曾有風雷格聖顏。

往先生召對，作旨將杖之，忽大雷雨乃止。

袞職近來無闕。

補趨朝封事未應聞

驛樹晴連江草新
畿南名士擁車輪
遙聞禁苑呼祈父
早見徵書起諫臣
雙闕有懷瞻不到
五湖雖遠夢長親
漢廷倘問凌雲賦
爲說相如是里人

從子密之移居

阿閣重開古巷西
盈盈花水足幽棲
文魚晚度橋邊月
紫蕪晴分陌上泥
載酒客隨江雨至
定情詩歷墨牀低
蔣山秀色時相望
爲許秋深縱馬蹄

偕吳次尾陳定生梅朗三泛舟秦淮因過侯朝宗
莫愁湖上蔣山青
向夕移舟傍葦汀
水閣名花香暗度
倡樓豪客酒初醒
海天未捲蚩尤氣
耆舊爭歸貫索星
此際賈生惟痛哭
不堪紅袖倚新亭

病中寄鄧東之

三秋未見菊花黃，小閣垂帷耿自傷。
藥裹但隨庭艸積，學徒應共石田荒。
過時不嫁羞貧女，送客將歸憶故鄉。
靜閱人情半雲雨，期君古道莫相忘。

送從子密之計偕

家園十載學同師，遠近人稱連理枝。
茶蓼秋蟲誰最苦，蒲梢天馬爾先馳。
况當冀北看花日，政是荆南露布時。
三世國恩何以報，早傳新策到茅茨。

送謝孺玉計偕

美人千里贈琅玕，欲報曾無雙玉盤。
夏口月明烏鵲散，湘陰潮濶鯉魚寒。
晚過桃渡追朋侶，春到芸臺刷羽翰。
自古長沙有芳躅，莫教虛負進賢冠。

孺玉長沙人

甘泉山展墓

兆宅新開未一年，林間蒿草已凄然。
西風空有椎牛恨，北闕曾無射雉緣。
松栢易生知地暖，樵蘇弗擾賴鄰賢。
何時卜築從茲隱，負鍤躬耕隴上田。

白鷺洲訪蔡魯子

庚辰

倚檝橋門問古川，雙飛白鷺晚沙前。
密林橫隔有人語，清簟焚香足晝眠。
渡口斜陽芳草色，枝頭啼鳥暮雲天。
中宵頗悟無生理，一枕何論大小年。

送沈石友歸普安

新亭小別已情傷，况復君行指夜郎。
字下秋聲聞蟋蟀，舟前月色盼菰蔣。
南雲忽斷七千里，北雁初飛三兩行。
漸入盤江風雨夜，青谿詩話莫相忘。

送葛甫震歸洞庭

張翰風流五十年今年七十始歸田
山中古屋無人掃
白下新詩到處傳
預指靈巖黃橘熟
重過用里紫芝鮮
白門有客能相送
秋雨秋雲載滿船

送劉蕤夫歸麻城

蕤夫蕤夫古劉生
避仇脫走遊舊京
酒酣每道十年事
腸斷不殊三峽聲
筆底奇書皆鳥跡
腰間寶劍是龍精
欲採芙蓉遙贈汝
瀟湘南望水盈盈

送朱子葆歸嘉興

孤飛越鳥戀南枝
白草黃花客去遲
小閣共眠秋雨夜
危檣獨掛曉霜時
狂歌一曲愁先結
痛飲千鍾醉莫辭
門外江風復江水
解維何處寄相思

寄懷三兄仁植先生

蕭瑟黃門北寺秋，朔風吹雨入邊愁。
豈無小吏侵安國，幸有尚書受夏侯。
上昔曾歌六月劍，南今已失三州。
早知占夢多靈異，悔不焚香禮比丘。

時閭部奏諸華嚴經可以滅蝗

送白安石先生司理滇南

嘉遯湖山久息機，三鱸今始集巖扉。
曉趨玉殿瞻宸極，夕捧銀章出鎖闥。
吏治由來經術重，昆明不似漢宮微。
主恩近遠皆高厚，莫歎天南少雁飛。

春雨真州一繫船，橫江修禊酒樓邊。

禊日與師飲儀真江上

黃沙

北去三韓月，芳草南遊六詔烟。
水驛輕裝偕今子，星軺絕域訪遺賢。
預知奏課歸朝日，政是華堂百壽年。

時太公九

十七歲

送杜于皇北上廷試

靈修端不異重華四岳無人枉嘆嗟此日新恩盈草澤
如君艷質豈匏瓜舊交強半拖青綬政府誰當壞白麻
駐輦臨軒應有問莫教痛哭了長沙

懷蔡四攝山兼問朗三越遊消息

古寺談經春復秋閒身無恙日優游池邊松雨白成路
枕上竹風青滿樓稚子掃門霜葉下老僧汲水澗華淨
不知良友向東去湖海茫茫天際愁

送王升如歸滇

霜華如雪冷江蘼聞道王郎欲解維萬里還鄉因嫁妹
孤舟扶母更携兒路穿鬼國無魚素客送新亭有酒旗
痛飲莫辭今夜醉風帆明日是天涯

送梁平叔令宜城 辛巳

東風拂面柳條青，仙令翱翔往敬亭。
馬笠偶然逢舊雨，牛刀聊爾試新矰。
城邊花發郊原種，閣上琴携父老聽。
此日遺賢有梅沈，明三府生莫教寥廓少微星。

姜如須班荆社初集賦此

劍閣風烟日夜俱，楚江春水下連吳。
何年細柳散金甲，此夕絲繩提玉壺。
有客東來富文藻，側身西望多憂虞。
兵荒不愁不銷歇，隆中管樂無時無。

留別宋子建徐闇公

春雨方舟海上來，簫聲長近鳳凰臺。
勞人又指淮西去，旅雁應須塞北迴。
佩草芬香遺所思，琴歌激烈有餘哀。
亂離滿眼傷懷抱，朋酒何時得好開。

送馬倩若令陽江

君家柱後惠文冠鐵面霜威草木寒

倩若祖夢初公曾爲御史勅權相

此日青鳧聊試宰他年驄馬再登壇端谿石貢唐書辨
合浦珠歸越女歡老我傳經依幕府淮南春水正漫漫

時在淮西署中

書事

相國臨戎賜尚方九重親翰灑天章豈知禦寇仍爲寇
又破襄陽與雒陽白骨成堆周故府青衣行酒漢諸王
江南羽檄紛馳至寡婦停機欲斷腸

許石疏園喜晤李秀升秦虞桓王燕友諸子

文園夏木晚陰陰接葉初聞黃鳥音花下酌風公瑾器
池邊新水伯牙心紵衣縞帶輕相贈玉盃金罍淺自斟

我欲西歸仍信宿兵荒滿眼客愁深

左子正歸自京師

待詔公車試省門歸來兒娶又生孫媵修不改先臣節
世祿長沾聖主恩匹馬秋山穿故國群狐夜火亂荒村
高牙大纛千人指底事臺垣無片言

吳子遠三十初度

別館山城東復東此心原有數人同問年一歲予差長
下筆千言爾獨工北走高名翔海岱南游奇氣塞雲夢
新開草閣臨池水枕簟涼生荷芰風

酬何芝岳相公

片帆春雨向巢湖載酒江亭興不孤錦字亦傳黃閣老
明璫長繫綠羅襦千秋物色尊知已四海兵荒賤腐儒

却望淮南烟樹森殘經空守愧生徒

旱疫交加蠟又生天留人禍一時并輟畊夜走田園廢
析骨朝炊父子輕雖有六軍環幕府曾無一步出江城
故鄉塗炭思霖雨寸管春回草木榮

奉酬范質公司馬

東風柔櫓別江沙送我安期棗似瓜身賤那能酬水鏡
年荒無以報瓊華左思作賦誰相識王粲從軍祇自嗟
欲毀琴書事農畝亂離何處有桑麻

寄懷從兄孩未先生

時危須仗濟川才嘆息伊人廢艸萊谿上且尋鷗作侶
閨中不使鳩爲媒芳菲盡脫知松節禾黍無收飯芋魁
身在江湖憂未已相逢笑口幾時開

樅川遇洪慧生

陽鳥孤飛寄遠音雙魚報爾竟浮沈故山不見春雲散
往路相思秋水深四海文章空寂歷十年懷抱莽蕭森
江頭野店重携手蔓艸離離傷我心

姜先生六十雙壽

如農如須尊人也

瑤草琪花春滿庭江天歷歷少微星人從東海雙騎鶴
家在南都獨采苓堂下錦衣分進酒燈前白首好談經
非熊若是磻谿老此日垂竿竹尚青

蕭先生六十

伯關庚九尊人

華簪曾佐大長秋

先生常爲鴻臚寺丞

六十懸車未白頭薊北關

山懸寤寐江南花鳥恣遨遊生申及甫皆無敵對酒當

歌不用愁韋杜去天元尺五期願仍返帝王州

蕭京師名族今

余先生六十 澹心尊人

瑤島移來自八閩却依京國寄閒身
書藏萬卷兒能讀酒泛千鍾家不貧
竹杖每臨溪上月桃花遙結海邊春
行看車蓋歸衡宇紫綬銀章白髮新

徐聖開社集北樓以中間小謝又請發爲韻子得

中字 壬午

小謝高齋古郡中騎鯨人去夕陽空
春江客到雙谿雨夏屋涼生五夜風
合沓青山浮酒盃差池紫蕤掠房櫳
亭前况有桃花水桃葉桃根相並紅

時携二伎

沈詹生招集西澗

麻姑山下爾逃名每到城西不入城
高館樹深疎馬跡

短牆花發暗鶯聲，銜盃却憶十年事。秉燭重論萬古情，惆悵白門歸棹晚。明朝秋浦又孤征。

錢九章招同麻孟璿沈景山園集

亭午繁陰爽讀書，柴扉忽到故人車。窗臨桂樹巢泥燕，塘滿楊花長絮魚。湖海那堪歸浪跡，山城吾欲買精廬。沈郎况有婚姻約，他日從君此卜居。

喜彭燕又至自雲間兼訂午日之游

宛溪春水敬亭雲，何處提壺不憶君。羽蓋忽從天上落，商歌翻向月中聞。紅垂簷樹櫻初熟，綠滿汀烟艸尚薰。明發橫江招正則，筵尊重與問靈氛。

雨夜偕葛元士宿徐川生山房

澗戶陰森暝竹烟，匡牀時有故人眠。况逢雷雨喧谿上，

似引江風到枕邊
草閣三間愁隱燭
絺衣六月想裝綿
荒雞不改蕭蕭節
祖述劉琨事偶然

乾明寺雜咏

野寺荒涼三五間
避人于此暫休閒
身因小病晝猶臥
門爲長貧夜不關
谿上汲水老僧去
松下負薪童子還
衆鳥孤雲宛如昨
相看不厭敬亭山

孫直公見懷却寄

美人贈我篋中詩
不數邯鄲幼婦辭
出岫夏雲成五色
傍簷晴柳挂千絲
江城隔水歸來晚
風雨裁書欲報遲
花下一尊謀盡醉
明朝岐路各相思

贈吳孟虎鴻臚

吳爲宋丞相潘之後
世居宣城西門

狀元宰相宋時賢
賜地爲家五百年
坊占城中無別姓

山環宅後有腴田，藏書萬卷盈阿閣。進酒千鐘對綺筵，
眼底兒孫三四代。如何班鬢未皓然。

寄懷從子密之

帝城雙闕五雲邊，報爾承恩侍講筵。紫閣圖書翻寶軸，
清江簫鼓進樓船。時迎家人入都命如妾薄空憐我，家似僧貧
不怨天。却喜寒籬舊栽菊花花，葉葉尚依然。

送齊介人計偕

故里山川百戰餘，昔年朋好盡離居。移家忽有數年別，
開篋見君前日書。天水未收西極馬，秋風纔化北溟魚。
子雲筆札君卿舌，誰似相如奏子虛。

晚過孫克咸齋中

貧巷無人晝掩扉，病餘行藥過橋磯。路花香送誰家酒，

命上集
谿雨寒生薄暮衣百尺樓中龍穩臥重陽節後蟹爭肥
愛君剪燭西窗語宅近東籬亦懶歸

得梅朗三凶問因寄麻孟璿沈景山

幾欲裁詩寄所懽秋風蕭瑟恨無端只言餅磬爲囂恥
豈料芝焚使蕙歎流水高山交不淺素車白馬見何難
一行書札千行淚想到君前尚未乾

寄張恢生明府

故人雙鯉自河汾寄我三年隴右文廉俸可沽京市酒
寒氊終卧冶山雲民家樹色書中見官舍琴聲輦下聞
早晚登車持繡斧好將封事報明君

畱別鄭超宗并送其計偕

蕭蕭風雨泊邗關夾岸青泥斷往還憐我送兄于此別

知君嫁女未能開，驅車卽指雲中路。
立馬回看江上山，滿眼饑荒人似鶴。
定知收入畫圖間。

宿姜開先衍園

彌節邗溝霜水清，離人歸路阻重城。
樓前且繫青驄馬，月下還吹白玉笙。
瑤艸瓊花何處覓，兔葵燕麥不勝情。
傷然一醉唯高枕，隣婦休疑阮步兵。

送劉生北征

東平劉生古俠雄，爾今復走東平東。
馬穿孤店晚烟白，雞破群山寒日紅。
草莽上書非得已，王侯傳食焉終窮。
且臨碣石觀滄海，莫就錦瑟倡樓中。

陸夢明夢文招同周煥文徐維鳴夜集

三輔傳烽直入關，南人爭自北塗還。
書生空抱林中麈。

陽月猶看湖上山桂酒宵斟聊不淺
蘭舟明發未應閒
臨軒正訪平邊策知有奇謀悅聖顏

菩提寺除夕偕潘孟陽

江城寒水聚歸船春酒家家對綺筵
書劍獨依僧舍裏
茶瓜分坐佛燈前今宵勸爾聽寒雨
明日逢人說去年
輾轉鄉心愁不寐隣雞又報五更天

畱別陸夢文

癸未

西子湖花秋正芳
葭橋曾與爾翱翔
青天鴻雁各千里
白露蒹葭已十霜
阿閣相逢重對酒
榜人無賴復鳴榔
春江細柳垂垂發
逝水何如別恨長

吳岱觀招子移居武林賦此

故里兵荒未可歸
飄零十載寓南畿
山廚雖覺樵蘇便

水驛翻嫌車馬稀，視爾寧親家宛在。令子卜宅興遊飛，
况容隣女分華燭。避世牆東願不違。

送繆湘芷水部北上

繆以蜀令得還

美人爲政自清嘉，江縣新栽萬樹花。地是錦官官是錦，
心如巴水水如巴。堯天有宿歸郎署，虞部無錢付酒家。
聞道西川曾破敵，定知秉節靜龍沙。

送徐州來讀書雋山

北固山前江雨微，輕鷗柔櫓一行飛。風雷未合魚龍臥，
梧竹雖存鳳鳥飢。古寺攤書看日出，夕陽沽酒聽僧歸。
將秋子亦浮東海，端在蘆中叩爾扉。

送丁仲融任高州兼寄馬倩若陽江

江畔逢君月滿樓，輕裝欲附嶺南舟。却憐妻子艱薇蕨，

又報兵戈阻溯游竹影蕭然眠瓦閣梅花清絕夢羅浮
美人官况如秋水那得瓊玕慰四愁

送蕭賡九北歸

南浦疎楊不忍攀九年三次送君還麻衣色似江鷗白
血淚流成竹杖斑
黃河水漲行須早莫待秋風路阻艱

從子子唯園中作

文園西敞鳳臺隅夏木陰森幾百株勿使衡門延俗客
每將疑義問潛夫雨中蓮葉魚相戲月下槐陰鶴自呼
不有王家癡叔在何人來衍伏羲圖

闌干小閣似空船閣外新開一草亭簷接桐華飛細雨
窗窺櫺實麗繁星興來洗硯窺鸚鵡飯罷鋤松掇茯苓

慰我窮愁詩四首江天吟罷數峯青

七夕前一日飲皮以立約次日過沈巨源

卜居爲傍瓦官幽况有芳鄰皮日休窮巷不聞車馬跡
荒臺猶與鳳凰遊斜陽載酒僧歸寺半夜裁詩月轉樓
更許明朝尋沈約隱囊相倚看牽牛

借左子直飲鮑曼殊齋因過吳次暹許石疏

左思門與鮑昭鄰日日相過不厭頻圖史滿牀知病起
茶瓜畱客見情真晚風髣髴髮尋吳質夜火論詩就許詢
回首江鄉豺虎遍眼中俱是未歸人

吳次暹瓶桂自開而舉子同人觴之

秋山叢桂本相宜斷梗生花事亦奇太乙想傳天馬信
長庚先產石麟兒樽傾美酒皆仙客盤捧蘭湯是浴期

况有故人新射策，敝冠重整復奚疑。

是日聞姚若侯棧至

九日攜兒登高

細雨幽窗長綠苔，今朝始見一花開。
村中那有故人約，門外亦無佳客來。
物感驚心難閉戶，兒童扶杖且登臺。
不堪囊底長羞澁，頻向鄰翁乞舊醅。

盛林玉閣中喜遇李三石

李郎年少擅詩能，數載相思見未曾。
石上偶然窺宛委，花前纔與結胡繩。
秋暄鄰閣堪移酒，夜火蔬盤似飯僧。
如此懽情猶不醉，明朝雲水隔千層。

翼日子將西行

初冬歸里與七弟同舟

明發江門細雨濛，隔江山色有無中。
榜人似鯉能乘霧，岸葦如豚亦拜風。
逆旅不禁鄉思苦，病顏聊借酒盃紅。

六年枕被三年冷此夕寒瓊賴爾同

泊蕪湖

蕪陰衰柳掛斜暉亂後人家萬事非官稅紛紜商賈斷
戈船絡繹市廛稀片雲起似青山立巨浪高如白雪飛
何物老蠹能作祟年年祠宇占江磯

泊魯港

金錢百萬佐軍需國計多艱尚未敷總爲中原無郡縣
獨令輪輓在江湖竹郎木客憂垂橐楚尾吳頭患剝膚
近日鄱陽關判卒早傳烽火到南都

泊紫沙洲

江畔孤洲日紫沙昔時烟靄百餘家一從豺虎來池口
遂使雞豚盡水涯落日窮簷沽薄酒寒宵危堞繫枯查

醉餘一覺纔安枕又聽軍聲四面譁

聞陳百史及第陳旻昭授御史兼懷姚若侯

憶昔貧交有二陳十年臭味頗相親南宮一舉夔龍上

西府初冠獬豸新忽捧惠書勞黽勉

百史時有書來

頓教伏櫪

起遭迤姚生年少才尤美應許同官侍從臣

懷吳日生

松陵吳子霸文場最妙風詩遍盛唐舍北經過唯史趙

弱翁少文

湖東唱和有邢楊

孟貞龍友

曾將白壁投知己却少明珠作報章

先是日生寄予書未及答

此日大官分筆札上林諸樹盡

會香

樅川偕七弟歸

荒江無馬復無輿何以乘之下澤車兄弟並肩車上坐

雲山滿眼望中舒，村童野婦休相笑。大纛高牙恐不如，但使普天銷戰伐，便應伏軛老橫漁。

歸里喜遇劉未沫丈

歲晏歸來入里門，相逢先賀此身存。病中詩草青山秀，鏡裏容華白雪繁。亂世飢寒俱不免，荒城文酒復誰論。今宵且秉西窗燭，莫聽岑樓鼓角喧。

同王以介弟爾從登眺城上

兀坐窮簷多苦辛，閑行睥睨又傷神。孤城未破亦奇事，四野蕭然無一人。江海最憐王粲賦，池塘空想惠連春。當年同守山樓者，姚馬翩翩已出塵。

往賊圍城日子同倚若若侯守一榻

今並捷

鳳凰橋宿龍靖卿家

不到南山已四冬，山靈非復舊時容。
千株松樹蟲蝕盡，一統神碑草亂封。
寒雨正愁今夜宿，前谿恰與故人逢。
年荒處處艱禾黍，怪爾貧家酒味濃。

樅川對雪有懷

江上朔風三日陰，江邊夜雪三尺深。
農家東作有豐兆，客子西歸無好音。
鳧雁雙掠沙渚，牛羊一一號山林。
登艫暗想人如玉，賦得蘭摧傷我心。

舟中作
蘭摧賦

贈劉叔及

甲申

劉生任俠古來聞，况爾超然意不群。
子舍最傷霜露隕，人琴又借雁鴻分。

其兄實林
公新沒

西歸欲表墓門石，南國先

徵御史文我亦孤兒逢世亂，荒齋讀罷淚如雲。

寄懷倪臣北初度

傲骨峻嶒逸氣飛行年四十尚漁磯荒江避寇家仍近
愛妾生兒願不違兵火寄書常恐失神京卜宅且相依
美人勿用傷遲暮皓齒青蛾寧久微

湖上戲作迴文詩

班竹生陰綠滿園倦游人此避炎喧閒亭野草深眠鹿
古澗荒林亂下猿山雨入舟移外浦水雲隨客過前村
潺潺况引東溪瀑關在僧廊長閉門

空尊酒市無衣典語笑同人三客來中殿佛經翻處寂
上樓秋賦作時哀風生老栢虬枝勁露滴青梧鳳影迴
紅日挂山千戶閉綠陰遮壁四窗開

呈張揆伯中丞

舊京天闕比東周瀟霍山川控上游不是丈人持使節

保無妖火犯江流，帳前芳草春調馬。郭外荒田夜飯牛，
聞說聖朝多夢卜。嘉名早已覆金甌。

長蛇封豕竄咸京，江左何人怒請纓。獨對明光三抗疏，

願歸巴夔一徵兵。張四疏請督兵入蜀登車已作英雄氣，卧轍難

忘父老情。自有鼎鍾標偉伐，幕中賓客亦知名。時鄧東之居幕

府

贈鄧東之

六御南飛江甸春，孝陵烟樹一時新。吾徒壯歲不得志，
爾祖元侯長笑人。且抱琴書依勁栢，不妨名姓比勞薪。
勉旃尺寸垂竹帛，齷齪制科安足陳。

過天門懷魯孺發戴敬夫

東西博望俯晴江。天門古稱博望山中有高人侶，亦雙魯肅雄。

才猶未試戴淵奇氣詎能降寒風蕭颯吹霜葉細雨簾
織透紙窗倚檝中流頻悵望歸時尋汝破封缸

封缸酒名

除夕詠懷

除夕年年不忍除今年除夕痛何如先皇玉曆五更盡
文祖金城九月虛

三月北京陷至是九月矣

江左重瞻新氣象牆東

無改舊門閭藏書遍寫崇禎字每歲開函淚滿裾

西山葵葬卽陵園此夜何人哭寢門降志但知誇衛律
渡江誰復慕劉琨乘軒爭乞新朝寵對酒都忘故主恩
獨有野夫籬落外長號不敢暗聲吞

屈首儒冠二十霜少年才氣亦飛揚明時不仕命真薄
壯節無成心轉傷帝里棲遲文網密故園歸去石田荒
制科將罷人人賤囊筆何顏赴選場

春水人家石臼湖桃花亦似武陵圖逃名擬向此中住
拔宅將行又不徂挽鹿實無借隱婦飯牛空有辟兵符
名山應笑向平子婚嫁畱連非丈夫

丹陽訪關明府

乙酉

太湖烟水老蒹葭我欲逃名此卜家不用臨卣張綠綺
且從勾漏乞丹砂軍城駐馬江雲澹鈴閣邀賓海月斜
他日漁舟何處覓靈威洞口亦桃花

贈楊總戎

介馬東馳京峴山朱旗北斗閃江關
舩更出沙村外鷺鸕爭歸指顧間
幕府雙開鯨浪伏兵機獨對鯉庭閒

時尊公龍友亦鎮京口新拜中丞之命

登樓况復聞清嘯夜半嘶兒掩淚

還

喜吳錦雯至

攬雲樓下我重過念爾無如貧病何

昨歲過武休錦雯病不見客

霜

水月明嘉會少湖風人去感懷多不忘加飯書中字却
喜班荆江上莎北固南冷饒勝賞相逢且莫唱驪歌

寄懷史弱翁

春水漫漫鶯脰湖美人高咏在菰蒲河行有註三邊沒

弱翁著潛屯諸書甚核今悉委之兵燹矣

農政雖精十畝無招隱曾堅華下

約謀生猶愧府中趨何時賈得漁家女捕蟹撈蝦與不
孤

潘江如招同邢孟貞史弱翁徐掌文集徐旻若宅

有作

萋萋芳草潤州春破屋燒殘只爾貧何事典衣嘗召客

金日食
却無容膝轉移隣開尊且就林花下結伴將歸湖水濱
他日著書名藉改吳江二十八都人

劉子約招同吳錦雯史補公諸子讌集

惆悵春游鐵甕城貧交但覺爾多情馬從楊柳華邊駐
酒向櫻桃樹裏行張樂吳姬宵漏永傳烽楚塞旅蒐驚
丹陽郭外空流水俗吏何知石曼卿

用李舟事

送吳錦雯沈冠東宋玉叔東行

作客春城歎所懽窮途幸與爾游盤朝朝錦字花間約
夜夜明珠掌上看倏報楚師轟漢口又傳戎馬逼江干
卽借沈宋東歸去別路垂楊五月寒

又送宋玉叔

杜宇聲聲春可憐逢君芳艸綠楊邊雙楫客舍情懽甚

一說舟行意惘然滿地兵戈何處隱衰時辭賦幾人傳
金罍且盡盧家女腸斷箜篌十五絃

別張叔平

千秋橋上遇張華贈我圖書亦五車滿眼兵戈空灑淚
側身天地總浮家漫言江甸依軍府且去湖堧理釣查
願爾船樓來震澤漁人高枕臥烟霞

九日與錢馭少泛舟

客子每逢佳節恨重陽寒食淚沾衣今年寒食出門去
此日重陽猶未歸往路青山烽火暗故園黃鞠信音稀
江湖滿地網羅密白鳥一雙何處飛

汾湖訪宋玉仲玉叔

潤州城外上方鐘茗椀蔬盤日日供

春與宋同寓京口上方寺鐵騎

忽來風雨散吳門遙望水雲封渡江祖逖無舟楫避世
梁鴻且賃舂曠野何期重握手蕭條非復舊時容

秋夜

對酒當歌且勿歌酒闌歌罷復如何不須中夜睡全覺
將到五更愁轉多林月乍昏風慘慄鄉心寸折淚滂沱
曉來延首望宗國目斷龜山無斧柯

夜雨

暗風吹雨打窗時掃葉燒茶夜臥遲門外斷蓬驚守犬
塚邊枯柳叫寒鴟隔牆歎息聞隣婦當燭沈吟想舊詩
哀怨似予更苦十年懷抱有誰知

送錢馭少歸京口兼懷令兄開少及潘江如

韎鞞侏僂不忍看與君祝髮向蒲團殊方無奈妻孥累

間道先歸雨雪寒
京峴月明僧寺古
洞庭潮落木聲乾
何如二仲蹈東海
萬里冥鴻惜羽翰

送何元長歸興化

南徐樓上話飄蓬
便指吳江東
復東澤國果然爲至友
亂離無處不相同
豈知萊子斑衣綻
况復安仁蕙帳空

時元長喪父又喪妻

投淚却還江北路
蕭蕭秋雨暗丹楓

水月菴同盛伯含宿兼呈退谷師

伯含亦爲釋

鶯花送爾別江南
別後兵戈不忍談
湖上相逢如夢寐
風前一笑兩瞿曇
冬歸便約同舟穩
客睡應知共枕酣
况有遠公持半偈
此心霜月下寒潭

飲田家

粳稻離離香滿村
主人收穫到家園
霜田剩長茨菰葉

露圃初肥薯蕷根社日客來輕酒饌水鄉兵過少雞豚
白魚紫蟹紅蝦美判醉何辭老瓦盆

亂後過姑蘇驛

初夏曾經此地過雲中環珮見湘娥鱸鄉一去烟波淼
鶴市重來瓦礫多郡邑何人猶漢語漁樵幾處不悲歌
月明雙雁翔寥廓羨爾能飛脫網羅

訪齊介人寓齋

之子微官吳嚶城河山一變腐儒輕

介人爲嘉定博士以亂去官天

親幸保圖書失故友相逢涕泗橫客舍有衣還質酒江
鄉無稼可歸耕餘生且賣韓康藥莫向人前說姓名

楊逢玉招同令兄水如夜坐

高林對酒正霜天游子將歸意可憐夢裏西山銜木石

眼中東海變桑田飛揚跋扈吾何敢歷落嶮崎爾尚然
不信君家投閣老當時曾撰美新篇

劉旋九招集韋園觀家伎

金戈鐵甲渡江來紅粉青娥化作灰香閣尚餘天上樂
華樽仍向月中開湘妃垂手穿脩竹羸女吹簫弄落梅
有客逃離疑是夢不知曾賦子山哀

毘陵與何次德同舟至吳門

將歸笠澤買吳舸画舫青簾過驛橋之子恰爲滄海使
故人輕附木蘭橈金壘判飲看霜月布被同眠聽夜潮
往路却愁明日別眞娘墓上草蕭蕭

陳翼仲書來却寄

南中書問久浮沉冬至纔傳爾寸音尊菜鱸魚思尚緩

銅駝金谷怨何深
楚臣未遂吹簫志
越婦難忘采葛心
江畔歸舟期小立
新亭一慟詎能禁

寄酬李三石

美人江上寄雙魚
秋水浮沉不見書
故土那能忘白下
新詩真可敵黃初
烟霞秀骨長懷汝
松柏微心亦鑒予
安得湖山偕隱好
子孫相約老樵漁

祀竈夜泊魯港

六日殘年卽早春
江風猶阻未歸人
瓣香無處迎先祖
寸草何時報老親
舉國已非前代曆
同舟俱是再生身
遙憐今夕茅簷下
屈指天涯各愴神

江上望小青山懷倪臣北

大小雙青江上峯
聞君於此寄高踪
書生曷敢言姱節

經濟無如學老農東海難浮歸蕩子南村欲訪恨窮冬
明年婚嫁事粗畢布衲芒屨任所從

除夕至白鹿莊訪三兄仁植先生

維舟江岸悵斜暉百里無由見母幃在客久忘新節序
入山重訪舊漁磯家亡國破身何有弟勸兄酬事已非
吾祖豈知王氏臘辛盤仍薦北山薇

石塘訪白安石師

長蛇封豕渡江來荆棘銅駝事可哀傲吏久歸滄海上
清風高枕石塘隈音書比歲誰能達懷抱今朝且暫開
欲紀新詩惟甲子門前柳亦向南栽

人日歸里飲從子奕于家

丙戌

春溪歸槩自勾吳閭里相逢酒易呼滿地豺狼人日少

連天烽火客星孤，耕耨共指龍眠坂。漁釣還思鶯脰湖，
南北山川隨所隱。莫將蘿薜傲菰蒲。

訪姚若侯山中不值留此

鴻燕差池羽不齊，三年纔訪石塘西。雲封薜戶人何適，
雪屨梅坡路轉迷。菽水自應娛野築，湖山豈復夢金闈。
知君秉性甘薇蕨，暇日相思還杖藜。

偕鄧東之潘蜀藻訪雪上人

萬壑千峯一寺無，貧居破屋在城隅。租畧曇聲裏市朝，
變牛馬糞邊花葉。專携竹叩門春尚早，煎茶畱客日將晡。
言歸不省今何代，只似匡山送別圖。

贈馬壻永公

烟權茫茫去海東，春城花信六番紅。兵戈阻絕歸何晚，

閭巷荒涼路始通，敢以羊車迎衛玠。且將椎布配梁鴻，人間自有吹簫侶。底事乘鸞向碧空。

與從子子建感舊

故園兵火十三秋，爾戀高堂不遠游。縱耻餅壘無旨蓄，却憐書畫有滄洲。少年同學惟青眼，易世相逢已白頭。我祖沈淵家訓在，徜徉林壑復何求。

畱別馬倩若兼訂毘陵之游

漁海樵山過此生，向平兒女未忘情。歸鴻正是桃天候，賣犬聊爲蓬藋行。諸夏豈能銷戰鼓，遺黎何事守荒城。蘭陵美酒期君醉，莫誤春風聽早鶯。



唵山集卷之七

皖桐方 文爾止著

婿繡水王 槃安節較

黃州王澤弘吳廬定

七言律

京口訪鄔沂公感舊

丙戌

昨歲論交江上村，鶯花不離戴公園。
月明芳草王孫醉，風起黃沙天地昏。
一去湖山甘采藥，重來京國暗銷魂。
獨憐肘後方書在，我欲從君隱市門。

贈秦臣溥兼懷潘江如

每從潘七問交游，輒語秦三第一流。
栝栢信非蒲柳質，江湖常有廟廊憂。
去年恨別因兵火，此日歡逢在酒樓。
東海茫茫消息斷，騷人何處哭靈修。

寄懷余澹心

西華橋畔昔爲隣，一日花間醉幾巡。
別去鳳臺三歲客，忘歸蝦菜五湖人。
蘭芳過雨誰同臭，竹箭經霜始見筠。
回首蔣山雲物變，青袍無數淚痕新。

舟次虎丘何元長父子來晤因造酒家

白公堤下一停橈，獨步山塘意寂寥。
江客入城期自至，妖姬歷酒坐相要。
重登古寺僧猶識，少憇秋林葉未凋。
野日荒荒吳市冷，何人乞食解吹簫。

舟中有感

舊京宮闕已成塵，寶馬雕鞍日日新。
萬劫不燒唯富貴，五倫最假是君臣。
詩書無恙種先絕，仁義何知利獨親。
三百年來空養士，野人痛哭大江濱。

武林喜晤吳錦雯

菩提秋寺解裝初，卽遣長鬚叩爾居。
聞說故人家尚在，天涯懷抱樂何如。
形容憔悴殘燈下，妻子間關百戰餘。
烽火隔江經歲別，可憐纔返舊蓬廬。

夜集沈冠東齋頭

潤州高館送君歸，秉燭聯詩夜雨微。
明日鯨鯢江上渡，三秋鴻雁客中稀。
側身天地幾人在，舉目河山萬事非。
顛顛休文尚無恙，蒹葭霜水各依依。

贈龔孝緒

千里來尋西子湖，主人狂病不堪呼。
逢君古寺歡無極，把酒秋林興未孤。
仰視浮雲憐去雁，難歸江國嘆飛鳥。
新詩示我多悽惻，豈似人間豺與貙。

金上集
贈稽仲舉

君家中散抱瑤琴古調微茫直至今之子風流標勝槩
無言山水助清音西陵作客同蕭寺東海觀潮合素心
病起不堪風露冷竹房歸臥聽秋砧

過陳玄倩陸鯤庭舊居有感

兩賢相厄自當時此日精靈共所之但使天人無愧作
何論意見有參差沈淵志决真移孝

玄倩性至孝至是拜辭其父而沈于

江嫉惡名成不負師

鯤庭之師王昭平先一日死鯤庭聞之遂自縊

回首昔年

觴咏處秋飈淒緊岳公祠

贈沈冠東納姬

姬姓潘故有河陽句

華堂雖未敢齊眉琴瑟無人敵體宜風雨自應求絡秀
庭除不肖雜鮮卑傳家知是河陽宰生子當爲中令兒

只恐秋來腰太瘦，在風細柳不勝吹。

潤州將歸與鄔沂公秦臣溥錢馭少別宿陳尊已

樓頭

晨風倦羽欲歸巢，最是難忘爾汝交。寂寞城中尋舊館，徘徊林下致行庖。四山風雨不能去，一夜棊尊誰忍拋。明發片帆天際遠，知君延首立江郊。

卜居縱川

殊方避亂十載餘，扁舟今始歸故墟。城中鸞陵不可往，江上鄙僂聊以居。親爲負販雜商賈，耻事科目焚詩書。所求甘毳養老母，牧豕畜雞還捕魚。

松山曉行

沙村聞雁復聞雞，起視茅簷月向西。主人接浙炊未熟，

客子治任裝已齊門外草枯霜似雪湖中水合路無泥
微生自許勞筋骨安步何妨逐馬蹄

至日廟祭後飲從弟聲之宅

霜落山城葉盡凋吾家祠樹未蕭條可憐綿蕞行周禮
安忍衣冠改漢朝天地難逢陽長日壺觴莫負月明宵
歸人只在牆東住春草池塘夢不遙

初度書懷

丁亥

投子峯西一野人蹉跎三十五年春雲霄空負平生志
溝壑還畱未死身彭澤有詩傳甲子湘潭無考問庚寅
傷心國破家何在俛仰之間迹已陳

流落江湖歲晚回卜居預指射蛟臺談天鄒衍口須閉
賣藥韓康肆欲開但使兵戈長遠絕何妨商賈數追陪

獨憐江上鯨波惡萬古還思漢武才

贈從弟井公新婚

潘蜀藻女弟也

十年書劍歷陽城擇對梁鴻意不輕
秋水蒹葭還舊國春風琴瑟譜新聲
占熊定有甥如舅繡虎難當妹似兄
咏雪堂前宜努力莫教天壤笑王生

三月十九日作

年年今日強登高獨立南峯北嚮號
漫野玄雲天色晦美人黃土我心勞
虛疑楊柳牽愁緒不忍滄浪鑑鬢毛
前輩有誰同此恨雪菴和尚讀離騷

卽事

先王四履總沉淪湘浦仍畱社稷臣
力似魯陽戈轉日精如鄒衍笛生春
昔年江左何汙濁今日湖南獨苦辛

一覆邦家一興覆兩人俱是貴州人

宣城麻沈貴池吳炳炳靈靈烈丈夫草莽自能標漢幟
衣冠不肯拜□□臨刑灑氣吞秋日絕命英詞播海隅
多少崇蘭化蕭艾幽香畢竟在吾徒

雲間風義風標稱死難今唯夏李能陳子見人嘗愧作
彭咸遺則果師承雄文自此垂終古駿節將來表中興
却笑同袍二三子覩然無耻負良朋

樅川夜雨

春江一夜雨淋鈴水閣陰寒酒易醒滿架圖書妨潤濕
半龕燈火尚青熒長貧已覺離塵網多病還思誦道經
翔舉不須婚嫁畢囊中五岳有真形

與小范集任克家齋頭

之子湖山結考槃紅塵飛不到漁竿偶因懷友入城郭
恰喜見予增慨嘆索酒共眠任昉宅解衣誰念范睢寒
開函盡是傷心語且就燈前淚眼看

山中訪從叔夢名

山田兵燹久無廬有妹湖莊且借居學易半生仍注易
貯書滿腹不藏書聞過隣叟占豐儉臥看春雲任卷舒
松下柴扉驚客到焉知雞犬是秦餘

贈孫子穀

屋倚青峰面白沙主人年少有才華五言七字詩俱好
百榼千鍾量亦嘉草閣畱賓權信宿霜林步月影橫斜
蹇予脚疾愁歸路直遣籃輿送到家

寄從子明圃

橋山龍去普天悲怪爾家庭論獨奇不信陳咸爲孝子
只言張垧是佳兒茅簷困辱終成疾蓬海翱翔莫更遲
江上小舟相待久宵征須趁月明時

聞楊龍友孫克咸同日死難詩以哭之

姑蘓城外轉旌麾士馬蕭蕭我獨隨自愧江東行不果
祇因堂北養無兒周邦再造威重震漢鼎難扶死自期
况有參軍同志節臨刑慷慨復何悲

桐鄉雖小盛簪纓風俗年來頗好名却怪兩京齊改步
曾無一士肯捐生孫郎好武懷忠畧閩海勤王苦戰爭
埋骨天涯竟不返故山千古有餘榮

過吳江有懷舊遊

葭菼蒼蒼水國居前年曾寄此爲漁談兵義烈歸吳沈

日生
君曉對酒風騷傷史徐弱翁縱死光芒爭日月苟全妻
子困蓬廬重過此路腸堪斷開篋猶存所惠書

五日抵武林

昨歲中秋到武林江關風雨客驚心那堪今日逢重午
又阻窮途問六壬生計蕭條全仗卜故人寥落少分金
且將白水酬佳節菖葉榴花無處尋

與張季昭同寓贈此

君醫我卜各垂簾一樹雙棲意甚恬家有玉函知是景
客來銀漢愧非嚴檉苓任與高人乞著策難將大運占
日暮河橋芳草合儘容攜手到青帘

偕蔣穆之登金山懷龍友先生

曾上江樓閱水師鏡歌鼓吹譜新詞邊塵一起飛黃葉

岸柳重攀變綠枝
帆席高低遊子恨
山川興廢老僧知
海天極目斜陽外
暗向西風泣所思

張季昭妻妾死節詩以旌之

代馬蕭蕭鳴過江
江東無地不傾降
芳洲窈窕人從一
秋水澄泓死必雙
血刃豈污巖下碣
香魂長繞佛前幢
空山獨夜知君恨
况復林風吹雨窗

潘江如歸舊居夜集有作

君去吳江此屋空
客兵三載占其中
牛溲馬渤庭長積
鳳舉鴻軒道已窮
天遣主人還故宅
是年兵調入閩堂
故得還舊居
名先子邈遺風
堂中棹模皆尊甫
木公先生所書
往來仍是當年侶
笑

指燈前琥珀紅

賣卜潤州鄔沂公談長益
潘江如錢馭少玉汝秦

臣溥李木仙各有詩見贈賦此答之

江市聊爲買卜行敢言踪跡類君平
所求升斗供饘粥不向侏儒說姓名
四海同人惟道合一生得意是詩成
何當日暮垂簾後共奏商歌金石聲

贈薛古詒廬墓詩

吳江西北有吳山君去華亭居此間
墓以近廬嘗得掃門因賣藥不須關
樹護無地能借隱采蕨爲生卽大還
三伏入城緣底事麻衣多少淚痕斑

潘江如錢馭少陳昇公張則之共集皆山樓送子
歸是日大雨子與江如借宿

送客偏多雨與風兩年皆臥此樓中
高林暑氣先秋失絕澗泉聲無路通
歸櫂每停京峴北連牀猶記泖湖東

深山共隱知何日江草江花愧轉蓬

高淳晤黃叙百得楊龍友李卓如死難消息

春城授館昔同時最覺黔人敬所師江閣吟成楊子賞
兩窗讀罷李先生知風流一旦歸何處名節千秋喜自持
回首舊游人盡失湖邨見爾不勝悲

歸思

離家一百五十日行路二千三百程丈夫飄蕩非得已
居人悵望難爲情來時寒食綠楊雨歸日重陽黃菊晴
應知入門小婦笑久游裝橐何其輕

留別湯仍三

故人茅屋在胥河一歲之間兩度過架有圖書饒勝賞
酒雖蝦菜亦狂歌自傷貧賤辭家久細數年華作客多

勸我農桑歸去好，秋風無奈別離何。

八月晦日自淳湖歸

預指歸期八月中，月終猶在此湖東。
草間霜氣未曾白，溪上蓼花先自紅。
客睡夢親兼夢子，江行愁雨復愁風。
薄游那似當年好，較昨來時少不同。

九日銅陵阻雨

客裏幾迴逢九日，舟中四次遇重陽。
年年風雨愁相似，歷歷湖山夢不忘。
前去吳江天慘慄，昨歸京口路淒涼。
今朝又泊銅官縣，三處烟波一斷腸。

重陽後五日歸里

十年爲客負黃花，漂泊今秋始到家。
遊似石田無刈穫，貧唯詩卷足驕奢。
含飴幸有孀親健，弭盜難堪五女加。

最是多情隣舍酒風逋未了又新賒

八弟爾孚居喪結廬予爲顏曰明發軒並系以詩
怪爾樓居對縣門轉疑丘徑不聞喧身經喪亂畱書帙
手綻麻衣積淚痕庭接半軒延客坐香添一瓣報親恩
荒園幸敞看霜月未到烏啼已斷魂

除夕

野夫無力正乾坤春去春來總斷魂如此風光何足惜
任他流轉不須論壯心磨折頻看劍生事蕭條長掩門
却憶盛年誇守歲林鴉櫪馬共爭喧

元旦書淵明集後

戊子

栗里棲遲又一年風光不似義熙前東籬寒盡菊歸酒
南畝春回秫下田榮木停雲舒歡傲門生兒子解憂悵

白頭猶爲飢驅出乞食何傷采蕨賢

壽姚休那先生

休那居士本天人小謫人間甫七旬
妙解西方三揭諦乍看東海一揚塵
田疇不飽青精飯髮禿還飄烏角巾
自古花源無晉魏焉知石趙與苻秦

壽劉未沫先生

君年強仕我生初不覺同時廿載餘
詩裏鍼磁吟最合花前盃斝勸無虛
家林鳳羽隨春長源水雞聲與世疎
安得兩京還漢時也教鼃錯受尚書

小寒食山行

一百五日忽已盡春陽九十能幾何
山中勝事足幽討谿上落花先逝波
舊業有田封宿莽空湍惟鷺浴盤渦

樵人相見嗤予拙，曷不誅茅還結蘿。

清明

今日何日陰復晴，惓然不樂聞其名。草木亦恐歲時變，
人事况逢年代更。懶向隣家乞新火，忍從濁水浣長纓。
蕭騷最是雙蓬鬢，見插楊枝百感生。

三月十九日作

鼎湖龍去再生天，荆棘銅駝已四年。太液有池誰飲馬，
上陽無樹不啼鶻。真人構造千秋業，宵小嬉游一擲錢。
縱使海枯還石爛，不教此恨化寒烟。

海會寺阻雨

幽溪屈曲似龍眠，更似龍眠廿載前。源水窮時雲抱寺，
烟巒危處木參天。馬停澗戶疑無路，榻借僧扉覺有緣。

多少丘荒那剩此故山回首益凄然

麻城訪稿木大師

普天披髮柰渠何我黨逃名佛國多誰似江黃大君子
居然瓢笠古頭陀探環兒挺干霜秀負郭田登萬頃禾
一切盡拋渾不染世間豪傑幾能過

憶昔琴書淮水邊孫吳孟戴日舟旋

克威次尾
元白敬夫

那堪蘭

玉三秋折况復滄桑一劫遷東海高蹤錢子蹈開西山
微尚顧生堅與治舊游存歿俱零落爾我相逢涕泫然

陸放翁集有身後人傳千首詩之句子樂而賦之

世間萬事有乘除美食難兼熊掌魚但使名高擅風雅
何妨身賤老耕耜花前且盡一杯酒盞裏曾無半石儲
千首詩傳吾願足家人窮餓豈愁予

戲贈梅希亮

坡公傳內方山子正在岐亭丘壑中當日後貌成古佛
內典有獅子吼佛至今閨閣有遺風傷哉妾命如君薄愁殺桃
花似粉紅何不扁舟隨范蠡徜徉蝦菜五湖東

酬鄒師可見投之作

沅芷湘蘭昔所聞十年今始覲羣芬風流儒雅皆名士
倣儻魁奇誰似君炎景况能飛白雪布衣元不羨青雲
一言贈我真知己方子詩如陳子文
鄒謂子詩似陳大士時有天機奏泊

妙之

秋夜不寐憶吳江舊事悵然有懷

當年樂事在吳淞孤艇能穿水萬重判把酒盃傾竹葉
也將人面比芙蓉烹鮮每就漁家屋斬叛頻看烈士鋒

多少豪華長在夢小窗細雨聽秋蛩

送王涓來應試北上寄陳吏部

北風吹雨浣征塵爾去燕關秋氣新折柳正當傾蓋日
看花猶及上陽春輕肥未敢援同學醫卜長將老逸民
京雒故人如借問勿言江漢有垂綸

午睡

自笑客身如轉蓬東西南北任飄風江山到處可爲樂
詩酒助人殊不窮壯志久灰兵燹後虛名猶攪夢寬中
平生最慕邯鄲枕却恨無緣遇呂翁

客麻城六十日不及上劉同人墓深以爲歎

故人荒隴在城西我欲求之榛草迷爲訪六兒俱遯跡
每逢羣從必含悽

同人有六子皆避亂山中不得晤孫謀萃之光似則其從子也

多慚

金山集

未挂秋林劍猶記相呼夜雨難欲把一尊遙酌汝五華

山下白雲低

五華山乃其葬處

岐亭曉發別稿師藏夫希亮

我去岐亭烟水寒三人送我到河干攜衾夜就舟中宿

藏夫希亮

卓錫朝從渡口看稿師握手後期知遠近離情此日

最辛酸長年不解相思苦便欲揚舡下急湍

舟中漫興

湖海茫茫任所之家人生產不曾治千金在手一時盡
萬事到頭誰得知自笑疎狂終莫改人呼孟浪亦何辭
平生癖好惟三種左馬文章老杜詩

樅陽

沿江村郭盡蕭條獨詫樅陽頗自饒入市魚鹽來估客

連橋米穀聚河橋地偏雖覺豺狼遠俗薄還虞燕雀驕
久客乍歸聊慰藉不妨沽酒月明宵

歸里

去年東歸九日後今年西歸九日前性情最是遊不厭
富貴何如詩可傳每到故園翻似客若論生計總由天
疾妻愚子懷鄉土恨不能從范蠡船

聞姚休那先生病予寄之詩與金先生得詩而亡
金報以一詩久之金復在又寄一詩並長書屬
望予予答此

莊生齊物自逍遙天上浮雲信所飄何事友情獨戀
更兼文字習難消纖纖豈解珠歸浦種種皆同鹿覆蕉
呼我尉陀吾不敢他年只恐負任囂

冬晴戲爲俳體

夢在江湖身在家醒來晴日射窗紗病中忌飽惟餐粥
老至妨眠勿飲茶炭以驟寒爭長價酒因多債怯還賒
晴軒炙背融融暖安得麻姑手一爬

客有自白門歸者云陳翼仲望予甚因以寄之

我寓南京方九載爾無三日不相過滄桑以後輕離索
筆硯之間廢揣摩學不忘師知古道聲能及遠慰山阿
明朝許泛青溪雪鴈酒今年釀幾多

廣陵懷古

隋堤楊柳幾千條劫火曾經十五燒故國樓臺俱泯滅
美人香粉未全銷欲求梅閣疑何遜不賦蕪城怯鮑照
却訝羣兒屠戮後風流猶自說前朝

與程穆倩感舊

萬歲樓前司馬臺

楊龍友先生以職方監軍潤州

與君觴咏日悠哉

驚沙一起秋風亂
故里重尋晚角哀
湖海相逢猶歷落
肝腸不語自崩摧
南徐以後無知己
薄俗誰憐樗散才

與黃石公感舊

朱雀橋邊金粉香
風流猶記少年場
雲泥相去幾千里
蒲柳曾經十五霜
西子有情應共載
步兵不飲也須狂
秦淮爾寓知非遠
索笑還來梅蘂傍

贈王尊素

姚生壁上見君詩
絕似中唐杜牧之
古道微茫羞世態
美人風格軫予思
販繒店裏尋孤鶴

尊素寓絲市

賣酒樓頭

揀一枝殘菊
早梅要勝賞
相看俱有雪
霜姿

贈吳園次

秋水卅溝夢幾年，今朝纔訪古梅前。
乍穿鶴徑如山谷，卽解鷄裘當酒錢。
城破尚能偕婦隱，家貧端不受人憐。
何須更覓乘鸞侶，花下吹簫本自仙。

贈趙友沂

長沙芳草未黃昏，才子曾沾漢主恩。
爲訪庭闈聊改服，却過京輔自傷魂。
賦詩能取風騷意，好客頻開雨雪尊。
天下友朋膠漆在，不知何日奏雲門。

與紀伯紫約還白下

龍江歸業約同行，愁雨愁風復畏兵。
有客張筵送孫楚，惟君佳句似陰鏗。
一從世變無名士，萬古覓銷是舊京。
明日登艫照邗水，鬚眉當不負平生。

借姚仙期王尊素紀伯紫趙友沂鄧孝威吳園次
劉玉少龔半千李秀升集龔孝升寓齋爲別限

韻

四海無家何處歸輕裝亦逐片帆飛月明江上空懷古
雪滿人間未授衣戎馬再來芳草歇河橋一別素心違
蔣山西望夕陽沒松柏凋零麋鹿稀

蔣子卿寓石城外詩以訊之

歲暮聞君客廣陵歸來垂橐冷如水非關古道難借俗
自是令人惱見僧犯雪不妨持破笠拈香猶許續明燈
城南寺寺多兵馬獨上浮屠第幾層

遲從兄坦菴廣陵不至有寄

歸櫂邗關許附行無端風雨暗江城泥邊雙鯉遺蕭寺

雪後孤鴻返舊京東閣早梅知有興南塘衰草亦多情
甕湖酒美攜應滿索醉還來共蔣生

訪張文時王穆如有感

帝城東畔草堂偏芳沼今爲勅勒川嘗怪疎狂能免禍
不知蕭寂已逃禪卜居桃葉隣秋水貪看梅花破曉烟
乍喜故人來又去蔣山回首意凄然

除夕

時在高淳陳汝巖宅

歲暮日歸歸未能石湖風雪且擔簦祇緣春酒故人約
不意虛名茂宰稱遂有高軒迎上客依然破衲貌山僧
城東古寺聊棲止今夜惟應伴佛燈

故人門巷未云遙念我羈棲太寂寥要過草堂分此歲
况疑風景似先朝吟邊意氣屠蘇煖鏡裏容華燼炬消

愛爾湖村堪共隱何年徙宅傍漁樵

世外浮蹤水上槎隨方著處便爲家年來不幸遭離亂
老去何心戀歲華君父恩情皆未報妻孥窮餓豈須嗟
一肩行李長蕭瑟辜負千將與莫邪

龍眠山下雪霏霏衡宇荒涼生事微一母二妻嘗臥病
兩男四女各啼飢思歸隴畔耕無力慣客天涯信亦稀
此夜燈前遙憶我相看誰不淚沾衣

元旦試筆

已丑

誰道春王又履端四年曆日不曾看臘傳先子惟知漢
書受高人未報韓避地且容江海傲憂時寧計室家安
河邊淑氣微微動漸有光風轉蕙蘭

人日同陳汝颺吳弗如訪邢孟貞村居

不到淳湖又幾秋。湖村風景尚優游。兵雖小掠家無恙，兒漸能文老不愁。生計况添三十畝，客心嘗繫一孤舟。春來酒似梅花白，人日逢人可勿留。

兩後赴韓元長之招途中有作

高人家在石湖干，我欲從之春雨寒。折簡相迎輿亦至，微曦纔出路全乾。卽依村柳行危岸，又逐漁舟上淺灘。遙指層樓今夜月，先判一醉五辛盤。

二月廿一日爲母氏壽辰懷歸有作

高堂六十又三年，三十三年別所天。爭道有兒能富貴，豈知垂老更顛連。家貧啜菽應難得，世亂浮萍不易還。痛負吾親尤負母，何時歸種北山田。

送春日借東茹吉羅天成許銓臣看牡丹分賦

一春花事不曾看今日看花春又殘却喜紅英猶未落
况聞黃鳥且爲懽煩愁祇覺少年老離亂應知好會難
信有花香亦傾國金罍在手莫辭乾

湯仍三作茅屋成詩以訊之

君家書閣儘高閒新築茅齋復幾間荒徑乍開宜種竹
短牆不補爲看山干時懶向都門去索醉嘗從隣叟還
要我重來今不果秋舫纔許叩柴關

午日書懷示湯仍三

作客殘冬復早春青春朱夏又相因愁懷最是天中節
浪跡渾如陌上塵只以饗殮頻累友何曾甘旨遠貽親
看君兒女喧堂北愧殺飄飄江海人

漫說遊踪在五湖近來何地不窮途一年節序又過半

金山集
往日風流今已無文字浮名花共落美人薄命草同枯
秦淮亦有傷心事不獨沈淵楚大夫

壽胡印度先生

子胥湖上白蘋秋杯酒相逢卽唱酬嘗想丰儀如在眼
不知七十已平頭花坪似與花源近花坪胡所居也瑤草寧須
瑤島求一點禪燈長自照古來惟有佛無憂

雨夜宿崔明府署中言別

官閒無訟况農時獨臥南軒受晚颺湖上有人將遠別
雨中相迂莫深辭今宵且就陳君榻明日誰親陶令卮
燭冷香銷猶不寐紅蕖翠篠總含思

蕪陰訪蕭尺木有贈

山川悠邈嘆離居嘗見君詩画與書四海相知惟草木

千秋不朽在樵漁，偶停江上故人櫂。爲訪城東處士廬，握手匆匆言不盡。愁看烟水晚來疎。

與羅繡銘感舊有作

年年江左問羅含，比部英聲震海南。去似春雲迎杲日，來如秋水下寒潭。授徒聊以供餽粥，養志何須竭旨甘。容鬢雖凋丰骨在，故人相見始無慙。

送五兄爾唯令粵東

孤帆渺渺向天涯，山水情多路不遐。去日桐溪霜在葉，到時梅嶺雪將華。閒身似鶴長隨子，公事將鳧豈顧家。却笑少游生計拙，荒村獨馭短轅車。

蕪湖訪宋玉叔計部感舊四首

丁卯橋邊芳草平，櫻桃時節共君行。吟聲互答如黃鳥。

別緒纏綿在紫荆

其時玉伯玉仲皆在京口

復有佳期來笠澤不堪

多難去蓬瀛

又同玉叔避兵吳江而玉叔以亂故先歸萊陽

乾坤納納同心少

何日能忘此際情

比年人自薊門還皆道吾兄問弟顏敢望功名附霄漢
獨憐窮餓老湖山使星何意乘輅近舊雨相過鎖印閒
却笑成都賣卜者也能詞賦動江關

南方佳麗數于湖使者臨關昔甚都一自狂瀾翻大陸
遂令郎署屬危途江蘼欲采養盈室野雀群飛風在笈
莫是才華天所忌故教足不過門樞

宋玉才爲萬古師風流儒雅爾兼之高懷歷落人誰識
古道微茫我略知預擬登臨同嘯咏何期山水有監司
論心只好來僧舍不似南徐痛飲時

送陳伯璣歸南州兼懷徐巨源陳士業

勸君勿歸君欲歸
九江日落行人稀
城當破後難尋宅
田正荒時豈救饑
把釣尚能供菽水
乘軒未必勝柴扉
蒹葭白露章門外
野鶴雲鴻何處飛

喜橋木師至

聞君春到石頭城
將妾和兒贈友生
此事太奇終有悔
天恩難斷可無情
旣歸白業家何定
欲返黃州路未平
江上故人多古義
東郊應與結茅成

訪沈崑銅村居

雨湖雙槳動晴雲
遙憶南田有隱君
叔度高懷慕麟士
晉人云沈麟士
今之黃叔度也
蕭公佐命耻休文
天寒且作魚龍臥
地僻應同鹿豕群
他日一枝須借我
無邊風月與平分

咏木芙蓉

木芙蓉傲水芙蓉爾不經秋我耐冬
籬菊共憐霜氣冷
井桃難喻露華濃托根長近幽人屋
開戶頻來少女踪
最是柔纖雙玉手朝朝攀取佛前供

劉遠公有扁舟江上圖命予題之

年來江海正橫流何處輕舸任爾浮
小泊歐陽湖上雨
長懷徐孺宅邊秋天空倚櫂吟霜葉
客至投竿問酒樓
我亦無家同放浪平分汀鷺與沙鷗

蕭尺木建醮于庭有道士召白鶴至迴翔久之予

與繡銘皆有賦

絳幘玄裳復縞衣羽蟲猶有漢官威
乍疑王子山頭見
又似徐卿月下歸欲傷鷓鴣終遠翥
耻同鳧鴨且長饑

莫論遼海千年事只恐須臾代已非

晚泊浮橋贈曹梁父

十八年前過此橋我方勝冠爾垂髻朱顏倏共河山改
白髮先隨草木凋養母且偕刲股婦

梁甫內人曾刲股愈其母疾

采

薪應作爛柯樵朦朧烟月重過此回首江城恨不消

贈袁長卿郡伯

白雲靄靄謝家山吾欲逃名隱此間聞說風流賢太守
也能詩酒意相關官齋無事惟觴咏漁釣何妨數往還
前輩猶傳許丁卯凌鼓送客不曾聞

許渾爲姑孰令有凌鼓臺送韋秀才

詩

王希文招同林殿闕姚戊生于止園紀伯紫張與

瞻夜集有贈

去年此日客邗關，二子乘舟江上還。
渺渺烟波忽分手，霏霏雨雪又開顏。
名園幽靄寺相接，良友追隨酒不閒。
嘗笑姑溪非爾在，何人粧點謝公山。

贈倪叔遠丈

先大夫未第時曾游姑孰與倪阿馨先生交最善有贈答詩載遺集曹元甫光祿嘗爲予言矣四十年後子遊姑孰與叔遠交亦善然不知卽阿馨弟叔遠亦不知予卽先大夫子也一日酒間偶問及之悲喜橫集

自是孤生苦竹根，未聞庭訓見遺言。
當年又記曹卿語，此地交惟倪叟敦。
只道幽期成往事，豈知重醉在君門。
離筵霜冷三更月，淚滴深盃帶血痕。

唐祖命移居

唐宛人居姑孰其子髯生亦才士也

南望姑溪北宛川，兩堪棲托兩無緣。
君家獨據湖山勝，時論同歸大小賢。
雪酒對人消永夜，草窗留我過殘年。

界枝莫漫愁衰鳳三匝烏飛更可憐

自姑孰返吳江別王希文

凌敲臺上惜離群古木蕭蕭挂夕曛聚散友朋如落葉
去來踪跡總浮雲買山恐被高僧笑賣卜能教天女聞
別後飲然唯一事不曾親拜二公墳

蔡芹溪見訪有哭亡兒詩賦此荅之

雙溪一水權非難底事睽違六載寬舊友半凋渾涕淚
新詩相慰越悲酸早知顏路兒終天不及商瞿晚較懽
當日痛君今痛我百端交集又千端

祀竈日宿宋玉叔官舍有感

歲盡應無客不歸我何爲者尚僧扉知君舊習羈人苦
入署頻牽游子衣行酒賦詩聊慰藉登高望遠莫欸歔

桃花春水浮家宅好向江頭覓釣磯

銀燭金尊照眼紅今宵且宿暑齋中身如落葉飄何定
命似危途動卽窮幸有故人分厚祿羞將短髮對春風
回思君在吳江日憔悴支離我亦同

元日書懷

庚寅

普天何處寄吾身且向蕪江暫隱淪卜肆尚能言孝弟
醫方猶可立君臣春山采藥休辭遠晚市垂簾不慮貧
元日感懷惟自咏難尋屈子問庚寅

人日飲孫無逸齋頭有贈

門巷逶迤一草堂早春畱客看晴光酒如竹葉寒偏翠
人似梅花老更香畫譜千層藏島嶼詩瓢幾字挾風霜
太初以後山人少丰格如君亦雁行

送王翰明遊白下

有客懷歸歸未能，殊方猶喜得良朋。
開春復鼓中江櫂，同舍難分此夜燈。
青草雨迷吳廢苑，白楊風慘漢荒陵。
雞籠山上空明月，知爾覓銷不忍登。

自題采藥圖用談長益韻

山人采藥向中陵，獨撫松杉慨不勝。
浸酒欲收貞一子，編籬皆用忍冬藤。
苗分薇蕨春烟冷，米聚菰蔞秋水澄。
却訝靈均好奇服，製荷衣又索胡繩。

寄懷梁公秋

聞說燕山舊酒徒，七年垂釣射陽湖。
欲填東海疑精衛，不背南雲想鷓鴣。
公子報韓風冥漠，仙人辭漢淚霑濡。
同心尚有姜林輩，大澤高吟調不孤。

送吳無奇還毘陵

細雨輕烟楊柳枝，魯明江上送君時。
十朝九見猶嫌濁，一別三秋那不思。
貧覺家山歸甚苦，老懷勲業樹非遲。
傷覓最是新亭路，悵望鍾陵幾首詩。

寒食

幾年寒食不到舍，有兒上塚祭先人。
今年兒亦歸黃土，此日憑誰薦白蘋。
花前強酒暗垂淚，江上看雲多損神。
枯木朽株生意絕，逢春只當未逢春。

上巳日社集梅杓司山房同社者獨濯師談長益
蔡芹溪梅季升幼龍高夢姑及予共八人

響山西舍藥平闌，曾及東風此地看。
今日又當寒食節，主人非復舊時權。
衰顏短髮愁相對，痛飲狂歌強自寬。

莫漫移尊向流水也知修禊是無端

梅季升招飲天逸閣因弔亡友朗三孟璿景山

八年前作宛溪遊日與騷人醉此樓過眼三良成異物
傷魂孤閣似荒丘歲逢寒食猶脩禊客到貧家復典裘
追念平生腸欲結杜康何以解吾憂

沈景山墓上作

在宣城西
南之梅溪

梅花千樹宛溪莊要我來時我未遑誰料死生今異路
每懷風雨昔同床亂離空負婚姻約泉石猶爭日月光
乍捧雙珠今痛絕况聞隣篴似山陽

麻孟璿墓上

在宣城東
三十里

一束生芻遲五年今朝匍匐慟君前人須死難名方定

詩到臨刑妙始傳

孟璿遇害有怒存千丈
髮笑砍百年頭之句

幽隧有時回

白日窮廬何物抵黃泉多慙佇立松門者鋒鏑餘生亦
苟延

喜王玉門見訪因借吳無奇陳遐伯王賦西錢既

白夜集寓齋限韻

黃昏卜肆已垂簾尚有高人就我占乍觀風姿疑趙壹
重聞詞賦類江淹袖中奇石天爲篆樓上深杯月在檐
次第來過俱密友縱論心事亦何嫌

送程少月游揚州兼懷姚仙期王尊素吳園次諸

子

于湖春草刻初成從此詩壇合有名載酒正來杯渡寺
看花復作廣陵行櫻桃籠裏珊瑚色芍藥欄邊杜宇聲
逢我故人應見問爲言卜肆老君平

喜吳錦雯來自越

春江知爾欲揚舡，日日登樓數驛亭。
楊柳低垂人始至，風波吁駭事初經。
看雲豈獨郎爲宿，照水應知客是星。
若話游踪愁轉劇，茫茫大海兩浮萍。
妙年能不赴春闈，此意如今識者稀。
無論君親恩可忘，只言師友訓難違。
愁中白髮三千丈，雨後霜皮四十圍。
懷我新詩情自苦，夜深讀罷淚沾衣。

卜居

卜居久已定于湖，只少城西宅一區。
借廡不妨偕醜婦，應門猶幸有癡奴。
窗間山色青兼赭，架上詩篇白與蘇。
濁酒徐傾聊自慰，古來多少混屠沽。

與吳錦雯羅天成送春

年年客裏換春衣何事春歸客未歸半日春光殊可惜
暫時游覽莫相違花知我出猶含態鳥見君來不忍飛
聽鳥看花一杯酒明朝難得此芳菲

蕭尺木有詩見訊答之

明江卜宅意如何只爲情人此地多刷羽且憑鷗作侶
銜泥不見燕成窠迎家就客風猶阻冒雨尋芳春又過
安得一枝長傍爾短牆朝夕共烟蘿

天逸閣社集懷古分得韓昌黎

韓幼從寡嫂鄭氏
就食宣城凡七年

學成
以去

三齡失怙仰賢昆那更兄亡嫂獨存乞食自輕千里道
受書聊寄一家村當時糠粃兒童賤杜詩糠粃
對童孺此日松
杉祠廟尊我亦孤憚逢世難頻過宛水暗傷魂

予去宛後家人乏食蕭尺木羅天成胡允右張與

瞻各餉米一石歸日賦此謝之

秋林旬日雨凄其餅罄難教小婦炊晚日忽春雲子白

杜詩飯抄雲子白

故人先送救公饑

江南謂早稻日救公饑

釜鍾高義今

應少管鮑貧交更有誰燈火客窗兒女笑老親差不怨

此離

十年戎馬故園荒百畝曾無儋石糧盡室畏途同劍閣
叩門乞食類柴桑壺餐每荷青山友飲啄猶瞻白日光
比夜畱侯頻入夢忘詢辟穀是何方

聞蕭伯聞賡九將至姑孰相見有期爰賦此詩

憶昔作客石城陰與君兄弟交最深一自乾坤有及覆
七年魚鳥空浮沉兄躡東海信高士弟官西秦豈本心

何緣會合牛渚水預買香膠喜不禁

中秋日張東圖見枉小飲有作

西堂吹雨長苔痕病久從無客到門遠屐不殊空谷響
閒杯如共古人言相將延頸蟾蜍魄何以克庖萊蕪根
一種人間歡喜夜獨教愁悴臥荒園

寄懷邢孟貞石叻

西郊小別正殘春別後遙憐爾降辰世亂幾人周甲子

年華又喜遇庚寅

孟貞前庚寅生至是六十一矣

山中風雅含元氣湖

上烟波絕四隣莫對園葵傷老大白頭猶見日重輪

倦游歸種石湖田數畝那能抵一瓊自注糟牀芬最烈
載過京市美爭傳倘逢嵇阮寧論直只恐荆高有負錢
似我平生多酒債輸君酒債在人邊

雨中東東茹吉博士

橋東日日擬相過，無奈秋霖泥滓何。
地福菊英親酒少，官寒苔蘚上階多。
一生朋舊情誰篤，二子詩篇義不磨。

東屏間有駐嵩年葛蒼公詩

猶記早春風雨夜，梅花簷下共悲歌。

贈于息菴先生

宦海浮湛十九年，歸來環堵尚蕭然。
談經復聚鄰家子，舉火惟收月俸錢。
垂老豈能忘戰伐，長齋不忍近腥羶。
江城此日驕羅綺，也有霜柯萬仞巔。
片帆烟雨過淳西，平野孤菴且暫棲。
聞說蒹葭人在水，請看桃李自成蹊。
燕支山下牛羊關，石臼湖邊猿鳥啼。
極目王孫東海岸，不堪春草又萋萋。

李士雅江上見訪談粵中事甚詳感而有作

離人歸自蒼梧北，顧我茅齋牛渚西。曾見六龍翔島日，
又聞八駿蹶霜蹄。出師尚恃劉兼魯，止一殉難無過陳。
與黎秋滿美周怪爾艱辛還故國，不爭鵬舉慕雞棲。

太湖訪戴其懷

先是戴以茯苓見寄不果

逸世惟親本草經，自憐衰疾仰溟苓。故人許向松根刷，
使者攜來山路停。隔歲音書勞遠思，荒城風雨又同聽。
冬暄荷鍤隨君往，不必封題鳥獸形。

贈馬嘉甫

荒榛蒙密路欹斜，道是當年王謝家。故壘那能巢玉燕，
明珠猶自握靈蛇。不嬰塵網門蕭寂，獨坐書窗意靜嘉。
投我詩文并風雅，山城誰似爾才華。

龔山集卷之八

皖桐方 文爾止著

堦繡水王 槩安節較

黃州王澤弘吳廬定

七言律

人日飲汪瑞卿宅兼別實公枚臣

辛卯

攜家避地似梁鴻感爾能爲臯伯通
時有雙魚餉貧旅還將斗酒醉春風
明朝欲別浮雲外今夜同眠綺閣中
最是主人情可戀江花江草思無窮

四十初度

聖代文章本自多
蹇余名宦獨蹉跎
祇應丘壑老麋鹿
况復郊原徧駱駝
易世幾人畱節槩
危言到處有風波
怪來兒輩輕相謔
四十無聞可柰何

寄懷徐子九明府

花城羣盜正縱橫，有客經過路未平。
日在軒光旅舍更分廉，俸潤歸程別來兩載彈。
琴治聞說千家賣劍耕，我寓司空青嶺接可傳書札到柴荆。

兔兒天王言如王詒白夏廣生見過有作

三君旅舍近吾廬，底事經旬闕起居。
藥裏堆牀緣舐犢，酒瓶覆地不燔魚。
自憐薄命同秋草，獨坐荒園誦道書。
松下柴扉聞剝啄，幾番寬慰重欷歔。

夏日卽事

山郭傳經生事微，蕭齋長閉客來稀。
雨中籬倒羊群入，露下草深螢亂飛。
野老不堪聞仕籍，學徒強半赴秋闈。
晨昏獨向瓜棚立，一任涼風吹葛衣。

熱

我生畏熱不畏寒，鵬月易過暑月難。預防疾病戒飲食，少見賓客藏衣冠。道途奔波幸可免，房舍逼窄那能安。明年卜居山谷裏，茂林脩竹恣盤桓。

客有教予謹言者，口占謝之。

野老生來不媚人，况逢世變益嶙峋。詩中憤懣妻常戒，酒後顛狂客每嗔。自分餘年隨運盡，却無奇禍賴家貧。從今卜築深山裏，朝夕漁樵一任真。

中秋後一日訪章明卿羅溪山中

捫葛攀蘿路屈盤，似聞雞犬在雲端。山家一院田三頃，秋樹千章竹萬竿。冀缺妻能偕大隱，陳遵客亦有奇懽。怪來不肯居城市，何物浮名易考槃。

諸生入秋闈八人念之有寄

瓊裘毳幕等蜉蝣俗眼相看詎肯休王猛也曾投策去
許衡且爲治生謀雖無冠佩光辰極亦有輿臺炫里陬
却笑先生似衰柳斷烟疎雨不勝愁

夜坐贈內

秋夜張燈掩竹扉左邊開卷右縫衣空階不斷瀟瀟雨
隣舍時聞軋軋機性癖如予吟自苦家貧賴爾敬無違
雖然環堵安閒甚始悔從前游不歸

寄懷劉旭采博士

風花烟柳郡江春與子相逢卽故人永夜爲懽先判醉
來朝欲別各含辛盛名豈可忘昭代薄祿惟應奉老親
猶記高言對時宰野夫白首尚書紳

劉對家宰某論素
患難行乎忠難句

以爲蘇武洪皓始
足當之妙絕古今

熙城漫興

疆仕之年便陸沈祇緣書癖與詩淫
世間何物奪吾好異代有人知
此心霜落秋山添苦思月明寒渚
縱高吟妻孥莫恨無生產千首詩
傳抵萬金

題烟波獨釣圖

一自兩京淪沒後斯人漂泊在江湖
臨流高詠有時有觸景暗傷無處無
世難且從公望隱運回應笑子陵愚
衣冠倘見劉司隸豈肯甘心老釣徒

喜馬倩若至夜話

連理堂中共明月別來二十四回圓
他鄉見月時相憶今夜銜盃月在天
久客漸思歸老處長貧未積買山錢

何年始遂南湖約春雨秋霜一釣船

冬日卽事

窮簷蕭寂傷城根數日風寒懶出門
自洗甕缸收臘水頻移竹榻就朝暎
辱乾把酒無餘瀝硯凍裁書僅一痕
莫道山中樗櫟賤家人薪炭不曾溫

雪夜訪阮容卿齋頭小飲

阮方讀禮斷酒

朔風淒緊撼茅簷念爾廬居尚寢苦
瞑色叩門應未睡枯腸索酒亦何嫌
鑪殘宿火堪煨芋雪響空林似撒鹽
常怪蒸豚非禮法如今勺水不曾霑

訪宋君尺山居不果並寄阮質夫

陽烏山下有高踪路出花香復幾重

花香坂地名

曾約早春

來信宿却慙游子未從容詩情每憶宋之問酒况兼懷

阮嗣宗欲卜芳隣誰勝此他時買宅傍雲峯

爲園

作客從來是借居停既久亦吾廬伐茅加屋何妨厚
買竹編籬勿任疎虛室豈須憂盜賊爲園儘可種瓜蔬
方春便覺土膏美頻與山妻好自鉏

壽程丈

聞說程君隱市廛雞群白鶴自超然
夔吟好句來江上不遣愁容到酒邊
范蠡千金如抵戲尚平五嶽卽神仙
逍遙游復能齊物身在南華第幾篇

賦得鍾山梅下僧

壬辰

孝陵枯栢千年樹虎倒龍顛無一存
只有寒梅藏絕谷尚餘破衲守孤根
月明華影聞鐘梵雨漬苔衣見淚痕

不許閒人嗅香葉春來芳草憶王孫

送曾庭聞游漢中

秦川自古興王地楚蜀咽喉在漢中龍戰且收西極馬
鵬搏應待北溟風將軍名以先朝重才子文於露布雄
酒後有時還縱獵詩人爭與賦彤弓

寄懷潘江如

千里菰蒲共一江白鷗何事不成雙君歸海上藏烟艇
我去山中閉雪窗秋水無緣逢石臼晨星似欲轉天杠
年來蘭畹凋零盡尚有梅花幾樹椿

雨中同唐祖命吳震生過張元毓小飲

次日祖命還姑蘇

江上羈孤正寂寥無端風雨又蕭蕭欲尋溪友愁山屐
誰念詩人送酒瓢日暮逢君來古寺春陰扶我過危橋

明朝况有將歸客先向青門折柳條

訪劉賓仲先生寓園

華亭宗伯久不作赭山老人今尚存自有法書垂異代
却無精舍借鄰園詩中白傅夜猶讀欄外絳桃春正繁
與我忘年交恨晚佳期日日到柴門

贈湯古翼

紛紛詞客何須數獨爾揮毫逼古人七字短詩寒徹骨
八分小篆瘦通神他年備美堪垂世此日遺榮更絕塵
屈指乾坤吾道合相思莫厭往來頻

贈張必簡

炎風朔雪走江濱日日周旋失意人孔壁藏書寧畏禍
孫衣質酒不辭貧欺霜自號冬青子飲水能娛髮白親

莫對寒窗愁永夜來朝陽谷見重輪

贈唐嗣履授徒陽明書院

本朝理學王新建處處山川各有祠鼓篋便須來此地
通經方不愧人師長懷吉顛勒王日又想汀漳破賊時
伯仲顏曾復伊呂世儒誰敢笑良知

懷范小范滁州不至

君泊江關正歲除匆匆登岸訪吾廬開春雨雪各歸里
隔縣湖山未寄書彩筆暫雖依毳幕青泥終不染芙蓉
相思只待滁陽返謀入桃花源共捕魚

王復西以所居書室儼人感而有作

王郎年少喜藏書一室縹緗擁萬餘我暇輒來終日坐
君貧何至與人居荒臺不惜移衰風寶篋惟愁失蠹魚

知已重過三嘆息祇今天地亦蘧廬

答梅崑白見懷並寄令兄杓司

響山村舍吾昔游君家兄弟東西頭林中痛飲至一月
江上小別逾三秋裁詩相寄見深意命駕不來生遠愁
安得暮春重過汝碧桃紅藥再淹留

贈楊泗水丈

皓首紅顏八十翁嬉游只與少年同看花每出江村外
玩月頻來野寺中酒好畱人先自醉詩多信口不求工
漁郎莫話尋源事對爾居然黃綺風

寄懷蔡四芹溪

三春許我到歐湖日夕江亭望眼枯柳絮亂飛人不見
榆錢迸落酒誰沽別來生計空倉雀老去光陰過隙駒

借問芹溪同學者風流還似昔年無

唐髯孫招同施孝章飲因出萬年少所寫令祖司

理公像感而有贈

姑溪卜宅城南最白紵青山皆在門日見漁舟行葦岸
時聞樵唱出花村傳家富有詩千首好客貧惟酒一尊
重把先賢遺像展君才方不愧髯孫

五日至程少月宅

曾家塘上野人居妻子無多屋有餘前甚荒涼難寓客
昨纔脩葺似遲予雙鬢任見何須避一竈同炊儘自如
况是離情兼令節菖蒲浸酒話徐徐

贈俞彥中

家破那能歸海上時危聊復隱江邊
嶽崎賈誼虛三策

寂莫韓康守一廛竹版教兒新注易花枝供佛舊逃禪
如何藥裏多薑桂欲療人間滿腹癩

夜同少月過許銓臣小飲

雨歇空庭何所思故人授業在荒祠寒裳涉水路非遠
乘月叩門僧自知以菓當茶休汲井將燈照壁細看詩
牀頭况有桑椹酒淺酌深譚醉不辭

喜明圃至即送其東行謁浪大師

昨夜山中夢義烏今朝游子到于湖

先時子夢一僧見訪問之日驛賓王

也殊不可解

逃名也似棲靈鷲避世寧終老苾芻鏡裏雪霜

頭早白望中日月眼雙枯雖然持鉢非求食自有摩尼
五色珠

明農明圃本同心只合幽棲共一林流水那堪分去住

誦詩誰與測高深江邊石路纔相訪天界松陰又獨尋
若見浪師應喜極四年延佇到如今

飯籬山休夏

一丘一壑能消暑何必千峯與萬峰吟坐最宜窗北嚮
醉眠嘗至日西春槐花打瓦聲疑雨松樹參雲勢似龍
睡起獨行籬落外徜徉吾自縱天慵

送史赤豹游姑孰

君是先朝侍從臣竭來江左作閒人十年懷抱無由展
一月追陪分外親長把酒杯消酷暑也同詞客和陽春
中宵且莫論心事回首燕臺淚滿巾

鶴兒山下久徘徊直到新秋權始開夜雨忽收殘暑去
江風先送早涼來謝山遊屐君當發皖水歸帆我亦催

別後相逢復何日臨岐執手重興哀

七月初三日大雨

沿江赤地千餘里瞥見峰頭一縷青
颯颯龍鱗疑飽墨
颯颯馬鬣似傾瓶可憐農舍三旬望
且喜僧寮半日聽
雨後微涼秋水濶歸人不久卽揚舲

七夕同少月旣白漢侯飲朗公房卽事

老僧不飲畱人飲只爲詩情與衆同
蔬菓况當星月下
園林俱在水烟中敢言玄度尋支遁
且說離騷繼國風

子爲諸子
坐講楚詞

吟罷自然成五色天孫雲錦未爲工

七夕後一日宿羅天成寓齋畱別

天上雙星方會合人間好友欲分離
今宵不盡杯中酒
明日空勞去後思風雨畱人須借榻
湖山何處再論詩

自傷不及華堂燕秋去春來尚有期

留別蕭尺木沈崑銅湯玄翼張東圖諸子

魯明江上每停舟來及春風去及秋緣有數人同苦節
渾無一事只閒游詩篇妍雅交相勗家計蕭條且勿愁
東海南湖消息好豈應垂釣老滄洲

錢旣白爲予書龕山集成賦此謝之

故人書法師顏柳龍臥蕪江道已高憐我詩篇多苦思
不辭炎暑爲揮毫松風竹月長相對暮往晨來恐太勞
他日鐵函藏鄭史也須名姓著同袍

自蕪陰還太湖舟中作

江渚飄零過半載今朝始得返雲巖浮屠烟外標寒寺
屬玉波中亂遠帆照水忽驚新白髮見人無改舊青衫

空囊莫問金多少但有侖山集一函

歸泊皖口

春日遲遲此繫船行吟江畔獨凄然可憐蘭秀蘅芳地
又是波生木落天變海豈消亡國恨登埤空憶昔人賢

張公文錦
崔公銳也

不知民社今誰主腸斷孤城一水邊

中秋飲夏汝明廣文署齋兼別阮睿卿戴其懷章

明卿馬嘉甫章仲衍何九亨畢暉吉諸子

是夜
月食

山城卜宅又回車只爲年荒乏所儲草不芳時怨鸚鵡
月當圓夜恨蟾蜍故人欲別難爲別隣邑雖疎尚未疎
雁叫秋空聲響接相思莫斷數行書

江上聞雁

賓鴻本是朔方鳥尚想南方歲一遊何事人情偏向北

念山集
冥心邊塞不知秋風高迥出蓬婆塞露冷先歸杜若洲
持節久無蕪典屬帛書誰寄隴西頭

訪任克家山中

湖上垂竿曾有約六年今始過君家青松密處山樓隱
紅蓼開時石徑斜暮雨霏微須止宿秋田荒落各興嗟
殘禾雖刈不成穫澹澹風吹蕎麥花

革除以後無風雅作者寥寥知者稀愛爾深沈嫻古法
謂予吟咏合天機燈前細閱愁應破酒罷狂歌興欲飛
安得移居傍龍嶺相思晨夕一披衣

訪劉超宗不值畱此寄懷

自恨游蹤去五湖故人捐館鬪生芻江城遇爾先除服
山澗招予未遂圖正擬白鷗來共狎豈知黃犢又分驅

梅花開日重相訪臘酒多藏莫待沽

九日

年年九日在他鄉今歲歸來興未央怕見浮榮入城市
却依先隴住湖莊山中不識金銀氣衣上猶聞桂菊香
自買村醪破愁寂何如邊地酪爲漿

松山湖中

溪淺難容一櫂行沙間徒步覺沙平魚隨水落梁空在
雁逐人飛字不成遠樹斑斕秋色迴澄潭皎潔夕陽明
今宵只得舟中睡愁聽西風感築聲

潘蜀藻招同陳二如夜集有贈

吾鄉詩學自紛紜古義深求在兩君註就杜陵真一絕

二如註杜詩甚精

吟成白傅渾無分

蜀藻學長慶體最肖

爲懽預訂花間

月欲別先愁江上雲問我何年歸里住三人歌笑日相聞

送周思皇歸麻城兼寄槁大師劉藏夫孫謀子潯
毛公實梅希亮暨令兄遠害

君自蒼梧臨桂還捐軀爲友歷間關恢奇不減孫寶石
哀怨猶疑瘦子山

思皇自粵西送密之主廬山卽去

匡阜一瓢欣有托

楚天雙翼香難攀龍蛇此日新酣戰世外英姿且暫閒

孫魯山司馬招飲談匡廬之游甚快

門巷蕭蕭少客過月明期我到烟蘿花前謾說前朝事
酒畔惟聞擊箸歌雲谷昔曾標戰壘

孫舊爲宣大總督卽古雲中上谷也

旃裘今豈勝漁簑無端忽報徵書至洗耳其如巢父何

時有薦孫者孫不應

春水揚舲彭蠡湖詩篇高秀比香鑪

孫今春有盧山草

荒墳曾

拜淵明否古寺還尋惠遠無瘴海有人歸破衲

謂衲

霜

天我亦訪名區倘逢題壁應相和回首龍眠調不孤

江月

霜艇初維寒氣肅冰輪湧出更高寒一天雲散了無翳
千里江流靜不瀾把酒獨斟誰共語抱衾欲睡豈能安
舟人畏冷牢遮席嗔我頻頻向外看

初至南康東徐伯羽太守

彭蠡湖邊孫楚歸道君相念語依依

孫魯山司馬自南康回述太守念子

殊雲霄得路人非少泉石關情世所稀正想開先看濕
布况聞猶子寄林扉霜江一艇來過此乞與與人上翠

微

徐太守招同胡司李薛星子黃山人夜集

湖城微月復微霜秉燭來過刺史堂自有群公消暇日
也教二隱發清狂石因星化曾名縣山以人傳亦姓匡
聞說重脩白鹿洞洞中蘿薜亦含香

重過玉京山至五老峰下

前朝出郭太匆匆多少林巒勝未窮此日霜晴天皎潔
小春氣暖路和融玉京山下陶徵士玄武祠傍顏魯公
聞說當年俱卜宅至今過此仰遺風

白鹿洞謁文廟

廟中聖賢塑像儼如王者又有吳道子所畫孔子刻于石

廬山奇不在仙佛徽國文公有講堂歷代規模猶赫赫
千年林樹自蒼蒼孔顏何事皆端冕鄒魯從來是素王
畫手更看吳道子果然絕妙動宮牆

萬松坪阻雪贈雁上人

上人吾皖阮氏

五老峯陰寒氣重山僧長夏亦衣棉
况當凜凜冰霜月又是淒淒雨雪天
脫粟有情須暫住燔柴無數始成眠
何期隣衲爲同里就火烹茶話昔年

含鄱嶺至太乙峯

侵晨獨出含鄱口千里鄱湖一嶺函
但使短藤窮碧巘何妨細雨濕青衫
林中慘澹高低寺霧裏微茫來去帆
不是探奇索隱者誰能踏雪上巉崑

宿棲賢寺

冒雨尋山事亦奇玉淵金井晚猶窺
山僧供客惟粗飯佛殿安單有敝帷
爇火那知薪炭費擁衾不憚雪風吹
五更窗外啼聲切想是林猿夜失兒

開先寺贈曹源禪丈

芒屨踏破嶽千層只見雲山不見僧
惟到開先青玉峽始逢嘗住佛圖澄
茆簷雨挂西峰瀑茶竈香消北澗冰
明歲重來共兄子從師朝夕問三乘

黃巖贈山子禪丈

匡廬峯經知多少最是黃巖絕好看
千尺飛泉垂澗底三間古洞出林端
幽棲合有高僧住妙義能令游子懽
他日結茅誰勝此東頭猶剩一瓢寬

開先寺阻雨同曹上人夜坐

本爲黃巖瀑布來黃巖看罷卽須迴
天知我意師相洽故遣山靈霧不開
日與烹茶燒敗葉夜猶煨芋撥寒灰
三更却話因緣事銷盡禪窗幾寸煤

贈麋上人

開先知客

山中緇錫能詩少，反謂詩爲文字禪。
試問人天誰解脫，不如風雅且鑽研。
原公首座超羣輩，愛我孤吟和一篇。
雨後相携看瀑去，晚來石屋共衾眠。

寄懷宋未有吳敬躋二孝廉

未到南康先憶君，昨來端擬一相聞。
豈知積雪迷山路，又說高踪遠世氛。
亂後家園俱已破，愁中筆硯未曾焚。
雖然避俗難辭我，我亦西山麋鹿羣。

贈黃伯圓山人

黃生丹青稱妙手，又能水墨寫人真。
一圖已盡廬山色，數筆卽傳野老神。
伯圓爲子作廬山圖，又爲子寫小影。如何歲晏不歸去，只爲才高難救貧。
會常與子掣塵綱，去作紫霄峰頂人。

李明府爲家子建構一茅亭于署中命賦

官舍三年始有齋短牆依舊覆茅柴琴書雅尚人誰及
水榭高風爾亦偕窗外晴雲來遠岫燈前夜雨響空階
雖然陶令爲知己歲暮那能不感懷

元日星渚

癸巳

元日家家香在門野夫於此暗傷寬但聞鳥雀多新語
不見江流復舊痕聞逐東風行北郭轉從西澗望南村
玉京山下林泉美人說淵明尚有孫

匡君千百好峯巒昨歲來遊取次看日日攀躋忘却倦
霏霏雨雪不知寒春江欲去仍回首郡伯相畱且授餐
白鹿有緣開講席今年長倚石闌干

贈星子薛明府

紫霄峰下星爲縣東古山前石是星鸞翮豈應棲棘里
牛刀聊爾試霜刃新年澤與陽春布大雅詩從靜夜聽
慚愧江關老詞客可堪白鹿妄談經

贈祝一之

君是湖山騷雅人豈堪屈首溷風塵一官雖改柴桑節
三黜仍安柳下貧逆旅病來誰餉藥故園歸去好垂綸
世間臭腐唯榮祿不及詩篇字字新

胡石林司理夜集郡齋談詩甚快有贈

春陰漠漠去江門十日來歸湖上村未入荒城逢暮雨
卽過隣閣倒山尊天懷秀發元風雅詩體精微更討論
佳句輒稱蘇令尹知君六義有根源

胡學詩千歲
弘祖故云

少年曾夢入匡廬南望雲峰十載餘吏隱得爲山下郡

官閒不異寺中居高吟雅好陶徵士絕學重興朱秘書
愧我無能分講席明朝理檝賦歸與

贈王斌爲宋未有

當年卜築石城阿三徑曾聞二仲過東海未歸門巷冷
西江相望水雲多情人偶遇分風浦心事全憑叩角歌
好向黃龍尋隱逸

宋居黃龍山

片帆明發恨如何

都昌南樓東彭明府

南樓迥出大湖邊更有南山當縣前一覽便知形勝好
千家爭說令君賢草鋪芳甸非無錦鳧浴晴沙並是仙
慙愧主人畱客意懷歸那得久畱連

曬書

山家晝永日晴和好檢藏書曬碧莎舊作文章偏愛惜

少年心力盡銷磨，鴻軒鳳翥還如此。鼠嚙蟲封柰若何，
自嘆一生才命蹇，曾逢明聖不登科。

夜半

夜半愁聞杜宇聲，起來閒步月華明。空山學道無人識，
破寺吟詩有鬼驚。天地豈應吾獨困，文章難與命爭衡。
年年擬作田園計，底事年年計未成。

再贈宋未有孝廉

與子神交十五載，曾題鳳字到寒門。維舟星渚元相訪，
匿影匡山何處村。破戒入城因友難，宋不入郡十年矣，茲以查天求就遠
斷未感時流涕向予言，匆匆那得論心曲。堅約秋來薛

荔園

臨別星渚望廬山瀑布

鶴鳴龜背兩高峯一道飛泉似白龍曾挾老僧披石蘚
便思小築臥雲松有田方遂山中約無食難安物外蹤
他日攜家終隱此楊衡李白合相從

歸樅川

霜風凜凜出門去仲夏炎蒸始入門千首詩篇傳嶽麓
半年妻女餓江村雖然竹有干霄節爭奈萍無著土根
若得龍眠田二頃便應躬稼老丘園

鱖魚

家在江東春水邊楊花落後此魚鮮白干笠澤銀絲鱸
肥似襄陽縮項鱸梅雨買來風味別荻牙蒸就色香全
臨餐忽有傷心處不薦園陵已十年

水崖哭明圃子畱

十首

聖代遺民本不多，頻年鋒鏑又銷磨。衰宗尚剩農兼圃，至性同歸笠與簑。只道陽春迴律管，豈知長夜閉烟蘿。瑤華且受霜風折，冉冉孤根柰若何。

少小能文氣似蘭，里人誰不信彈冠。祇因喪亂身當廢，縱使沈埋性所安。故國有懷唯涕淚，新詩無字不辛酸。漫勞鐵匣藏枯井，此日流傳血已丹。

神寒骨瘦映梅花，對爾長憂壽不遐。也說艱難過二九，果然歲序在龍蛇。同堂羣從爭榮膺，絕島游魂獨怨嗟。躑躅引年顏冉天茫茫，天道屬誰家。

里門裘馬日紛紛，鸞鶴寧同鷄鶩羣。如以衣冠坐塗炭，不徒富貴等浮雲。家人愚闇還相勸，異類腥臊孰忍聞。十世國恩蒙者衆，獨將破衲報明君。

前歲東遊入四明三秋臥病海邊城十歌痛絕判長逝

一息纖微喜再生

子雷丁亥淵象山病幾死有夜悲歌十章

復往象山真有

數欲朝龍舸竟無成高人自古蹈東海此日天南是帝

京

憶昔相攜吳楚遊日同七箸夜同禰奇懽東壩千鍾酒

苦恨西湖一葉舟共把愁心對陵闕獨將佳句播滄洲

河山猶未歸堯禹痛爾飄零先白頭

子雷有河山若不歸堯禹從此飄零

到白頭之句

去年五月過鳩茲訪我西山酷暑時僧舍且淹三夕話

佛燈盡讀十年詩離顏便覺不同昔分手那知是永辭

此後江關來往泊逢人一間淚痕滋

水崖卜築四山青竹屋茅扉儘自局何事頻游東海郡

所悲不見北辰星，早知溘死先葵露。只合巢居餌茯苓，父母俱存兄弟好。天倫樂或可延齡。

鮑家山下壘香臺，佛閣經房次第開。曾約我來瞻舊梵，

子雷結菴日舊梵

豈知君去長新苔。遺書尚有兒堪讀，真宰應

無運不回只恐恩光被泉壤，可憐白骨已塵埃。

乾坤豈獨我同心，復與吾兒氣誼深。千字挽歌何太苦，

天冲子没子雷作挽歌凡千字

九重泉路亦相尋。仙官入夢言非妄，

嘗夢天冲爲仙官

玉樹埋沙恨莫禁。有子有詩猶可慰，天冲慧

業永銷沈。

與錢幼光入山同哭子雷因有贈

高人客死海雲邊，扶匳歸來已半年。老我聞之心痛絕，逢君話及淚潸然。生芻便約同舟往，苦節應推避地賢。

孟山集

幼光乙酉
即入關雖在人間亦長夜那能白日照重泉

早

山田十畝本無多縱使年豐收幾何所願人家有餘粒
隨方得酒卽高歌夏雷殷殷空聞窸曉露微微畧潤禾
却憶春江風雨夜小舸霑濕蓋重簑

五兄爾唯自粵東歸寄此

故園松竹未荒蕪底事從軍瘴海隅要領得全猶慶幸
資裝雖薄勿嗟吁蚤知披髮無仙吏悔不橫經作腐儒
微祿豈應妻子飽也教舅弟潤斯須

聞兄臨去嶺南時名士爭裁送別詩最喜胡生才絕艷
尚憐小弟寄相思胡豹生孝廉子故人也送兄有詩文宦游終不如歸隱
世運方今似奕碁種秫田收多釀酒秋涼遲我過東籬

立秋日從子子克歸自饒州

爾去鄱湖雨雪中歸時一葉下梧桐
兒生半歲爺纔見橐有多金用已空
獨買瓷罌遺酒友更誇劖劖助文雄
草堂疏豁依先壠昏旦相過話不窮

孫子穀招同子克夜集分韻

游子初歸湖上船故交相見語纏綿
洗塵正值新秋夜把醖同看欲雨天
微尚雖然分出處英詞皆可潤山川
秦人何必求源水胡亥亡秦只幾年

枕上喜雨兼柬子穀

幾月不聞簷雷聲今宵點點最分明
秋花欲死根猶活晚稻得收人再生
癡女徙牀愁屋漏老夫戴笠候雞鳴
來朝何處堪延賞過嶺還尋孫子荆

寄懷李漑林明府

一年書問未曾通，長有慈顏入夢中。
老困愈知懷舊德，妻孥亦解頌仁風。
山田又旱難安土，詩卷雖多不救窮。
廬岳千峯自奇絕，主人那得似司空。

孫振公招同戴山民道及諸子夜集談詩因懷其

叔克感職方

南國風騷永社興，孫郎年少骨嶙嶙。
孤軍雖陷名猶烈，羣從多才堂更升。
出酒聽子談往事，陳詩知爾擅修能。
引商刻羽還深入，歷下瑯琊未可憑。

王定爾招飲論詩有贈

四十乞休何太早，鳳凰池上客尤難。
祇緣書史性成癖，漸覺功名興亦闌。
好我苦吟頻有約，出君新著儘教彈。

案頭多少唐人集只論其詩不論官

馬倩若舉第五孫東此

子外甥也

君年長我一歲耳六子五孫何太多可憐車笠既殊絕
又被箕裘偏折磨羊祐蔡邕終異姓孟郊賈島合悲歌
也知天意因詩罰爭柰窮工益巧何

左子兼招同蜀藻登北山作

一秋風雨不曾晴邀我看山期屢更昨夜新霜鋪屋瓦
今朝爽氣出岑城尋僧共坐沙灘竹下酒爭餐籬落英
不是含風咀雅者誰人白日解閒行

喜曾止山見訪

止山庭開之弟也自粵還已爲僧矣

赤鑄山前送爾兄看雲憶弟不勝情南浮粵海應歸佛
西去秦關且用兵烽火一年無遠信蒲團九月到荒城

中宵細雨愁方劇况聽霜風白雁聲

送馬倩若北征

黃雞紫蟹正肥時日日看山醉不辭爭柰徵車新令甲
却教驅馬舊京師量移合與家園近強起惟應老友知
也信梅花寒徹骨贈行空有一篇詩

和陳二如同婦嘆

昨夜聞君同婦嘆歸來誦與老妻聽詩何其苦真相似
命一般窮更有刑况是貧家猶積累居然華胃轉飄零
斯言近理如何答枕上齁齁睡已冥

贈孫赤玉

少保祠堂絃誦聲吾兒與子冠諸生典衣饋藥情何篤
剪紙招覓義不輕貌類蔡邕嘗有感恨同卜夏豈能平

他時簪筆圖書府可記天冲亡友名

竇將軍祠和江向若韻

將軍本是西川卒凜凜猶知忠義存不肖委蛇狗盜賊
也能骯髒立乾坤太呼城下詞何壯遺廟山阿衆所尊
借問京華冠蓋者幾人追念舊朝恩

九月十六日載酒城東送曾止山還匡廬左子直

游歸德同送者陳子垣張濬之陳二如馬孔璋

左子厚也

明月不堪千里共一時遂有兩人分鄒陽正及梁園雪
惠遠終歸廬岳雲馬首朔風侵短褐杖頭秋色挂斜曛
我來故國那能久亦欲相隨鸞鶴羣

西山晚眺遇左三山先生因至其家小飲卽事有

作

端居無事出城遊步履輕于沙上鷗心緒亦同霜葉赤
淚痕長共石泉流乍逢農隱情偏洽要去書堂飲不休
話到三更神轉王焉知七十四春秋

湖海茫茫未有家且將詩酒作生涯吟邊不覺狂奴態
靜處微聞長者嗟又欲匡山尋瀑布誰同寒閣問梅花
三冬望爾歸來早故里論心人莫遐

李仲山五十

李先生生日少人知獨立柴門自詠詩俯仰百年過已半
經營十畝尚無資且將筆墨傳終古何用車裘炫一時
珍重江關老詞客謝榛名並濟南馳

送李仲山游六安兼寄張徐諸子

楓葉蘆花正暮秋，蹇驢何事蓼城游。故人有約情難負，舍弟同行路不愁。舍弟爾子也去日詩題分野店，到時書法徧山樓。此中文酒多豪士，斷不令君典敝裘。

贈小孤山僧

小孤山下六回過，未及登山捫薜蘿。轉恨風帆何迅疾，亦愁石路太嵯峨。沿江乞食僧來遠，絕壁垂藤鳥聚多。烟水蒼時渾似髻，合題高閣曰青螺。僧求闍名于子故云

雪後順風至南康

十日凝寒雨不收，江邊行客坐生愁。霜天夜吐初弦月，風渚晴開上瀨舟。大小孤山勞指顧，東西林寺憶交游。時曾止山寓東林寺凭闌貪看廬峯雪，五老真形是白頭。

建昌訪魏竟甫明府

郡齋相見卽相親
旅舍重逢是故人
招我雅游情甚切
誦君佳句意何新
修江春水曾迴櫂
星渚寒潮復問津
忠毅遺編知所愛
携來披豁共天真

忠毅簡在趙公也
予有共全集今贈

魏魏欲
重梓

君才合掌鳳皇池
百里山城豈足治
喚渡亭前視公事
壽樟影裏播聲詩
恩膏已覺羣黎遍
惠澤還教野老私
莫笑西川杜工部
也從人乞草堂資

龔山集卷之九

皖桐方 文爾止著

黃州王澤弘吳廬定

壻繡水王 槩安節較

七言律

望雲居山寄懷晦公

癸巳

三春日擬上雲居雖到殘冬願不虛豈爲澄湖鑑明月

直從開士訪真如

雲居頭有明月湖真如寺

沍寒那得憑芒屨雪霽

還須覓笋輿頑鈍愧非蘓玉局敢勞佛印再燒豬

佛印舊居

此山子瞻
嘗過之

題陶上人栞竹軒

撼撼霜風響竹林山僧喚作自鳴琴嚴寒不改長春色
疏節能畱太古音金磬憂時聽轉細木魚停處韻偏深

金山集
翻嫌栗里翁多事斜抱無絃却有心

錦山嶺月夜

嶺在建昌城內

從來看月喜霜天碧漢無雲更可憐
破寺祇宜孤客寓高岡惟見一城烟
柰何深夜猶貪立如此清光不忍眠
忽見茶爐餘活火老僧重與汲山泉

李仙亭

李龍眠尉建昌有李仙亭在炭婦港今不知處

龍眠高士李公麟曾作茲鄉薄宦人
聞有石亭名尚在重來邑子意偏親
邑子漢書疏廣傳謂同邑子也
千尋輪困壽樟樹一水縈廻炭婦津
借問村叻都不識荒園弔古獨傷神

冬青吟

山房一樹冬青子至後纍纍燦若星
欲取爲丸兼浸酒不徒黑髮可延齡
喧呼鳥雀饑先食懶慢兒童摘已零

我見輒懷唐處士曾將多少種蘭亭

送廬山僧

脩渚送僧還嶽西黃巖深處有招提門當布水四時雪
路出盤峯百丈梯簡寂觀中甜苦筍歸宗寺裏淡鹹齏
由來此物稱佳品他日江城少許攜簡寂觀有苦竹其
筍甜歸宗寺造鹹

蓋其味淡王十朋詩參禪得味鹹
蓋淡學道忘憂苦筍甜卽謂此也

上雲居山

雲居去地三千丈縹緲真爲雲所居却訝峯頭多畝澮
宛然天半一村墟梅檀况有神宗筆貝葉曾分御府書
僧老不知陵谷變向人猶說舊皇輿

雪夜訪熊約生給練畱宿有贈

楊柳津邊雨雪繁纔過數里卽黃昏停舟一訪高人宅

乘燭重開永夜尊知有同心懸魏闕不妨酣戰說吳門
紙窗拂曙猶難別扶杖衝泥送出村

天寧寺

鄱湖風雪浪千堆愁殺歸舟不敢開古寺有緣重借榻
老僧相對每銜盃風吹破壁遮仍透雪打空牀掃復來
怪得五更衾獨冷圖書俱是白皚皚

東廬山諸衲

自是廬山僧後身俗緣未斷入紅塵尚疑性體不曾汨
但見雲峯似故人昨歲冒霜游已遍今冬阻雪意難申
封書寄與諸蘭若會卜巖居作比隣

祀竈夜阻風彭澤

出門小婦叮嚀語準望歸期臘月初豈謂年終猶在客

四二二
祇應風阻不關予，今朝祀竈愁偏劇。古縣維舟恨莫摠，
只待南風吹半日蒲帆一曳到村閭。

小孤汛冒雪至磨盤洲

昨夜北風聲怒號，朝來雨雪似鷺毛。雪繁豈礙還鄉路，
風息休辭盪滌勞。未過芳洲逢惡浪，復從深港避洪濤。
今年除夕到家否，臥聽江鴻心鬱陶。

除夕前一日泊大雷岸

延望家無百里程，穹蒼何苦妒人行。微風細雪猶堪去，
怒浪奔濤誰敢爭。判坐寒江過節序，儘沽薄酒亂鄉情。
持盃先祭鮑明遠，古岸因君始著名。

除夕泊路灌溝

除夕常時在客邊，不曾棲泊釣魚船。殘冬歸自西江路，

彌月無風朔雪天漸近故園猶阻隔雖云逆旅尚安全
貧家母婦深相念輾轉憂疑更可憐

人日哭從子子雷

子雷以癸巳人日卒于象山甲午

歸客逢春須縱酒酒酣何事忽沾巾魯連蹈海去不返
阮籍窮途誰與親豈少才華在桑梓那能節操比松筠
本期霜雪翻朝露人日年年愁殺人

寄懷無可道人

當年流寓石城陰正學荒祠日日尋誰料金川門又啟
可憐高座寺重臨閉關人似猿棲穴煉性詩如鶴叫林
聞說潤州鉦鼓動且將釵釧試禪心

答婦問

無食無兒衆所憂問君底事獨休休

二句是同樹根花以下是答

樹根花

蒂罕人識鳥啄魚吞各自由今古似惟詩不朽朝昏長
得酒何愁况予窺測天人理未必黔婁與鄧攸

八弟爾孚自蓼城歸予與諸子夜集其宅因得觀
許妓詩甚佳感而有作

久客還家無不懽阿連底事獨辛酸青樓錦瑟三冬醉
野店荒燈二月寒泣露芙蓉詩婉變出籠鸚鵡計艱難
尊前俱是飄零者對此誰能不慨嘆

左子兼買山而隱寄此訊之

聞爾龍眠新卜築佳名夏霧自堪稱百年便作草堂計
六月當要山友登已辦青錢沽美酒預期赤腳踏層冰
西峯况有香爐秀不羨匡廬雲臥僧

閱汪君酬先生詩集于羽年齋頭有作

少年曾侍先生側，雖誦其詩妙，未知漸老自憐于律細。
重吟始覺是吾師，典型令子能相肖。品鶻風人誰敢辭，
却恨龔山生較晚，不教酬唱萬天時。

馬壻永公入學有贈

今日制科原不重，少年舍此復何之。風塵亦有文章價，
名姓先於郡國馳。勸學弟兄皆益友，貽謀父祖是明師。
眼前釋褐何匆遽，須待垂紳正笏時。

姚若侯暑中見訪并有所餽賦此答之

石田今歲又饑凶，蝸舍炎囂午未春。忽有軒車來委巷，
祇疑晴雪落長松。兼金正及貧時，貺老友應諳物外踪。
爭似昔年淮水畔，草堂一日一過從。
平生酷好在聲詩，每向人言人少知。獨爾性情偏與合。

似吾吟咏恰相宜一從楊僕紛垂組那得匡衡復解頤
涼夜宵判花下酒重論頗覺勝當時

重訪李太湖

一屢曾借龍崖側高樹重陰得所依豈謂年荒居不久
可憐秋雨送將歸吟身雖逐枯蓬轉鄉夢時親明月輝
却笑玉環無處覓又同羣雀傍簷飛

七年三次來相訪匪獨人嗤亦自嫌僧有因緣時節在
客爲知己感恩兼棗書况是千秋業茶笋能無數日淹
若復綈袍情未倦恐君傷惠我傷廉

送宗兄聖羽遊宿松兼寄田孫若長康

貧交似爾今無幾疎澗那堪十五年鏡裏容雖不如昔
袖中詩却好於前義兼風雅徵天性家傍湖山絕世緣

子耨妻耕何不可區區猶戀廣文瓊

田本不多年又早春來飢困豈能支司空且貨監河粟
令尹偏逢雩祭時累夜懷人在滋水明朝驅馬向洿池
乾坤革後音書闕客路因君寄所思

李明府龍崖禱雨余亦同泛

聞說龍崖龍有湫羅先生後少人遊

羅近溪曾爲湖
令禱雨于此

年又見神明宰長夏偏爲禾黍憂勤向山林求雨澤携
來寶從亦風流石苔奕剝傳遺跡更結雲亭在上頭

訪章明卿山中

前歲中秋叩爾關高林微雨臥看山萍踪忽去數千里
茅舍新開八九間煖老自憐燕玉美遺榮爭羨鹿門閒
明年有興還相訪竹下鷓雛五色斑

明卿新
納妾

送夏汝明學博遷江寧兼寄顧與治紀伯紫余澹

心諸子

南都雖改舊皇居人物山川宛自如官是廣文兼仕隱
門當淮水足禽魚金相玉琢閒中句鐵畫銀鈞醉後書
猶有遺賢在林壑花時不惜訪蓬廬

仲秋入龍眠山偶遇高除二偕往卽別賦此送之
長夏頻招予入山炎熇步履不勝艱節過白露暑纔退
人出青門身便閒自識幽棲雲樹裏况逢舊友道途間
今宵對榻眠應好何事匆匆曳杖還

夜宿子直蜀厂感舊有作

昔余披髮始成童負笈從師在此中彈指光陰三十載
側身天地一孤蓬後生榮貴春華似故老衰貧秋葉同

只合商量偕隱計我居巖北爾巖東

壽五兄凝齋六十

秋田驅策向城闈特爲吾兄皇覽辰八首已傳花下句
一杯須就甕頭春兒孫羅立何妨老山水逍遙不厭貧
始悔從前過嶺誤折腰翻拜少年人

九日偕左三山先生又錚諸子登北山作

自是老懷長濩落不堪秋氣又蕭森花晨亦逐登高伴
海日偏傷望遠心浪說漳河千馬渡遙知粵嶠五雲深
舉杯但祝明年健天闕重瞻舊羽林

月夜過從兄臣梅小飲因出宣爐宮壺諸器感而

有作

聞君秋水櫂歌還月白霜寒夜叩關酒是鄰家賒取易

器從京國買來艱宣宗御鼎金猶燦高廟宮壺錦尚斑
對此令人腸欲絕那堪重問舊河山

石仲昭明府枉駕草堂

柴門霜葉正紛紛來往無非鹿豕羣躬稼自應隨野老
式廬曷敢望邦君誰將名姓通玄宰先有旌麾下白雲
隣舍東西相顧語卅年此事不曾聞

三原孫豹人投詩三章賦此答之

冬晴正曝寒檐日巷僻俄驚重客車昔有詩名凌鮑謝
今知風節似嚴徐傷心秦隴不歸去作客淮揚遂卜居
何事少年甘委棄三綱一綫在樓漁

關中舊友推韓李

聖秋叔則

今見孫郎更過之采筆俱能干

象緯素心獨不受磷緇普天長夜何時旦東海重輪自

有期却笑世人多夢夢椒蘭猶改况江離

送張濬之計偕

總角期君應早達年過三十亦何遲箕裘聊以承先業
簪紱那能比舊時精衛莫迷填海性梅花偏重向陽枝
君家兄弟勲名在方伯中丞定似誰

喜李仲山肥水歸

爾去淮西天正寒重裘猶怯况衣單關門一夜雪三尺
雲樹千層路百盤尚擬使君分斗粟豈知歲暮促歸鞍
空囊檢點殊羞澁贏得新詩廿首看

送陳子垣游上谷兼寄從子奕于司理

乙未

除夕纔歸梁苑車早春又跨薊門驢間關總爲謀衣食
雨雪何曾畏簡書主是賤貧交不薄文因山水助非虛

尊前若問淮西老苦竹寒梅未改初

讀戴敬夫河邨集

我友河邨沒數年時時夢見似生前祇愁遺稿亂兵失
稍喜承家二子賢聞道祝生歸有句知爲張老刻成編
春宵借去寒窗讀月落雞鳴尚未眠

祝詩秋風吹客到家遲竹樹陰濃勝

舊時若是門前車馬
開如何讀得敬夫詩

重訪陳襄雲山居

海內如君交不多一年能得幾相過
從便欲淹旬日懷抱惟應托咏歌
况有藏書供老眼也將快論起沉疴
雖然禁酒休辭醉別後相思悔若何

東鄭恪菴明府

雲峰天柱接龍眠久欲攀躋未有緣
游策喜從今日始

山民爭道令君賢荒臺漢時猶千古雅咏潛陽已十篇

鄭有潛陽十景詩

若許老農相倡和東風不負杏花天

陳襄雲雨中送米走筆答之

故人畱我六朝昏倒屣傾筐總不論纔入荒城尋旅舍
又春白粲餉衡門虛疑風雨愁難寐轉覺陰寒靜少喧
只待雲晴山路暖相携南岳訪真源

贈潘含仲廣文

先生風格自高寒豈肯低頭就此官想爲荒鄉有名岳
欲資微祿可閒看茅齋雖小談經足茶缶無多餉客難
指點群峰挂檐隙春晴期我上巔峴

壽朱山人

山人工醫術而有文學子三

天柱峯南草樹青田居多少少微星幽棲偶到逢君壽

春酒方開要我停，自有丹砂爲大藥。不須黃菊制頽齡，階庭手種三松子。筭取他年刷茯苓。

清明日偕潘含仲先生踏青至陳襄雲家陳兼布
余善長各邀一日因拉含仲之山谷寺

客裏佳晨難獨坐，與君閒步出城阿。芳郊不覺杖藜遠，老友何妨索酒過。從此隣家傳食遍，祇因村落種花多。明朝更欲遊山谷，借得雙驢西渡河。

微日同潘含仲陳襄雲金去的飲石牛洞

子瞻魯直行吟後，山寺蕭條六百年。我輩登臨非偶爾，春風觴咏豈徒然。班荆先就烏牛石，策杖還尋白鶴泉。君有史才脩邑乘，去的方脩潛山志茲游雖小亦堪傳。

山谷寺回又至去的家借宿并贈其兄簡在

石澗春游興未終騎驢晚復到牆東尚餘家醞一甕白

况有山茶四樹紅訪舊之川名最著

前尚寶金公蒙燕號之川去的之從

祖也論詩子美意偏工多君兄弟能畱客轉望來朝雨與

風

又偕舍仲襄雲去的訪汪紫照山居

懷人三十里非遙况是春晴早見招出郭詩朋齊馬首
近村煙柳拂河橋門前鴨綠方池水田際鷺黃嫩穀苗
架有藏書尊有酒何妨夜夜復朝朝

訪陳爾靖山居因遊石壁寺

山路經行非一迴知君門對野塘開恐煩雞黍未輕入
直待鶯花今始來古寺荒涼餘石壁春溪委曲上香臺
可憐樹蕙滋蘭地空老凌雲聳壑才

滕王閣詩

帝子風流何處尋
章江門外閣森森
朱簾畫棟有興廢
南浦西山無古今
是客欲登樓縱飲
唯子獨掩袂傷心
當年芳草如雲錦
此日神州共陸沉

暮春感懷

柳堤才見麴塵新
又見秧田似麴塵
枝上黃鸝並求友
梁間紫燕亦窺人
渚花汀草偏艷園
筍山茶味各珍
是物逢春皆有異
如何春盡不逢春

石公子挽詞

有盜入明府之室公子持戈刺之盜斃公子亦遇害

薄游天柱與司空
采藥千巖萬壑中
正喜神君沛靈雨
俄驚孝子化長虹
爲親禦寇休辭死
設爾從王定作忠
關塞迢迢竟莫返
重生應似顧非熊

席間二聾者一博雅隱君子一村俗夫或欲予作

二聾詩各肖其人用事不復請韻得聰字

山人古學號淹通明察秋毫只欠聰嘉遜全師鵬冠子

鵬冠子聾謂其妻曰吾得免為許由洗耳足矣苦吟亦類浣花翁少陵有右臂偏枯左耳聾

之杜微有守何妨仕杜微稱聾不仕宰相曰君但以德輔時不累君軍事乃拜諫議大夫

黃霸無緣孰任公黃霸為潁川守有聾丞督郵欲逐之霸曰許丞廉吏尚能拜起迎送重聽

何鞞鼓厭聞甘自廢却疑玉局是佯聾蘇子瞻答秦少游詩有令君疑

我特伴聾之句

龜雖乏耳眼兼聰牛卽無聞角自通物理志龜以目聽牛以角聽指

畫也能齊二物人與聾者語多以指畫字家翁亦可傲三公社壇餘

酒年年飲本草社酒治聾故李濟有社翁今日沒心情為寄治聾酒一甌之句磁石和綿

日日克綿裹磁石塞耳可治聾到底心聾醫不得列子心不涉學謂之心聾猿

啼雀噪總成空

杜詩猿啼秋淚缺雀噪晚愁空蓋言聲也

同宗兄聖羽夜坐感舊

龍崖相過正朱明
夜論詩有歎聲別去風塵剛一載
坐來星月又三更
莫嗟身世同飄泊
每念交遊半死生
所愧貧家無禮數
黃雞白酒待秋成

喜孫子毅再入城因偕仲山子直訂龍眠之遊

君到春城我未還
龍眠誰與共看山
探奇獨上雲峯頂
知已長懷岳寺間
柳絮飛纔歸草舍
榴花開又欵柴關
相逢不許輕離別
結伴重過境主灣

境主廟子直讀書處

滕王閣再題

乙未

閩州亭子洪州閣
聞說滕王歌舞曾
嫩蘂濃花詩宛在
落霞孤鶩句尤稱

滕王唐高祖子元嬰也在閩州有亭老杜有滕王亭子詩

遠人難到章水臺
荒客易登况是層樓新結構
眼前詞賦更誰能

寄懷孫豹人

霜江挂席南風正
筭爾歸于祀竈前
在路想因尋舊雨
到家聞已入新年
閨中愁殺舖糜婦
杖底橫攔買酒錢
總爲龍眠詩二卷
逢人吟賞定終篇

翡翠蘭苕今不少
鯨魚碧海似君無
荒鄉忽枉高人駕
下筆爭傳明月珠
况秉幽貞能出世
爲求同氣最親吾
黃公祠裏晴兼雪
痛飲狂歌日夜俱

七弟爾從初度招同陳爾靖小飲

去年初度客秦淮
鴻雁分飛莫汝偕
今日還家補春酒
况逢良友到高齋
海棠繁蘂先秋綻
叢桂清陰向夕佳

弟勸兄酬殊可樂勿因貧窶重傷懷

兒時失怙最零丁爾甫三齡我六齡稍喜成人悟詩禮
可憐不嫁惜娉婷野麋情性甘巖穴子鶴聲聞入杳冥
濁世浮榮何足道勉脩姱節慰先靈

送杜杜若遊廣陵

不是送君江上別誰能冒暑出縱川新秋共泛澄湖月
累日還棲野寺烟轉借病創須藥餌預愁分手故畱連
射蛟臺上堪懷古况有詞人孫李賢

孫子發
李仲山

懷袖已盈三歲字茲遊又積百篇詩裁箋作卷書非易
倩友揮毫熱不辭歸去關中誇盛事憑將吳下質新知
揚州亦有孫兼李是爾鄉人我所思

孫豹人
李叔則

寄懷從子子唯

前中丞孩未先生第三子也

鳳凰臺畔昔爲隣昏目相過不厭頻一自園陵非舊主
也將池館屬他人劉安山在還堪隱梅福風微誰與親
卽使浮沉勿輕仕先公昭代大名臣

送宗兄聖羽博士訓江都

仕宦今無一可爲商量只有廣文宜身閒不廢經書業
祿薄長稱弟子師况是江關多秀彥獨將詩律樹風規
問予何日來相訪恐在黃花紫嶰時

九日董學博子九見訪因同登西山

一官小寄盛唐山官罷身貧竟不還妻子也隨烟水上
生涯只在畫圖間每因乞食遊隣縣預擬論詩叩竹關
只尺城南峯壑秀莫孤佳節共追攀

江上寄元白禪師

逢僧便問元尊宿在我青泉山寺中所愧鄉人猶未到
有何家累不能空三秋準擬來聽法一帆去聲無端又挂
風寄語東林持律者明年沽酒待陶公

高座寺

昔年曾寓長千里白社青林頗自宜今日重來高座寺
碧雲黃葉總堪悲荒村猶記熟行路壞壁仍存醉寫詩
眼底僧雛俱老大如何客髻不成絲

訪星卿君渥二高士

舊主園陵馴象西寒塘衰柳不勝悽多君兄弟結茅屋
合室生涯仰菜畦都市爲僧人盡識君渥城門戒入路全
迷星卿相過只有同心者聲似秋鴻夜夜啼

重晤張恢生少府

君去汾陽十五年一官三黜命顛連素交俱老恐難見
白首仍歸信有緣家轉貧於未選日兒猶酷似乃公賢
濁醪且醉休多感腸斷鍾陵古澗邊

飲李三石兄弟宅留宿有贈

一室同居四弟昆自相師友古風存秋窗留客盤餐費
夜雨連牀枕被溫欲問孝陵先下淚莫詢貧舍最傷冤
君年少我十餘歲我尚無兒君抱孫

贈范民部正

時爲邢孟貞刻遺集

石臼湖邊遺一老含風咀雅絕人羣生前每恨無知己
死後何圖有使君直以椒蘭同素質不辭梨棗附青雲
南中佳政人爭紀此事先教第一聞

王望如招飲談詩卽席賦此

潤州官舍姑溪寓幾夜論詩情最懽字句鍾譚今不少
沈酣杜白古來難知君淵雅曾窺奧好我狂吟每授餐
仕隱雖分本同氣紵袍猶念故人寒

去金陵前一日飲紀伯紫齋頭有贈

重來白下渾無事只爲貧交會面疎武定橋南尋顧紀
盧妃巷北訪錢余唯君未見心常恨臨發相過願始舒
露薤霜橙不辭醉姑溪小別六年餘

姑溪哭王希文

青山舊友各爲羣竟夢相關獨有君却訝三年書問斷
豈知一旦死生分園亭贖去棲旁舍妻子寒來泣暮雲
我欲到門先腹痛淒淒風葉不堪聞

贈張洞陽

牛渚磯邊逢鍊師蕭蕭落木歲寒時
衣冠盡作烟霞氣容鬢真成霜雪姿
有興回蘭兼画菊無糧餐栢復餐芝
開春欲訪龍眠路孫老同舟正未遲

飲從兄搢公民部

尺書傳自廣陵秋我去廬山恨未酬
猿鶴豈無干祿意江關只恐厭人稠
猶分遠俸知垂念欲話離情待乞休
此日鳳臺重對酒碧梧青竹舊同遊

慧山夜坐同元尊宿王著作

丙申

谿上泉聲暮雨過庭中樹色夜涼多
三人露坐成八字百歲塵緣一刹那
不設藩籬防猛虎却吹燈燭救飛蛾
餘生欲學無生理知見其如老鈍何

元尊宿賞予三人露坐成八字之句復成此詩

急雨喧林暑氣蠲香臺露坐不成眠觀身那解人天法
味道先叅文字禪三點爲心猶有界一心是已總無過
聞師四十了生死撒手懸崖二十年

偕金去的汪紫照諸子訪徐亮工山居

蒿蒲時節山茶館與爾連牀意頗親便欲芳村來取醉
却嫌溪水漲經旬雨餘詞客相攜往酒罷愁懷難具陳
見說南中收俠骨司空義烈更無倫

訪徐次歐山居卽事有感

聞君四十猶艱嗣歲晚連生三鳳雛薄宦何曾貪腐鼠
高岡從此種青梧客因雨霽來相訪酒是冬藏勿用沽
勸我一杯愁轉劇不知老得似君無

揚州飲陳公獻兼贈王平格

陳寓並江都祠

我泊江關霜冷時入城先謁董公祠徘徊庭下瞻遺像
邂逅樓頭有舊知古貌脩髯渾似鶴呼兒貰酒復烹雌
况逢高士來相訪竟日淹留醉不辭

與李叔則先生感舊

宛溪孤艇犯風波與子同衾嘯且歌忽動歸心去淮海
時勞遠問及巖阿霜江弭檝權相見騷雅知音苦不多
各有詩篇三十卷頻來交質意如何
流寓揚州近十年杜門不喜見時賢酒因小病全拋却
詩到窮工反自然好我晤言疑有癖從君學道恨無緣
避讐亦欲謀居此安得牆東受一廛

楚伊上人結茆西湖索贈

蕪城公自有精廬底事雷峯又卜居
選勝應歸越山水

憑高忍見宋丘墟，窗臨木末詩逾秀。
路接湖干友不疎，他日攀蘿來問訊。
官將煨笋當燒豬。

送孫無言歸新安

君歸故里尋常事，作底名人俱贈詩。
祇爲交游遍南國，遂將風雅當東菑。
疎狂不識金銀氣，離亂猶存冰雪姿。
我夢黃山身未到，寒江送客寄相思。

露筋祠

邵伯湖堤三十三，蘆花深處有荒菴。
當年祇是貧家女，異代居然彌勒龕。
弔古不妨前路冥，停舟且共老尼談。
明朝漸入淮陰市，漂母祠中又一探。

題范睢生小像

未見其形先見影，意中彷彿有斯人。
年無二十鬢麋古

詩比尋常格調新
幽草軒能藏衆媣
如淮酒日醉遺民
來朝出郭期君面
只恐良工畫不真

贈宋份臣

宋鹽城人陳孔璋陸丞相皆里人也

韓信城邊方作客
劉伶臺下忽逢君
自言老圃蔬爲業
但覺深山鹿可羣
蹈海曾編德祐史
愈風不草建安文
斯人斯世難多得
晨夕相過莫厭勤

贈程婁東

程久寓杭州因陸麗京知予頗悉

君寓錢唐十二秋
陸家兄弟最綢繆
湖山淡處梅花暖
淮淝歸時杜宇愁
習鑿齒應多置酒
婁師德且漫登舟
風江自有波恬日
重與揚舲吳越游

程鑑跋故有習婁二句

題丘季貞西軒

美人家在洞庭西
我欲從之烟水迷
但使苞稂存寤嘆

不須薇蕨費攀躋岐山日落鳳凰去隴口林深鸚鵡啼
余亦懷恩謝臯羽荒臺獨上重含悽

賀范眉生納姬

君年二十鄙科名風雅塲中自在行正是梅花能絕俗
不妨桃葉又鍾情山非倩畫天然秀川以懷珠分外明
主社再逢陽長日客來先抱小麋生

是年至日范主社賦淮濱勅

靳茶坡生日奉訪畱宿因贈

神宗三十又三年君始懸弧淮水邊簪紱自應登紫閣
星霜豈合老青氈無言桃李蹊偏盛有節松筠晚愈堅
且閉柴門書甲子風光不似義熙前

南國詩人淮上多其中祭酒是茶坡寒如水澗千年石
瘦似霜林百尺柯城隔那能長共醉雪晴時或一相過

金山集
却嫌伉儷老猶篤黑夜衝泥定渡河

贈李繡波明府

歲晏驅車向北溟楚州却爲酒人停但聞道路歌仙令
未敢章縫謁訟庭蕭寺忽承芳訊及冰絃亦許寓公聽
鶯花南國春無數誰似長淮柳色青

稽淑子胡天衍同日送酒詩以酬之

淮南冠蓋新如綺蒼舊猶存兩孝廉白首湖山甘自廢
緇塵巾舄不曾沾全軀亂世中庸好學道儒門疎懶兼
一作添因念旅人同氣味時分酒脯佐齏鹽

除夕前二日東胡彥遠程穆倩

歲暮淮陰客尚羈三人相見各興悲我無家室合如此
君近鄉園何所爲西子湖邊金谷妾彥遠瓊花臺畔石麟

兒穆等閒拋却不歸去旅館寒燈一枕欹

送胡彥遠歸杭州并壽其尊公

丁酉

淮柳方黃淮草青送君歸路指南屏到家知有天倫樂
邊海爭看處士星能以詩書當弓冶不須簪紱耀門庭
西冷松栢同心樹久識盤根長茯苓

題靳茶坡讀書圖

石几攤書眼不觀眼中詩思浩漫漫苦吟鬢任千莖白
絕妙詞無一字寬辟世自應知者少傳神亦覺畫工難
安能買宅牆東住長與先生共歲寒

喜徐雲吉至

君來枚里過殘年與我相逢淚泫然家破尚能娛白首
徐有八時危安敢問蒼天姓名雖共河山改詩句仍從

十父

屠釣傳却笑秦人閉源水不如徐福是真仙

雲吉改姓秦字同五

答張伯玉虞山送別之作

送我南歸各贈言君詩悽惻更傷冤
兒多亦解無兒苦

伯玉三子虞山六子

母死方知有母恩苦塊那能棲故土
茅茨長

想傷芳村片時分手千行淚滴在麻衣盡血痕

淮干別杜湘草徐梁瑞

游子將歸意轉哀感君折柳出城來
一天風雪愁無際
十里河橋送不回停櫂且沽村店酒揚帆却恨榜人催
丁寧後會知何處白草黃雲郭隗臺

湘草亦欲北上

寶應訪梁公秋

放生池上雪華侵日與圍爐坐夜深
囑我歸時當艤櫂
尋君隱處一開襟奔喪不忍違前約
力疾猶期話此心

時公秋
病目
衣痛此
細雨寒燈正愁絕麻衣句苦更沈吟

公秋送子
有雨雪麻

行之句

石塔寺訪介立師并謝其贖

高座論詩如昨日驚心二十八年過聞公說法名偏大
老我無家禍更多淮水停舟聊繾綣香林忍淚復滄沱
囊無一物堪供養反損兼金愧若何

大龍灣訪劉超宗

其父白林先生是予老友

一自秋山梁木摧八年未到草堂來也知樹蕙滋蘭地
又長凌雲聳經材芳徑重過須止宿濁醪相對各興哀
雨窗話久不成寐銷盡春燈幾寸煤

蕪陰訪沈崑銅飲其山閣

限題詩二字

舊館重開江縣西新增阿閣與雲齊路穿石徑層層上

檐接藤花朵朵低春酒釀成畱客醉
古苔摩處待人題
逃名何必求巖穴只此真堪處
士棲

却怪年來受禍奇故人相見各興悲
君當九死一生後
我正千愁萬恨時磊塊欲澆難止酒
家園雖破未拋詩
坐中忽誦虞山句此道應推此老知

錢牧齋先生有寄沈詩甚佳沈誦之

飲楊泗水丈

自古難逢七十人君今八十更精神
年來酷好龔山句
別去長懷憂患身江口維舟聊一訪
牀頭沽酒不辭貧
期予三月重過此正是先生岳降辰

喜杜于皇見訪因過袁令昭小飲

城北城西路未長虛疑牛女限河梁
經時疎濶因霖雨
此日過從趁早涼萬里束裝知我恨
五詩題畫斷人腸

欲攻愁壘須憑酒索醉袁翁也不妨

哭李六出林

文定諸孫我所親六郎孝友過於人祇疑貌是山林相
不信年無四十春夾巷驅車先抱腹對牀聞雨更傷神
嗟予骨肉偏多難見爾遺孤淚滿巾

重至揚州過孫無言值于一豹人小飲兼懷公秋
江關纔泊訪君齋不惜青泥污我鞵舊和詩篇猶在壁
新抽蘭箭忽盈階雨涼便就花間醉憂劇難將地下埋
二子明朝應有約獨憐遺客老天涯

題朱方伯鐵橋志

名身脩揚州人

黔陽萬里通朝貢一水盤江渡不能險絕爭容銅作柱
先生始以鐵爲繩瀾滄舊制傳諸葛

古惟諸葛武侯桂瀾滄江作鐵橋

竹新猷自廣陵度索尋檀何足道

見漢書西域志

巨川舟楫至

今稱

同豹人聖羽飲朱卓月總戎宅

吾友李孫風雅士每於客坐誦君詩沈雄自負幽燕氣
秀脫仍標河朔姿解組十年多勝侶鮮民一見卽深知
恍然亭上香兼茗竟日淹留醉不辭

恍然亭名

答俞允定見訪

池陽九子九芙蓉君在芙蓉第幾峰爲省親闈來古郡
且依官舍寄游蹤林中絃誦無三伏紙上烟雲有萬重
訪我揚州木蘭院午時閒話到昏鐘

贈貢鹿田學博

千古腐儒同一酸先生風雅獨殊觀吟成香澤有餘態

客至壺觴必盡懽况出奇謀叅幕府也分薄俸及漁竿
蕭蕭春雨那堪別六月重來問講壇

送許松牖令粵東

蠻方此日正兵戈君去蒼梧意若何猶喜長江無險阻
不妨沿路且婆婆舟中秋色青山好水上吟聲白雪多
到日彈琴有餘暇也將書札寄烟蘿

過杜生之小飲

瓦官一別十三年家計蕭條不似前飲量尚能盈斗酒
生涯只有賃房錢却嫌冠帶爲隣里日與漁樵共醉眠
况是故人情更篤等閒相見卽陶然

題范睢生烟艇圖

無復威儀似漢官不如裸體學垂竿小舟斜倚綠楊樹

遠岫正當紅蓼灘興至且沽村酒醉醒來還把道書看
憑他世上風波惡一枕月明竟夢安

題趙天醉荷鉏圖

家園經亂已無餘那得閒田任爾鉏祇有一區隨筆硯
卽逢凶歲也留畬輟耕隴畔由人笑采藥山中雅自如
若是南陽高臥者此時風雨正茅廬

皂河

未至皂河八九里北風暴作天冥冥奔濤怒流不敢上
荒洲野岸誰能停與客抱衾投古刹從僧乞席臥中庭
須臾雨止雲亦散仰視秋空無數星

徐州秋夜

北征底事滯黃河只爲燕齊此路過况有故人情婉變

却教游子意蹉跎城邊浙浙秋風起門外蕭蕭夜雨多
一醉僅能延一覺三更酒醒奈愁何

寄懷陳簡菴處士

昔承書問自梁園期我淮西一晤言今到雲龍程不遠
欲驅風馬病愁翻若能枉駕來羈旅合與連牀恣討論
十載神交相望久莫孤秋月冷彭門

黃茅岡與陳善長萬遐客吳中黃段聚五張楚村

徐石林吳用九萬瞿客諸子爲別

雲龍山下夕陽明石狗湖邊秋草平望遠獨憐游子去
憑高因見古人情醜詩惡字紛題壁剩水殘山故遶城
自是愁懷重多感况聞新雁有離聲

魏少尹竟甫以二裘見贈走筆謝之

北方寒與南方異九月霜華滿地生縱有重裘猶覺冷
不知敗絮爭能行先貽睡貉毛温厚後賜跑羔質軟輕
此去幽燕終日煖逢人便說使君情

跑平聲

濟寧謠

漕河七十有二閘天井兩閘行獨難憑誰買船要淹坐
必待糧艘始放關下水疾如馬下坂上水難於車上山
南船但過分水廟揚舲直至張家灣

崑山集卷之十

皖桐方 文爾止著

壻繡水王 槩安節較

黃州王澤弘吳廬定

五言排律

贈青陽何寤明

寤明有雙柑園其母死于亂寤明哀之而相生芝人以爲瑞甲申

客居雖在寺雲臥乃無菴薄俸分僧粥寒燈共佛龕

時寓

僧寮擁書藏島嶼搖筆起烟嵐陋巷時迴轍良朋快盍簪

新詩齊趙嘏奇字服桓譚瘦骨貧非病狂歌樂且耽一

朝聞叛卒萬馬渡江南老母依鄉井經時闕旨甘倉皇

奔絕澗慄烈墜深潭拋骨憑誰拾呼天痛不堪荒園餘

半畝嘉樹挺雙柑灑淚凝成碧抽絲若似蠶那能酬罔

極長此奉優曇古岳華開九新芝吐三園在九華山下豈非

哀所致卽謂瑞何慙予欲收佳詠他年作美談

左子厚書室落成贈此

丙戌

九原不可作闢舍與祠隣季子服其訓諸孫宗所親稱

詩求麗雅挾草步清真

忠毅公舊有清真草

帷火無虛夜書聲豈

輟晨蓬蒿長閉戶藜藿自安貧大被容兒臥幽窗厭客

頻狂歌偏好我玄悟每超人况乃逢離亂相將學隱淪

故山餘洲島荒徑長松筠樵牧猶思漢衣冠官帝秦且

同田舍叟共作草茅臣黽勉崇先德棲遲敬此身遙知

靈爽在不羨錦衣新

寄懷邢孟貞

丁亥

孟夏訪君邑君先去秣陵故園求近狀芳訊得良朋館
俸百金積隣田十畝增凶年飢可免肥壤穀長登石罔

堪終隱蒲輪豈望徵出門聊自遣荷鋪本難勝况復麟
兒異將來驥足騰誦聲喧草舍烟水挂魚簪滄海容高
蹈詩歌擅絕能雖居觀察署只似苦吟僧墨汁金盤露
淵心玉井冰世人希鑒別唯我幼師承舊好堅膠漆新
裁奉準繩名山傳必永雅道許同稱所惜老將至其書
布未曾亟謀梨棗事歲月莫因仍

廣陵飲龔孝升太嘗寓齋

戊子

霜風吹古寺一夜雪平階有客不能寐登樓多所懷故
人張綺席嘉名悉吾儕况以山爲壽是日孝升初度應知酒似
淮安仁年正少絡秀隱能借柳色黃金佩蘭香白玉釵
江南盛泉石塞北遠風霾泛宅雷峯畔揚舫邗水涯
懽懽惟嘯咏放浪脫形骸枯樹寒鴉集沿江戰馬排明朝

歸未得還許過高齋

太湖壽李漑林明府百韻

辛卯

瑞日迎長至仁君撫壯圖山城疑畏壘輿誦比康衢父
老迎階舞兒童塞巷呼如崗爭以祝降嶽信非諛有客
寄茲土蒙恩與衆俱膚言那敢獻善禱合先驅仙種蟠
根大清芬奕葉敷葳蕤天府國密邇帝王都皇考膺榮
祿名家本碩儒功名畱劍舄銘戒在盤盂和氏連城璧
隋侯月明珠挺生非偶爾內美實紛吾材是干霄竹文
成出水芙蓉思傲賈策不待棄終繻適與興朝會旋將
善價沽蜚英翔輦轂筮仕得山嶠下邑遭羣盜原田失
上腴闔閭惟瓦礫阡陌悉榛蕪芳草空題鳩愁聲但蠹
蛄君來勤撫字民始荷昭蘓篔簹身先啟茅茨手自誅

飯疏常不飽酌水更何需豈弟由天性溫良協聖模心
誠求保赤務急請蠲租凋瘵纔回喘漂流漸返逋遺黎
欣有托慈母竟忘劬儉德昭魚釜仁風被雉雛嗚如逢
夏蔭網不犯秋荼旣起轍中鮒兼推屋上烏我方諮稼
穡隣復嘯萑苻威用風雷合恩同雨露濡黃巾胥感悟
青甸免憂虞賣劍還驅犢承筐弗攘瑜相教安隴畝慎
勿負徵輪考績三年最論才一代殊中牟無以過單父
孰能逾尤善文章士先操聖哲符審音侔季札辨色勝
離婁南國升諸彥西方懷彼姝秋河澄水鏡鐵網取珊
瑚品隲皆元凱甄收盡顧廚野人初入楚蹇足適過湖
一見性情愜重遊氣誼孚香塵沾蝶翅花蘂上蜂鬚知
有神明契難將禮法拘布衣頻入座醇酒輒傾壺問字

金上集
驚淵海稱詩愧小巫夜談天拂曙晝語日將晡天地風
沙晦冰霜草木枯薄材甘自棄知己獨長吁徐子嘗懸
榻姬公必吐哺舉盃浮綠蟻解橐贈青蚨遺母懷雙橘
畱賓剝束芻欲歸仍繾綣臨別幾腳踏忽憶年來事韶
光日已徂世途多枳棘何處有枌榆明月飛三匝深山
想一區願言依名社於此聚生徒虎拙猶能繡龍希莫
漫屠青瓊元故物白社本潛夫假館城南曲橫經舍北
隅義堪窮練馬疑可釋冰狐授業鄉名鄭藏機谷號愚
樹蘭畦繚繞穿竹路盤紆釣罷溪烟冷樵歸澗月孤所
居峯巖業弗遘鬼揶揄底事憎多口無端辱厚誣雄鳩
言佻巧貝錦色模糊積毀愁銷骨微瑕懼掩瑜幸君能
察識諒我不睢盱此意真夔絕終身可刻膚豈惟今世

少只恐古人無踪跡巢枝鳥年華過隙駒銜恩空抱影
酬德未捐軀頃者逢初度居人慶大醕未能羞累爵何
以壽懸弧淑氣萌葭管台星燦斗樞享年當萬億奏課
在須臾行矣新驄馬歸哉舊鳥鳧驥蹄終躡景鵬翼必
搏扶內殿含香侍中朝疎劍趨觸邪承密勿持法定計
謨統馭王綱肅端揆帝命俞普天霑化雨庶類仰洪爐
盛德高彌下貧交久不渝雲霄勞寤寐丘壑念崎嶇砥
志長餐蕨徵車敢望蒲冥心隨鹿豕僻地遠豺羆綬冕
知無分風騷祇自娛曹王相激發陶謝不枝梧繆賞前
曾受弘標後更須困龍資尺水矯雁借微蘆一字當華
袞千秋匪濫竽但教延令譽曷敢怨窮途預訂他年約
應嗤野老迂寸衷猶未竭百韻豈能鋪

夏霧山房訪左子兼作

甲午

訪君期六月我復去司空夢寐時相近山川路不通纔
歸白露後便往碧溪中知有故人在行將令弟同千峯
何窈窕萬經更玲瓏古刹僧畱飯秋田農獻功門堆禾
黍實陂夾芰荷叢舊屋三間小新詩百首工見予來甚
喜畱客意偏隆旋倒牀頭甕爭披林下風烹鮮倩鄰父
打栗促兒童桑柘影初沒雲巒話未終過橋愁冥冥割
席恨匆匆直待重陽節還尋夏霧冲

戲贈左子直納妾詩

用二十蕪名

今夜天仙子當歸白玉堂銀屏列雲母錦幔綴流黃重
疊合歡被網縵沈水香華燈照粉面明月弄珠光竹葉
杯中酒松花額上妝含嬌尚紅蕊結實定青箱馬齒休

嫌老蜂窠一任在天門
竟蕩蕩地羊水汪汪似鳳蓮翹
足非猿續斷腸只愁萱草嫩無計避浮羊

羊音戶
卽地黃

贈閻百詩續娶詩

丙申

彼美淮南士誰如大小闔家庭良可樂作述况能兼之
子年方少耽書性更潛腹如經笥飽才比劍鋒銛錦字
隨時綴瑤華信手拈皆能中律呂從未覺柔纖以此予
相洽頻過爾不嫌漫求鷗鷺侶重叶鳳皇占舊恨拋炊
凶新權且織縑春山臨寶鏡晴雪映珠簾野老來應慣
高齋坐必淹飲仍當合卷詩不會香奩所願維熊早含
飴慰爾嚴

金陵留別從兄繡山計部

丁酉

自君釋褐後雲水各西東間有連枝會那能大被同今

金山集
年來白下一月臥齋中書卷時相對壺觴夜不空微涼
庭樹綠絕艷海榴紅楚簾能消暑吳歛且課童因之披
樂府將以奏熏風商羽聲細陰陽字字工不嫌疑義
析况有偃師通余亦忝詞客聞茲愜素衷懽情纔欸欸
別緒又匆匆失侶悲梁燕長征逐塞鴻餘生是孤竹曷
敢怨飄蓬折柳當重午新蒲判幾叢歸期猶未定惆悵
意何窮

揚州石塔寺宿介立禪師房

是古木蘭院曾爲王播棲孟空鐘後飯紗護壁間題

唐王

播有木蘭院詩卽在此

老我重遊此高人得與稽禪林容偃仰佛

閣任攀躋香供餐餐飽新詩首首批炎天難以去涼夜
必相携露坐當星漢烹泉取澗溪閒論三世事轉覺寸

心悽明日之河朔中秋到薊西寃親不平等笑我太癡
逃

七言排律

秋日歸里飲潘蜀藻茅堂談香山詩甚快有贈并

示從弟井公

癸巳

野老攻詩二十年詩中警句亦流傳貪看酷嗜無如爾
短諷長吟不論篇自是性情真契合豈因朋好故周旋
往時刻畫杜工部近日沈酣白樂天異地何曾相告語
同心不覺自鑽研君才通敏摹多似我筆粗疎恨未全
別去乾坤誰解此歸來閭里特懽然乍窺草舍三間小
重觀芳詞七字妍欲展客懷須命酒忙分母饌已烹鮮
客非陶侃客堪比母較茅容母更賢况有方干爲妹婿

也借潘岳共留連今宵偶聚黃花下古調高歌翠竹邊
長慶風光俱在眼香山胎骨本來仙三人詠歎知非苟
百遍過從期莫愆只恐浮踪猶未定明朝又泛五湖船

長女錄予詩成帙因題十韻

吾女生來靈異姿垂髻卽誦老夫詩數行一目覽俱下
百首經年記不遺匪獨性根元有種其中義蘊頗能窺
自于歸後應忘却乃抱孫時亦咏之每向僉山求副本
昨從皖水寄新詞使歸與婿抄謄讀婿亦因妻感化奇
夢寐思親兼悼弟琴書付女豈殊兒蔡文姬慧非吾願
班大姑賢是汝師汝子類吾婿皆可教吾詩非汝亦當垂
他年漫想甥如舅有舅如甥已自怡

念山集卷之十一

皖桐方 文爾止著

黃州王澤弘吳廬定

婿繡水王 槩安節較

五言絕句

春日卽事 丁亥

橋東挂酒帘橋西焚紙錢
生離與死別都在綠楊邊

姑孰有和尚港蘄陽有道士
泐王元美先生以爲
絕對紀以詩予往來姑孰舊矣
今過蘄陽亦有

作戊子

和尚名不著道士姓不傳
惟畱一片石長峙大江邊

竹醉日湯仍三種竹於庭戲
贈四絕 巳丑

種竹元宜雨茲辰晴不妨
醉中離故國醒已在他鄉

金上集

竹亦有時醉霑濡何況人只宜沆瀣露不似火燒春
一年剛一醉諒不至沈冥影立西窗外爲君座右銘
南枝須勿誤故土必多畱只此數竿活明年滿院秋

題寺壁画蕉

庚寅

金粉俱零落如何墨未銷可憐舒卷意長日對僧寮

贈宛陵僧

海畔杯來遠江皋錫去孤敬亭山色好此處結茅無

品魚四十首

水族惟魚極多予所得食者不過二
三十種耳一日與好事者評其味之

美惡有上中下三品遂定其位次而系以詩至
蟹蛤之類非魚族而與魚同產故又集外品以
續之若夫丙穴江瑤之名雖素聞于耳而未嘗
于口故不敢載姑俟異日考証焉 辛卯

上品

鯢

卽河豚其體圓而腹似猪故名

莫妙西施乳癡人不敢食東坡有格言河豚一死直

鱸

盧黑色也此魚白質黑章故名

張翰江東思千古真名賞可惜一方出沾潤苦不廣

鮓

此魚出于初夏餘月則無故名

銀鱗不耐烹蒸用筍與荻自非江東人那得家家吃

鮓

即石首魚腦中有二石子每歲四月從海上來綿亘數里其聲若雷漁人以淡水酒之即

圍圍無力任人網取軟免音同故名

市人薦以冰旬月尚不腐想其出水時冲淡復何許

鰓

此魚似鮓腹中有硬刺刺人故名吳人蒸蝦子拌之作蝦齋無蝦者即鰓齋

養以石首佳勒魚味更妙下酒不須多方寸遂居要

鱣

即黃魚太肥而不善游有連遭之象故名

玉版浸金膏允為盤中最吾郡四時有饌餘還作膾

鮪 即鱈魚其形延長而有餘故名

月令薦王鮪鬼神亦歆之至今皖江鮪嘉名四方馳

鮪 即鱈魚冬月藏泥中大小以類相附故名

諸魚動屬火惟爾靜屬土治疾有多方恒食豈小補

魴 即鱈魚其形方而扁故名

詩人比齊姜所貴出河洛槎頭縮項鮪是處美相若

鱣 即鱈魚其性好旅行故名

魴鱣美在腹厥美尤在首首大如瓜者鮮食不容口

中品

鮫 即沙魚其皮似沙可作刀鞘腹下有翅長數寸曝乾以貨四方

翅若黃金絲肥者厚如掌庖人薦堯肩味不下白鯊

鯊 即刀鱗魚其形如刀故名

暮春海上來風味迥然別江陰烘子鱸冲淡尤可悅

鮠此魚細色而多子故名

厥子皆凝脂糟醬為至美獺能辨諸魚食此必有以

鱸即白魚其色白頭尾俱向上故名

肥潔雅可烹糟食味尤妙當年曾入舟月下今猶跳

鯖即青魚狀似鮫而背青色南方多以作魚生古人所謂五侯鯖即此

五侯不可作鱠縷至今傳枕骨如琥珀仍以製杯棬

鱓音桂俗音薊其體不能屈伸如僵蹶也

彷彿松江鱸風味少不及劉憑嗜食之仙人知有益

鱈即銀魚細如銀條也

白小羣分命鮮新可作羹致遠須曝乾浸潤還如生

鰻此魚有雄無雌嘗以影漫于鱧魚其子皆附鰻鱧鬚而生故謂之鰻鱧鱧即鱧

脂膏易饜人况能療痔瘻久食殺勞蟲不見金山女

鮓

卽鮓魚狀似鮓而小雖適口能發痲疾故可危也

柔滑無鱗鬚平人嗜食之口腹恣飽啖發疾非所知

鯉

此魚三十六鱗皆有文理故名

鯉爲諸魚長謂其能飛變品味在中下大者糟食善

下品

鱠

卽鱣頭此魚之庸常供饌食者故名

精華在一首烹鮮可伴鱠除此不足食鮑之售村野

鱒

魚似鱒赤眼其性好獨行尊而力者故名

獨力能破網所畏惟九罟苟非赤目異與鱒幾莫識

鮠

音患卽鱒魚其性舒緩故名

池塘畜易繁在水惟食草羹臠殊無味南人用作菹

鰓

即鰓魚有雄無雌俟諸魚欲產鰓以頭衝其腹仍尿白以蓋其子故名

詩人咏魴鰓何以得並稱今作魴與丸籩豆亦可登

鱧

即烏魚其首有七星夜朝北斗言有禮也

狀與蝮蛇同道家所厭忌除夕煮浴兒稀豆頗為貴

鱈

即鮎魚其額平夷其涎粘滑故名

有齒復有胃無腮復無鱗性寒而味薄多食能害人

鱣

俗作鱣其形細長而擘緩故名

鱣能逐風邪多食動風氣白點蛇所化殺人亦可畏

鰈

即比目魚一云鞋底魚鰈猶鰈也故名

東方有比目二體合始行此意良可憐胡為定遭烹

鱣

即海鵞魚一名仰陽其圓如車輪故名

肉翅全如鷓能飛上石頭厥尾有大毒食之懷隱憂

鰓

即烏賊魚自浮水上烏鳥見以為死而啄之即卷取入水故名其類即海鱉類

吐墨以自衛翻為人所漁厥骨治諸病功載軒轅書

外品

蛎蜊

霜後黃膏滿花前白酒香况能除內熱縱啖十餘匡

蛤蜊

盛饌悉肥濃此味獨清絕宿醒苟未解一啜如冰雪

海蛭

即淡菜

精力衰少人早晚最宜食其形雖不雅食之大補益

海蛇

即海蜃蜃蛇音說也

水母蠢然物運動由羣蝦割食當園蔬下酒味亦佳

石蚶

即海參

蠕蠕石上蟲其狀亦何惡煮食類鱉裙允宜作羹臠

蛭音噴

海畔種蛭田甘鮮味可啜曝乾貨四方尚能逐邪熱

蚶

堅者瓦壘子大者盈數寸小者如芡實糟藏味亦勝

蜆卽土蠃

扁蛤性苦寒生食非所宜南人醞作醬佐酒惟一厄

鼈

少食能滋陰多食反寒中去醜載禮經忌與豬鬪同

蝦

蝦菜本鮮潔惟宜作羹湯性熱能動火多食恐非良

題畫四首壬辰

金上集
桃花春水渡楊柳美人樓何處容狂客烟波一葉舟
陰經收涼雨晴峰卷暮雲幽人正無賴把酒送斜曛
疎樹不遮山斜陽透寒碧野曠無行人溪橋獨歸客
茅屋閉空林孤舟載風雪蕩槳不知寒千峰吐奇絕

夜坐

殘暑不成眠一夜長數起山深月色高坐看松陰徙

鸞溪

我思廬山賢陶公與周子虎溪復鸞溪千年流不止

空山閣

峩峩鶴鳴峰其上一茆宇好我惟老僧繩牀對揮塵

除夕歸思

冉冉歲將除歸帆滿天末此時樓中人望斷江烟潤

阻風謠

癸巳

上水愁南風下水愁北風一生才命蹇無處不途窮
英雄才絕世亦似濟川舟時危風不利只得坐沙頭

正月三日抵縱川

甲午

前日雪中去今日雪中歸渾身俱是雪不認舊時衣
陶母老猶健鴻妻貧亦甘只是衡茅下蕭條太不堪

彭城古蹟十二詠

丁酉

彭祖井

在北門內昔人有彭祖觀井圖

州以錢鏐著相傳觀井圖若年猶畏死無乃太癡愚

孔觀樓

在呂梁子在川上日逝者如斯夫卽此處

江河爭入海晝夜無停時此理誰能會惟應尼父知

挂劍臺

在城南一里卽吳季札挂劍處

季子賢公子徐君亦賢君所以三尺劍不挂諸侯墳

桓山

在城東北十七里宋司馬作石櫛于此

三年成一櫛司馬愚且勞白骨今何在秋山處處蒿

子房山

在城東二里

海邊大索日潛匿此山中使其一擊中豈復臣沛公

亞父塚

在城南一里

此老苟不死重瞳豈遽亡後人高其義塚比黃茅岡

劉向墓

在城西北二里

更生雖儒術所重惟節義厥子匪不文葬處人莫記

龔勝墓

在城東南三里

新蔡移漢祚舉世罕臣節龔生義獨全古墓今爲烈

戲馬臺

在城南一里

宋公起彭城誅伐符高祖九日讌茲臺風流亦千古

燕子樓

在城西門內張建封故宅

樓居十二年風節自青史無端白舍人一詩迫之死

黃樓

卽東門城樓蘇子瞻以土堊之厭河水

河決城幾陷非公孰能禦後世守土者請頌黃樓賦

放鶴亭

在城南二里雲龍山張山人故居

山人有高致實藉太守賢徵彼賢太守後世誰能傳

金山集卷之十二

皖桐方 文爾止著

壻繡水王 槩安節較

黃州王澤弘吳廬定

七言絕句

雲間別邢孟貞

戊寅

江樹東連海岸香
思君千里一相望
如何又逐秋風去
白草黃花總斷腸

楊龍友廣文齋中畱別朱宗遠

爲爾千巖萬壑秋
歸人十日此淹留
西風臨發江門棹
猶向茗亭飲未休

宗遠爲予寫千巖萬壑圖十日乃成

七夕爲朱觀以悼亡

烏啼衰柳白門烟
暮雨瀟瀟送客船
此夜不知荀奉倩

滿懷冰雪爲誰憐

江上西風木葉寒
素琴零落不勝彈
黃姑織女猶相見
獨使羈人掩淚看

水鏡園漫興

庚辰

春池一夜雨
潺潺萬木重
陰滿院斑
獨立小橋看水漲
白鷗何事綠波間

贈漁者

白鷺洲頭別有津
偶然逢著捕魚人
問他名字居何處
是我城西舊比隣

春愁

高樓微雨作春寒
病起三盃強自寬
酒醒微風香暗度
不知何處有幽蘭

過吳氏舊園

公子西園昔所誇，秋風今已屬誰家。
六朝松石無人問，落盡池塘白藕花。

許石疏園畱別歌者

辛巳

密樹重陰覆草堂，清歌一曲夜雲涼。
可憐明日河橋別，白袷秋衣粉黛香。

送蔡大美携妾歸里用梅朗二舊韻

霜水揚舲破曉空，錦衾人起夜啼紅。
莫愁南野無樛木，縞帶新吹葛藟風。

送劉長倩歸蜀

壬午

王孫歸路指臨邛，家在巫山第幾峰。
惆悵相逢又相別，開元寺裏一聲鐘。

送梅朗二東游

送君出郭向江村馬在橋邊僕在門朋好不期先後至
留連樽酒到黃昏

雨夜宿吳聖水池閣有贈

池塘風雨助春寒草閣鳴琴且共懽曲罷捲簾看夜色
不知新月上闌干

皓齒朱顏春可憐宵深被酒更芳妍低帷不許吹銀燭
戲引餘光到枕邊

無題

宛水楠遲二月餘客窗半與爾同居不知雲雨爲何事
只似良朋共讀書

維揚舟中喜遇姜汝穎李萊馭汪霏玉飲

邗關風雨晝蕭蕭，獨坐篷窗悶寂寥。
恰喜鄰舟逢舊侶，且沽淮酒過浮橋。

卽事

癸未

漢武雄才迥出塵，經營四海未全貧。
可憐河間中山貴，不及當年衛霍親。

從兄浣叟令昌化，又攝臨安將遷餘杭賦此贈之。
紫谿春水百花開，盡是吾兄令後栽。
昨日武林橋上過，吏人皆惹衆香來。

龍潭千頃似明湖，嘉樹奇芬永不枯。
聞說許由居尚在，至今猶有逸人無。

鳴琴訟閣水潺潺，便攝隣封亦自閒。
借問富春天目勝，何如淮水八公山。

遙聞新命授繇拳二邑絃歌斷復連我欲移家爲避寇
他時不慮買山錢

寒食舟中雜咏

客裏春光總未知愁心如草草如絲尋常小節猶添恨
况是清明寒食時

不到吳門十二年虎丘山月冷晴烟今朝重向城邊過
回首當時意惘然

紛紛縞帶與綦巾盡是村中展墓人有客停舟雙淚落
寸腸淒絕爲亡親

越水吳山千里餘豚兒頻寄數行書書中字義無多少
只道金陵不可居

故人分俸贈南金勸我移家向武林勝友如雲良足樂

况兼兵火不驚心

偕盛林玉張介人陳元錫過訪陳翼仲山莊

爲訪靈泉到古庵泉源尺五少人擬一星松火權消受
酒冽茶香飯亦甘

手把僧鋤斬竹孫白盤初供妙香存人間藿食都如此
但願長齋不茹葷

老僧戒律最精嚴盛暑袈裟食不嫌未捧鉢盂先施食
紛紛鳥雀下茅簷

過水草菴

黃元功先生遇害處

丙戌

汨汨河流聲向東聞君此地化長虹山僧指點行刑處
落日寒原望不窮

八月十八日錢塘觀潮

臨安風俗重觀潮士女喧闐江上橋江岸祇今唯牧馬
圍人廐卒亦蕭條

錢塘七日無潮信白下傳言恐未真東海田橫猶有客
海神何事不如人

一水平分路幾何經年塞馬不能過婺州雖破朱張死
此意寥寥亦足多

朱未孩張玉荷兩
公同死金華之難

東壩行

丁亥

一帆春水到胥河楊柳千條夾岸多流水不關人世事
往來舟楫自烟波

京口卽事

骯髒乾坤剩此身曾將彩筆撼星辰于今東海揚塵日
來作江湖賣卜人

日出開簾午下簾
路人爭道有奇占
不論杖底錢千百
多少惟應付酒帘

冬日

欲雪不雪天色昏
朔風怒號江沙奔
敝裘獨擁寒侵骨
買酒無錢空閉門

山行

路遶西峰石磴斜
竹籬深處有人家
門前一樹寒梅古
未見東風已著花

七夕

戊子

秋河如練月如鈞
天上雙星澹欲流
隣女尚陳瓜果會
人間巧盡復何求

過黃州

長江如帶水盈盈多少英雄此戰爭陣馬風檣俱已矣
雪堂零落尚知名

白頭舟子是知津問彼山川語却真嘉魚黃岡兩赤壁
老坡猶誤況他人

舟人自潯陽回奉報檣師

岐亭船送九江還爲寄音書八里灣麻城地名江上平安無
險阻不妨飛錫渡雲山

過彭澤

小孤山畔彈丸城獨擅長江萬里名滄海不知經幾變
春風五柳尚含情

馬當

年少才高王子安片帆千里上江灘天吳亦愛文章好

何事時人白眼看

中秋

江南秋色已平分
底事排空雁未聞
到處風塵如塞北
三年不用往來勤

夜半

夜半神清好構思
每於秋夜必爲詩
紙窗竹屋蕭條甚
况復斜風細雨時
一夜無眠數首成
山妻勸我少經營
試聽窗外芭蕉雨
不是平聲便仄聲

客路

霜風刮面冷如水
身著重棉且不勝
憐爾執鞭從我者
布衣才得兩三層

江上吟

下水一帆如一鷗上水一篙如九牛南風漸止北風發
牛亦能飛鷗不浮

春晴偕東茹吉廣文郊行

巳丑

年年不少看花興今歲看花興獨無祇向荒溪送流水
此身孤外此舟孤
紛紛遊女踏春沙笑指紅林是妾家只許桃花笑人耳
路人誰敢笑桃花

送濁師遊苑

年年夢想敬亭雲舊友存亡久不聞君去陵陽山頂望
白楊衰草幾人墳

題徐翁小像

庚寅

家在蒲東俠少場，翩翩裘馬意飛揚。如今白髮游江左，竹笠芒鞋道者裝。

送徐翁游越

南來欲上剡溪船，北去仍耕隴坂田。却笑秦皇求大藥，不如徐福是真仙。

題畫寄馬倩若

解組歸來好讀書，萬山黃葉正冬初。閒騎欵段過隣舍，銅柱珠崖恐不如。

咏並蒂蘭戲贈蔡芹溪

不知蔡四年來興，且看窗前並蒂蘭。小婦紅顏差比得，老奴白髮並應難。

三月晦前一日江樓贈妓

桃花雨後桃花水燕子樓中燕子飛今夜祇應畱客醉
明朝無奈送春歸

梅崑白齋頭看秋海棠

芍藥開時我未來來時正值海棠開秋花更比春花好
莫惜當筵酒一盃

江上望九華山雪

雪後江南見九峰九峰皆作玉芙蓉何年始踐山僧約
掃雪烹茶過一冬

舟中聞鵲

三春二月子規鳴一夜千聲與萬聲江上同聽多少客
誰人能解子規情

周善承園中咏竹

數畝琅玕粉籜新一杯留客坐青旻慙予不及王郎興
看竹還須待主人

過蔡義徵故居傷之

自是乾坤一腐儒著書直欲擬陰符山城破後遺文失
借問中郎女亦無

書法詩篇皆可觀當時同邑等閒看如今文獻凋零盡
始覺斯人博雅難

曾挾奇謀叫紫宸自矜終賈更無倫豈知屠狗椎牛者
翻害犁庭掃穴人

蔡少年伏闕上書後死于寇故云

東北城隅一小山路人猶指是柴關千竿紫竹今何在

惆悵黃茅白蒿間

蔡舊有柴關柴竹甚多

咏章明卿山中瀑布

今年長夏苦炎蒸想到幽巖恨未能勸爾林中作亭子
明年六月我重登

六聲猿

昔徐文長作四聲猿借福衡諸君之口以泄其胸中不平真千古絕唱矣子欲儗其

義作六聲猿蓋取宋末遺臣六事演為雜劇詞曲易工但音律未諧既作復止先記以詩俟他

日遇知音者

始填詞焉

謝侍郎建陽賣卜

骯髒乾坤八尺軀且將卜肆溷屠沽當時猶解欽風節

今日程劉輩亦無

程文海劉夢炎也

家叅政河間談經

平生志業在春秋說與諸生涕泗流吳楚風詩猶不采

那堪戎索遍神州

唐玉潛冬青記骨

鳳巢龍穴不成棲
玉匣珠襦踏作泥
唯有年年寒食節
冬青樹下杜鵑啼

鄭所南鐵函藏書

吳門春草綠參差
枯井藏書那得知
三百餘年書始出
中原又似畫蘭時

王炎午生祭文相

文相精忠泣鬼神
當年猶有見疑人
可知盡節惟應死
才說權宜便不真

謝臯羽慟哭西臺

巖子灘頭風雪飄
生芻一束薊門遙
傷心豈獨悲柴市
萬古崖山恨不銷

病鶴

壬辰

自是徐卿月下身何當鍛羽隨青旻也知臂血能醫爾
只恐今無三世人

嬉子湖

嬉子湖邊欲雪天歸人策蹇犯寒烟遙知小婦羅幃上
亦有雙雙嬉子懸

夢吳錦雯

秋夜何爲頻夢君二年詩句不相聞世間酷好吾詩者
除却杓司卽錦雯

上廬山絕頂

從來履險足凌兢捫葛攀蘿恐未能到此不知身轉健
前身合是此山僧

題陶靖節先生小像

誰畫淵明采菊圖
柴桑橋畔獨躊躇
廬山百藥般般有
只是傷心劉寄奴

脩江行

癸巳

楊柳津邊楊柳花
春風春水櫓咿啞
晚來細雨衣裳濕
若箇行人不憶家

江行十咏

左蠡山

左蠡山前險不同
幾番過此遇狂風
停舟一謁龍王廟
聖祖題詩在廟中

分風浦

宮亭廟舊有神明
能使分風送客行
今日廟荒神亦去
分風浦在不知名

蝦蟆石

大孤塘上蝦蟆石獨立長風巨浪間堪笑舟人避此諱
問渠只喚狗頭山

撫州人相罵蝦蟆

女兒港

嶽客心隨江鳥飛無端風雨妒人歸今宵又宿女兒港
何日才過太子磯

石鐘山

怪石驚濤江水濱老坡遊後更無人畫師偏愛嚙巖色
絕似倪黃斧劈皴

彭郎磯

大小孤爲大小姑山祠果有女神無長年三老誇多識
爭說彭郎是妹夫

馬當山

馬當山至滕王閣六六江程一信風不是天吳愛文字
任他才藻爲誰雄

磨盤洲

章江春水勢悠悠底事前軍此逗畱痛恨當時肉食者
不爭南國守南州

大雷岸

鮑生游宦適匡廬此地曾傳寄妹書寂寂荒洲誰復問
有人懷古獨躊躇

長風沙

白門女子面如花直欲迎夫到此沙念我歸人無百里
風波不渡重興嗟

孫子穀宅嘗新有感

憔悴江湖托鉢人今年才食故園新山田磽鹵收禾晚
又復嘗新在比隣

代內答

家計蕭條吾不怨良人飄蕩實堪嗟一年十二回明月
十一回明不在家

修水

修水曾游花未殘游人重到雪漫漫光陰最是無情物
纔覺春風又歲寒

雪舟

大雪壓舟舟不勝時時拂掃已成冰三重阿閣猶嫌冷
何況籬條僅一層

舟小惟憑一箬篷任他密霰與狂風曉來篷上雪三尺
方悟埋身雪窖中

雪風吹面最辛酸擁褐微吟強自寬不是生來松柏性
誰人耐得此嚴寒

梳頭漫作

甲午

醒卽吟哦醉卽眠詩中神聖酒中仙梳頭莫訝銀絲出
已過潘安十一年

安仁三十二見二毛
今予四十三始見

護節菴

西城頻出無他事護節菴中好看山况是老僧能愛客
烹茶獻果不曾慳

茅花

江上蘆花秋可憐山中夏日景依然茅花亦似蘆花白

四月渾如八月天

田間夜坐

野夫憂旱不成眠中夜頻頻起看天忽見浮雲遮北斗
定知微雨潤東田

僧話

愛此琉璃佛面光與僧閒坐竹間房紛紛辨駁無他語
爭道茶芽某處香

咏友人杖

廬岳茶芽歲歲生茶條百歲始能成砍來作杖堅於竹
絕壑層巒任意行

題山僧補衲圖

年老心閒腹不飢霜天捫蝨對晴輝莫將舊衲添新線

新線仍非壞色衣

羅溪道中

山雨朝來已漫溪
溪流深處忽平臍
沙邊久立無船渡
赤脚騎驢過水西

章明卿山房遇雨

野外三旬無雨澤
山中間日有滂沱
故人家在青崖麓
轉放溪流入大河

寥峯

寥峰秀出白雲堆
恰似芙蓉朶未開
驢背垂鞭幾回首
問誰曾上此峰來

題畫寄劉十二爾仁

龍眠山下往來頻
萬壑千峰意未申
歸去臥游何不可

送君一幅李公麟

有客画報恩寺塔者索予題之

白下城南路屈盤浮屠高出五雲端河山非復當時舊
烟樹愁從画裏看

題汪大年小像

十載漂零瘴海涯容顏未改髻初華問君可是徐鴻客
又見楊花變李花

孫豹人寓中贈妓霞標

雲行巫峽偏生妙霞起天台分外鮮當時若不逢孫宋
雖有雲霞那得傳

贈歌者宛鶯

野性羞同雞鶩居霜天偏喜傷樵漁雪衣皎潔應相似

只恐妻音驚不如

潛山道中

乙未

數間茅屋倚高岡一樹梅花出短牆有客下驢偷眼看
徘徊不覺至斜陽

舒王臺

志云王介甫玩月于此因得名

茲臺千古峙城東玩月何私拘相公借問傅巖亭在否
逢迎莫是李師中

舒王臺恐亦師中所命耶

師中素與安石忤及安石爲相師中爲舒州守乃建傅巖亭于舒以媚之

山谷寺

黃公本是西江秀鄙渚廬峰豈不多却占此山爲別號

亦如蘇老號東坡

東坡在黃州治之東

汪紫照山房戲贈

桃花潭水訪汪倫萬壑千峰百畝春人有此巢堪白首
君何不隱尚紅塵

石壁寺懷從子子建

子建有莊在焉

數畝山田十里溪阿咸此處有幽棲如何轉作熙城客
空谷無聲猿鳥啼

長松偃蹇勢如虬怪石彭亨狀似牛松石之間作亭子
他年吾與爾來游

題硯板

弓有韞兮矢有韃况于嘉石受丹鉛從今削木爲方蓋
不使纖塵入硯田

沙河

百里山城一日還何爲五日尚間關沙河水漲没人乳

欲渡其如老馬羸

挂車河

三國英雄到此多奇兵皆出挂車河如今山澗無人物
祇有漁樵解唱歌

過朱司農邑墓

漢朝陵墓有誰存丞相通侯不足論惟有嗇夫塋尚在
年年父老薦雞豚

悶

橋東賣酒兩三家只取青錢不肯賒
唐人以見錢爲青錢愧我囊
無阿堵物動人愁有石榴花

賦得魚戲新荷動

魚戲田田荷葉東陂池十里衆香同紅蕖自颺非關雨

翠蓋頻翻不是風

魚戲田田荷葉西芙蓉箇箇不沾泥葉心珠露圓仍破

水面紅妝亂復齊

魚戲田田荷葉南金鱗兩兩又三三任教作隊游香國

不怕垂綸到碧潭

魚戲田田荷葉北素鱗花魴非一色尾掠茄根撥刺鳴

口迎花片煦噉食

魚戲田田荷葉間虛疑蓮女盪舟還驚起鴛鴦不成睡

雙雙飛去白蘋灣

三王問

司馬曾官計部郎九原何以見先皇先皇相見憑他說

只是無言對潞王

御史中丞撫浙江九原何以見弘光弘光相見憑他說
只是無言對惠王

方伯賢兄姓字香九原何以見鍾陽鍾陽相見憑他說
只是無言對汝王

秋雨

秋夜頻聞雨過溪晚禾才見水盈畦農夫相謂不勝喜
昨日一鉏今一犁

戲贈賣藥者

客舍老翁何太癡自誇仙藥染霜髭世間黑白天然好
何必鷓鴣勝鷺鷥

題友人墨竹

無實無花是此君高人鍾愛意何殷祇緣苦節天生直

風韻蕭疎更不羣

一枝烟雨出毫端挂在書窗夏也寒借問湖州文與可
胸中成竹幾多竿

此韻

此韻相隨二十年何曾一日離吾前如今爛熟不須看
汝亦葳蕤覺可憐

催租

卜居深巷似山村偏有人來秋樹根酒債詩逋全未了
如何租吏又敲門

左夏子書堂有牧羊圖索予題之

左生壁間挂此圖一見使我長嗟吁今人豈但無此事
肯挂此圖人亦無

飢寒一日耐不得蘇武如何十九年應笑此翁太癡絕
李陵衛律是豪賢

五言古體由君始四首皆於出塞時海上年年多雁足
何爲不寄一行詩

詩人酒人予所愛也然惡步韻與熱飲者口占刺
之

醇醪冷飲有三益步韻從來無好詩况是炎天呼熱酒
與他步韻一般癡

題李生小像

摩詰前身是畫師輞川圖更妙于詩龍眠丘壑重歸汝
夙慧將無李伯時

送范小范歸漳湖

山城何幸美人來一日三家共酒杯
爭柰病軀難久坐
畧嘗茗粥却空迴
肩輿卅里到沙頭
月白潮平好放舟
臨出東門更惆悵
龍眠在眼不曾游

穀賤

頻年苦旱今年稔百事支分盡在田
豈料秋成農更苦
一擔新穀糶三錢

偕張水蒼李岷瞻飲寇白門齋頭有贈

我別秦淮十二霜六朝金粉不聞香
舊人猶有白門在
燈下相逢欲斷腸

一到南中便問君知君避俗遠塵氛
此番不見幽人去
慚愧秋江與暮雲

張生圖晤甚艱難此夕相期分外懽只當論詩良友宅
不應槩作女郎看

孝陵棉

金陵市上有賣木棉者大書孝陵衛棉四字于門子見而悲之因成一絕

眼中久不見此字但見此山空嘆嗟舊日王侯多第宅
只今誰似賣棉家

題錢孚公小像

褐衣蔬食未全貧山水逍遙自在身上界神仙求不得
輸君平地作仙人

題露筋祠碑上

丙申

斷臂妻猶傳姓名露筋女不記平生往來多少馮長樂
試使看碑作底情

壽朱翁

隆萬遺民世漸稀
敬君如覩漢官威
不知南極星何意
偏照淮陽老布衣

湖嘴漫興

湖嘴在淮安新城外友人多家于此

久客長淮莫怨嗟
尚餘詩酒作生涯
狂吟痛飲之何處
不是闔家卽范家

眷西堂不惱人
過幽草軒能召客
多最是難忘可憐夜

紅兒歌罷雪兒歌

闕有眷西堂范有幽草軒紅雪二妓名

孫無言廣陵移居王于一孫豹人邀予過訪指壁

間九韻各賦詩二首贈之

兩歲之間三卜居
一童以外再無餘
鄰家不省誰來住
夜夜惟聞人讀書

梅妻鶴子昔曾聞
紙帳藤牀又見君
吟苦不妨頭似雪

酒酣那羨女如雲

是客來遊淮海間有詩皆送爾還山如何不會邢溝去
轉向春江送客還

又用前韻述懷三首

我亦飄零無定居田園都是劫灰餘誰家肯借梁鴻廡
與爾同搜李泌書

蕪城車馬日相聞僻巷何人訊隱君但有漁樵通姓字
紛紛冠蓋等浮雲

作客何爲戀此間祇緣良友與佳山三人若得長相聚
便住揚州老不還

池口阻風

湖上青山尖似螺江中白浪大如鷺榜人停櫂向予說

四月魚苗風正多

四月北風謂之魚苗風

金陵喜遇雪田上人

一鉢飄然去海南
蠻方頂禮作瞿曇
重歸故國緣何事
欲向鍾山結草菴

舊友相逢江上村
終宵勸我入空門
逃禪須待十年後
說與如來亦斷冤

贈扶漢鼎山人

運移漢祚鼎難扶
江上逢君不忍呼
水鏡但存司馬在
南陽還有臥龍無

魑顏曷鼻老風塵
四十二年富貴身
此語祇應調蔡澤
魯連不是帝秦人

留別宗兄聖羽學博

世間官是廣文貧又有分甘苜蓿人總爲平生雞黍重
不然肝胆向誰親

邗溝來去兩三番倒庋傾筐每盡懽送我北征還損俸
一錢應當百錢看

臨別殷勤復致詞到京少飲少吟詩詩中忌諱防人見
酒後牢騷不自知

老友關情自可憐此身漂泊聽于天回頭却望揚州月
冷署微官亦是仙

題梵伊上人像

上人能詩善飲

遠公過午脣不沾尚能沽酒待陶潛何如彌勒同龕坐
米汁醍醐一樣甜

予北征日張虞山趙天醉闔百詩枉送至清江浦

金山集
因訪談長益不遇宿其僧舍次日而長益來各

賦詩七首

我去淮陰暑未消故人相送至河橋
二千里路不爲遠
三十里亭纔是遙

渡頭且莫問行船暫借僧房一夕眠
淮水東流正愁絕
黃河北岸更悽然

關內茅菴談叟棲予將籠卷就君題
豈知烟權偏相左
手挽垂楊落日低

張君新以四愁名終日吟哦有嘆聲
况是別離情更苦
雖無愁者亦愁生

阿咸初自下邳還岐路相逢喜動顏
一北一南渾浪迹
且沽村酒慰間關

從子公敏自北來遇于河上

南方最苦蚊啞膚一到清江半個無只此游人宜向北
塵沙霜雪勿嗟吁

明日東風權欲開談翁追送出城來河干佇立同三子
帆影微茫尚不廻

宿遷

白洋河北一孤城聞說重瞳此地生我欲停舟詢往事
斜陽衰草不勝情

將近徐州

大河西風十日連小舟上水如上天榜人忽報彭城近
望見雲龍山爽然

贈妓墨仙

彭城懷古悵悠悠不見當年燕子樓只有長堤一枝柳

引人懽笑破人愁

昨夜河南邀賞月今朝河北又看花
頻頻來往誰爲主
吳萬陳張段五家

從吳用九乞炭

前日移尊旅舍中香爐只有一星紅
許分楮拙添茶竈
不翅琅玕滿竹籠

李康侯水部索題其嘯園詩

君子堂

梭山自古鄭公鄉又有高人闢此堂
階下草猶似書帶
泥中婢亦解詩章

喬木軒

何以知君世澤遙請看門外樹
干霄黍離麥秀偏多感

只有霜皮永不凋

海巖樓

萬里蓬萊水上山
秦人何苦費躋攀
朝來捲幔樓頭坐
圓嶠方壺只尺間

來霞閣

阿閣三重木末平
餘霞一片日邊明
居人疑在天台路
青石橋邊望赤城

愛蓮亭

長夏偏宜菡萏香
風醉眠人起立亭
中此身安得如游鯉
蓮葉西邊蓮葉東

花關

楊柳枝間羣鳥啼
櫻桃花下曲欄低
雨餘水長渾無涇

金山集

只恐漁郎到亦逃